

14



Ex Bibliotheca
majori Coll. Rom.
Societ. Jesu

3.4.24.

3
e
24

D
V
139







7

CONCUPISCENTIA O C U L O R U M

CONSIDERATIONE SERIA
ELANGUESCENS ,

Ex sacris Litteris , Patribus,
aliisque Scriptoribus
Ecclesiasticis ;

*Omnibus Evangelicae Doctrinae
Praeconibus & Alumnis
proposita ,*

à R. P.

FRANCISCO BELLEGAMBE
è Societate JESU.

*Nolite diligere mundum , neque ea quae in
mundo sunt. 1. Joan. 2.*



INSULIS ,

Typis FRANCISCI FIEVET, ad Biblia
Regia in Ponte Finali. 1683.

Cum permissu & Privilegio.







JOSEPHO

Nobili genere, mente nobiliori, (a)

Filio David (b)

non tantum carne,
sed fide, sed sanctitate
sed devotione;

Quem,



tanquam alterum David,
Dominus invenit secundum cor ejus,
cui tuto committeret
secretissimum atque sacratissimum
sui cordis arcanum: (c)

Virgini (d) Sponso
Custodi integerrimæ Virginitatis: (e)

VIRO. MARIÆ,

de qua natus est

JESUS; (f)

Virtutum operatione, simillimo

* 2

(a) Bern. hom. 2. sup. Missus. (b) Matth. 1.

(c) Bern. suprà. (d) Hieron. contra Heluid.

(e) Greg. hom. 26. in Evang. (f) Matth. 1.

Virgini Sponsæ suæ : (g)

per quam fuit ipse virgo,
ut ex virginali conjugio
virgo Filius nasceretur : (h)

Cui beatissima Virgo
totum thesaurum cordis sui
liberalissimè exhibebat : (i)

Supremo

Scalæ JACOB gradui ,

Cui Deus & Dominus innixus est,
tanquam tutori pupillus,
ut esset Infantulo iste pater optimus,
ut hujus solatio paterno.

Puer cum Virgine puerperâ sustentaretur : (k)

VIRO FIDELI, (l)

Cujus fidei Spiritus sanctus

Conjugem commisit ,
& de carne Virginis hominem formans;
ejus , qui nascebatur, Infantis
amorem penitus infudit : (m)

VIRO SAPIENTI, (n)

Cui Dominus dedit

(g) Bernardin. Sen. serm. de S. Ios. ar. 2. c. 1.

(h) Hieron. suprà. (i) Bernardin. suprà.

(k) Rupert. l. 1. de gloria Filii hominis.

(l) Prov. 28. (m) Rupert. suprà.

(n) Eccli. 37.

non ignarum esse mysterii,
quod nemo Principum hujus sæculi
agnovit:

Cui datum est,

quod multi Reges & Prophetæ
cùm vellent videre, non viderunt;
audire, & non audierunt;
non solum videre & audire,
sed etiam portare,
deducere, amplecti, deosculari,
& nutrire & custodire: (o)

Fideli Servo & prudenti,

Qui panem vivum
è coelo servandum accepit
tam sibi quam toti mundo:

Quem constituit Dominus

suæ Matris solatium,

suæ carnis nutritium,

solum denique in terris

magni consilii coadjutorem fidelissi-
mum: (p)

VIRO SINGULARI,

Qui Pater Domini

meruit appellari, (q)

& vocavit nomen ejus

* 3

(o) Bernard. *suprà*. (p) Bernard. *ibid*.

(q) Hieron. *suprà*.

J E S U M : (r)

Cui subditus erat, (s)
sub quo curvantur qui portant orbem : (t)

FABRO FORTUNATO,

altissimi mysterii
scuto inexpugnabili ; (u)
Qui gessit personam Dei Patris,
dum ejusdem Verbi incarnati
putabatur Pater : (x)
eum tulit, aluitque,
qui fabricatus est orbem, (y)
& implet omne animal benedictione : (z)

VIRO JUSTO, (aa)

Cui morienti
Christus & Virgo adstiterunt ; (bb)

Cui
post Virginem Matrem
tota sancta Ecclesia
debet gratiam & reverentiam singu-
larem : (cc)

inter PATRONOS mortalium
apud Deum efficacissimo
& præstantissimo : (dd)

(r) *Matth. 1.* (s) *Luc. 2.* (t) *Iob. 9.*

(u) *Isid. Isolan. apud d' Argentan de B.V. tom. 1. confer. 10. art. 1.* (x) *Idem apud eundem ibid.*

(y) *Iob. 34.* (z) *Pf. 144.* (aa) *Matth. 1.*

(bh) *Hymn. Offic.* (cc) *Bernardin. sup. c. 3.*

(dd) *Isolan. apud Biverum de privil. B.V. pag. 637.*

Cui pro nobis interpellanti
nihil negat, sed omnia concedit
nunc in cœlis ad dexteram Patris
gloriosus existens,
qui in hoc mundo vivens factus homo,
voluit ejus obedire mandatis : (ee)
Illi amabili & admirabili

P A T R I A R C H Æ ,
dilecto Deo & hominibus ,
cujus memoria in benedictione est : (ff)
ut avertat oculos meos ,
ne videant vanitatem ;
ibi que cor meum figat ,
ubi est thesaurus meus ,

J E S U S ,
verus **M A R I Æ** Filius,
J O S E P H I creditus :
supplex accido ,
me que clientem dedico.

(ee) *S. Theresia c. 6. vite sue.*

(ff) *Eccli. 45.*



APPROBATIO

EX COMMISSIONE

ORDINARII.

LEgi, ex commissione Reverendi admodum Domini Vicarii Generalis, hunc Librum; & reperi, quòd in eo Concupiscentia oculorum consideratione seriâ elanguescens, ex sacris Litteris, Patribus, aliisque Scriptoribus Ecclesiasticis, præclarè exhibeatur. Prælo proinde dignum censeo. Datum Tornaci nonâ Augusti 1682.

A. DONNE'

*S. T. L. Can. & Scholast.
Ecclesiæ Cathedr. Torn.*

FACULTAS

R. P. PROVINCIALIS.

E Go infra-scriptus Societatis JESU in Gallo-Belgica Provincialis, juxta Privilegium eidem Societati concessum, quo Typographis omnibus prohibetur, ne Libros ab ejusdem Societatis hominibus compositos, absque Superiorum permissione, imprimant; potestate ad hoc mihi factâ ab Admodum R. P. N. CAROLO DE NOYELLE Generali, facultatem do FRANCISCO FIEVET Typographo Insulensi, ut Librum, cui titulus est, *Concupiscentia oculorum consideratione seriâ elanguescens*, à P. FRANCISCO BELLEGAMBE ejusdem Societatis compositum, & Patrum ad id deputatorum judicio approbatum, ad sex annos proximos imprimere, & liberè distrahere possit. In quorum fidem, has manu propriâ subscriptas, consueto Officii mei sigillo muniendas curavi, Insulis 14. Maii 1683.

BALDUINUS DESRUELLES.



INDEX.

CONSIDERATIONUM.

I	NTRODUCTIO.	pag. 1.
	<i>ORATIONES pramittenda aut inter- serenda.</i>	19.
	IACULATORIÆ.	24.
	CONSIDERATIO I.	
	<i>Divitiarum vanitas.</i>	27.
	CONSIDERATIO II.	
	<i>Divitiæ instabiles.</i>	42.
	CONSIDERATIO III.	
	<i>Bona non bona.</i>	56.
	CONSIDERATIO IV.	
	<i>Divitiarum fitis.</i>	72.
	CONSIDERATIO V.	
	<i>Divitiarum tyrannis.</i>	86.
	CONSIDERATIO VI.	
	<i>Dixitum inopia.</i>	103.

I N D E X.

CONSIDERATIO VII.

Inopia dives. 119.

CONSIDERATIO VIII.

Avarus idololatra. 136.

CONSIDERATIO IX.

Divitum insania. 157.

CONSIDERATIO X.

Radix malorum omnium, cupiditas. 172.

CONSIDERATIO XI.

Divitiarum pericula. 187.

CONSIDERATIO XII.

Divitiæ spina. 205.

CONSIDERATIO XIII.

Divitiarum malus usus. 220.

CONSIDERATIO XIV.

Rectus divitiarum usus. 237.

CONSIDERATIO XV.

Mors divitis. 252.

CONSIDERATIO XVI.

Hæreditas sollicitè transmissa. 268.

CONSIDERATIO XVII.

Fœneratio christiana. 290.

CONSIDERATIO XVIII.

Ars quaestuosissima. 310.

CONSIDERATIO XIX.

Opes benè custodita. 329.

CONSIDERATIO XX.

Cælum venale. 352.

INDEX.

CONSIDERATIO XXI.

Cæleste cornu-copia. 371.

CONSIDERATIO XXII.

Ambiendus pauperum favor. 392.

CONSIDERATIO XXIII.

Christus in paupere. 416.

CONSIDERATIO XXIV.

Inmisericordi nulla misericordia. 444.

CONSIDERATIO XXV.

Paupertatis thesaurus. 467.

CONSIDERATIO XXVI.

Christi paupertas. 487.

CONSIDERATIO XXVII.

Divitiarum contemptus. 510.

CONSIDERATIO XXVIII.

Vera divitiæ. 528.

CONCLUSIO. 545.

Ad majorem Dei gloriam ; &
Virginis sine labe conceptæ.




CONCU-

CONCUPISCENTIA
OCULORUM
CONSIDERATIONE

S E R I A

ELANGUESCENS.



INTRODUCTION

Ad sequentes Considerationes.



Oannes, dilectus ille incarnata Sapientia Discipulus & Præco, nos excitat & hortatur spiritali (ut loquitur Cyprianus (a) & cœlesti voce contestans : Nolite diligere mundum, neque ea quæ in mundo sunt. Si quis diligit mundum, non est charitas Patris in eo. (b) Sed vis nosse, ait Bernardus, (c) quis sit qui diligit

A

(a) De habitu virginum. (b) 1. Ioan. 2.

mundum? Neque enim creaturas Dei iuberis odisse; sed, quæ à Deo non sunt, ea diligere prohiberis. Quæ verò sint hæc, Joannes ipse loquatur, adjiciens: Quoniam omne quod est in mundo, concupiscentia carnis est, & concupiscentia oculorum, & superbia vitæ, quæ non est ex Patre, sed ex mundo est. Et mundus transit, & concupiscentia ejus. (d) Videbit hic quisque, cujus sit spiritus, quid diligat, quid cupiat, quid sectetur. Ecce enim speculum veritatis; tantum ne quis considerato vultu conscientia suæ prætereat, & qualis fuerit obliviscatur. (e) *Quid ex istis, quæ totæ & solæ in mundo sunt, concupiscentiis, boni esse; quid meritò amari queat? cum ex eo, qui solus bonus est, & omne bonum est, non sint, sed ex mundo, qui, teste eodem Evangelico Scriptore, totus in maligno positus est; (f) ac si dixisset, ait sapientissimus Bellarminus (g), capiti suo (Satana) adhæret, qui malignus per antonomasiam dicitur: sive in maligni dæmonis imperio & po-*

(c) Declam. Ecce nos reliquimus. (d) 1. Ioan. 2.

(e) Bernard. sup. (f) 1. Ioan. 5. (g) De æterna felicit. lib. 2, cap. 12.

INTRODUCTIO.

3

testate est. *Sunt igitur concupiscentia illæ tres fontes & radices, unde scaturiunt & pullulant tentationes & peccata, ut ex dilecto illo Apostolo docet Angelicus Doctor (h); & Augustinus (i): Tria sunt ista, & nihil invenies, unde tentetur cupiditas humana, nisi aut desiderio carnis, aut desiderio oculorum, aut ambitione sæculi. Sunt hæ tres columnæ, ait Didacus Stella, (k) quibus mundus innititur. Nónne vides, quomodo istæ columnæ tremant, quibus mundus innititur? Et tu firmus stas, necdum fugis? Honores & vanitates cadunt, ac omni momento moventur.... Mutabiles sunt divitiæ, sensualitas, aliæque hujusmodi, & citò transeunt. Si itaque ipsæmet columnæ mundi ita tremunt, nónne periculosum est vivere in mundo adeò mutabili, & continuo motui subjecto? Fuge igitur, nisi velis cadat super te, & occidat. Attamen (quæ perversa est mortalium cæcitas) quàm paucos ab amore mundi hujus nequam, fallacis, instabilis, vesanisq; quæ ex mundo sunt, concupiscentiis,*

A 2

(h) 1. 2. q. 77. a. 5. & alibi. (i) Tr. 2. in Ep. Ioan. (k) De contemptu mundi. l. 2. c. 25.

seriò retractos alienosq₃ videas ! sunt hæc velut tria numina , in quibus colendis toti sunt mundani homines , quibus se suaq₃ studia omnia , curas , vitam , animamq₃ ipsam consecrant vanitatum sectatores ; ut proinde meritò cecinerit quispiam :

Ambitiosus honos , & opes , & fœda voluptas :

Hæc tria pro trino numine mundus habet.

Queritur , & meritò stupet tantam hominum stoliditatem Bernardus , seu quicumque est author Sermonis de 5. negotiationibus : Aspicio , inquit , genus humanum ab ortu solis usque ad occasum , hujus mundi nundinas perambulare ; alios divitias quærere , alios honoribus inhiare , alios favorabilis auræ suavitate raptari. Sed quid de divitiis ? Nónne cum labore acquiruntur , cum timore possidentur , cum dolore amittuntur ? Thesaurizas , & ignoras cui congregabis ea. Vide quantum laborem pro perituris divitiis assumpsisti. Transis maria , & alium tibi orbem aperis navigando , secundùm Sapientem tribus digitis distans à morte : patriam fugis , relinquis parentes , di-

INTRODUCTIO. 5

velleris ab uxore , filios nescis , & omnium necessitudinum oblitus , quæris ut acquiras , acquiris ut perdas , perdis ut doleas.... Ecce quales divitiæ. Sed quid de honoribus ? In sublimi loco positus es : ducem te constituerunt. Vide si non à Deo judicandus es , ab hominibus spectandus , ab hominibus lacerandus..... Nunquid in honore sine dolore , in prælatione sine tribulatione , in sublimitate sine vanitate esse quis potest ? Ecce quales honores. *Et quæ sequuntur.* Filii hominum , usquequo gravi corde ? ut quid diligitis vanitatem , & quæritis mendacium (1) ? In res apparentes studium conferre , propriam est eorum , qui nullam sibi futuri sæculi spem proponunt , non judicii metum , non gehennæ minas , non bonorum expectationem , non aliud quidquam eorum quæ tempore resurrectionis sperantur ; qui , sicut pecora , ad præsentem vitam intenti , quodcumque gulæ ac ventri , reliquisque corporis voluptatibus indulgere possint , id in parte bonorum locant ; vel principa-

A 3

(1) *Psalms.* 4.

tum inter aliquos tenere, & reliquis præstare videri; vel multis incubare talentis; aut si quid aliud de hujus sæculi fraudibus est. (m)

Infelices filij Adam; omiſſis veris & ſalutaribus curis, caduca potiùs & tranſitoria quærent. (n) Quamdiu iſtis affigimur? quouſque terræ inhæremus, ut vermes, atque in luto verſamur? (o) Ad illa quæ promittuntur, intentionem noſtram extendamus. Cor noſtrum ibi ponamus, ubi putreſcere non poteſt ſæcularibus curis. Tranſeunt iſta, quæ occupant homines. Volant iſta. Vapor eſt vita humana ſuper terram.... Non vos fallat; qui fallit: quia vos non decipit, qui non fallit. (p) Vê, vê, vê habitantibus in terra; (q) id eſt, diligentibus terrena, & poſtponentibus cœleſtia. (r) *An non tergeminum illud Vê, in triplicem mundi concupiſcentiam detonat? Profectò fructus mundi, ruina eſt.* (ſ) *Fugiamus igitur, ut non cum hoc mundo dæmnemur.* (t) *Deſeramus mundum,* (m) *Greg. Nyſſ. de Orat. Domin. orat. 1.* (n) *Eern. ſerm. 1. de Adventu.* (o) *Chryſoſt. in 1. Tim. hom. 15.* (p) *Aug. ſerm. 4. è 40. novis.* (q) *Apoc. 8.* (r) *Hugo Card. ibi.* (ſ) *Greg. hom. 1. in Evang.* (t) *1. Cor. 11.*

INTRODUCTIO.

7

fugientes ejus , quæ in mundo est ,
 concupiscentiæ corruptionem : (v)
 refugientes coinquinationes mundi ,
 in cognitione Domini nostri & Sal-
 vatoris JESU Christi , (x) qui non
 est de hoc mundo , sed de supernis
 est. (y) Unde & Apostolus Paulus mo-
 net : Nolite conformari huic sæculo.
 (z) Ubi Chrysologus (aa) : Putasne,
 beatus Apostolus Paulus dicendo sic ,
 elementorum figuris ne conformemur ,
 obfistit ? Sæculi vitam corrigit :
 arguit mores : judicat institutum :
 castigat voluntates : luxuriam condem-
 nat : & totam vanitatum sæcularium
 pompam propellit , effugat , excludit
 à mentibus Christianis. Sed hoc modo
 strictim commonet , quod est in prin-
 cipio hujus Epistolæ latius executus :
 ubi figuram sæculi in vitiis sic figu-
 rat. Repletos , inquit , omni iniquita-
 te , malitia , fornicatione , avaritia , &c.
 Fratres , audistis formam sæculi : di-
 didistis speciem : vidistis figuram , si
 tamen formam , & non informe
 monstrum : ubi confusione criminum

A 4

(v) 2. Petri 1. (x) 2. Pet. 2. (y) Ioan. 8. (z) Rom.
 12. (aa) Serm. 120.

8 INTRODUCTION.

tota rerum facies est deleta : ubi peccatorum connubio tota mundi figura est dissoluta : ubi delictorum morbis imago ipsa ablata est Conditoris : ubi homo in vitiis est sepultus : &c. Apostolus ergo huic formæ nos prohibet esse conformes : & configurari nos huic vetat figuræ : huic similitudini conformes non esse permittit : sed ad formam Dei reformat : ad similitudinem revocat Christi , & totam reducit ad imaginem Conditoris , dicens : Sed reformamini in novitate sensus vestri. Hoc est , Sitis per Christum sensibus innovati , abjectâ sæculi hujus figurâ : & totâ inveteratæ imaginis deformitate projectâ , formam vestram in formam vestri reducite Salvatoris : ut novitas sensuum vestrorum in vestris actibus elucescat , & cœlestis homo cœlesti habitu jam gradiatur in terra. *Hactenus Chrysologus.* Religio munda & immaculata (scribit Iacobus Apostolus) apud Deum & Patrem , hæc est : Visitare pupillos & viduas in tribulatione eorum , & immaculatum se custodire ab hoc sæculo , (bb) *alienum ab amore & concupis-*
 (bb) Iac. i.

INTRODUCTIO.

9

centia mundi ac secularium rerum, seu potius vanitatum & nihilitatum. Vnde S. Augustinus: Nōne spes nostra non est de hoc sæculo? Non amemus sæculum. Ab amore sæculi hujus vocati sumus, ut aliud sæculum amemus & diligamus. In hoc abstinere nos debemus ab omnibus illicitis concupiscentiis. (cc) Et iterum: Non habentes concupiscentiam mundi, non vos subjugabit nec desiderium carnis, nec desiderium oculorum, nec ambitio sæculi: & facietis locum charitati venienti ut diligatis Deum: quia si fuerit ibi dilectio mundi, non ibi erit dilectio Dei. (dd) Sed ita nos amor sæculi hujus inebriat, ut nos umbræ volaticæ falsitatis, ad vana & falsa gaudia, quæ veros dolores pariunt, hoc est, voluptas mundi atque cupiditas, jugiter trahat. (ee) Reprehenditur frequenter mundus, quod fallax sit & vanus; nec tamen facilè relinquitur, quia concupiscentiæ carnis nimis dominantur. Sed alia trahunt ad amandum, alia ad contem-

A §.

(cc) *Aug. de verb. Dom. serm. 39. (dil.) Aug. 17. 2. in Ep. Ioan. (cc) Cæsar. Archat. hom. 12.*

10. INTRODUCTION.

nendum. Trahunt ad amorem mundi, desiderium carnis, desiderium oculorum, & superbia vitæ; sed poenæ ac miseriæ justè sequentes ea, odium mundi pariunt & tædium. Sed vincit, proh dolor! delectatio parva mentem mundo deditam, & esse sub sentibus delitias reputat: quia Dei suavitatem, & internam virtutis amœnitatem nec vidit, nec gustavit. Qui autem mundum perfectè contemnunt, & Deo vivere sub sancta disciplina student, isti divinam dulcedinem veris abrenuntiatoribus promissam non ignorant; & quàm graviter mundus errat, & variè fallitur, clariùs vident. (ff)

Ad illam mundi seu terrenarum rerum dilectionem è cordibus nostris extirpandam, inferendumq; Dei & caelestium amorem, continenter nos hortatur movetq; Spiritus veritatis, tum interioribus monitis, tum luculentis divina Scripturæ oraculis, Patrum aliorumq; Scriptorum gravissimis testimoniis, spectatissimis illustrium mundi contemptorum exemplis. Atque ex iis ego quidem nuper

proposui serias aliquot Considerationes, quibus Vanitas vanitatum sæculi hujus evanesceret, inferereturq₃ mortalium animis vera Christianaq₃ Sapientia amor; additurus, si Deus annueret, alias ex iisdem fontibus cogitationes, quibus specialius triplex fallentis mundi ac fascinantis homines concupiscentia expugnaretur. En hodie aliquas adversus feracissimam malorum omnium radicem, Concupiscentiam oculorum, seu divitiarum cupiditatem: adversus concupiscentias reliquas dabuntur & deinceps alia, si faverint Superi. Porro illam oculorum concupiscentiam, primam impetendam evertendamq₃ censui, quod aliis fomitem materiemq₃ subministret, eaq₃ debellatâ langucant alia, facileq₃ superentur. Omnes iniquitatis species (ait Olympiodorus) morbi sunt ipsius animæ. Adeo verò gravis est & intensus avaritiæ morbus, ut radix malorum omnium meritò nominetur. (gg) Quapropter Christus ipse, homines à mundanis concupiscentiis abducturus, divitiarum cupiditatem, primo suo in mundum ingressu, summâ rerum omnium inopiâ damnavit; ac primam deinde inter beatitudines, paupertatem so-

lenni concione nuncupavit, quam vitâ paupere, morte pauperrimâ consecravit. Ideâ paupertas voluntaria, meritò dicitur à Seraphico Bonaventura (hh) primarium Evangelicæ perfectionis, omnisque boni fundamentum. Et egregius Christiana disciplina Magister, S. Parens noster Ignatius, hominem instruens ad fugam mundi, Christi sequelam, perfectèq; deliberandum de vitâ statu eligendo; (ii) in præcellenti illa meditatione De duobus vexillis, uno quidem JESU Christi, optimi nostri Imperatoris: altero verò Luciferi, hostis hominum capitalissimi; attendere jubet, cujusmodi concionem habeat dux impiorum Lucifer ad ministros suos, quos instigat, ut correptis injectisque laqueis, & catenis, homines primùm trahant (quod ferè contingit) ad cupiditatem divitiarum, unde postea faciliùs in mundani honoris ambitionem, ac demum in superbiam barathrum deturbari queant. Ex opposito, auscultare concionem Christi exhortatoriam, ad servos & amicos suos omnes, qua eis præcipit, ut ju-

[hh] *Serm. 1. Dom. 22. post Pentec.* [ii] *Exercit. 2. hebdom.*

vare studeant quemlibet , ac primò inducendum curent ad spiritualem affectum paupertatis , & insuper (si divini obsequii ratio & electio cœlestis eò ferat) ad sectandam actu ipso veram paupertatem.

Morbus est communis , pestilens , avaritia : omnes inficit. Omnes avaritiæ student , inquit *Propheta (kk) : & iterum : (ll)* Omnes avaritiam sequuntur. *Es aureus Ecclesiastes Chrysostomus , avaritia infectator acerrimus :* Unde hic morbus orbem subingressus est ? Quisnam illum exterminare poterit ? Quisnam sermo hanc bestiam excidere , & funditus perdere valeat ? Inserta est in animis hominum ista cupidò , etiam eorum qui videntur pii esse & religiosi. *(mm) Et alibi : (nn)* Sicut enim flamma vehemens , ubi in sylvam incidit , pervertit omnia & desolatur : ita & ista orbem destruxit universum. Reges , principes , privati , pauperes , mulieres , viri , pueri , omnes æquè hac lue detinentur : ac veluti caligo quædam orbem totum obsede-

[kk] *Ierem.* 6. [ll] *c.* 8. [mm] *Chrysost. in 1. Thessal. hom.* 10. [nn] *Ibid. ho.* 17.

rit, nemo est qui resipiscat : etsi innumeris quotidie avaritiam infectetur maledictis, nullus tamen emendare vitium studet. *Haftenus eloquentissimus Doctor, qui deinde proponit media, quibus, ad illam luem pellendam, utendum nobis est : quæ & in nostris hisce Considerationibus exponemus, &, ut de Christi propter nos egeni facti bonitate confidimus, non sine legentium & meditantium fructu. Quàm subtile malum sit avaritia, quàm difficulter detegatur & curetur, quàm speciosis rationum & excusationum involucris pallietur habendi amor immoderatus, præclare ostendit maximus ille animorum rector, Franciscus Salesius, (oo) qui deinde medicinam facit maximè opportunam tanto malo. Utinam ex illius cœlestis spiritus suavi efficacitate, aliquid & in hocce opusculum derivetur, quo ad necessarium istius pestis horrorem fugamq₃ moveantur, qui se afflatos (quod difficile agnoscunt, nec unquam fatentur ii qui tamen eâ lue laborant, ut idem Sanctus rectè observat) tandem deprehenderint.*

Avaritiam autem illam (quæ, ex S. Thoma, (pp) est immoderatus appetitus
 [oo] *Introduct. p. 3. c. 14. [pp] 1. p. q. 63. a. 2. ad 2. & alibi.*

rerum temporalium, quæ veniunt in usum vitæ humanæ, quæcumque pecuniâ æstimari possunt) *intelligo eam concupiscentiam, quam Apostolus Ioannes supra, oculorum nuncupat. Ita, præter alios, intelligit Angelicus ille Doctor, sic scribens : (qq) Omnes res mundanæ ad tria reducuntur, scilicet ad honores, divitias, & delitias, secundum illud 1. Joan. 2. Omne quod est in mundo, concupiscentia carnis est, quod pertinet ad delitias carnis : & concupiscentia oculorum, quod pertinet ad divitias : & superbia vitæ, quod pertinet ad ambitum gloriæ & honoris. Et alibi : (rr) Concupiscentia oculorum est circa exteriora in usum ordinata. Et Cornelius noster : (ss) Concupiscibile oculorum est aurum, argentum, gemmæ, prædia, opes, res curiosæ & pretiosæ &c. quas concupiscit avarus & avaritia. Dicitur oculorum, tum quia oculos irritat, & per oculos mentem & phantasiam : tum quia oculos tantum pascit : tum quia ferè oculis tenetur & possidetur.*

[qq] 1. 2. q. 108. a. 3. ad 4. [rr] in 2. dist. 42. q. 2. a. 1. [ss] à Lapide in illud 1. Io. 2.

Avarus enim recondit opes, nec audet eas expendere, iisque frui, sed eas habet in arca: unde non alium earum usum & fructum habet, quàm quod subinde eas oculis lustrare & intueri cum voluptate possit: quæ sanè ingens est miseria & fatuitas. *Hac & alia insignis ille Scripturæ sacræ commentator, qui & alibi (tt) dicit avaros esse gryphes, qui, ut ait Cassiodorus Lib. 9. Variar. feruntur aurum jugiter effodere, atque ejus inspectione gaudere. Certè à spiritu veritatis edoctus, pronuntiat Salomon: Et quid prodest possessori, nisi quòd cernit divitias oculis suis (uu). ? Præterea concupiscentia dicitur oculorum, quòd quidquid avarus videt, hoc concupiscat, hoc aurum vellet. Tui verò oculi, ait Propheta, & cor ad avaritiam. (xx) Ecce, inquit S. Valerianus, (yy) cupiditas oculorum nostrorum portas jugiter pulsant, & corda hominum divitiarum stimulis inquietant. Hinc hominem ad omne facinus animus, inde invitat aspectus. Et iterum: (zz) Furem diabo-*

(tt) In Eccl. 14. v. 3. (uu) Eccle. 5. (xx) Jerem. 22. (yy) Hom. 17. (zz) Hom. 7.

lum credite : qui ut bonis operibus infidietur , objectâ sæculi pompâ blanditur : & , ut hominem à consortio regni cœlestis excludat , aurum manibus ingerit , argentum oculis opponit , gemmas collo inserit : &c. *Sed hac aliâq; persequemur nostris Considerationibus ; quas tu , mi Christiane , aggredere magno & liberali animo , cognoscendæ sectandæq; veritatis cupido.*

In illis eam methodum teneo , quam in priori Opusculo De vanitate vanitatum. Distinguitur qualibet consideratio in tres veluti articulos : quorum primus ex Scripturis divinis ferè constat : alter ex Authoribus Ecclesiasticis : tertius historias continet firmandis sententiis , movendisquè animis. Ut fructum capias , lege meditatè , expende , & quoad potes , in praxim redige ; præmitte etiam aut considerationi intersere aliquas ex iis , quas descripsi , aut alias ejusmodi , Orationes. Si præco es Evangelicæ doctrinæ , habes campum uberem , unde colligas , quæ adversus mundanam concupiscentiam in Auditorum aures animosq; spargas utiliter ; succosa omnia , quia è Sapientiæ æterna oraculis , Doctorem Ecclesiæ , aliorumq; piorum ac gravium Autho-

rum pronuntiatis, illustribusquè exemplis, deprompta fideliter, aded ut vix quidquam hîc habeas, quod ex ipsis fontibus non hauserim. Quod si fortè quidpiam ab aliis descriptum, apud ipsos primos Authores reperiri à me non potuit, puta quia codex ipse non habebatur, &c. ; id ferè annotavi, laudans eum, apud quem legeram. Denique, quod aliàs monui, meminisse te cupio, quorumdam Scriptorum varias esse editiones, atque aded ne continuò erratum à me censeas, si quid fortè aut loco aut tenore discrepare cum lectis à te aut ab alio citatis, deprehenderis. Atque his benè vale, & fructuosè utere hoc enchiridio, ad Dei optimi maximi gloriam, tuamq₃ & aliorum utilitatem concinnato : faxintq₃ Superi, ut penitus elanguescat intereatq₃ oculorum concupiscentia, seu avaritia, quam nec nominari in nobis vult Apostolus, sicut decet Sanctos. (*)

(*) Ephes. 5.





ORATIONES

*Premittendæ aut interserendæ
Considerationibus.*

Domine Pater, & Deus vitæ meę,
ne derelinquas me in cogitatu
maligno. Extollentiam oculorum meo-
rum ne dederis mihi, & desiderium
malignum averte à me. Aufer à me
concupiscentiam, & animo irreve-
renti & infrunito ne tradas me. (a)

Deus, qui errantibus, ut in viam
possint redire justitię, veritatis tuę
lumen ostendis: da cunctis qui Chri-
stiana professione censentur, & illa
respuere, quę huic inimica sunt no-
mini; & ea quę sunt apta secta-
ri. (b)

Deus, qui diligentibus te bona in-
visibilia præparasti, infere cordibus
nostris tui amoris affectum: ut te

(a) Resp. 7. Dom. 1. Aug. Eccli. 23. (b) Dom. 3.
post Pascha,

in omnibus, & super omnia diligentes, promissiones tuas, quæ omne desiderium superant, consequamur.

(c)

Ecce, Domine Deus meus, mundus totus plenus est concupiscentiarum laqueis, quos paraverunt pedibus meis; & quis effugiet hos laqueos? Profectò, à quo tu abstulerit extollentiam oculorum suorum, ut non eum capiat concupiscentia oculorum: & à quo tu abstuleris carnis concupiscentiam, ne eum capiat carnis concupiscentia: & à quo tu abstuleris animum irreverentem & infrunitum, ne eum callidè decipiat superbia vitæ. O quàm felix, cui hæc tu facies! quippe transibit immunis.

(d)

Bone JESU, nihil, quæso, sine te mihi dulcescat, nihil complaceat, nil pretiosum, nil præter te mihi arrideat speciosum. Vilescant, obsecro, absque te mihi omnia, sordeant universa..... Sit bonum mihi lex oris tui super millia auri & argenti. Sit obedire ti-

(c) Dom. 5. post Pentecost. (d) August. Solil. cap. 12.

bi, mihi amabile : & resistere tibi, execrabile. (e)

Quid mihi est in cœlo , & à te quid volui super terram ? (f) Quid volui ? divitias fluxas, caducas, volaticas. Quid volui ? aurum, pallorem terræ ; argentum, livorem terræ ; honorem, temporis fumum. Ecce quid volui super terram. (g) Deus cordis mei, & pars Deus in æternum. (h)

Væ mihi, Domine, & væ iterum mihi ; quia vanitati citius credidi & assensi : te autem , qui veritas es , tam facilè reliqui. O quantum in hoc deliqui , quòd non omnibus postpositis, tibi soli adhæsi ! Nam ad amandum te & fruendum factus sum ; sed creaturas inordinatè sequendo , te amisi, & in eis nullam cordis pausationem inveni. Converte me Domine ad te, & noli me in terrenis relinquere , qui cœlestia te sequentibus dignatus es promittere. (i)

O Deus æternæ, summe, & immense, creator omnium & rector; ego sum creatura tua, quam fecisti in vir-

(e) *Aug. Meditat. c. 7.* (f) *Pf. 72.* (g) *August. Serm. 4. è 40. uovis.* (h) *Pf. 72.* (i) *Thom. à Kemp. Solil. cap. 9.*

tute tua. Ad amandum te factus sum, & modò volo amare te., & non possum quantum volo. Ligatus sum vano amore, & viscoso affectu rerum labentium, à quibus dum me excutere conor, vix aut nullatenus sine gravi dolore possum. O si tu mihi dulcescas, & sapias, quàm citò fugient & peribunt ! (k)

Amantissime JESU, accende in me ignem, quem venisti mittere in terram ; ut cuncta hæc infima despiciam, & tibi soli vivere desiderem, tibi soli placere studeam, ac pro amore tui ab hominibus despici & negligi non timeam, Esto tu gaudium meum, dulcedo animæ meæ ; habita mecum, & ego tecum, toto excluso mundo, Sis Doctor meus & magister meus, doctrina mea & sapientia mea. (l)

O dulcissime & amantissime Domine, verte mihi omnia terrena in amaritudinem, omnia gravia & contraria in patientiam, omnia infima & creata in contemptum & oblivionem. Eripe cor meum ad te in cœlum, & ne dimittas me vagari super ter-

(k) Ibid. (l) Kemp. de elevat. ment. c. 11.

ram. Tu solus mihi ex hoc jam dulcescas usque in sæculum : quia tu solus amor meus & gaudium meum , dulcedo mea & totum bonum meum. (m) Nihil opto mihi reservare, sed me & omnia mea tibi sponte & libentissimè immolare. (n)

Da mihi, omnibus mori quæ in mundo sunt ; & propter te, amare contemni & nesciri in hoc sæculo. Da mihi super omnia desiderata in te requiescere, & cor meum in te pacificare. Tu vera pax cordis, tu sola requies : extra te, dura sunt omnia & inquieta. In hac pace, in idipsum, hoc est, in te uno summo æterno bono, dormiam & requiescam. (o)

Suscipe, Domine, universam meam libertatem. Accipe memoriam, intellectum, atque voluntatem omnem. Quidquid habeo, vel possideo, mihi largitus es : id tibi totum restituo, ac tuæ prorsus voluntati trado gubernandum. Amorem tui solùm cum gratia tua mihi dones, & dives sum satis, nec aliud quidquam ultrà posco. (p)

(m) *De imit. l. 4. c. 16.* (n) *Ibid. c. 17.* (o) *De imit. l. 3. c. 15.* (p) *S. Ignat. 4. hebdom. Exerc. de amore Dei.*



JACULATORIÆ.

L Oquere mihi, Domine, ad qualemcumque animæ meæ consolationem, & ad totius vitæ meæ emendationem; tibi autem ad laudem, & gloriam, & perpetuum honorem. (a)

Averte oculos meos, ne videant vanitatem.

Inclina cor meum, Deus, in testimonia tua, & non in avaritiam.

In via testimoniorum tuorum delectatus sum, sicut in omnibus divitiis.

Dilexi mandata tua super aurum & topazium.

Lætabor ego super eloquia tua, sicut qui invenit spolia multa.

Portio mea, Domine, dixi custodire legem tuam. (b)

Domine, ante te omne desiderium meum. (c)

Et nunc

(a) *Kemp. de imit. l. 3. c. 2.* (b) *Pf. I 18.* (c) *Pf. 37.*

Et nunc quæ est expectatio mea ?
nonne Dominus ? & substantia mea
apud te est. (d)

Mihi autem adhærere Deo bonum est:
ponere in Domino Deo spem meam.
(e)

Credo videre bona Domini in ter-
ra viventium. (f)

O bona Domini dulcia, immorta-
lia, incomparabilia, sempiterna, in-
commutabilia ! & quando vos vide-
bo, bona Domini ? (g)

Ab uno te, Deus meus, averſus,
in multa evanui. (h)

Amo te, Deus meus, magisquæ
semper amare cupio.... Super omne
aurum, & argentum, & lapidem pre-
tiosum es mihi charior. (i)

Da mihi te, Deus meus.... Hoc
ſcio, quia malè mihi eſt præter te,
non ſolùm extra me, ſed & in meip-
ſo : & omnis copia, quæ Deus meus
non eſt, egeſtas eſt. (k)

Quàm ſordet mihi terra, cùm cœ-
lum aſpicio ! (l)

B

(d) *Pſ.* 38. (e) *Pſ.* 72. (f) *Pſ.* 116. (g) *Aug. in illud Pſ.* 26. (h) *Id. l. 2. conf. c. 1.* (i) *Aug. Solil. c. 19.* (k) *Aug. l. 13 conf. c. 8.* (l) *S. Ignat. in vita.*

Domine Deus meus, omnia bona mea tu es.... Doce me facere voluntatem tuam : quia sapientia mea tu es, qui in veritate me cognoscis. (m)

Oro te, Deus meus, & precor te ex totis intimis meis : Libera me, & eripe distractum & captivum animum, ab omnibus mundi concupiscentiis. (n)

Noli evagari, anima mea, post vanitates & insanias falsas : sed convertere ad Dominum Deum tuum, quia ipse fons totius consolationis. (o)

Quid ultra concupiscis, anima mea, desiderio plena ? Nónne melius est, ut uni adhæreas, quàm multis ? (p)

Cessa multa quærere ; uni te junge, uni adhære ; in uno totum consistit. Quærant alii multa & varia ; tu quære unum internum bonum, & sufficit tibi. (q)

Deus meus, amor meus ; tu totus meus, & ego totus tuus. (r)

Deus meus, & omnia. (s)

Domine, quid volo, aut quid velim extra te, Deus cordis mei, & pars mea Deus in æternum ? (t)

(m) *De imit. Chr. l. 3. c. 3.* (n) *Kemp. de elevat. mentis c. 2.* (o) *Kemp. solil. c. 10.* (p) *Ibid. c. 12.* (q) *Ibid.* (r) *De imit. l. 3. c. 5.* (s) *S. Franc.* (t) *S. Ign. ex Ps. 72.*



CONSIDERATIO I.

DIVITIARVM VANITAS.

I. **A** Varus non implebitur pecunia : & qui amat divitias , fructum non capiet ex eis : & hoc ergo vanitas. Et quid prodest possessori , nisi quod cernit divitias oculis suis ? Sicut egressus est nudus de utero matris suæ , sic revertetur : & nihil auferet secum de labore suo. Quid ergo prodest ei , quod laboravit in ventum ? (*a*) Viro cupido & tenaci sine ratione est substantia , & homini livido ad quid aurum ? (*b*) In imagine (*ex Hebræo* , in umbra) pertransit homo : sed & frustra conturbatur. Thesaurizat , & ignorat cui congregabit ea. (*c*) Aliis congregat , & in bonis illius alius luxuriabitur. (*d*) Est qui locupletatur , parçè agen-

B 2

(*a*) *Eccle. 5.* (*b*) *Eccli. 14.* (*c*) *Psal. 58* (*d*) *Eccli. 14.*

do ; & hæc est pars mercedis illius in eo quod dicit : Inveni requiem mihi, & nunc manducabo de bonis meis solus : & nescit quod tempus præteriet, & mors appropinquet, & relinquat omnia aliis, & morietur. (e) Dives sicut flos fœni transibit. Exortus est sol cum ardore, & arefecit fœnum, & flos ejus decidit, & decor vultus ejus deperiit : ita & dives in itineribus suis marcescet. (f) *Quare sapienter monet Psalter regius* : Ne timueris, cum dives factus fuerit homo, & cum multiplicata fuerit gloria domus ejus : quoniam cum interierit, non sumet omnia, neque descendet cum eo gloria ejus. (g) Noli, inquit, expavescere divitias & potentiam divitis, & gloriam sæcularem : quoniam caduca illa sunt, & citius abeunt quam venerunt. Somnium est iste thesaurus : evigilas, & recessit. (h) Dormierunt somnum suum ; & nihil invenerunt omnes viri divitiarum in manibus suis : (i) Quia in somnis videbant divitias transitorias. (k) Omnes dixit, nullum excepit. Et benè (e) *Eccli. 11.* (f) *Iacob. 1.* (g) *Pf. 48.* (h) *Ambros. ibi.* (i) *Pf. 75.* (k) *August. in Pf. 131.*

DIVITIARUM VANITAS. 29

viros divitiarum appellavit, non divitias virorum; ut ostenderet eos non possessores divitiarum esse, sed à suis divitiis possideri. Possessio enim possessoris debet esse, non possessor possessionis. Hujusmodi igitur viri somnum suum dormiunt, non Christi dormiunt somnum. Et qui non somnum Christi dormiunt, non habent Christi quietem, non surgunt Christi resurrectione. (l) Relinquent alienis divitias suas: & sepulchra eorum domus illorum in æternum. (m) En illorum hæreditatem: Nihil secum auferent: (n) perditionem hæreditabunt. Et confusio illorum, cum ipsis sine intermissione. (o) Introibunt in inferiora terræ. (p) Quæ sunt inferiora terræ? *quærit ibi Augustinus, & respondet*: Terrenæ cupiditates. Omnis enim qui contra salutem suam cupit terrena, sub terra est: quia terram sibi præposuit, terram super se posuit, & se subter fecit. (q) Cum dormierit, nihil secum auferet: aperiet oculos suos, & nihil inveniet. (r) Sicut

B 3

(l) Ambros. de Nabuthe c. 15. (m) Ps. 48. (n) Job 27. (o) Eccli. 20. (p) Ps. 62. (q) August. ibi.

somniat esuriens & comedit, cum autem fuerit expergefactus, vacua est anima ejus: & sicut somniat sitiens & bibit, & postquam fuerit expergefactus, lassus adhuc sitit, & anima ejus vacua est. (f) *Vnde & merito Job*: Non sunt in manu eorum bona sua, Erunt sicut paleæ ante faciem venti, & sicut favilla quam turbo dispergit. (t) *Utique* quia vani facti sunt, (v) & in nihilo confidunt, (x) ad nihilum devenient. (y) *Argentum eorum, & aurum eorum non valebit liberare eos in die furoris Domini. Animam suam non saturabunt, & ventres eorum non implebuntur. (z) Deceperunt enim eos idola sua, ex Chaldaeo, mendacia sua; (aa) fallacia, (bb) & deceptio divitiarum: (cc) in quibus confidunt homines. (dd) Qui confidit in divitiis, corruet. Non proderunt divitiæ in die ultionis. (ee) Nil proderunt thesauri impietatis, si- ve, ut legit S. Cyrillus Alexandrinus, (ff) impiis. (gg) Et dicit Dominus: (r) Job. 27. (s) Isai. 29. (t) Job. 20. (v) Jerem. 2. (x) Isai. 59. (y) Psal. 57. (z) Ezech. 7. (aa) Amos 2. (bb) Matth. 13. (cc) Marc. 4. (dd) Baruch. 3. (ee) Proverb. 11. (ff) In Sophoniam n. 20. (gg) Proverb. 10.*

DIVITIARUM VANITAS. 31

Visitabo super viros defixos in fœcibus suis, *ex Chaldaeo*, divitiis suis. (hh)

Nihil itaque terrenum appetendum est, nec corradendæ divitiæ fugientes, quæ habentibus prodesse nihil possunt.

(ii) Noli attendere ad possessiones iniquas, & ne dixeris: Est mihi sufficiens vita: nihil enim proderit in die vindictæ & obductionis. (kk)

II. Quid vobis cum terrenis divitiis & gloriâ temporali, quæ nec veræ, nec vestræ sunt? Aurum & argentum nōne terra rubra est & alba, quam solus hominum error facit, aut potius, reputat, pretiosam? denique si vestra sunt hæc, tollite ea vobiscum. Sed homo cum interierit, non sumet omnia, &c. (a) Quid est congregare opes, nisi vanum? quia caduca quærere, vanum est satis....

Quid ergo vanè araneam texit, quæ inanis & sine fructu est; & tanquam casses suspendis inutiles divitiarum copias, quæ etsi fluant, nihil prosunt, imò exuunt te imaginem Dei, & in-

B 4

(hh) *Sophon. I.* (ii) *Cyroll. Alexand. suprâ.*

(kk) *Eccli. 5.*

(a) *Bernard. serm. 4. in Adventu.*

32 CONSIDERATIO I.

duunt terreni imaginem? (*b*) Quem divitiæ ejus ab inferis redemerunt? Cujus ægritudinem pecunia mitigavit? Non in abundantia divitiarum, inquit, vita ejus. Et alibi : Nihil profunt thesauri injusti : justitia autem liberat à morte. (*Prov. 10.*) Meritò clamat Propheta : divitiæ si affluant, nolite cor apponere. (*Pf. 61.*) Quid enim mihi profunt, si me à morte liberare non possunt? Quid mihi profunt, si mecum post mortem esse non possunt? Hîc acquiruntur, hîc relinquuntur. Somnium igitur loquimur, non patrimonium. (*c*) Sæpè namque contingit dormienti inopi, ut se per somnium divitem videat, atque ex eisdem rebus animum extollat, lætetur habere quod non habuit, jamque dedignari quærat, à quibus dedignatum esse se doluit : sed repenti evigilans, evigilasse se doleat, qui interim divitiarum imaginem vel dormiens tenebat. Gemit enim protinus sub paupertatis pondere, & inopiæ suæ angustiiis premitur : & cò pejus, quò,

(*b*) *Ambros. l. 1. Offic. c. 49.* (*c*) *Ambr. de Nabuthe c. 16.*

DIVITIARUM VANITAS. 33

ad tempus brevissimum, vel vacuè dives fuit. Sic, sic nimirum hujus mundi sunt divites, qui rebus acceptis tument. Benè operari de sua abundantia nesciunt, quasi dormientes sunt divites: sed paupertatem suam evigilantes inveniunt; quia nihil secum ad illud judicium, quod permanet, ferunt: & quantò nunc ad breve tempus sublimiùs elati sunt, tantò contra se in perpetuum graviùs ingemiscunt. (d) Quid est igitur hoc sæculum, nisi miseria, & velut umbra fugax, & seducens delectatio? Et quid in auro, nisi species vana? (e) Nomen divitiarum, res autem minimè. (f) Quemadmodum enim actores in scena, regum ac ducum personas, item medicorum ac rhetorum, sophistarum ac militum, affumentes, ingrediuntur, cum ipsi nihil horum sint: sic sanè & in præsenti vita, paupertas ac divitiæ nihil aliud sunt, quàm personæ. Sicut igitur in theatro sedens, si quem videris ex his qui inferiùs ludunt, personam gestantem regis, non judicas eum bea-

B 5

(d) Gregor. l. 18. mor. cap. 10. veteri, 12. novo.

(e) Alcuinus epist. 66. (f) Chrys. in Ps. 4.

tum, neque regem esse credis, imò nec ipse optaris esse talis; sed cum scias, quòd sit quispiam ex his qui versantur in foro, funium opifex, aut faber ærarius, aut aliud quidquam tale, non judicas illum beatum ob personam, aut ob vestem ad talos demissam; neque ex hisce æstimas illius vitam, sed despis potius illum ob aliam vilitatem: sic sanè, & hic velut in theatro, videlicet in mundo, sedens, & in scena ludentes spectans, ubi videris complures divites, ne putes verè divites esse, sed divitum obiectos personis. (g) Vanitas igitur est, divitias perituras quærere, & in illis sperare. (h) Quid omninò sunt divitiæ? Umbra incens, fumus qui citò evanescit, flos feeni, vel etiam viliores: (i) somnia, nihil: (k) aut, si aliquid vis tandem illas esse, lutum, ex Habacuc, (l) ex Chrysostomo, (m) & aliis passim, e quibus magnus ille Augustinus: Congeris, inquit, quod tecum non tollas. Nescis quia cum con-

(g) Chrysost. conc. 2. de Lazaro. (h) Kemp. de imit. Christi l. 1. c. 1. (i) Chrys. hom. 32. in Ioan. (k) Idem in Ps. 48. (l) c. 2. v. 6. (m) Hom. 25. in ep. ad Hebr. in moralib.

geris, ad cor tuum lutum trahis? (n) *Quid aliud? Stercus, ex Apostolo, (o) ex Gregorio Nazianzeno, (p) & aliis; imò stercus diaboli, ex ipso Christo colloquente S. Birgitta, (q) his verbis: Quomodo spiritus meus potest esse cum eis, qui nullam charitatem habent ad me? qui ut voluntatem suam perficiant, libenter produnt alios, Ipsorum cor plenum est vermibus vilissimis, id est, affectionibus mundi. In ore eorum posuit diabolus stercus suum; & idè non placent eis verba mea. Ita Christus. Vbi Consalvus Durantus in suis Notis sic habet: Stercus diaboli aliud non esse arbitror, quàm peccata, vel sæculi divitias & voluptates; quæ cum dæmon suadet hominibus ut sequantur, in ore eorum stercus suum posuisse dicitur. Stercus autem in sacris litteris designare voluptates & divitias, tradunt D. Hieronymus Ezech. 4. & Joëlis 1., & Gregorius homil. 31. Idem insinuat Propheta Ezechiel loco citato, qui, ut ostenderet Judæos ventri & carnī deditos esse, eosque bona opera fac-*

(n) *Aug. serm. 13. de diversis. (o) Philip. 3. v. 8.*
 (p) *orat. 38. (q) l. 1. Revelat. cap. 6.*

36 CONSIDERATIO I.

re consueviffe, ut sæculi divitias consequerentur, scripsit illos comediffe panem cum stercore boum. *Hactenus Theologus ille, qui S. Birgittæ revelationes doctis Notis illustravit. Merito igitur Guigo Carthusianus (r) scarabais similes dicit eos, qui divitiis aliisq; terræ bonis adherent: Scarabæus, inquit, dum supervolat, cuncta intuens, nil pulchrum aut sanum sive durabile eligit; sed sicubi stercorea jacent foetentia, eis protinus infidet, spretis tot pulchris. Ita animus tuus, cœlum terramq; & quæ in eis pretiosa sunt, intuitus, pervolans, nulli adhæret; contemptisque omnibus, vilia & sordida, quæ cogitationi occurrunt, libens amplectitur. Erubescere ex his. *Audi insuper sapientissimum Ambrosium: (s) Quid aurum congregas, in quo nulla certa fiducia est? Auri tui avaritia cesset, & terra est: solidi tui cupiditas auferatur, & sordes sunt. Aurum enim & argentum vilis est & abjecta materies: ubi aurum increvit humanâ concupiscentiâ, tunc & his speciebus accrevit ambitio. Aurum enim & argentum non pre-**

[r] *Meditat. c. 9. fine.* [s] *Serm. 39.*

DIVITIARUM VANITAS. 37

tiosum natura instituit, sed hominum voluntas effecit.

III. Quid boni habet aurum? Planè attonitus hac in re factus sum. Incantatio quædam est & præstigium, quòd aurum & argentum tantopere à nobis honorantur. (*a*) *Tertenarum opum vanitatem experienciâ ipsâ signavit regum potentissimus & sapientissimus Salomon, graviq; stylo expressit. Coacervavi mihi argentum & aurum, & substantias regum ac provinciarum... Et supergressus sum opibus omnes qui ante me fuerunt in Jerusalem. Et omnia quæ desideraverunt oculi mei, non negavi eis.... Cumque me convertissem ad universa opera quæ fecerant manus meæ, & ad labores, in quibus frustra sudaveram, vidi in omnibus vanitatem, & afflictionem spiritus, & nihil permanere sub sole. (b) Divitias nihil esse duxi. (c) Divitarum inanitatem noverat & ridebat, qui post aurum non abiit, nec speravit in pecunia & thesauris, (d) Vir ille, de quo Dominus ad Satan : Numquid confi-*

(*a*) *Chrysost. hom. 10. in 1. Thessal.* (*b*) *Eccl. 2.*

(*c*) *Sap. 7.* (*d*) *Eccl. 31.*

derasti servum meum Iob, quòd non sit ei similis in terra. (e) *Audi illum.* Si putavi aurum robur meum: & obrizo dixi, Fiducia mea. (f) Sanctus ergo vis nec aurum robur, nec sibi obrizi, id est, rudis auri molem, fiduciam credidit: quia spem atque delectationem suam in solius gratiam Conditoris figens, neque de quantitate auri, neque de specie peccavit. De Creatore quippe desperasse fuerat, spem in creatura posuisse Quasi in aquis enim defluentibus fundamentum ponere est, in rebus labentibus spei fiduciam velle solidare. Stante enim in perpetuum Deo, transeunt omnia. Quid ergo ab stante fugere est, nisi transeuntibus rebus inhærere? Quis namque unquam decurrentium fluminum tumidis vorticibus raptus, manere ipse fixus potuit, deorsum undâ defluente? Quisquis ergo defluere devitat, superest ut, quod defluit, fugiat, ne per hoc quod amat, in hoc cogatur pervenire quod vitat De terrenis rebus gaudium beatus Iob non se habuisse testificans, subjungit

(e) Iob 1. (f) Iob 31.

DIVITIARUM VANITAS. 39

dicens : Si lætatus sum super multis divitiis meis, & quia plurima reperit manus mea. (g) Sancti quippe Viri in hujus peregrinationis ærumna, quoniam eam, quam appetunt, adhuc Creatoris sui speciem contemplari minimè sinuntur, omnem præsentis vitæ copiam, inopiam deputant : quia videlicet nil extra Deum sufficit menti, quæ veraciter Deum quærit. *Hactenus Gregorius cognomento & re Magnus.* (h) *Idem Iob, nudus jam rebus omnibus, sedebat in sterquilinio;* (i) omnes homines instruens, quia omnis terrena eorum gloria in putredinem ac sterqus atque vermes converteretur. (k) *Noverat opum ceterorumque fallacium mundi bonorum inanitatem ac nihilum Serenissima Isabella, quæ in interiore aula recessu, hos versus descriptos in dies lætitare consuebat :*

Si mihi sint vires, & prædia magna : quid inde ?

Auri sint species, argenti massa : quid inde ?

Si mihi sint nati Regis de stirpe : quid inde ?

(g) Iob. ibid. (h) L. 22. moral. c. 2. (i) Iob. 2.

(k) Origen. l. 2. in Iob.

Et rota fortunæ me tollat ad astra :
quid inde ?

Si felix annis regnavero mille :
quid inde ?

Nam citò prætereunt hæc omnia :
quod NIHIL inde ?

Seruiat ergo Deo omnis homo :
quia sic satis inde. (l)

Noverant & tot immensarum opum generoso contemptu beatiore, quàm possessione clariores, qui, cum Apostolo, omnia detrimentum fecerunt, & arbitrantur ut stercora, ut Christum lucrifaciant. (m) Novit & demon ipse, quàm vana sint, quorum fallaci objectu, stultorum mortalium oculos animosq; fascinat; atque adeò, dum proponit, fatetur eorum inanitatem. Attende nugivendum illum tartareum, qui ipsum Cæli Dominum ausus est vanâ bonorum, seu veriùs, inanitatum mundi specie, aggredi. Duxit illum diabolus in montem excelsum, & ostendit illi omnia regna orbis terræ in momento temporis. (n) Vbi S. Ambrosius : Benè, ait, in momento temporis & sæcularia & terrena demonstrantur. Non enim tam conspectûs celeritas indicatur, quàm

(l) Engelgrave Luc. Evang. par. 1. Dom. 4. post Pentec. §. 2. (m) Philip. 3. (n) Luc. 4.

DIVITIARUM VANITAS. 41

caducæ fragilitas potestatis exprimitur. In momento enim illa cuncta prætereunt, & sæpè honor sæculi abiit antequàm venerit. Quid enim sæculi potest esse diuturnum, cùm ipsa diuturna non sint sæcula ? ... Cur ea quæ ad usum tibi diuturna esse non possunt, ad supplicium diuturna deposcas ? (o) *Audis ; & adhuc respicis in vanitates & insanias falsas ?* (p) *Adhuc inhiamus præsentibus , neque diaboli versutiam cogitamus , qui per parva magnis spoliat , & lutum præbet , ut aurum rapiat , imò magis , ut auferat cælum ; & umbram prætendit , ut veritate nos extrudat , & in somniis phantasias ostendit (hoc enim sunt præsentēs divitiæ) ut cùm illuxerit , omnibus pauperiores exhibeat.* Hæc itaque cogitantes , tandem dolum quandoque fugiamus , & ad futura transeamus. (q) *Modò dicamus , Transeunt omnia tanquam umbra , modò fructuosè dicamus , Transeunt : ne tunc (cum venerit iudicium) dicamus infructuosè , omnia transierunt.* (r)

(o) *Ambr. l. 4. in Luc.* (p) *Pf. 39.* (q) *Chrys. hom. 35. ad Pop.* (r) *Aug. in Ps. 32. conc. I.*



CONSIDERATIO II.

DIVITIÆ INSTABILES.

I. **D**ivitiæ si affluant, nolite cor
 apponere. (a) Cum admira-
 tione hanc suspicito vocem. Fluxa est
 divitiarum natura, suos possessores
 torrente prærapido ocyùs prætercur-
 rit, alios alio modo apta mutare do-
 minos. Quemadmodum fluvius ex al-
 to ruens loco, ita subito exuberat,
 ut stantes in ripa quandoque attingat;
 simul verò ubi attigit, mox se-
 cedit: sic & opum lubrica declivitas
 perniciosissimam exhibet & prolapsione
 levissimam sui præsentiam, alios ex
 aliis nata permutare. Hodie hujus est
 ager, cras erit alterius, & paulò pòst
 ad alium perveniet. Respice parumper
 ad civitatis domos; quot nomina, ex
 eo tempore quo fuerunt ædificatæ,
 fortitæ sunt, aliter ab aliis atque aliis

(a) Ps. 61.

DIVITIÆ INSTABILES. 43

appellatæ possessoribus. Et aurum è manibus habentis elabens semper ad alium transfertur, & ab illo ad alium. Magis enim aquam manu circumplexam retinere continenter possis, quàm divitias conservare tibi ipsi. Rectè igitur illud dictum est : Divitiæ si affluant, nolite cor apponere; ne animo erga illas afficiaris. (*b*) Vides quia fluunt: non vides quia præterfluunt? Quid excipere quæris, quod tecum auferre non possis? Fluenta sunt, quæ miraris: quo modo veniunt, sic transeunt & recedunt. (*c*) Quare magnus Gentium Apostolus dilectum filium in Fide Timotheum instruens, graviter monet inter cetera salutis documenta: Divitibus hujus sæculi præcipe non sublime sapere, neque sperare in incerto divitiarum. (*d*) Quem locum doctè commentans magnus ille Pauli interpretæ Chrysostomus: Aptissimè, inquit, hujus sæculi, dixit: sunt enim & alii in futuro sæculo divites. Nihil ita supercilium attollit, nihil ita superbiam & arrogantiam gignit, ut opes: atque

(*b*) *Basil. hom. in Ps. 61.* (*c*) *Ambros. in eundem Psalm.* (*d*) *1. Timoth. 6.*

44 CONSIDERATIO II.

ideò protinus ab illis avertit, adjungens : Neque sperare in incerto divitiarum Quid in eo speras, quod repentè transfertur ? Id quippe divitiæ sunt. Quid in illis spem ponis, quibus confidere omnino non potes ? Quomodo verò cavere superbiam poterunt ? Si viderint, quàm infirmæ illæ, quàm instabiles sint. *Et alibi idem Doctor, eadem Apostoli verba explicans :* (e) Nihil enim tam infidum, quàm divitiæ; quod cum sæpe dixerim, dicere non cessabo, quod fugitivus est & ingratus servus, fidem non habens; vel si innumera ipsi vincula injicias, sic quoque cum ipsis vinculis aufugit, Sæpius igitur pessulis & foribus ipsum possidentes concluderunt, servorum adhibitâ custodiâ : ille verò servis ipsis persuadens, cum ipsis fugit custodiibus. Quid hoc infidelius ? Quid verò his, qui circa hunc studium omne collocant, miserabilius ? quando rem tam labilem omni studio colligere aggre-
diantur, nec Prophetam audiant dicentem : Væ his qui confidunt in virtute sua, & in multitudine divitia-

[e] Chrysost. hom. 2. ad Pop.

DIVITIÆ INSTABILES. 45

rum suarum gloriantur. (Ps. 48.)
 Dic, quare Væ? Thesaurizat, inquit,
 & ignorat cui congregabit ea. Et,
 quoniam labor quidem certus, fructus
 verò incertus. Sæpius inimicis labo-
 ras, & ærumnis conficeris. Sæpius post
 mortem tuam, ad eos qui te affece-
 runt injuriâ, & innumeris circumve-
 nerunt insidiis, hæreditas veniens, tibi
 quidem peccata, possessionem verò
 aliis præbuit.... Quid insanis circa fu-
 gientia, & hîc manentia? Nihil divi-
 tiis fallacius: hodie tecum, & cras
 contra te invidorum oculos armant...
 Ne dicas mihi: Tot & tot annorum
 proventus repositos habeo, auri talen-
 ta innumera, lucra per singulos adau-
 cta dies. Sæpius unâ horâ & brevi
 temporis momento, velut vento su-
 pernè irruente jactabilis pulvis, sic
 hæc omnia ex domo exsufflantur....
 Nec hoc solum malum est, quòd mu-
 tatio fit repentè universa, sed quòd
 impræmeditatus ad paupertatis tole-
 rantiam dives deducitur. *Hactenus Chry-*
sostomus, qui & similia sæpius repetit au-
reâ planè facundiâ. Vides ergo, ô dives,
 quia sunt tuæ incertæ divitiæ; (f)

(f) *Ambros. serm. 39.*

46 CONSIDERATIO II.

semper enim fugaces sunt, & stabilitate carent, & ad defectionem à Deo inclinant, & pedes habent fragiles. (g) Noli de te præsumere, noli ibi te figere: certè vel hoc time, divitiæ si fluant. Non vides, quia si ibi eor posueris, & tu flues? (h) *Audi Spiritum veritatis, Salomonis ore monentem*: Noli laborare ut diteris: sed prudentiæ tuæ pone modum. Ne erigas oculos ad opes, quas non potes habere (seu, diu possidere): quia facient sibi pennas sicut aquilæ, & volabunt in cælum. (i) *Vt enim Aquila altissimè evolat, ita ut conspici demum nequeant: sic opes saepenumero avolant quam longissimè, ut nihil jam ex eis videatur.*

II. Hoc fanè omnibus puto etiam idiotis cognitum esse, quòd nihil eorum, quæ in hac vita jucunda sunt, & quorum gratiâ plerique insaniunt, verè nostrum esse, aut fieri soleat, sed omnibus simul aliena videantur, tam qui illis frui putantur, quàm qui ne attingunt quidem. Neque enim si infinitam vim auri in hac vita coacer-

(g) *Cyrell. Alexandr. in Sophon. n. 10.*

(h) *August. in Ps. 61. (i) Prov. 23.*

DIUITIÆ INSTABILES. 47

vant, illico perpetuò illis aurum hoc proprium manet; sed vel à viventibus adhuc, licet undique obligatum, ad potentiores transfluens aufugit, aut in mortis jam articulo constitutos deserit, nec vult unà cum possessoribus suis emigrare: sed isti quidem, ab eo, qui animas violenter ab hac carne separat, ad necessariam compulsi migrationem, ad pecunias crebrò respectant, & , quos à prima aetate sudores illarum gratiâ tulerunt, deplorant: divitiæ verò aliorum manibus inhiant, istis colligendi tantum labore & avaritiæ crimine inflicto Sæpenumero autem & antequàm sepeliatur, & antequàm bonis cedat, videbit illa in manus venisse aliorum, idque forsitan inimicorum quoque. (a)

Nam firmitatis nil habent opes,
maris

Similes profectò fluctibus, motu
levi

Quos ferri in altum cernimus, labi
& citò. (b)

Blandæ sunt divitiæ, & aliud agen-

(a) Basil. hom. 23. Non adhaerend. rebus seculari.

(b) Gregor. Nazianz. carm. iambico. 3. ad Seleuc.

18 CONSIDERATIO II.

tes, & aliud pollicentes : lubrica est earum possessio, dum huc illucque circumferuntur, & instabili gradu vel habentes deserunt, vel non habentes referciunt. (c) Cùm congregaveris opes, quĩ scias, an possidere liceat tibi? Nõnne vanum est, ut mercator noctibus ac diebus conficiat iter, quò aggerare possit thesauri acervos; merces congerat; conturbetur ad pretium, nè fortè minoris vendat quàm emerit; aucupetur locorum pretia; aut, non expectatis serenioribus flatibus, dum lucrum quærit, naufragium, impatiens moræ, incidat? An non conturbatur etiam ille vanè, qui summo labore coacervat, quod nesciat cui hæredi relinquat? Sæpe quod avarus summâ congefferit sollicitudine, præcipiti effusione dilapidat hæres luxuriosus: & diu quæsitæ, turpis helluo, præsentium cæcus, futuri improvidus, quadam absorbet voragine. Sæpè etiam speratus successor invidiam partæ acquirit hæreditatis, & celeri obitu extraneis aditæ successionis transcribit compen-

(c) *Hieronym. lib. 2. super Matib. cap. 13. can. 2: n. 135.*

DIVITIÆ INSTABILES. 49

compendia. (d) Et gloriaris in multitudine divitiarum tuarum? (e) Speras, & prævales in vanitate tuâ? (f) Si quis tibi quidem domos, ubi manere non debeas, parasset, magnum existimares detrimentum id factum: nunc autem hîc vis locupletari, unde frequenter & ante vesperam es migraturus. Nescis quòd in aliena regione moramur tanquam hospites & peregrini? Nescis quòd peregrinorum est expelli, cum nec expectaverint, nec speraverint? quod & nos patimur. Propterea quidquid comparaverimus, hîc dimittimus. (g) Nemo in casura urbe ædificat. Dic mihi, si quis tibi prænuntiaret, post annum ipsam casuram urbem, num fortasse in casurâ urbe ædificares? ... Nequaquam ædificemus in hoc mundo. Cadet enim paulò post, & cuncta peribunt. Quid dico, cadet? Ante ipsum casum ipsi peribimus. Quid in arena ædificamus? Ædificemus supra petram: quantumcumque impetus fiet, inconcussa quidem illa erit ædificatio, eamque de-

C

(d) *Ambr. l. 2. Offic. c. 49.* (e) *Pf. 48.*

[f] *Pf. 51.* (g) *Chrysost. ho. 36. ad Pop.*

moliri nihil poterit. (*h*) Sed opes ubi-
nam deponemus? In terra suffodie-
mus? Absit: sed, meis, si ipse confi-
liis acquiescere volueris, modum tibi
dixero, quo transfugas opes, fidas
tibi eas reddideris. Quónam modo
transfugæ ipsæ tenebuntur? Distribu-
tæ manent, custoditæ fugiunt. Atque
vel ab ipsis agricolis disce. Nam illi
quidem frumenta si domi conclusa
tenent, vermium in esca amittent: si
verò disperferint in terras, non mo-
dò custodiunt, sed etiam augent. Sic
& opes, stantes quidem in arca, atque
sub sera & vecte defossæ, citò trans-
fugiunt: si verò eas in ventres disper-
feris pauperum, non modò non fu-
giunt, sed & majores inde resurgunt.
Hæc igitur sciens, in manibus fac eas
millenis detineri, viduarum scilicet, or-
phanorum, infirmorum. (*i*)

III. Quid gloriaris in vallibus? De-
fluxit vallis tua, filia delicata, quæ
confidebas in thesauris tuis, & dice-
bas, Quis veniet ad me? Ecce ego in-
ducam super te terrorem, ait Domi-

(*h*) *Chrysost. de Penit. hom. 7.*

(*i*) *Chrysost. ibid.*

DIVITIÆ INSTABILES. 51

mus. (a) Ubi sunt Principes Gentium, & qui dominantur super bestias quæ sunt super terram? qui in avibus cœli ludunt, qui argentum thesaurizant & aurum, in quo confidunt homines, & non est finis acquisitionis eorum? qui argentum fabricant, & solliciti sunt, nec est inventio operum illorum? Exterminati sunt, & ad inferos descenderunt, & alii loco ipsorum exurrexerunt. (b) Vir opulentus, & Principum favore magnus, à nonnemine interrogatus est: Quid ad omnem fortunam sibi deesse videretur? Ille prudenter, Clavum, inquit, unicum, quo fortunam mihi tam propitiam & blandientem affigam, ne avolet. Sed hic hætenus clavus nusquam est repertus. (c) Nempe, ut rectè cecinit *Scribanius noster*:

Ut bulla labitur, quidquid hîc nobile;

Ut flos, sic defluit, quidquid amabile;

Ut umbra deperit, quidquid optabile;

C 2

(a) *Jerem.* 49. (b) *Baruch* 3. (c) *Drexel, in Iosepho cap. 12. §. 2.*

52 CONSIDERATIO II.

Nil firmum cogites, nil terris stabile. (d)

Sæpè ante mortem, post multos labores, & sudores, & ærumnas, quasi procellâ quadam ingruente negotiorum difficultate, repentè qui plurimas possidebat divitias, pauperrimis factus est pauperior: qualia singulis diebus videre contingit. (e) Horum vita plena, plenæ verò scripturæ disciplinarum & exemplorum. Hodie dives, cras pauper. Idcirco sæpius rîsi testamenta legens dicentia: Ille quidem habeat agrorum, vel domûs dominium, usum verò alius. Omnes enim usum habemus, dominium autem nemo: etsi enim nobis per omnem permaneant vitam, nullam facientes divitiæ mutationem; & volentes & nolentes in fine aliis cedemus, ipsarum usu solo decerpto, dominio autem nudi & orbatî ad illam vitam migrantes. Unde manifestum est, quòd illi soli dominium habent, qui & ipsarum usum contempserunt, & fructum deriserunt. (f) Scitis vos innumerabilia

[d] *Scriban. Amor. div. Ludo in seculi amorem.*

[e] *Chrysost, ho. 11. in Genes. (i) Chrys. ho. 2. ad Pop.*

DIVITIÆ INSTABILES. 53

in hac urbe incertarum divitiarum documenta & exempla : compertumque habetis, cum, qui opes nactus est, vivere, & ipsas periisse; atque utinam possessio periisset, neque possessorem sibi perdidisset. Itaque non errabit, qui divitias ingratum servum dixerit, sanguinis devorantem, & parricidam; quippe quæ domino pro gratia cædem referant. Quodque gravius est, non quando eas linquit, hominem in discrimen deducunt, sed antequam deserat, eum conturbant... Cum autem altum ejus casum periclitantem videris, tuam calamitatem casumque considera. Quid enim humanis rebus instabilius? Id quod sæpè commemoravi, fluvialium undarum naturam divitiæ imitantur, quæ simul & videntur & labuntur: uno eodemque puncto temporis & tenentur & effluunt.

(g) Quid itaque laboras in ventum, cum sint divitiæ instabiles, & aquatilis bullæ cum detumescit, persimiles?

(h) Nondum rectè advenerunt, & avolarunt. (i) Probè noverat opum insta-

C 3

(g) Chrysost. hom. in Ps. 48. (h) Olympiod. in Eccle. 5. 15. (i) Chrys. hom. 1. in Genes. sub finem.

*bilitatem vir sanctissimus Iob, qui proinde
 iis cor non apponebat. Audi quid dicat :
 Quòd si delectatus sum, cùm mihi
 multæ affluerent divitiæ, si reposui co-
 piosam auri vim mihi, si fiduciam ha-
 bui in lapidibus pretiosis, si ad innu-
 merabilia posui manum meam. Quid
 ais, homo? Non delectatus es divitiis
 affluentibus tibi? Nequaquam, inquit.
 Quid ita? Quoniam videbam illarum
 instabilem fluxamque naturam, vide-
 bamque possessionem haud durabilem.
 Aut non video, inquit, solem orientem
 ac deficientem, lunam verò intermit-
 tentem? non enim in eodem manet
 statu. Quod autem dicit, tale est : Si
 stellæ quæ sunt in cœlis, perpetuo-
 que lucent, recipiunt nonnullam mu-
 tationem, sol deficiens, luna interiens;
 annon extremæ dementiæ sit, terrena
 pro stabilibus fixisque ducere? Eoque
 nec præsentibus magnopere delecta-
 bar, nec discedentibus vehementer
 contristatus sum : quoniam probè no-
 veram earum rerum naturam. Ita Huf-
 saw ille Princeps, interprete Chrysostomo.
 (k) Atque hoc (scribit Gregorius Na-*

(k) Chrysost. hom. cum Sardon. & Aurel. affi-
 essent in exilium. to. 5.

DIVITIÆ INSTABILES. 55

zianzenus) ut si quid aliud, rectè ab artifice Verbo & Sapientiâ illâ mentem omnem superante factum esse videtur, ut nos in iis, quæ in aspectum cadunt, atque aliàs mutantur & mutant, ac sursum deorsumque feruntur & invertuntur, ac priusquam manententur, fugâ se proripiunt, eludamur; nimirum, ut perspectâ eorum instabilitate ac varietate, ad futuræ vitæ portum contendamus. Quid enim fecissemus, si prosperitas nobis firma & perpetua esset? cùm licet fluxa & fragilis sit, usque eò tamen ipsi tanquam vinculis quibusdam adstricti simus, ejusque voluptate atque imposturâ in hanc servitutem redacti, ut nihil præsentibus rebus melius atque excellentius cogitare possimus; idque, cùm ad Dei imaginem, quæ & sursum est, & ad se trahit, creatos nos esse credamus, ac persuasum habeamus. Quis sapiens, & intelliget hæc? Quis prætereuntia præteribit? Quis stabilibus & æternis mentem adjunget? Quis de præsentibus, tanquam de abeuntibus, cogitabit? ... Quis præ-

56 CONSIDERATIO III.

sentibus rebus, futuras emet? Quis fluxis opibus, opes constantes atque perennes? (1)

[1] Greg. Nazianz. Orat. 16.



CONSIDERATIO III.

BONA NON BONA.

I. **V**ani, imò ex Hebræo, Vanitas, seu, vanissimi filii hominum; mendaces, imò mendacium, seu, mendacissimi filii hominum in stateris, dolosis & fraudulentis, perversis scilicet judiciis & affectibus (mala, ut habet Basilus explicans illud Ps. 61., pro bonis eligentes, vana veris anteponentes, momentanea perpetuis potiora ducentes) ut decipiant ipsi de vanitate in idipsum. (a) Seipsos miseri & alios decipiunt; & licet variis modis vani sint & mendaces, tamen in idipsum conveniunt, uniti & conjuncti sunt in hoc ut vani sint & mendaces. (b) Vnde & Symmachus ultima illa verba reddit: ipsi evanescunt simul; & Septuaginta, Ipsi

(a) Ps. 61. [b] Bellarmin. ibi.

stultescunt simul. (c) *Verissimum igitur illud Ecclesiastæ sapientissimi: Stultorum infinitus est numerus; (d) & illud iterum Psaltæ Regis: Omnis homo mendax. (e) Hoc dicit Propheta in excessu mentis, (ut immediatè antè habet) per quem ascendit ad notitiam regionis vivorum: in eo excessu, videns quàm falsa & fallacia sint, quæ videntur hominibus vera & solida bona; Ego, inquit, dixi, Omnis homo mendax: id est, omnis homo, qui humano affectu loquitur de felicitate, & magni æstimat bona mortalia & caduca, mendax est: vera & stabilia bona non inveniuntur, nisi in regione vivorum. (f) Rursus, Homo vanitati similis factus est. (g) Cui vanitati? interrogat, & respondet Augustinus: (h) Temporibus præterlabentibus & præterfluentibus... Hæc omnia terrena, volatica, transitoria, si comparentur illi veritati, ubi dictum est, Ego sum qui sum: (Exodi 3.) totum hoc quod transit, vanitas dicitur. Evanescit enim per*

C. 5.

[c] vid. Lorin. Le Blanc, &c. (d) Eccle. 1.
 (e) Ps. 115. (f) Bellarm. ex Euthymia ibi. (g)
 Ps. 143. (h) ibi,

58 CONSIDERATIO III.

tempus, tanquam in auras fumus. Imò
 universa vanitas (*sive*, universitas va-
 nitatis) omnis homo vivens: (i) *atque*
aded vanitate ipsâ vanior. Quod enim su-
 præ *Vulgata* habet, ut decipiant ipsi de
 vanitate in idipsum; (k) *in Hebræo ha-*
betur: ad ascendendum ipsi de vanita-
 te in idipsum; id est, interprete Bel-
 larmino, positi in statera cum vanita-
 te, ascendunt præ vanitate; ac per hoc
 leviores & magis vani sunt quam ipsa
 vanitas. Vnde etiam *Chaldaus reddit:* Si
 acceperint homines stateram, ponde-
 rantes fata sua, illi quidem ipsamet
 vanitate erunt leviores. (l) *Quid ita?*
 Diligunt, ut queritur *Propheta*, (m) va-
 nitatem, & quærunt mendacium; sese-
 que illi veluti mancipia subjiciunt: atque
 ita miseri vanitate obcecati, & possessi men-
 dacio, evanescunt in cogitationibus suis,
 (n) ambulant in vanitate sensus sui,
 tenebris obscuratum habentes intelle-
 ctum, (o) dicunt malum bonum, & bo-
 num malum: ponentes tenebras lu-
 cem, & lucem tenebras: ponentes
 amarum in dulce, & dulce in amarum.

(i) Ps. 38. (k) Ps. 61. (l) vid. Thom. le Blanc
 ibi. (m) Ps. 4. (n) Rom. 1. (o) Ephes. 4.

(p) *Istâ cecâ vanitate pleni, quas Veritas ipsa fallaces divitias, imò fallaciam divitiarum, (q) deceptionem, (r) spinas, (s) aperte pronuntiat; bonas illi, & simpliciter bona proclamant, colunt, imò gratulantur invenisse tanquam idolum, quod adorent, & à quo felicitatem omnem habeant: Verumtamen dives effectus sum, inveni idolum mihi. (t) Illi cor, illi animum, illi curas omnes, totamq₃ vitam dicant, consecrant; & quem vanum fatuumque auri argentique malefanis oculis hausere fulgorem, sic ad intima transmittunt, ut nihil nisi aurum, nisi argentum, somnient, ament, quarant. Interea clamat Dominus & Magister noster, Patris Sapientia, Verumtamen Væ vobis divitibus, quia habetis consolationem vestram. (u) Illud Væ miseriam calamitatemque designat. Et iterum: Nolite thesaurizare vobis thesauros in terrâ; (x) & alia ejusmodi passim habes in Evangelicis paginis; quibus bona non esse, qua mundus falso aestimat nuncupatq₃ bona, luculentè demonstratur. Nec verbis duntaxat, sed & exemplo, contemnenda illa docuit idem Do-*

(p) *Isai. 5. (q) Matth. 13. [r) Marc. 4. (s) Luc. 8. (t) Ose. 11. (u) Luc. 6. (x) Matth. 6.*

60 CONSIDERATIO III.

minus, propter nos egenus factus, (*y*) qui non habuit ubi caput reclinaret. (*z*) Cùm bonorum omnium author sit Deus, & à fidelibus suis quæri & diligi quæque bona præcipiat; si mundana vera bona essent, nec ipse quidem contemneret, nec à suis sequacibus contemni præciperet... Si divitiæ terrenæ vera bona essent, non earum possessoribus improperaret Dominus dicens: Væ vobis divitibus &c. Et alibi: Facilius est camelum per foramen acus transire, quàm divitem intrare in regnum Dei. (*Marci* 10.) Audiamus etiam, quid suis dicat imitatoribus: Si vis perfectus esse, vade, vende omnia quæ habes, & da pauperibus (*Matth.* 19.) Item: Qui non renuntiat omnibus quæ possidet, non potest meus esse discipulus (*Luc.* 14.) &c. (*aa*) Aurum, argentum, bonum est, non quòd te faciat bonum, sed unde facias bonum... Quod bonum, inquis, facturus sum de auro? Non audisti Psalmum: Disperfit, dedit pauperibus: justitia ejus manet in sæculum sæculi?

(*y*) 2. *Cor.* 8. (*z*) *Matth.* 8. (*aa*) *August.* 10. 9. *lib. de contemptu mundi cap.* 5.

(Ps. 111.) Hoc est bonum, hoc est bonum unde sis justitiâ bonus. Si habes bonum unde sis bonus, fac bonum de bono unde non es bonus. Habes pecuniam: eroga. Erogando pecuniam, auges justitiam, (bb) Omnia quæcumque habes, vende, & da pauperibus, & habebis thesaurum in cælo. (cc)

II Itâne nullum est proprium vobis, atque insitum bonum, ut in externis ac sepositis rebus bona vestra quærat? Sic rerum versa est conditio, ut divinum, merito rationis, animal, non aliter sibi splendere, nisi inanimatæ suppellectilis possessione, videatur? Et alia quidem suis contenta sunt: vos autem Deo mente consimiles, ab rebus infimis excellentis naturæ ornamenta captatis: nec intelligitis, quantam Conditori vestro faciatis injuriam. Ille enim genus humanum terrenis omnibus præstare voluit: vos dignitatem vestram infra infima quæque detruditis. Nam si omne cujusque bonum, eo, cujus est, constat esse pretiosius; cum vilissima rerum vestra bona esse judi-

(bb) *August. de verbis Dom. Serm. 5. (cc)*
Lhs. 18.

62 CONSIDERATIO III.

catis, eisdem vosmetipsos vestrâ æstimatione submittitis : quod quidem haud immeritò cadit. Humanæ quippe naturæ hæc conditio est, ut tum tantum ceteris rebus, cum se cognoscit, excellat : eadem tamen infra bestias redigatur, si se nosse desierit. Nam ceteris animantibus sese ignorare, naturæ est : hominibus verò, vitio venit.... Ego verò nego illud esse bonum, quod noceat habenti. Num id mentior ? Minimè, inquires. Atqui divitiæ possidentibus persæpè nocuerunt, cum pessimus quisque, eoque alieni magis avidus, quidquid usquam auri, gemmarum est, se solum, qui habeat, dignissimum putat. Tu igitur, qui nunc contum, gladiumque pertimescis, si vitæ hujus callem vacuus viator intrasses, coram latrone cantasses. O præclara opum mortalium beatitudo, quam cum adeptus fueris, securus esse desistis ! (a) Has divitiæ noli appellare, quia veræ non sunt : paupertate plenæ sunt, & semper obnoxiaë casibus. Quales divitiæ sunt, propter quas latronem times, propter quas times servum tuum, ne te occiso auferat &

(a) Boët. de Consolat. l. 2. prosa 5.

fugiat? Si veræ divitiæ essent, securitatem tibi darent ... Divitias vocat il-
 las mundus, iniquitatis vocat Deus :
 ideò mammona iniquitatis, quia divi-
 tias vocat iniquitas. Audi Psalmum :
 Domine, erue me de manu filiorum
 alienorum ; quorum os locutum est
 vanitatem : & dextera eorum dexte-
 ra iniquitatis. Quorum filij sicut no-
 vellæ plantationes in juventute sua.
 &c. (Ps. 143.) Vidisti Psalmum qua-
 lem felicitatem descripsit : sed audi
 quid sit, quos proposuit filios iniqui-
 tatis. Quorum os locutum est vani-
 tatem, & dextera eorum dextera ini-
 quitatis. Ipsos proposuit, & dixit fe-
 licitatem eorum tantum super terram :
 & quid adjunxit? Beatum dixerunt
 populum, cui hæc sunt. Sed qui dixe-
 runt? Filii alieni, alienigenæ, & non
 pertinentes ad semen Abrahamæ ... Quo-
 rum os locutum est vanitatem. Ergo
 vanum est, dicere beatos esse eos qui-
 bus hæc sunt; & tamen dicitur ab eis,
 quorum os locutum est vanitatem. Ab
 istis dicuntur istæ divitiæ, quæ vocan-
 tur mammona iniquitatis. (b) Hæc tu
 appellare bona non erubescis, neque

(b) *August. de verbis Dom. Serm. 35.*

64 CONSIDERATIO III.

suffunderis, homo cum sis, cui de cœlestibus philosophari fas sit? Non, inquam, erubescis, terrenis solum rebus, & commodis inhiare mortalibus, cui ad fruendum patet, si volueris, cœlum; eaque appellas bona, quæ indignissima simul atque vilissima sunt? Nempe enim si bona hæc dicimus, & eos, qui ea possident, bonos itidem vocare debemus. Nam qui bonum aliquod habet, quomodo potest ipse non esse bonus? Quid ergo? Si, qui ea possident, immodicâ habendi cupiditate aliena diripiant, num eos dicemus bonos? Si enim bonæ divitiæ sunt, hæ verò ex cupiditate, iniquisque compendiis oriuntur: quantò illæ auctiores sunt, tantò, qui eas possidet, melior fieri putandus est; atque eâ ratione, ille erit optimus, qui cupidissimus fuerit. Si autem divitiæ bonæ sunt, quæ ex cupiditate incrementa suscipiunt, eò quisque bonitate præstabit, quò plura possederit. Quod quàm sit absurdum, quamque à ratione dissentiat, omnibus perspicuum est: nisi fortè absque cupiditate opes congeri possunt, atque innoxie possideri. Sed id profe-

BONA NON BONA. 65

Etò fieri nullâ ratione potest, ut perniciosissima hæc perturbatio innoxia sit; atque id Christus dicens, definit suâ sententiâ: Facite vobis amicos de mammona iniquitatis. (Luc. 16.) Non igitur habere pecunias, bonum est; verum non habere, videri bonum facit. Non igitur sunt bonæ divitiæ: ceterum si eas, dum licet accipere, renuas, bonus itidem eris. Si igitur cum eas habentes communicamus egentibus, & oblatas sponte renuimus, tunc boni sumus: sin verò eas vel oblatas sumpserimus, vel soli possidere velimus, boni non sumus: qua ratione divitiæ bonæ dicendæ sunt? Noli igitur ejusmodi appellatione falli, nec bonas dixeris, quæ bonæ non sunt. Idcirco nempe bono, quod verum est, cares: quia bonas divitias putas, quia illas miraris attornitus. Purgare animum stude, judiciumque diligentius adhibe: tunc profectò bonus eris, cum judicio minimè aberraveris. Disce quæ vera sint bona. Quænam verò ista sunt? Virtus scilicet atque benignitas, eadem profectò normâ si misericors fueris.

66 CONSIDERATIO III.

Quantò eâ re excellis magis , tantò melior eris , atque putaberis : non sic autem , si fueris dives. (c)

III. *Divitias vera bona non esse, adeoq;
non expetendas, noverat sapientissimus & à
Deo illustratus Salomon. Quare & continuè
& obnixè Deum rogavit, ut ne illas sibi
daret. Ita (a) locutus est vir, cum quo
est Deus, & Deo secum morante con-
fortatus. Duo rogavi te, ne deneges
mihi antequam moriar (seu, quamdiu
superstes ero :) Vanitatem (id est, secun-
dum multos, divitias, quæ impellunt ad va-
nitatem & fastum (b) & verba mendacii
longè fac à me : Mendicitatem & di-
vitiis ne dederis mihi (ubi idem repetit
quæ antè, ex Lyrano.) Tribue tantum
victui meo necessaria. Et addit causam
cur divitias deprecetur : Ne fortè satiatus
illiciar ad negandum, & dicam : Quis
est Dominus ? (c) Nihil est enim quod
sic generent divitiæ, quomodo super-
biam. Omne pomum, omne granum,
omne frumentum, omne lignum ha-
bet vermem suum. Et alius est ver-
mis mali, alius pyri, alius fabæ, alius*

(c) Chrysost. hom. 12. in I. Tim.

(a) Prov. 30. (b) Vid. Cornel. à Lapide ibi. (c) Ibid.

tritici : vermis divitiarum , superbia :

(d) quæ est initium omnis peccati ,

(e) Deiq; ac salutis contemptum parit.

Quare Siracides scriptor etiam sapientissimus, à Spiritu Dei edoctus, ita pronuntiat :

Si fueris dives , non eris immunis à peccato. (f) Nam, (ut scribit Apostolus

ille, qui raptus in tertium cælum , noverat omnium optimè, divitias non esse inter vera bona censendas) qui volunt divites

fieri, incidunt in tentationem , & laqueum diaboli, & desideria multa inutilia & nociva, quæ mergunt hominem

in interitum , & perditionem. (g) Et adhuc surdus es ? Interitum & perditionem non times ? Sic Deus tonat, &

stertis ? (h) Quàm graves, quàm tremenda sunt istæ , aliaque in sacris Litteris, in divitias & divites, sententiæ ! Et erit adhuc

homo Christianus , qui petere audeat à Deo divitias , aut eas magno labore conquirere,

ne dicam , per fraudes & injustitiam comparare ? Et erit sapiens , qui divitias vera bona existimet ; qui beatum dicat , cui illæ

affluant ; qui eas contemnendas , ac fugiendas non pronuntiet ? Pronuntiavit Vnigeni-

(d) August. de verb. Dom. serm. 5. (e) Eccli. 10.

(f) Eccli. 11. (g) 1. Tim. 6. (h) August. hom.

13. ex 50.

68 CONSIDERATIO III.

tus Dei Filius , qui scit omnium optimè quid in se illæ habeant , nec ullum inter suos sequaces ac discipulos admisit , qui illis adhareret. Ambulans JESUS juxta mare Galileæ , vidit duos fratres , Simonem qui vocatur Petrus , & Andream fratrem ejus , mittentes rete in mare (erant enim piscatores) & ait illis : Venite post me : & faciam vos fieri piscatores hominum. At illi continuò relictis retibus , secuti sunt eum. Et procedens inde, vidit alios duos fratres, Jacobum Zebedæi , & Joannem fratrem ejus, in navi cum Zebedæo patre eorum , reficientes retia sua : & vocavit eos. Illi autem statim relictis retibus & patre , secuti sunt eum; (i) ut habet Lucas de Petro & aliis , relictis omnibus. (k) Unde etiam Christo Domino pronuntianti , difficile divitem intraturum in regnum cælorum : respondens Petrus, dixit : Ecce nos reliquimus omnia , & secuti sumus te : quid ergo erit nobis ? (l) In qua verba S. Bernardus, Nota admodum quæstio est, inquit : Quemadmodum Petrus cum nil ferè ex omnibus ha-

(i) Matth. 4. (k) Luc. 5. (l) Matth. 19.

buisse sciatur, tam fiducialiter gloriatur sese omnia reliquisse. Unde Sanctorum quispiam, Multum, inquit, deseruit, qui voluntatem habendi dereliquit. Et post pauca : A sequentibus tanta relicta sunt, quanta à non sequentibus desiderari potuerunt. Numquid enim voluntas habendi tam multa complectitur, ut reliquisse illam, sit omnia deseruisse ? (*m*) Et *S. Augustinus* : Multum dimisit, Fratres mei, multum dimisit. Quid ? Non solum dimisit quidquid habebat, sed etiam quidquid habere cupiebat. Quis enim pauper non turgescit in spe sæculi hujus ? Quis non quotidie cupit augere quod habet ? Ista cupiditas præcisa est. Prorsus totum mundum dimisit. Petrus, & totum mundum Petrus accepit. (*n*) Matthæum publicanum, ait *Petrus Chrysologus*, divitiæ sic cupiditatis publicabant magistrum, fornace avaritiæ sic coquebant, sic alligabant vinculis cautionum, sacculorum ponderibus sic premebant, ut levare ad innocentiam, ad justitiam surgere, ad

(*m*) *Bern declam.* Ecce nos reliquimus, ex *S. Greg. hom. 5, in Evang.* (*n*) *Aug. in Ps. 103. conc. 3.*

virtutem progredi non valeret. Unde & sedere ejus erat jam subsidere, non sedere. (o) Vidit illum JESUS in telonio : & ait, Sequere me. (p) Hoc est, *pergit idem Orator aureus*, me sequere de supernis ad superna tendentem : & non aurum de inferis ad inferna mergentem. Et surgens secutus est eum. Generosus animus, qui sic ea quæ magna putarat, facile, & quasi nulla contempsit. (q) *Quid Zachæus ?* Et hic erat princeps publicanorum, & ipse dives. Et quærebat videre JESUM. (r) Qui Christum videre cupit (*ait hic Chrysologus*) cœlum unde Christus est, non terram, de qua aurum est, intueatur. Præcurrens ascendit in arborem. Calcavit terram, superascendit aurum, transcendit avaritiam, & totam divitiarum supergressus est molem. (s) Excepit illum gaudens : & stans, dixit ad Dominum, Ecce dimidium bonorum meorum, Domine, do pauperibus : & si quid aliquem defraudavi, reddo quadruplum. Ecce, *inquit Beda*, camelus de-

(o) *Chrysol. serm. 28.* (p) *Matth. 9.* (q) *Chrysol. serm. 29.* (r) *Luc. 19.* (s) *Chrysol. serm. 54.*


positâ gibbi sarcinâ per foramen acus transit; hoc est, dives & publicanus relicto onere divitiarum, contempto censu fraudum, angustam portam, arctamque viam quæ ad vitam ducit, ascendit. (t) Ne quis tamen putet, ait *Chrysologus*, Zacchæum, offerendo dimidium bonorum, perfectionis non tenuisse fastigium; qui post omnia sua & seipsum sic dedit Domino, ut Episcopatus honore fultus, à mensa publicani quæstus, ad mensam Domini Corporis perveniret: & fraudulentæ sæculi divitias derelinquens, in paupertate Christi veras sæculi divitias inveniret. (v) Sapiientis demum est, hoc appetere, quod bonum facit; & non id amare, quod decipit. (x) Unde *Ecclesiastes*, Cor sapientis, inquit, in dextera ejus: & cor stulti in sinistra illius. (y) Qui habent cor ad vera & æterna bona, quæ est pars dextera, in qua erunt oves in die judicii, illi sapiunt: qui habent cor ad caduca & temporalia, quæ est pars sinistra, in qua erunt hædi, illi stul-

(t) Beda l. 5. c. 77. in Luc. 19. (v) Chrysol. serm. 54. (x) Prosper lib. sent. n. 130. (y) Eccle. 10.

tissimi sunt. (z) *Utrâ in parte est cor tuum, mi Lector ? in utrâ erit deinceps ? Domine, inclina cor meum in testimonia tua, & non in avaritiam. (aa)*

(z) *Bellarmin. de genuu columbe l. 3. c. 2.*

(aa) *Psalms. 118.*



CONSIDERATIO IV.

DIVITIARVM SITIS.

I. **A** Varus non implebitur pecunia; *ex Hebræo & Græco, Amans argentum non satiabitur argento. (a)* Avarus enim ex eo dicitur quod sit avidus auri, *ex S. Isidoro; (b) & ex S. Ambrosio, Quid est dives, nisi quidam inexplebilis gurgis divitiarum, inexplebilis auri fames ac sitis? Quod plus hauserit, plus inardescit. (c)* Insatiabilis oculus cupidi (*avari, qui omnia cupit*) in parte iniquitatis, *nullâ opum portione contentus; non satiabitur donec consumat arefaciens animam suam, (d) continuis curis, desideriis,*

(a) *Eccle. 5. (b) Etymol. l. 10. (c) Ambros. de Nabushe c. 6. (d) Eccli. 14.*

deriis, anxiis cogitationibus. Est quippe pestis hujus inexplibilis appetitus, neque à morborum concupiscentiâ dissimilis est: talia sunt ægrotorum desideria. Denique is qui febris calidus uritur, impleri nunquam potest, sed semper in desideriis est. Ebrius item nunquam mero satiatur, sed siti semper anhelat: ita & qui pecuniarum insano tenetur studio, desiderium suum exsatiare nullâ opum poterit copiâ Orbis ille totius inimicus est; indignatur quòd ulli sint homines. Cupit enim deserta esse omnia, ut omnium ipse potiatur solus. (e) Oculi stultorum (id est, interprete Hugone Cardinali, avarorum; qui stulti dicuntur, quia transitoria præponunt æternis) (f) in finibus terræ: (g) id est, in terrenis: ad litteram, in vineis, in agris, & ceteris possessionibus: quia ubi amor, ibi oculus. Nec tantum oculi, sed & aures, & lingua, & cor. Unde Matth. 6. Ubi est thesaurus tuus, ibi est & cor tuum. Tales verò nec cogitare, nec loqui, nec audire possunt,

D

(e) Chrysost. hom. 7. in 2. Timoth. (f) Hugo Card. in Prov. max. citand. (g) Prov. 17.

nisi de terrenis: quia ibi cor, ibi lingua, ibi aures eorum sunt. (h) Avarus nunquam finem suæ imponit cupiditati, non solum quod non possit omnium solus facultates occupare, sed etiam quod, quantumcumque completitur, nihil se habere putat. (i) Anima calida, inquit *Spiritus sanctus*, quasi ignis ardens; non extinguetur donec aliquid glutiat. (k) In quæ verba sic *Rabanus*: Anima calida quasi ignis ardens est mens avari, quæ ardet in concupiscentia terrenarum rerum: cujus ardoris flamma non mitigatur, donec lucro terreno repleatur: sed quia avaritiæ pestis morbo hydropis est similis, quo qui laborat, quanto plus bibit, tanto plus sitit: sic & anima avari, quanto plura in pecuniarum questu acquirit, tanto plus in eorum ardet ambitione. Idcirco dum dicitur, donec aliquid glutiat; non ejus morbi in eo exprimitur curatio, sed perversi usus denotatur multiplicatio, ut dum appetitum lucrum acquirit, inde quasi jam absolutus, ad alia appeten-

(h) *Hugo Card. ibi.* (i) *Chrysost. in 1. Cor. hom. 14.*

(k) *Eccli. 23.*

da paratior reddatur. *Hactenus Rabanus.*
Quare iterum Spiritus Veritatis, insatiabi-
lem illam pecuniarum cupiditatem inferno
ipsi & morti comparat : Infernus & per-
ditio (seu, mors) nunquam implentur
(hebraicè, saturantur) similiter & oculi
(seu, cupiditates) hominum insatiabiles.
(l) Vnde S. Basilus : Avarus, ut infer-
nus, numquam ait, Satis est. (m) Et
iterum : Quæcumque oculis acceperit
avarus, his inhiat, non expletur sa-
tietate videndi oculus ejus, neque
unquam avarus accipiendo satiatur :
& ut Pluto infernus nunquam dixit
satis sibi esse, sic neque avarus illam
vocem ullo tempore protulit, Suffi-
cit. (n) Et S. Augustinus cum eodem Ba-
filio : Avarus vir inferno est similis.
Infernus enim quantoscumque devo-
raverit, nunquam dicit, Satis est. Sic
etsi omnes thesauri defluerint in ava-
rum, nunquam satiabitur. (o) S. verò
Chrysostomus : Avarus, inquit, in omnes
ut mors insiliens, omnes ut infernus
deglutians, communis generis homi-
 1) 2.

(l) Prov. 27. (m) Basil. hom. 7. in divites avaros.

(n) Basil. orat. 15. de avaritia. (o) Augst. lib. de Salutar. docum. cap. 30. Basilium admonit. ad filium spirituale.

num hostis : quippe qui vellet nullum hominem esse, ut omnia possideret. Neque hic tamen sistit gradum ; sed cum omnes perdiderit cupiditate suâ, etiam terræ substantiam cupit abolere, ac ipsam aurum factam iuvaret aspicere : nec solam terram, sed & montes & valles & fontes, breviter, quidquid in rerum natura extat. (p) Hinc Christus ipse, narrans divitis epulonis & avari cruciatus, ait : Elevans oculos suos cum esset in tormentis, vidit Lazarum, &c. (q) In tormentis erat (inquit Chrysostomus) oculos solos liberos habebat, ut alterius lætitiâ posset aspicere. Propterea dimittuntur oculi liberi, ut magis torqueatur : quia non habebat quod alius tenebat. Aliorum divitiæ, eorum qui in paupertate sunt, tormenta sunt. (r) Verum igitur est Syrorum & Arabum Proverbiū : Non est in toto mundo pauper, qui sit ita miser, ut est homo dives, qui non expletur divitiis suis. (s) Verissimum illud Spiritus Sancti effatum : Qui aurum diligit, non justificabitur ; &

(p) Chrysost. hom. 29. in Matth. (q) Luc. 16.

(r) Chrysost. hom. in illud Lucæ. 10. 2. (s) Pine-
da & A Lapidè in Eccle. 5. v. 9.

DIVITIARUM SITIS. 77

qui insequitur consumptionem (græcè, corruptionem, puta, aurum & opes caducas & corruptibiles) replebitur ex eâ; (t) nunquam satiandus; quia inanitate, somniis, & umbris plenus, nunquam finiendâ corruptione & rerum omnium atque adeò vel unius guttæ, quâ refrigeretur, egestate torquebitur. Fugiamus igitur peregrinum hunc & novum morbum, fugiamus radicem omnium malorum, fugiamus præsentem gehennam. Gehenna namque, avarorum desiderium est. (u)

II. Sicut ii qui per insaniam mente translati sunt, non jam res ipsas, sed passionis suæ phantasias vident: ita etiam mens avari semel vinculis cupiditatis adstricta, semper aurum, semper argentum videt, semper redditus computat. Gratiùs aurum intuetur, quàm solem videt. Ipsa ejus oratio & supplicatio ad Dominum, aurum quærit; & vellet atque optaret, ut omnia ei in aurum converterentur. Denique, quod potest, frumentum in aurum convertere conatur; vinum in aurum mutat;

D 3

(t) Eccli. 31. 5. (u) Chrysost. hom. 14. in 1. Cor.

78 **CONSIDERATIO IV.**

lana ei aurum efficitur; omnes fructus ejus, omne negotium, omne quod movetur, in aurum vertitur. Interdum etiam, usuræ arte nequissimâ, ex ipso auro aurum nascitur. Sed quid agis? Nec satietas unquam, nec finis aderit cupiditati. Nam interdum pueris gulæ nimium deditis indulgemus desideratos cibos avidius sumere, ut nimieta-
te ipsâ satiati horrescant, & avertant se de reliquo ab hujuscemodi cupiditate. Avaritia tamen nihil tale patitur; sed quantò plus invenerit, tantò amplius quærit. (a) Infatiabilis edacitas cupiditatis est. Nescit satiari argento, qui concupiscit argentum. Distendunt divitiæ, non explent. (b) Nec solum crescendo non expletur, sed ardentior redditur appetitus. Velut ebris occasio sitiendi est vini copia & augmentum: sic & qui repentè ditatus est, plura possidens plura concupiscit; & dum perpetuò cumulum auget, morbum perpetuò nutrit. Studium namque habendi, contrarios eorum voluntati agit effectus. Non enim tan-

(a) Ambros. serm. 81. similia habes apud Basil. hom. 6. in ditescentes, (b) Ambr. in Ps. 1.

tum eos ob jam parta non exhilarat, verum ob ea quæ deesse videntur cupiditati, potius angit.... Quemadmodum qui scalas vel gradus ascendentes, ad ulteriora progressuri, continuo ad gradum sequentem vestigium attollunt, nec prius quiescunt, quam summam attingant: sic & hi à rerum cupiditate non prius cessant, quam in altum sublatis sese à ruina firmos ac securos reddant.... Nec expletur oculus videndo, neque avarus accipiendo. (c) Insatiabilis est sola avaritia divitum; semper rapit, & nunquam satiatur: nec Deum timet, nec hominem reveretur: non patri parcit, non matrem agnoscit, nec fratri obtemperat, nec amico fidem servat: viduam opprimit, pupilli rem invadit: liberos in servitium revocat: testamentum falsum profert. Res mortui occupantur, quasi & non ipsi qui hoc faciunt, moriantur. Quæ est ista, rogo, insania, amittere vitam, appetere mortem: acquirere aurum, & perdere cælum? (d). Istas terrenas

D 4

(c) *Basil. hom. 7. in divites avaros.* (d) *Aug. de verb. Dom. serm. 25.*

80 CONSIDERATIO IV.

divitias injustum est putare divitias, quæ non auferunt egestatem. Tantò enim magis quisque ardebit egestate avaritiæ, quantò magis eas diligens majores habuerit. Quomodo ergo sunt divitiæ, quibus crescentibus crescit inopia; quæ amatoribus suis, quantum fuerint ampliores, non afferunt satietatem, sed inflammant cupiditatem? Divitem tu putas, qui minùs indigeret, si minus haberet. Unde benè quidam dixit:

Crescit amor nummi, quantum ipsa pecunia crescit.

Cum pecuniæ enim incremento rabies cupiditatis augetur. Nam omnes avari vel cupidi velut hydropis morbo ægrotare videntur. Quomodo enim hydropicus, quantum plus bibit, tantum ampliùs sitit: ita & avarus vel cupidus acquirendo non satiatur. (e) Habes aurum, habes argentum; & concupiscis aurum, & concupiscis argentum. Et habes, & concupiscis; & plenus es, & sitis: morbus est, non opulentia. Sunt homines in mor-

[e] Aug. hom. 30. ex 50. & serm. 10. de Sanctis, qui est 3. de SS. Innoc.

bo, humore pleni sunt, & semper sitiunt. Quomodo ergo delectas opulentiam, si habes hydropem conscientiam? (f) Liquet quia avaritia desideratis rebus non extinguitur, sed augetur. Nam more ignis, cum ligna quæ consumat acceperit, accrescit: & unde videtur ad momentum flamma comprimi, inde paulò post cernitur dilatari. (g) Nec unquam id quod additur, studium habendi restinguit, sed magis ac magis accendit atque inflammat. (h) Isti qui in opibus colligendis insaniunt desiderio & concupiscentia quadam, insaniam hanc indomitam nunquam sistere possunt; sed quantò magis suas opes augeri vident, tantò & concupiscentiâ magis flagrant. Neque antea à pessimo appetitu hoc abstant, donec in ipsum malitiæ profundum descenderint. (i) Facilius namque est hominem volare, quàm acquisitione & accessione pecuniæ, cupiditatem habendi terminare. (k)

D 5

(f) Aug. serm. 5. de verb. Dom. [g] Gregor. l. 15. Moral. c. 12. (h) Basil. orat. 15. de avaritia. (i) Chrysost. hom. 22. in Genes. (k) Idem hom. 64. in Matth.

82 CONSIDERATIO IV.

Si quantas rapidis flatibus incitus
 Pontus versat arenas,
 Aut quot stelliferis edita noctibus
 Cœlo sidera fulgent:
 Tantas fundat opes; nec retrahat
 manum

Pleno copia cornu;
 Humanum miseras haud ideo genus
 Cesset flere querelas. &c. (l)

Quare si opes nec submovere indigentiam possunt, & ipsæ suam faciunt; quid est, quod eas sufficientiam præstare credatis? (m) Cur illas amatis, cur servatis, & augere frustra tentatis? Nolo illas divitias, quæ quotidie augmento suo famem faciunt: & in posterum dignitatis suæ flore nudatæ, amatores suos esurire patiuntur. (n)

III. Videmus quosdam, cùm haberent pecuniam parvam, parvis lucris fuisse lætatos: sed postea cùm cœperint abundare veris quidem copiis auri & argenti, sed tamen falsis divitiis, cùm parva obtuleris, jam recusant. Credas eos jam esse satiatos; sed falsum est. Nam major pecunia fau-

(l) *Poët. de Consol. l. 2. metro 2.* (m) *Idem l. 3. prosa 3. fine.* (n) *S. Valerian. Episc. Cemel. hum. 8.*

ces avaritiæ non claudit, sed extendit: non irrigat, sed accendit. Poculum respuunt, quia fluvium sitiunt. (a)

Atque ita & inter opes inopes, quasi Tantalus ille,

Inter aquas sitiunt, nec habent quod habere videntur.

Nam partis uti metuunt, servata relinquunt;

Dumque alimenta parant, vivendi tempora perdunt. (b)

Philippus II. Hispania Rex in Symbolo suo posuit hæc verba: Non sufficit orbis.

Franciscus I. Gallia Rex, Unus non sufficit orbis. Carolus V. Imperator, Plus

ultra. Vera sunt hæc omnia: neque enim vel universa mundi machina

unum hominis cor impleat, quod Dei possidendi capax est, ait, qui ista refert,

P. Thomas le Blanc, (c) nec avari animo sat fuerit. Nabuthe historia vetus est,

usu quotidiana. Quis enim divitum non quotidie concupiscit aliena? Quis

opulentissimorum non exturbare contendit agellulo suo pauperem, atque

inopem aviti ruris eliminare finibus?

(a) *August. hom. 30. ex 50. (b) Paulin. Natali 10. (c) in Ps. 136. v. 20.*

Quis contentus est suo? Cujus non inflamat divitis animum vicina possessio? Non igitur unus Achab natus est: sed, quod pejus est, quotidie Achab nascitur, & nunquam huic sæculo moritur. Si unus occidat, plurimi assurgunt: plures qui rapiant, quàm qui amittant. (d) O dives, nescis quàm pauper sis, quàm inops tibi ipsi videaris, qui te divitem dicis: Quantò plus habueris, plus requiris: & quidquid acquisieris, tamen tibi adhuc indiges. Inflammaturo lucro avaritia, non restinguitur. (e) Ego sanè, inquit *Basilins magnus*, illum Diogenis omnium humanarum rerum contemptum & admiror & suspicio; qui quovis rege se multò ditiozem esse ostendit, cum illud proferret, se longè paucioribus, quàm regem, in hac mortali vita opus habere. At avaris nisi adsint Pythii Mysi talenta, & tot ac tanta terræ jugera, pecorumque plures greges, quàm numerando percenseri possint, nihil satis erit. (f) *Mirum fortasse dicam, innuente Scripturâ sacrâ,*

(d) *Ambros. de Nabushe c. 1.* (e) *Ibid. c. 2.*

(f) *Basil. orat. 15. de avaritia.*

suggerente magno Ecclesiæ Doctore Ambrosio: Facilius est imperare Soli, ut sistat cursum, quam avaro, ne concupiscat & sitiat aurum.

Locutus est Iosue Domino in die qua tradidit Amorrhæum in conspectu filiorum Israël, dixitque coram eis: Sol contra Gabaon ne movearis, & Luna contra vallem Aialon. Steteruntque Sol & Luna, donec ulcisceretur se gens de inimicis suis. Stetit itaque Sol in medio cœli, & non festinavit occumbere spatio unius diei. (g) *Habes solem obedientem, & stantem: at non ita avarum. Præceperat idem Iosue militibus, ne quid de civitatis Ierichuntinæ anathemate concupiscerent. (h) Verùm Achan siti avaritiæ immoderatâ æstuans, tulit aliquid de anathemate: vidi enim, inquit ille peccatum suum ipsi Iosue confitens, inter spolia pallium coccineum valde bonum, & ducentos siclos argenti, regulamque auream quinquaginta siclorum: & concupiscens abstuli; & abscondi in terra contra medium tabernaculi mei, argentumque fossâ humo operui. (i) Itaque (subdit illam avaritiæ sitim & damna demirans S. Ambrosius) Iesus*

(g) Iosue 10. (h) ibid. 6. (i) Iosue 7.

86 CONSIDERATIO IV.

Nave, qui potuit solem sistere ne procederet, avaritiam hominum non potuit sistere ne serperet. Ad vocem ejus sol stetit, avaritia non stetit. Sole itaque stante, confecit Jesus triumphum; avaritiâ autem procedente pænè amisit victoriam. (k) Caveant sitibundi illi pecuniarum, quod sitienti quondam avaro gravis author, Iacobus de Vitriaco, (l) contigisse refert. Is cum in vita, ardentissima siti, semper aurum sitisset, liquatam post obitum in sartagine pecuniam in os ejus demones refundentes, horribili clamore intonabant: Aurum sitiisti, aurum bibe.

(k) Ambr. lib. 2. de offe. c. 26. (l) Apud Speranz. script. select. pun. 65.



CONSIDERATIO V.

DIVITIARVM TIRANNIS.

I. **N**emo potest duobus dominis servire. Non potestis servire Deo & mammonæ. (a) Ergo mammo-
[a] Matth. 6.

DIVITIARUM TYRANNIS. 87

na dominus? Est utique eorum, qui per infamem vecordiam illius se imperio manciparunt. At qualis ille dominus? Ipso Christo teste, alienus, iniquus; (b) ex Petro Chrysologo, crudelitatis dominus, sævus hostis, qui amando lædit, nudat ditando, ipsum captivat aspectum, fidem frangit, violat affectum, vulnerat charitatem, turbat quietem, adimit innocentiam, docet furtum, suadet fraudes, imperat latrocinium; (c) bella mandat, comparat bellatores, sanguinem vendit, agit mortes, prodit patrias, urbes destruit, subdit populos, arces urget, foro præsidet, jus delet, fas nefasque confundit, & ad mortes usque tendendo fidem tentat, violat veritatem, famam carpit, pietatem sepelit, necessitudinem scindit, amicitiam subruit. Et quid plura? Hoc est mammona, dominus iniquitatis, qui iniquè humanis & corporibus dominatur & mentibus. (d) Hactenus ex eloquentissimo Ravennate Archiepiscopo. Ex Gregorio Nazianzeno, Aurum occultus est tyrannus, per quem multa sursum

(b) Luc. 16. (c) Chrysol. serm. 29. (d) Idem serm. 126.

deorsumque, velut in talorum ludo, jactantur; (e) *ex Gregorio Nysseno*, Cru-
delis dominus, qui nullam unquam
requiem servientibus ei præbere solet:
sed quantò plura diei ac noctis labo-
ribus & cruciatibus imperio domini
quæritant, cupiditatemque suam ex-
plere conantur; tantò magis an-
guntur, quasi nihil fecerint, magis-
que inanes ac famelcentes reperiu-
tur. (f) *ex Chrysostomo*, Vesana di-
vitiarum cupiditas, tyrannis quaqu-
versum per orbem terrarum diffusa:
quam divitiarum tyrannidem fusiùs deinde
describens, sic eloquitur: præterquàm
quòd deserunt suam protectionem,
etiam gladio tradunt, & in barathrum
pertrahunt, eò quòd sunt periculosa
proditrices, cumque his potissimum
bellum gerunt, à quibus amantur. In-
gratæ sunt, fugitivæ, homicidæ,
crudeles, tyranni acerbè imperantes,
dominæ quovis barbaro sæviores, ini-
micæ irreconciliabiles, hostes impla-
cables, quæ nunquam erga eos, à
quibus possidentur, remittunt simul-

(e) *Naxianz. orat. 24. post initium.* (f) *Nyssen.*
lib. de vita Mosi versus med.

DIVITIARUM TYRANNIS. 89

tatem. (g) *Et iterum ex eodem*: Pecuniarum cupiditas, ut natura ignoretur, persuasit. Ipsa parricidas & matricidas effecit. Ipsa omnia vitæ mala induxit. Ipsa suos amatores, quàm qui metalla effodiunt, nulla meliori conditione esse permittit. Ut enim illi perpetuò in tenebris inclusi, & ligati, maximis laboribus exercentur: ita & hi in avaritiæ speluncis defossi, nulla necessitate & vi, sponte sua supplicium subeunt, & seipsos insolubilibus vinculis alligant. At rei illi vesperi saltem laboribus relaxantur: hi autem, die noctuque hujusmodi mala metalla effodiunt. Et illis quidem mensura definita est laboris: hi verò nullam mensuram norunt, sed quantò magis effodiunt, tantò magis miseriam illam desiderant (h) *Pergit porro aureus Ecclesiastes ostendere pejorem sordidorum Mammonæ mancipiorum conditionem, quàm damnatorum ad metalla: & simili stylo probat Isidorus Pelusiota. (i) Idem verò Chrysostomus, qui passim acerrimè insectatur & deflet miserandam auri amatorum*

(g) Chrysost. hom. cum Sartoninus & Valerianus acti essent in exilium. to. 5. (h) Chrysost. hom. 23. in 1. Cor. (i) Isid. Pelus. l. 2. epist. 233.

servitutem, ferinos illos ostendit, imò feris ipsis saviores & immaniores, quòd nunquam satientur & expleri possint, nulli subsidio sint; parcant nulli; nihil cuiquam alii commune velint: imò damoniatis peiores atque atrociores pronuntiat, quòd nullis vinculis cohiberi possint; non sibi solam, sed & aliis, atque adeò omnibus, ipsis etiam parentibus & consanguineis, noceant; nec Christo auscultent, aut Dei verbo, minis, ac terroribus moveantur, nedum liberentur ab effreni habendi, acquirendi, retinendæve insania. Vnde inter alia addit: Meâ quidem sententiâ, cum mille dæmoniatis habitandum potius esset, quàm cum uno, qui hoc morbo laboraret. (k) Et paulò pòst: Quando enim omnes simul dæmoniaci tantum facinoris committent, quantum Judas commisit? qui ad extremam iniquitatem turpi pecuniarum ardore devecus est; pariterque omnes, qui avaritiam illius imitantur, quasi feræ bestiæ à catenis solutæ, cunctos homines nullo resistente perturbant ac lacerant. Subdit deinde: pejore hos dæmone, quàm dæmoniacos, vexari. Et alibi: Si quis

[k] *chrysost. hom. 29. in Matth.*

DIVITIARUM TYRANNIS. 91

ejusmodi mentem investigaret, non jam feras duntaxat, sed & dæmones appellandos duceret: (l) *imò dæmonibus peiores: nam dæmon cum hominibus, non cum ejusdem generis dæmonibus certat: avarus autem consanguineum & familiarem pro viribus malo afficere conatur, neque naturæ eum pudet: (m) & in mortuos etiam ipsos sævit, cadavera eruendo & spoliando, (ut etiam fusè prosequitur laudatus Pelusiota)* (n) novum, ut hic ait, & sceleratum latrocinii genus excogitans. Denique, ut alia omittam, quæ facile occurrent legenti eloquentissimum Chrysostomum, asserit is & probat, auri avidos quolibet monstro esse horribiliores: Et si quisquam unam eorum concupiscentiam fingere & exprimere volet, nihil neque scylla, neque chimæra, neque hippocentaurus, ad monstrositatem illam esse videbitur; sed invenies eam omnes complecti bestias. (o) Idem ostendit & Pelusiota, hæc præfatus: Pecuniarum amorem nemo unquam aut fingere, aut describere ausus est. Cujus rei hæc

(l) Idem hom. 9. in 1. Cor. (m) Ibid. (n) Isid. Pelusiota l. 2. ep. 146. & 233. (o) Chrysost. ho. 7. in ep. ad Coloss.

92 CONSIDERATIO V.

fortasse causa est, quia nec amor quidem est, sed insanabilis furor. (p) *Furorem hunc, & tyrannicam cupiditatem exprimens Salomon* : Considerans, inquit, reperi & aliam vanitatem sub sole. Unus est, & secundum non habet, non filium, non fratrem; & tamen laborare non cessat, nec satiantur oculi ejus divitiis : nec recogitat, dicens, Cur laboro, & fraudo animam meam bonis ? In hoc quoque vanitas est, & afflictio pessima. (q) Quid enim proderit homini de universo labore suo, & afflictione spiritus, qua sub sole cruciatus est ? Cuncti dies ejus doloribus & ærumnis pleni sunt, nec per noctem mente requiescit. Et hoc nōne vanitas est ? (r) Et quid prodest possessori, nisi quod cernit divitias oculis suis ? Dulcis est somnus operanti, sive parum sive multum comedat : saturitas autem divitis non finit eum dormire. (s) Quomodo enim potest dormire, qui sollicitam auri exercet custodiam, qui damna formidat, qui lucra cogitat, qui usu-

(p) *Isid. Pelus. l. 2. ep. 233.* (q) *Eccle. 4.* (r) *Eccle. 2.* (s) *Eccle. 5.*

DIVITIARUM TYRANNIS. 93

ras computat, qui apothecas numerat? (1) Quid ergo prodest ei, quod laboravit in ventum? Cunctis diebus vitæ suæ comedit in tenebris, & in curis multis, & in ærumna atque tristitiâ. (v)

II. In tantum amor pecuniæ omnem animam fatigat, ut neque amicitiarum, neque propinquitatis, interdum etiam nec conjugis, aut filiorum amori det locum, quibus affectibus inter homines nihil præfertur: amor tamen pecuniæ omnia hæc humi dejicit, & pedibus conculcat; ita velut fera quædam & crudelis domina, omnium corda possidet, & tyrannicâ dominatione devincit. Sævitur ut barbarus, fervet crudeliter ut tyrannus, debacchatur impudenter ut meretrix, nusquam miseretur, nusquam pudet: adest ubique dura, ubique terribilis, dira, inclemens, impia, truculenta: & cum lupis, & ursis ac leonibus ferocius sæviat, suavis tamen hominibus videtur & amabilis. Et quid dico, suavis? Melle ipso & favis dulcior. Cumque his, qui eam desiderant, &

[1] Ambros. in Ps. 1. (v) Eccle. 5.

exoptant, gladios acuat, quotidie foveas & præcipitia paret, scopulisque illos mille, & mille naufragiis illidat: expetitur tamen ab eis, ac desideratur, & quæritur; ac per innumeras mortes suas lætantur se aliquando ad ejus saltem januam pervenisse. Volutari namque in cœno ejus, tanquam faeces, delectantur, & ut canthari, stercus ejus evolvere. Tales quodammodo omnes, qui avaritiæ huic manus dederint, infeliciores & turpiores etiam istis immundissimis animalibus fiunt. Et hæc est major rei hujus infelicitas, quòd, quantò magis in his sordibus volutantur, tantò majorem in his capiunt voluptatem: idque non rei naturâ, sed voluntatis vitio patiuntur.

(a) Quâ igitur erimus accusatione digni, quando criminosa & turpia tanto studio consectamur: fugimus verò, quæ gloriosos nos facerent & insignes, universique in ipsam pecuniarum tyrannidem concedimus? Siquidem illa dura est servitus, quavis tyrannide intolerabilior: quod profectò nec eos fugit, qui, eâ se ut expedirent;

(a) *Chrysest. hom.* Quòd nemo læditur nisi à seipso.

DIVITIARUM TYRANNIS. 95

digni sunt habiti. (*b*) Nam si animum avari, nudum absque corpore, cogitatione perspexeris; invenies, sicut vellem mille tineis corrosam, sic utique à curis perforatum, à peccatis putrefactum, & habendi sollicitudine tabescentem. Non talis profectò animus sua sponte inopis est. Fulget ille quidem ut aurum, splendet sicut gemma, floret quasi rosa: nulla tinea ibi est, nullus fur, nulla cura sæcularis, sed vivit angelicâ vitâ. (*c*) Quid igitur hac peste (amore pecuniæ) gravius esse possit? ... Qui pecunias diligit, innumeros habet suspectos, & multos accusatores, invidos, & calumniatores, & insidiantes... Et quid homines dico, cum & Deum aliquis habeat hostem? Quæ jam huic spes supererit, quæ consolatio, quæ refrigeratio, (*d*) cum animæ pecuniam præponat? (*e*) Qui pecunias diligit, nunquam eis uti poterit, sed servus erit & custos, non dominus: plures enim efficere studens, nequaquam impendere volet: semetipsum autem

(*b*) *Idem hom. de misericordia* 10. 5. (*c*) *Idem hom. 48. in Matth.* (*d*) *Idem hom. 63. ad Pop.* (*e*) *Idem hom. 23. in 1. Cor.*

excruciabit, & omnium pauperum parcissimè vivet, nullum faciens cupiditatis terminum; (f) pecuniarum servus, non possessor: facilius enim alicui ex propriis carnibus, quàm ex defosso auro communicaret. (g) Nec de suo miser permittitur tangere, quod post se futuro cogitur reservare; qui sollicitius servat quàm acquirit, molestius custodit quàm rapuit. Suspirat enim vigilans acquirendo, suspirat dormiens reservando. Nec vigiliæ lætæ, nec somnus securus; nec dies lætus, nec nox quieta est. Discurrit, torquetur, ingemiscit; & quasi illi proficiat quod acquirit, sic augere desiderat, quod alii cum suo cruciatu relinquat: ut quale fuerit patrimonii pondus, talis sollicitudinis habeatur & cumulus. (h) Auri furor ardentius humano fervet in pectore, quàm caminus totus ignescit incendiis; & acrius homines dissolvit in terra, quàm solvitur in calore flammarum. (i) Auri custos, servator argenti, securitatem

(f) Idem hom. 63. ad Pop. (g) Id. hom. 2. ad Pop. (h) Idem hom. de misericordia & duabus viduis. 10. 5. (i) Chrysol. 29.

DIVITIARUM TYRANNIS. 97

tem non habet , nescit quietem : & cui deest securitas , quies perit : poenâ dives est ille , non censu. (k) Quisnam igitur adeò teter & importunus est hostis , ut divitiæ ? Si quidem acris ille atque inexplebilis pecuniarum amor , instar crudelis cujusdam & immanis tyranni , ipsis (auri cupidis) astat , sæva & inhumana edicta ipsis proponens. (l) Ecquis igitur acerrimè hujusmodi & inexplebili furore , atque innumera peccata , & maledicta , & dedecora , & intemperantias , atque petulantias nobis conflante , capiat ? Ecquis animum inducat , tum in hac vita tam miserè vivere , ut dies noctesque velut flagris quibusdam laceretur , nec requiem ullam aut somnum sentiat ; & in futurâ suppliciorum atque cruciatuum initium accipere ? Quid autem initium dico ? Hic enim eos , quos ceperit , tyranno quovis acerbius torquet & excruciat , in eos insultans , ac præcipuas partes at-

E

(k) *Chrysolog. serm. 22.* (l) *Isid. Pelus. l. 2. epist. 146.*

tingens, ac ne tantillum quidem interquiescere sinens. (m)

III. Videte hominem oneratum sarcinâ avaritiæ; videte illum sub hac sarcina sudantem, anhelantem, sitientem, & laborando sarcinam addentem. Quid expectas, ô avare, amplectens onus tuum, & catenis cupiditatis alligans malam sarcinam sub humeros tuos? Quid expectas? Quid laboras? Quid inhias? Nempe satiare avaritiam, O vota inania, & facta nequissima! Expectas ergo satiare avaritiam. Illa te potest premere: tu illam non potes satiare. An fortè non est gravis? Usqueadeò sub hac sarcina sensum etiam perdidisti? Non est gravis avaritia? Quare ergo te de somno excitat, quæ te aliquando etiam dormire non sinit? (a) Dura jubet avaritia, levia Deus. Jubet illa, ut mare transeas; & obtemperas. Jubet, ut te ventis & procellis committas. Jubet Deus, ut ante ostium tuum, ex eo quod habes, des pauperi. Piger es ad faciendum ante te opus bonum: &

(m) *Isid. Pelus. l. 2. ep. 233.*

(a) *August. de Verb. Apost. serm. 24.*

DIVITIARUM TYRANNIS. 99

strenuus es ad transcendendum mare. Quia avaritia imperat, servis : quia Deus jubet, odisti. (b) Quære à quovis eorum, qui insatiabili corde lucris temporalibus inhiant, quidnam de his sentiat, qui sua vendentes & dantes pauperibus, regna cœlorum pro terrena mercantur substantia, sapienter agant necne? Procul dubio respondebit, sapienter. Quære item, cur quod approbat, ipse non facit? Non possum, inquiet. Quare? Profectò quia domina avaritia non permittit : quia liber non est : quia non sunt sua, quæ possidere videtur : sed nec ipse sui juris. Si verè tua sunt, expende ad lucra, & pro terrenis cœlestia commutato. Si non vales, fatere te pecuniæ tuæ non dominum esse, sed servum : custodem, non possessorem. Denique & conformaris crumenæ tuæ, tanquam servus dominæ suæ, dum quomodo ille illi necessariò & congaudet gaudenti, & dolenti condolet : tu quoque cum crescente tuo marsupio crescis pariter animo, & cum decrescente decrescis. Nam &

E 2

(b) *August. in Ps. 128.*

contraheris tristitiâ, cùm illud exinanitur: & lætitiâ solveris, aut certè inflaris superbiâ, cùm impletur. (c) O plangendum miserabiliter mentis expugnatae servitium! ô intolerandum dæmonicæ cupiditatis imperium, ut ex hostibus suis, quos potest vincere, victores faciat suos! Promittit ingentia, & bonorum temporalium pollicitatione deceptos impellit jam miseros, & miserandos, in turpia. Tenet nos lucrorum pœnaliter dulcium catenis addictos, & in sua ditione captivos: nec trahit invitos, sed, quod est deterius, quoscumque voluerit, volentes ducit. (d) Apud Barbaros quosdam, scribit Tertullianus, quia vernaculum est aurum & copiosum, auro victos in ergastulis habent, & divitiis malos onerant, tantò locupletiores, quantò nocentiores. (e) Vinculum divitiarum sunt, vinculum grave iis qui illis uti nesciunt; tyrannus crudelis & inhumanus, ad servorum pestem omnia præcipiens. (f) Ejusmodi tyrannica cupiditatis vinculo irretitus erat Achab Rex

(c) Bern. serm. 21. in Cantica. (d) Prosper l. 2. de vita contempl. c. 15. (e) Tertullian. lib. de habitu muliebri. (f) Chrysost. hom. 13. in 1. Cor.

DIVITIARUM TYRANNIS. 101

Samarie : qui , cùm ejus oculos verberaret vinea Naboth , & is illam dare recusasset ; venit in domum suam indignans , & frendens super verbo quod locutus fuerat ad eum Naboth Jezrahelites dicens , Non dabo tibi hæreditatem patrum meorum. Et projiciens se in lectulum suum ; avertit faciem suam ad parietem ; & non comedit panem. Ejus agritudini & cupiditati satisfactura impia Iezabel uxor sua , litteris , Achabi annulo signatis , jussit falso accusatum Naboth interfici. (g) Eâdem tyrannide possessus impius Judas maluit minister esse diaboli , quàm Apostolus Christi , quem non timoris perturbatione deseruit , sed pecuniæ cupiditate distraxit Hoc perfidus Judas inebriatus veneno , dum ficit lucrum , pervenit ad laqueum , & tam stultè impius fuit , ut triginta argenteis & Dominum venderet & Magistrum. (h) Quæsit avaritiam , & invenit sacrilegium , dicens : Quid vultis mihi dare , & ego cum vobis tradam ? Matth. 26. (i) Cùm panem à Christo accepisset , immisit se in cor

E 3


(g) 3. Reg. 21. (h) *Leo serm. 9. de Passione.*

(i) *Ambros. in Ps. 35.*

ejus diabolus quasi possessionem suam vendicans, quasi portionis suæ jus retinens, quasi dicens: Non est tuus iste, Christe, sed meus, meus certè minister, tuus proditor. Meus planè iste est: denique tecum recumbit, & mihi servit: tecum epulatur, & mecum pascitur: à te panem accepit, à me pecuniam: tecum bibit, & mihi tuum sanguinem vendit. Quàm vera diceret, probavit. Denique Christus recessit ab eo; ipse quoque Judas reliquit JESUM, secutus diabolum. (k) Servitis, divites, ac miseram quidem servitutem; qui servitis errori, servitis cupiditati, servitis avaritiæ, quæ expleri non potest. (l) Quousque non subigitis eum, qui vos subegit, mammonam? Quousque pecuniis servitis? Quousque libertatem non amatis, nec negotiationes istas avaras disrumpitis? Si in hominum redacti essetis servitutem; nihil non ageretur, si quis libertatem polliceretur; cum verò avaritiæ captivi sitis, ne cogitatis quidem qua ratione ab acerba hac & illiberali liberari possitis servitute? (m)

[k) *Amb. ep. 82. vid. eund. in Ps. 118. ser. 12. n. 6.* (l)

Ambr. de Nabushe c. 12. (m) Chrys. ho. 91. in Matth.



CONSIDERATIO VI.

DIVITVM INOPIA.

I. **E** St quasi dives, cum nihil habeat;
ex Hebræo, Est ditans se, & nihil ei. (a) Nihil omnino; quod tamen, dum somniat, aliquid, imò multum putat esse; sed cum dormierit, aperiet oculos, & nihil inveniet. Apprehendet cum quasi aqua inopia. (b) Origenes legit, Apprehendent dolores; & sic explicat: Ut ii, qui in somno divitias congerere videntur, cum putarent gaudium adesse, expergefæcti, quàm inani spe se dormientes paverint, intelligunt: simul enim cum somnio etiam abundantia sperata evanescit: sic etiam ii qui in mundo hoc divitiis affluunt, cum hinc migraverint, nihil ampliùs, quàm ii qui in somniis se collocupletaverunt, habebunt: sed hunc unum fructum percipient, multitudinem dolorum, ac tormentorum, qui ab eis pœnas & supplicia

E 4

(a) *Prov. 13.* (b) *Iob. 27.*

repetent. Quibus in suppliciis, nemo eis præsidio erit, non stipatorum, non eorum qui thesauros custodiunt; sed vacui quidem exinanitiq̃ue pecuniis, nudi autem omni præsidio, exhibebuntur, & sistentur; tenebræ verò eis porrectæ erunt ad supplicium. (c) Verè Psalmista: Divites eguerunt, & esurierunt. (d) Si enim de exteriori fame egestas eorum & esuries diceretur, protectò divites non essent, qui pane corporis indigerent. Sed quia dum exteriùs multiplicantur, interiùs inanes sunt, & divites pariter & egentes memorantur. (e) Vnde Sapientia Mater ac Sedes canit, magnificans Deum, quia divites dimisit inanes. (f) Veram egestatem & arumnas avari divitis graphice describit magnus ille Dei servus Iob, in omnium rerum egestate Deo plenus: Quasi sterquilinum in fine perdetur: & qui cum viderant, dicent: Ubi est? Velut somnium avolans non invenietur, transiet sicut visio nocturna Divitias, quas devoravit, evomet, & de ventre illius extrahet eas Deus. (g) Vi extrahet, & evomere faciet: Quemadmo-

(c) Orig. in illud Iob. (d) Ps. 33. (e) Greg. l. 15. Mor. c. 5. (f) Luc. 1. (g) Iob. 20.

dum qui venenum hauserunt, *inquit Olympiodorus*, (h) incitantur ad vomitum; sic cum quis divitias comparaverit injustè, cruciatur divulsis visceribus illas ipsas effundere. Nec est satiatus venter ejus. (i) Venter quippe iniqui, avaritia est: quia in eo colligitur, quidquid perverso desiderio glutitur. Liquet verò quia avaritia desideratis rebus non extinguitur, sed augetur. (k) Et cum habuerit quæ concupierat, possidere non poterit. Non remansit de cibo ejus, & propterea nihil permanebit de bonis suis. (l) Si enim de bonis suis ei aliquid permaneret, secum, quæ habuerat, tolleretur. (m) Cum satiatus fuerit, arctabitur. (n) Prius quippe anhelat per avaritiam concupita congregare, Et cum quasi in quodam ventre avaritiæ multa congesserit, satiatus arctatur: quia dum anxius qualiter acquisita custodiat, ipsa cum sua satietas angustat. (o) Æstuabit, & omnis dolor ir-

E 5

(h) apud Ioseph. *Speranzam scriptur. select. puncto* 65. (i) *Iob. 20.* (k) *Greg. 15. Mor. 12.* (l) *Iob. 20.* [m] *Greg. ibi sup.* [n] *Iob. ib.* (o) *Greg. 15. Mor. 13.*

106 CONSIDERATIO VI.

ruct in eum. (p) Prius namque dolorem habuit in ipsa suæ concupiscentiæ fatigatione, qualiter concupita raperet, quomodo alia blandimentis, alia terroribus auferret : at postquam acquisitis rebus pervenit ad desiderium, alius hunc dolor fatigat, ut cum sollicito timore custodiat, quod cum gravi labore meminit acquisitum In his itaque omnibus, quia timor ipse pœna est, tanta infelix patitur, quanta pati timet. Post hoc quoque ad gehennam ducitur, & æternis cruciati-
bus mancipatur. Omnis ergo dolor super eum irruit, quem & hîc pœna concupiscentiæ, postmodum verò cura custodiæ, & illîc quandoque pœna ultionis cremat. (q) *Hinc rectè quoque contra infelicem egentemq; divitem pronuntiavit idem Iob : Exardescet contra eum sitis. (r) Quia quo agere perversa consuevit, eo ad ebibenda mala vehementer accenditur. Impio quippe fitire, est hujus mundi bona concupiscere. Unde & Redemptor noster ante Pharisei domum hydropicum curat : & cùm contra avaritiam disputaret, scriptum est : Audiebant autem*
(p) *Iob. ibid.* (q) *Greg. 15, Mor. 13.* (r) *Iob. 18.*

hæc omnia Pharifæi, qui erant avari, & deridebant illum. (Luc. 16.) Quid est ergo, quòd ante Pharifæi domum hydropicus curatur, nisi quòd per alterius ægritudinem corporis, in altero exprimitur ægritudo cordis? Hydropticus quippe quòd amplius biberit, amplius fitit : & omnis avarus ex potu sitim multiplicat, quia, cum ea quæ appetit, adeptus fuerit, ad appetenda alia amplius & amplius anhelat. Qui enim adipiscendo plus appetit, huic sitis ex potu crescit : (f) & quadam inardescit ebrietate cupiditatum suarum, (t) quantum auctior, tantò miserior. (u) Cupiditatibus ergo omnis divitiarum abundantia, inopia est. (x) Pauper quippe est ille dives, & quanto ditior est, tantò pauperior existit, paupertate quæ revera paupertas est. (y) Numquid posset quidpiam hoc morbo gravius esse? quòd qui habet, non videtur habere quæ possidet, & tanquam non habeat torquetur : & licet omnia consequatur, magis dolet...

(f) Gregor. 14. Mor. 6. (t) Ambr. epist. 82. (u) S. Zeno Episc. Veron. de avaritia serm. 1. (x) Ambr. Ep. 82. [y] Chrysost. hom. 25. in Ep. ad Hebr.

& quantò plura possidet , tantò fit pauperior. Siquidem quantò plura congerit , tantò plura desiderat. Igitur quantò plura congerit , tantò est pauperior. Nam qui plura desiderat , is pauperior est. (2)

II. Divites eguerunt, & esurierunt: inquirentes autem Dominum non minuentur omni bono. (4) Si ad litteram accipias, videtur te fallere. Respicias enim multos divites iniquos mori in divitiis suis, non factos fuisse pauperes cum vivunt: vides illos senescere, perducì ad ultimum vitæ inter magnas copias divitiarum, celebrari in pompa funeris, in magnis effusionibus, perducì usque ad sepulchrum divitem, qui & expiravit in lectis eburneis, circumfluente familia suorum: & dicis in animo tuo, si nosti aliqua & peccata & scelera ejus: Ego novi quanta fecerit iste homo, ecce senuit, mortuus est in lecto suo, deducunt illum sui, pompa funeris celebratur: agnovi quæ fecerit; decipit me Scriptura & fefellit ubi audio & canto: Divites eguerunt & esu-

(2) *Chrysost. hom. 14. in 1. Cor.*

(4) *Psal. 33.*

rierunt. Quando iste inops fuit ? Quando esurivit ? Inquirentes autem Dominum non minuentur omni bono. Quotidie ad basilicam surgo, quotidie genu flecto, quotidie inquiero Dominum, & nihil boni habeo; iste non inquisivit Dominum, & inter tanta bona defunctus est. Sic cogitantem suffocat laqueus scandali. Escam enim mortalem quærit in terra, & veram mercedem non quærit in cælo.... Noli ergo sic intelligere. Et quomodo intelligam ? In bonis spiritualibus. Sed ubi sunt ? Non videntur oculis, sed corde. Non video ista bona. Videt illa qui amat. Justitiam non video: non enim aurum est, non argentum est. Si aurum esset, videres: quia fides est, non vides: & si non vides fidem, quare amas servum fidelem ? Interroga teipsum.... Cùm repletus fueris spiritualibus divitiis, pauper eris ? Et ille dives ideò fuit, quia habebat lectum eburneum: & tu pauper es, cujus cubiculum cordis plenum est tantis gemmis virtutum, justitiæ, veritatis, charitatis, fidei, patientiæ, & tolerantiae ? Explica divitias tuas, ha-

bes illas , & compara divitiis divitum.... Egent ergo illi divites , egent , & , quod est gravius , pane egent. Ne fortè putetis , quia auro egent & argento , quamquam & hoc egeant. Quantum habuit quidam , & quis eum satiavit ? Sic mortuus est egens , quia volebat plura acquirere , quàm tenebat. Egent & pane. Quare egent & pane ? Si intelligas panem : ille enim dixit : Ego sum panis qui de cœlo descendi , (Joan. 6.) & , Beati qui esuriunt & sitiunt justitiam , quoniam ipsi saturabuntur. (Matth. 5.)

(b) In magna egestate sunt , qui de iniquitate sunt divites : justitiæ opes , & sapientiæ thesauros non habent : qui autem Domino serviunt , ea bona acquirunt , quæ perire non possunt.

(c) Quid enim prodest homini , si aliena habeat , & sua non habeat ? Quid prodest homini , si pecunias possideat , virtutem verò non possideat ? Cur ea , quæ sunt aliorum , accipis , & tua perdis ? Villam , inquit , fertilem habeo. Quid est hoc ?

[b] *August. in illud Psalmi 33. suprâ.*

[c] *Prosper sentent. 85.*

DIVITUM INOPIA. 111

at animam fertilem non habes. Habeo mancipia ; sed virtutem non habes. Habeo indumenta ; sed pietatem non possides. Quod alterius est , habes ; tua verò non habes. Si quis depositum tibi tradiderit , num te divitem possum vocare ? minimè. Quid ita ? quippe qui possideas aliena. Hoc enim est depositum : atque utinam depositum tantum esset , nec accessio tibi supplicii fieret. (d) An putas illum possidere , qui thesauro suo die ac nocte incubans , avarâ & miserâ torquetur sollicitudine ? Ille verò eget , & , si aliis dives videtur , sibi pauper est , qui non utitur eo quod habet , qui adhuc alia rapit , alia desiderat. Ubi enim nullus cupiditatis modus , quis fructus divitiarum ? Nemo est dives , qui , quod habet , secum hinc auferre non potest. Quod enim hîc relinquitur , non nostrum , sed alienum est.... Annon egentior paupere is , qui tanquam umbra præteriit ? Hodie impius exaltatur , cras non erit , & non invenietur locus ejus. Quid est igitur divitem esse , nisi abun-

(d) *Chrysost. in terramot. & Lazarum serm. 6.*

112 CONSIDERATIO VI.

dare? Quis autem abundat, qui sit animo contractior? Qui autem animo contractior, utique angustior. Quæ igitur in angustis abundantia? Non ergo dives, qui non abundat. Unde pulchrè David, Divites, inquit, eguerunt & esurierunt. Quoniam cum haberent Scripturarum thesauros coelestium, eguerunt qui non intellexerunt: & esurierunt, qui nullum spiritualis gratiæ gustarunt cibum. (e) De illis rursus egregius Psalter Israel, (f) uno eodemq³ Psalmo semel iterumq³: Famem patientur ut canes. (g) Hujusmodi divites, egentiores sunt omnibus egentibus. Perdunt enim illos redditus, quos possunt habere perpetuos: & dum brevi nec semper libero incumbunt usui, nullo justitiæ cibo, nullâ misericordiæ suavitate pascuntur, foris splendidi, intus obscuri: abundantes temporalium, inopes æternorum: quia ipsi animas suas fame afficiunt, & nuditate dehonestant, qui de iis, quæ terrenis horreis commendarunt, nihil thesauris coelestibus intulerunt. (h)

(e) *Ambr. epist. 10.* (f) *2. Reg. 23.* (g) *Psf. 58.*

(h) *Leo serm. 5. de Collectis.*

III. Quid tanto fortunæ strepitu desideratis ? Fugare , credo, indigentiam copiâ quæritis. Atqui hoc vobis in contrarium cadit. Pluribus quippe adminiculis opus est ad tuendam pretiosæ supellectilis varietatem : verumque illud est, permultis indigere eos, qui permulta possideant : contraque, minimo , qui abundantiam suam naturæ necessitate, non ambitus superfluitate , metiantur. (a) Docet nos Scriptura divina, quàm misère egeat dives , mendicet abjectè. Rex Achab in Israël erat , & pauper Nabuthe. Ille regni opibus affluebat , & tamen cespitem pauperis flagitavit : pauper nihil de possessionibus concupivit divitis. Rex sibi egere visus est, quia vineam habebat pauper vicinus. Quis igitur tibi pauper videtur ? qui contentus est suo , an qui concupiscit alienum ? Alter certè pauper censu videtur, alter pauper est affectu. Affectus dives egere non novit, census abundans nequit avari pectus explere. Ideoque dives cupidus in invidia possessionis, & paupertatis querelâ est.

(a) Boët. de Consol. l. 2. prosâ 5.

114 CONSIDERATIO VI.

Sed jam Scripturæ verba considerare-
mus. Et factum est, inquit, post hæc
verba : Erat vinea Nabuthe Jezrahe-
litæ in Israël juxta domum Achab
regis Samariæ. Et locutus est Achab
ad Nabuthe dicens : Da mihi vineam
tuam, & erit mihi in hortum olerum,
quoniam propinquat domui meæ, &
dabo tibi pro ea aliam vineam. Si ve-
rò placuerit tibi, dabo tibi pecuniam
pro vinea ista, & erit mihi in hor-
tum olerum.... Da mihi, inquit.
Quæ alia vox egentis est? Quæ vox
alia stipem publicam postulantis, nisi,
Da mihi? Hoc est, Da mihi, quia
egco... Da mihi, nisi tu dederis, ha-
bere non potero. Da mihi, quia scrip-
tum est : Date eleëmofynam. Hæc
quàm abjecta, quàm vilia? Non ha-
bent enim humilitatis affectum, sed
cupiditatis incendium. In ipsa enim
dejectione quanta impudentia? Da
mihi, inquit, vineam tuam. Confite-
tur alienam, ut poscat indebitam. (b)
Pauperiorem enim se judicat omnis
abundans, quia sibi deesse arbitratur,
quidquid ab aliis possidetur. Toto

(b) *Ambr. de Nabuthe c. 2.*

DIVITUM INOPIA. 115

mundo eget, cujus non capit mundus cupiditates. Ejus autem qui fidelis est, totus mundus divitiarum est. (c) *Spēta & alium divitem, de quo Christus Dominus apud Lucam; (d) & veram ejus inopiam attende cum Chrysostomo.* Dives erat quidam; nomine, non re ipsa erat quidam dives, purpurâ indutus, cui mensa apponebatur opipara, vini crateres habens coronatos, qui convivia quotidie epulabatur. Alter verò quidam erat pauper, Lazarus nomine. Ubi ergo nomen divitis? nusquam, qui nomine careat. Quantæ divitiæ? nec tamen illi nomen reperitur. Quales tandem hæ divitiæ? Arbor foliis vernans, sed fructu destituta: quercus in altum protensa, quæ glandem brutis animantibus in cibum suppeditat: homo, qui fructum non habet hominis. Ubi enim divitiæ ac rapinæ, lupus est is qui cernitur: ubi divitiæ & feritas, leonem video, non hominem: nobilitatem perdidit ignobilitate malitiæ. Dives erat quidam, qui quotidie purpura induebatur: anima verò ejus araneis referta erat: unguenta

(c) *Ibid. c. 16.* (d) *c. 16.*

216 CONSIDERATIO VI.

spirabat, at fætoris plenus erat : mensa illi apponebatur opipara ; parasitos & adulatores alebat : carnem saginabat ancillam, dominam autem animam fame confectam negligebat : domus illi erat sertis redimita, sed fundamenta peccati calce obducta, & anima in vino defossa, &c. Cùm vidisset ergo Lazarum dives, ait : Pater Abraham, miserere mei. Pauperis sunt hæc verba, mendici, egeni. Pater Abraham, miserere mei. Quid vis? Mitte Lazarum. Quem millies præteriisti: quem ne videre voluisti; hunc tibi nunc ad salutem mitti postulas. Mitte Lazarum. Ubi verò nunc pocillatores tui? ubi tapetes? ubi parasiti? ubi assentatores? ubi fastus? ubi superbia? ubi defossum aurum? ubi à tinceis exesa vestimenta? ubi magnus apparatus, & voluptaria vita? Folia erant: advenit hiems, & exsiccata sunt omnia: somnia erant; ut autem dies illuxit, abscessit somnium: umbra erant; veritas venit, & umbra præteriit. (e) Et *somniantes illos, illos umbratiles divites, divites appellabis? Imò plus egent, quan-*

(e) Chrysost. in terræmot. & Lazar. serm. 6.

tò plus habent : desideriiis vastantur, cupiditatibus dissipantur, timoribus cruciantur, tristitiâ contabescunt. (f)

Vide, prater innumeros alios, quos fortè & tu nosti, insignem unum ex ijs, quos mundus stultè divites appellat, egentem miserè & stultè mendicum. Novi ego (narrat Mediolanensis Episcopus) divitem in agrum proficiscentem, panes breviores urbe delatos numerare solere, ut pro numero panis æstimaretur quot dies in agro futurus esset. Nolebat obsignatum aperire horreum, ne quid de condito minueretur. Panis unus singulis diebus deputabatur, qui tenacem vix satiare posset. Comperi etiam viri fidem, siquando ei ovum esset appositum, queri quòd pullus esset occisus. (g) Narrat & Robertus de Licio celebris Ecclesiastes, notum sibi fuisse quemdam (& ipsum etiam nominat) Ecclesia Sanctæ MARIÆ Majoris in Vrbe Canonicum, pluribus ecclesiasticis beneficiis & opulentâ hereditate fratris sui Cardinalis admodum locupletem; qui tamen aded miserè & sordidè, avaritiâ victus, sibi opibusq; parcebat,

(f) August. in Ps. 29. enarrat. 2. (g) Ambros. de Nabushe c. 4.

118 CONSIDERATIO VI.

ut sapiùs pane solo & aquâ vitam toleraret; mulam, cui infidebat, ne quid pecunie in famulum expenderet, solus ipse curaret; inculto lecto cubaret; infirmus, vix post multos dies, cum jam morti proximus mortem horreret, medicum advocaret; vestibus obsoletis & laceris uteretur; pauperes pro uno denario suffocaret; semper discurreret, semper circuiret, anxius & sollicitus de thesauris augendis; crudelis aliis, crudelior sibi, inimicissimus Deo. O reprobanda conditio! ô feralis natura! ô denique reprehensibile malum! plus amare divitias, quàm Deum, quàm proximum, quàm propriam animam, quàm etiam corporalem vitam. (h) Itaque, ut concludamus cum Sancto Chrysostomo, Eos, qui perpetuò concupiscunt, sitiuntque aliena, ne putemus unquam esse sanos, nec ulla frui rerum copia. Etenim qui suam ipsius concupiscentiam non potest sistere, etiamsi cunctorum opibus vallatus sit, quomodo futurus est is unquam dives? (i) Antiquum dictum est, scribit Sanctus Hieronymus:

(h) Rob. de Licio in suo Quadragesimali serm. 40. cap. 1. (i) Chrysost. de Lazaro conc. 2.

(k) Avaro tam deest quod habet, quàm quod non habet. Et, ex S. Bernardo, (l) usus quidem divitiarum apud alios, divitibus solum nomen cedit & sollicitudo.

(k) *Ep. ad Paulin.* Frater Ambrosius, *sub fin.*

(l) *De convers. ad clericos c. 12.*



CONSIDERATIO VII.

INOPIA DIVES.

I. **E** St quæstus magnus, pietas cum sufficientia: (*Alii vertunt, Quæstus magnus pietas cum animo suâ sorte contento*) Nihil enim intulimus in hunc mundum: haud dubium, quòd nec auferre quid possumus. Habentes autem alimenta, & quibus tegamur, his contenti sumus. (a) Nuda namque natura nostra prodiit, nuda discedit: non ergo superfluis opus habemus, si nihil intulimus, neque habentes aliquid proficiscemur. (b)

(a) 1. *Tim. 6.* (b) *Chrysost. ibi.*

Quid, quæso, nōne in hoc Angeli à nobis differunt, quòd non egent ut nos? Igitur quantò paucioribus indigemus, tantò magis illis appropinquamus: quantò pluribus, tantò magis ad hanc caducam vitam deflectimus.... Animadvertite, in omnibus rebus miserum esse, pluribus indigere; & qui longè à sapientia est, ei & servitus & cupiditas intenditur. Quid ergo sponte nostrà nobis miseriam augemus?... Nōne propterea Adam beatum dicimus, quoniam nulla re indigeret, non domo, non vestibus? Sanè quidem. Verùm nunc in necessitate constituimur: sed cur augemus? ... Quantò plura amplecteris, tantò magis tuæ derogas libertati. Vera namque libertas est, nulla re indigere; in secundo loco, minimis, quam Angeli habent. (c) *Ad primam illam primi hominis dignitatem, & angelicam libertatem, -atque vera sapientia apicem, exhibens Discipulos suos Christus Dominus, Nolite, ait, possidere aurum, neque argentum, neque pecuniam in zonis vestris, non peram in via, neque duas*
tunicas,

(c) *Chrysost. in Iohann. hom. 79.*

tunicas. (d) Nam, ut eloquitur, illud commentans, Chrysostomus; cum ad universi terrarum orbis magistrum, ipsos missurus esset, non injuriâ ad Angelicam, ut ita dixerim, disciplinam ex humana vita traducit, ab omni cura rerum sæcularium liberos reddens.... Nulla enim res tranquillitatem animi magis gaudiumque solet efficere, quàm si omnem curam & sollicitudinem deposueris; præsertim cum liceat ipsis hujusmodi sollicitudine liberis nihil detrimenti accipere, Deo videlicet præsentem, atque abunde ipsis omnia suppeditante. Hæc Chrysostomus. (e) Remigius verò idem explicans, revocatos illos esse, ait, ad primi hominis dignitatem, qui quamdiu cœlestes possedit thesauros, ista non concupivit: sed mox ut peccando amisit, ista desiderare cœpit. (f) Quid autem deesse iis possit, qui nihil, saltem affectu, possideant? Deum verò habeant, qui est omnia in omnibus. (g) Quid non possident, qui sunt hæredes Dei, cohæ-

F

(d) Matth. 10. (e) In Matth. hom. 33. (f) Remig. in Catena S. Tho. in illud Matth. (g) 1. Cor. 15.

122 CONSIDERATIO VII.

redes autem Christi, (*b*) quem constituit Deus hæredem universorum ? (*i*) Nihil igitur affectu sapientis ditius, nihil insipientis egentius. Nam cum regnum Dei pauperum sit, quid esse locupletius potest ? Et ideò præclare Apostolus : O altitudo, inquit, divitiarum sapientiæ & scientiæ Dei, (Rom. 11.) Præclare etiam David, qui in via testimoniorum cœlestium, quasi in omnibus divitiis, delectabatur. (Ps. 118.) Expresse Moyses, qui ait : Neptalim satietas appetentium (*Vulgata habet, Nephtali abundantia perfructur*) Deuter. 33. Neptalim, abundantia significatur latinâ interpretatione, vel dilatio. Ibi ergo abundantia, ubi satietas. Ubi autem fames cupiditatum, ubi inexplibilis appetentia, ibi utique paupertas. Sed quia vix ulla rei pecuniariæ vel mundi hujus cupiditas satietatem habet, ideò addidit : Et replebitur benedictione : (*Vulgata habet, Et plenus erit benedictionibus ;*) (*k*) benedictionibus utique dulcedinis, (*l*) quibus vir sapiens implebitur : (*m*)

(*h*) Rom. 8. (*i*) Hebr. 1. (*k*) Ambr. ad Simplician. ep. 10. (*l*) Ps. 10. (*m*) Eccli. 37.

quoniam Dominus Deus Israël ipse est possessio ejus. (n) Dixit Dominus ad Aaron : In terra eorum nihil possidebitis, nec habebitis partem inter eos : ego pars & hæreditas tua in medio filiorum Israël. (o) *Potest aliquid ditius inveniri ?* Cui portio Deus, totius possessor est naturæ. (p) *Felix, qui cum Davide ex vero canere possit :* Portio mea, Domine : (q) Deus meus es tu : Dominus pars hæreditatis meæ. Benedicam Dominum, qui tribuit mihi intellectum, (r) *ut aurum, ut argentum, ut mundi quisquiliæ & præstigias, & nihil, contemnendo, comparem mihi thesaurum non deficientem,* (s) *tanquam nihil habens, & omnia possidens ;* (t) *in Deum, in Deo, & Deo dives.* (v) Dominus regit me, & nihil mihi deerit : (x) *in pace in idipsum dormiam, & requiescam.* (y)

II. Quis dives ? qui nil cupit. Et quis pauper ? avarus. (a)

F 2

(n) Iosue 13. (o) Numer. 18. (p) Ambr. in Ps. 118. serm. 8. (q) Ps 118. (r) Ps. 119. (s) Luc. 12. (t) 2. Cor. 6. (u) Luc. 12. (x) Ps. 122. (y) Ps. 4. (z) Beda lib. Proverb. litt. Q. 10. 2.

124 CONSIDERATIO VII.

Neque enim dives est qui multa possidet, sed qui nihil desiderat, cum nulla re indigeat. Animus enim dives debet esse, non arca. (b) *De illis veris & animi divitiis loquitur Apostolorum Princeps, damnans muliebris mundi vanitatem, & modestiam commendans Christianam, his verbis: Sed qui absconditus est cordis homo, in incorruptibilitate quieti & modesti spiritus, qui est in conspectu Dei locuples. (c) in quem locum S. Ambrosius sic scribit ad Simplicianum: Cùm Petri epistolam legerem, adverti quòd omnis sapiens etiam dives.... Duo sunt igitur, & esse hominem in homine, & illum esse divitem, qui sibi nullarum divitiarum usum requirat. Pulchrè autem cordis hominem dixit, eò quòd totus sapientiæ sit absconditus, sicut ipsa sapientia, quæ non videtur, sed intelligitur. Nemo ante Petrum tali expressione usus est, ut diceret cordis hominem. Exterior enim homo plurima in se membra habet. Interior autem cordis homo totus sapientiæ est, plenus gratiæ,*

(b) Bellarmin. *de aeterna felicit. l. 1. c. 5.*

(c) 1. Petr. 3.

plenus decoris. In incorruptione, inquit, quieti & modesti spiritus, qui est ante Deum dives. Et verè dives, qui in conspectu Dei potest dives videri, in cujus conspectu terra exigua, mundus ipse angustus est. Sed solum illum Deus divitem novit, qui sit dives æternitati; qui non opum, sed virtutum fructus recondat. Quis autem ante Deum dives, nisi quietus & modestus spiritus, qui nunquam corrumpitur? Nōne tibi videtur dives, qui habet pacem animi, tranquillitatem quietis, ut nihil concupiscat, nullis exagitetur cupiditatum procellis, nec vetera fastidiat, & nova quærat, & semper desiderando fiat in summis divitiis inops? Ea est pax verè dives, quæ superat omnem mentem (Philip. 4.) Dives pax, dives modestia, dives fides. Fideli enim totus mundus possessio est. Dives simplicitas. Sunt enim & divitiæ simplicitatis, quæ nihil discutit, nihil contractum, nihil suspectum, aut fraudulentum putat, sed puro se fundit affectu. Dives bonitas, quam si quis servaverit, pascitur in divitiis cœlestis hæreditatis. *Hactenus*

126 CONSIDERATIO VII.

Ambrosius. (d) Mira est securitas cordis, aliena non quærere : sed uniuscujusque diei victu contentum manere. Ex qua videlicet securitate, etiam perennis requies nascitur, quia à bona & tranquilla cogitatione ad gaudia æterna transitur. (e) Verè beatus vir qui timet Dominum. Gloria & divitiæ in domo ejus. (f) Domus enim ejus, cor ejus est, ubi Deo habitante, opulentiùs habitat cum spe vitæ æternæ, quàm hominibus habitantibus in marmoratis laqueatisque tectis cum timore mortis æternæ. (g) Iustitia ejus manet in sæculum sæculi. (h) Ipsa ejus gloria, ipsæ divitiæ : illius enim (divitis, Luc. 16.) purpura, & byssus, & epulæ splendide, & cum præstis sunt, transeunt : & cum ad finem venerit, aquæ guttam ex digito stillantem desiderans, ardens lingua clamabit. (i) Ejusmodi inops, imò ejusmodi dives qui talis est, ut contemnat in se quidquid illud est, unde inflari superbia solet, pauper est Dei. (k) Tali parasti in dulcedine tuâ pauperi, Deus :

(d) *Ambr. ep. 10.* (e) *Gregor. 15. Mor. 13.* (f) *Pf. 111.* (g) *August. ibi.* (h) *Pf. eod.* (i) *Aug. ibi.* (k) *Prosper sentent. 250.*

(*l*) in tua suavitate, non in illius facu-
tate. (*m*) Pauperes ejus, *ais Domine*
Pater pauperum (*Ecclesia sponsa tua, cujus*
omnis gloria ab intus) (*n*) saturabo pa-
nibus. (*o*) Quid est, Fratres? simus
pauperes, & saturabimur. Multi præ-
sumentes de sæculo, & superbi Chri-
stiani sunt, adorant Christum, sed non
saturantur. Saturati enim sunt, & a-
bundant in superbia sua. De talibus
dicitur: Opprobrium eis qui abundant,
& despectio superbis (Ps. 122.) Isti
abundant, & idè manducant, sed non
saturantur. Et quid de illis dictum est
in Psalmo? (21.) Manducaverunt,
& adoraverunt omnes pingues terræ.
Adorant Christum, venerantur Chri-
stum, supplicat Christo, sed non sa-
turantur sapientiâ & justitiâ ipsius.
Quare? Quia non sunt pauperes. Pau-
peres autem, id est, humiles corde
quantò plus esuriunt, tantò plus man-
ducant: tantò autem plus esuriunt,
quantò à sæculo inanes sunt. Qui
plenus est, quidquid illi daturus es,
respuit, quia plenus est. Edent pau-

F 4

(1) Ps. 67. (*m*) *August. ibi.* (*n*) Ps. 44. (*o*)
Ps. 131.

128 CONSIDERATIO VII.

peres, & saturabuntur. (Ps. 21.) Et unde saturati? Hæc saturitas, Fratres, qualis est? Deus ipse est panis. (p) Nihil ergo opulentiùs eo, qui paupertatem sponte diligit, & cum alacritate suscipit. Quomodo autem hoc? Dicam: & si vultis, ipso Imperatore ditiozem esse pronuntio eum, qui sponte paupertatem elegit. Ille quidem opus habet pluribus, & in curis est constitutus, & veretur ne minus ei fiat ad ea quæ necessaria sunt stipendiis militaribus. Iste autem omnia affluenter habet, & de nulla re timet, & si timet, non pro tantis tamen. Quis, dic mihi, ditior est? qui per singulos dies exigit, & festinat plura colligere, & timet ne aliquid ei deficiat: an ille, qui nihil colligens, in affluentia multa consistit, & nullius eget? Fiduciam quippe virtus tribuit, & Dei timor, non pecuniæ. Ille namque & in servitutem redigunt.... Quotquot sponte pauperes sunt; omnia bona habent... Fiduciam habent ad Deum. Audient enim in die iudicii beatam illam vocem: Venite benedicti Patris

(p) August. in Ps. 131. *suprà*.

mei (quid isto melius ?) possidete præparatum vobis regnum à constitutione mundi. (q)

III. Non putent divites hujus sæculi, Fratres Christi sola possidere cœlestia, quia audiunt dicentem : Beati pauperes spiritu, quoniam ipsorum est regnum cœlorum. (Matth. 5.) Non eos, inquam, æstiment sola cœlestia possidere; quia ea sola audiunt in promissione: possident & terrena, & quidem tanquam nihil habentes, & omnia possidentes: non mendicantes ut miseri, sed ut domini possidentes: eò pro certo magis domini, quò minus cupidi. Denique fideli homini totus mundus divitiarum est. Totus planè: quia tam adversa quàm prospera ipsius, æquè omnia serviunt ei, & cooperantur in bonum. Ergo avarus terrena esurit ut mendicus, fidelis contemnit ut dominus. Ille possidendo mendicat, iste contemnendo servat. (a) Dives Enoch, qui, quod habuit, secum transtulit, & omnem illum bonitatis suæ censum cœlestibus intulit

F 5

(q) Chrysost. hom. 18. in ep. ad Hebr.

(a) Bernard. serm. 21. in Cant.

130 CONSIDERATIO VII.

receptaculis : qui ideo raptus est, ne cor ejus malitia mutaret. Dives Elias, qui virtutum suarum thesauros, curru igneo sublimis, sedibus æthereis invenit. Et tamen iste non mediocres divitias hæredi reliquit, quas ipse non amitteret. Quis hunc pauperem vel tunc dixerit, cum victus quotidiani indigens alimoniâ mitteretur ad viduam, ut pasceretur ab ea ; quando ad ejus vocem cœlum claudebatur & aperiebatur ; quando ad ejus verbum hydria farinæ & vas olei non deficiebat per triennium : sed abundabat, nec minuebatur usu, sed replebatur ? Quis illum pauperem dixerit, ad cujus voluntatem descendebat ignis ; quem in via flumina non concludebant, sed in suum fontem recurrebant, ut sicco Propheeta transiret pede ? Duos finitimos veteris historia describit, regem Achab, & pauperem Nabutham : quem horum pauperiorem, quem ditio-rem credimus ? Alter regali fulcro divitiarum præditus, inexplibilis insatiabilisque opibus suis, exiguam pauperis vineam desideravit. Alter despiciens animo (*paucula latine exprimo, qua habet Am-*

brofius gracè) Regum affluentes auro fortunas, imperialesque gazas, suo erat contentus palmite. Nonne videtur hic magis dives, hic magis rex, qui sibi abundabat, suas regebat cupiditates, ut nihil alienum concupifceret : ille autem egentissimus, cui aurum suum vile, alienus palmes pretiosissimus existimabatur? Sed qua ratione egentissimus, cognosce: Quia divitiæ injuste congregatæ evomuntur; radix autem justorum manet, & ut palma floret. (b) Pauperes erant Apostoli, non divites, propter Christum omnia reliquebant; & tamen ditiores erant nihil habendo, quàm divites hujus sæculi multa possidendo. Audite Petri vocem ostendentis paupertatem divitiarum matrem; quæ, cum nihil habeat, quàm qui diademate ornantur, ditior est. Quippe quæ in omnium rerum inopiâ mortuos suscitât, claudos dirigit, dæmones expellit, & ea largitur, quæ quidem purpurant induti, & qui magnos & metuendos exercitus duxerunt, nunquam largiri potuerunt. (c) *Vrò claudo petenti eleemosynam*, Argentum, inquit Petrus, &

(b) *Ambros. ep. 10.* (c) *Chrysost. in 1. Cor. bom. 15.*

132 CONSIDERATIO VII.

aurum non est mihi : quod autem habeo, hoc tibi do : In nomine JESU Christi Nazareni surge, & ambula. (d) Hoc est, portio mea hæc est, portio mea Christus est. In nomine igitur Christi JESU surge, & ambula : hoc est, in portione meâ dives sum, in portione meâ potens sum : meritò tales præsumo fructus istius portionis, ut salus & vita donetur : quia hoc est istius patrimonium portionis, quam elegi mihi. Dixit hoc claudus, & surrexit qui erat claudus ab utero matris suæ. Quomodo ergo Petrus poterat portionis suæ damna sentire, qui naturæ damna reparabat ? Quare non habeas argentum atque aurum, Petre, dic nobis : dic etiam quid sit istud, quod habere te dicis, quia omnia quæ habebas, te reliquisse dixisti. Sic enim locutus es Domino : Ecce nos reliquimus omnia, & secuti sumus te (Matth. 19.) Hoc est, non quæсивimus quæ sæculi sunt, non quæсивimus partem de possessionibus, sed te elegimus portionem. Reliquisti omnia ergo, Petre, quæ habebas ; unde habes quod habere

(d) Act. 3.

te dicis ? Surgit claudus , & sono tui sermonis erigitur. Sanitatem aliis donas , qui indigebas ipse tuæ salutis auxilio. Reliquisti ergo quæ habebas , & cepisti quæ non habebas. Christus tibi portio , Christus tibi possessio est... Portio tua non ariditate siccatur , non imbre diluitur , non frigore uritur , non tempestate quassatur.... *Serva portionem , quam elegisti. Ea est enim portio , quam terrenæ partes æquare non possunt. Hæc Ambrosius. (c) Hujus verò maximi Doctoris discipulus in fide & filius Augustinus , ingenio & doctrina itidem augustus , sic de eodem illo argumento. De effectibus pretia rerum æstimentur. Qui aurum donabant , implebant pauperis ventrem , majus onus pedibus debilibus futurum , solabantur infirmitatem , sanitatem reddere non valebant. Ille autem qui aurum non possedit , sanitatem dedit. Deo dives est , inops auri. Aurum & argentum non habeo. Ideò igitur tantas virtutum opes prætulit. Quod habeo , hoc tibi do : In nomine JESU Christi surge*

(c) *Ambr. serm. 8. in Ps. 118. v. Portio mea Domine.*

134 CONSIDERATIO VII.

& ambula. Hoc planè non in marsupio, sed in animo tenebatur. Quid ei dedit? In nomine JESU Christi surge & ambula. Pauperem hominem expavit infirmitas, æquâ lege & æquâ potentiâ reges captivosque constringens: non potuit sustinere justificationem pauperis, regibus dominans. Parum est, quòd infirmitatem nominamus. Pauperis imperium, etiam natura non pertulit. Ille enim claudus erat ex utero matris suæ. Debilitas itaque, quam ei invexerat nativitas, vi pauperis jubentis exclusa est. Quod profectò non fieret, nisi pauper Apostolus plenus esset illo Deo, qui est author naturæ. Nihil ergo hac ditius paupertate. (f) Libet in fine opusculi (*verba sunt Hieronymi scribentis vitam Pauli Eremitarum coryphæi*) eos interrogare, qui sua patrimonia ignorant, qui domos marmoribus vestiunt, qui uno filo villarum insuunt pretia: huic feni nudo quid unquam defuit? Vos gemmâ bibitis: ille naturæ, concavis manibus satisfecit. Vos in tunicis aurum textitis: ille ne vilissimum

(f) *August. de Verb. Apost. Serm. 28.*

quidem indumentum habuit mancipii vestri. Sed è contrario, illi quidem pauperculo paradisu patet: vos auratos gehenna suscipiet. Ille vestem Christi, nudus licet, tamen servavit: vos vestiti sericis, indumentum Christi perdidistis, Paulus vilissimo pulvere coopertus jacet, resurrecturus in gloriam: vos operosa saxi sepulchra premunt, cum vestris opibus arsueros... Obsecro, quicumque hæc legis, ut Hieronymi peccatoris memineris: cui si Dominus optionem daret, multò magis eligeret tunicam Pauli cum meritis ejus, quàm regum purpuram cum pœnis suis. (g) Planè beati, qui projectis vilibus, sed gravibus, sarcinulis hujus mundi, nolunt divites fieri, nisi de solo Creatore mundi, propter ipsum tanquam nihil habentes, & per ipsum omnia possidentes. Annon possident omnia, qui possident continentem & possidentem omnia; quorum Deus portio est & hæreditas: qui ut nihil desit timentibus eum, cetera, prout expedire novit, dispensat ad utendum, & seipsum servat ad fruendum? (h)

(g) Hieron. in vita Pauli Erem. sine. (h) Gharrie, serm. festo SS. Omnium.



CONSIDERATIO VIII.

AVARVS IDOLOLATRA.

I. **N**on potestis Deo servire & mammonæ. (a) *Vbi Glossa :* Mammona, Syrà linguâ, divitiæ; quibus servire, Deum negare est. Dicitur hoc nomen esse dæmonis, qui præest divitiis, non quidem quòd in ejus ditione sunt: sed quòd his utitur ad decipiendum, irretiendo laqueis divitiarum. Et *S. Chrysostomus :* Hoc loco, & animo prorsus toto perhorrescamus & corpore, intelligentes istud, quod Christum dixisse memoravimus, ex adverso scilicet Deum aurumque consistere... Noli igitur ex superfluo argumentari: semel siquidem pronuntiavit Deus, impossibile esse dicens, utrumque hoc simul esse servitium.... Dominum hîc autem mammonam, id est, pecuniam nuncupavit; non ob pro-

(a) *Matth. 6.*

priam ipsius utique naturam, sed ob
corum miseriam, qui se ad illius in-
clinavere servitium. Sic etiam ven-
trem Apostolus appellat Deum (Phi-
lip. 3.) non utique à dignitate domi-
nantis, sed ab infelicitate famulantium.
(*b*) Hoc enim scitote intelligentes,
quod omnis fornicator, aut immundus,
aut avarus, quod est idolorum servi-
tus (*græcè*, qui est idololatra) non
habet hæreditatem in regno Christi &
Dei. (*c*) Mortificate ergo membra
vestra quæ sunt super terram: forni-
cationem, immunditiam, libidinem,
concupiscentiam malam, & avaritiam,
quæ est simulachrorum servitus (*græ-
cè*, idololatria.) (*d*) Videamus cur ava-
ritia idololatria dicatur. Idololatria Dei
honorificentiam usurpat, & vendicat
creaturæ, cum in nomine divinitatis,
quod soli Conditori competit, partici-
pem illi asserit ejus facturam. Avari-
tia autem idcirco huic exæquata est,
quia similiter ea quæ Dei sunt, sibi
usurpat & recondit avarus, ut quæ
usibus omnium concessit communi-

(*b*) *Chrysost. hom. 2.2; in Matth.* (*c*) *Epbes. 5.*

(*d*) *Coloss. 3.*

138 CONSIDERATIO VIII.

ter, avaritia deneget, quando idcirco hæc congregat apud se, ne alii utantur Vult Deus ac jubet de iis quæ creavit, subveniri pauperibus: avaritia contradicit. Vide an sine diabolo possit esse. (e) Defecit itaque à Deo avarus, & inservit auro: quæ igitur non fuerit idolorum cultor? Porro si dicat, non crexi idola; quid tum postea? Non enim urbaniores Græcorum se idola adorare fatebantur, sed Venerem fortasse, aut Martem: qui cultus, affectus adeoque animi motus est. . . . Opinor autem Paulum ab Davide hoc dicere, alio tamen modo. Illo enim asseverante (Ps. 113.) Simulachra Gentium, argentum & aurum: ipse pro sua magna sapientiâ invertit: Argentum (inquiens) & aurum sunt idola. Proinde qui colit argentum & aurum, est idolorum cultor. (f) Avaritiam autem vocavit Paulus cultum simulachrorum, quoniam Servator mammonam dominum appellavit, docens quòd qui servit vitio avaritiæ, tanquam Deum colit di-

(e) Ambros. In ep. Ephes. 5. vid. eundem in ep. Coloss. 3. (f) Theophylact. in illud Ephes. supra.

AVARUS IDOLOLATRA. 139

vitias. (g) *Audiamus & hinc Angelicum
 Doctorem.* Vocat hinc avaritiam idolo-
 latriam : quoniam idololatria est ;
 quando honor soli Deo debitus im-
 penditur creaturæ. Nunc autem Deo
 dupliciter honor debetur : scilicet ut
 in eo finem nostrum constituamus ;
 & ut in eo fiduciam nostram finali-
 ter ponamus : ergo qui hoc in crea-
 turis ponit, reus est idololatriæ. Hoc
 autem facit avarus ; qui finem suum
 in re creata ponit ; & etiam totam
 suam fiduciam. *Osee 8.* Argentum &
 aurum suum fecerunt idola sua , ut
 interirent. Et hoc, quia ; ut dicitur *Pro-*
verb. 11. Qui confidit in divitiis suis,
 corruet. Sed cum in aliis peccatis ,
 ponat homo finem suum in creatura ,
 cui amore inhæret ; quare etiam in illis
 non dicitur peccator idololatrare ?
 Respondeo. Idololatrare est aliquid
 exterius indebitè colere. Nunc autem
 in aliis peccatis, ponitur finis in in-
 terioribus quasi in propria delectatio-
 ne. Sed qui ponit finem in divitiis,
 ponit in eis finem ut in re exteriori,
 sicut idololatra. Ita sapientissimus *Tho-*
mas. (h) *Aureus* verd Apostoli interpret
 (g) *Theodoret. ibi* (h *S. Th. in illud Ephes. supra.*

140 CONSIDERATIO VIII.

Chrysostomus : Sunt autem, *inquit*, qui hyperbolen esse dicant, quòd avarum dixerit idolorum esse cultorem. Verum non est hyperbolicè dictum, sed verè. Quomodo, & qua ratione? Deficit à Deo avarus, quemadmodum simulachrorum cultor. Et ne putet temerè dici, est sententia Christi quæ dicit : Non potestis Deo servire & mammonæ. Qui mammonæ serviunt, seipsos extra servitutem Dei eiecerunt. Qui verò dominium ipsius abnegant, & inanimato serviunt auro, clarum est ejusmodi idolorum esse cultores. . . . Vis & aliud audire, & cognoscere quomodo avaritia sit idolorum cultus, imò peior etiam idolorum cultu? Idolorum cultores creaturas Dei adorant. Et venerati sunt, *inquit*, & coluerunt creaturam plusquàm Creatorem. (Rom. i.) Tu verò tuam ipsius creaturam adoras : avaritiam enim Deus non creavit, sed insatiabilis illa immodestia tua adinvenit. Et vide insaniam & vanitatem ridiculam. Qui idola adorant, honori etiam habent quæ adorant, & si quis contradixerit, aut convitiis illa inse-

AVARUS IDOLOLATRA. 141

Actur, pro virili tuentur. Tu verò quasi per ebrietatem rem adoras, quæ non solum reprehensione non vacat, sed & impietate plena est. Itaque peior es illis: neque enim defendere potes avaritiam, ac dicere non esse malam. (i) *Hæc ibi Chrysostomus, & iterum alibi pulcherrimè.* Idololatriam avaritiam appellavit Paulus; non tamen tam formidabilis est idololatria. Sed cur ita appellavit? Habent nonnulli pecunias, & his uti non audent, sed nepotibus reservant, & intactas ad alios transmittunt, tunc & tanquam Deo dedicata tangere minimè audent: quòd siquando coguntur, tanquam ad nefas aliquod timidè veniunt: prætereà tanquam quis idolum lapideum, aurum & claustris & vectibus cohibent, pro templo arcam præparantes, & argenteis vasis recondentes. Nónne ita aurum adoras, ut ille idolum? Ille & oculos & animam traderet potius quàm idolum: non aliter affecti sunt auri amatores. Sed non adoro aurum, inquis. Neque idolum, dicet ille, sed inhabitantem dæmonem.

(i) *Chrysost. in Ephes. hom. 18.*

142 CONSIDERATIO VIII.

Ita & tu; licet non aurum, ejus tamen aspectu & cupiditate, animæ infidentem dæmonem adoras. Dæmone enim gravior est pecuniarum cupiditas, cui multi magis obediunt, quàm illi idolis: illi enim in multis non parent, huic verò in omnibus: & quodcumque faciendum suggesserit, obsequuntur. Quid dicit avaritia? Esto omnibus inimicus, obliviscere naturam, contemne Deum, sacrificium mihi teipsum offer. Dicto citiùs parent. Et idolis quidem boves sacrificant: avaritia autem, Offer mihi animam tuam, inquit, & persuadet. Vide quas habeat aras, quæ libamina accipiat. (k) Quare, quod severè præcepit Dominus Israëlitis, ut ab idolorum cultu removeret, sibi dictum existiment homines ne ad mammonam, ad sordidam pecuniam cupiditatem sese transferant: Nolite converti ad idola, nec deos conflatiles facietis vobis: (l) Non facietis deos argenteos, nec deos aureos facietis vobis: (m) Auferte deos alienos de medio vestri. (n) Servire Deo

(k) Chrysost. in Evang. Ioan. hom. 64. (l) Levit. 19. [m] Exod. 20. (n) 1. Reg. 7.

nequeunt , pecuniæ servientes , (o) mammonæ , qui hostis Christi atque inimicus est. (p)

II. Rectè definit Apostolus : Avaritia est servitus idolorum. Sicut enim idololatra servit simulachro , sic & avarus thesauro. Nam ille cultum idololatriæ diligenter amplificat , & iste cumulum pecuniæ libenter augmentat. Ille cum omni diligentia colit simulachrum , & iste cum omni cura custodit thesaurum. Ille spem ponit in idololatria , & iste spem constituit in pecunia. Ille timet mutilare simulachrum , & iste timet minuere thesaurum. (a) Non est tantum in eo servitus idoli , si quis duobus digitulis thura in bustum aræ jaciat , aut haustum pateræ poculo fundat merum. Neget avaritiam esse idololatriam , qui potest triginta argenteis Dominum venditum appellare justitiam. (b) Verè quidem avaritia idololatria est : omnium quidem malorum initium , causa & finis , Nihil est iniquius , ait Sapiens ,

(o) Chrysosol. serm. 28. (p) Chrysosol. in Matth. ho. 84.

(a) Innocent. III. de contemptu mundi. l. 2. c. 12.

[b] Hieronym. ad Heliodor. ep. 1.

144 CONSIDERATIO VIII.

quàm amare pecuniam (Eccli. 10.)
 Qui pecuniam amat, similitudinem
 colit inanem; solidam verò deserit
 veritatem. Suffocat verbum Dei di-
 vitiarum fallacia, fallax quædam ima-
 go, umbra, figmentum. Parum est,
 quòd dicitur idolum, somnium est.
 Dormierunt somnum suum, & nihil
 invenerunt viri divitiarum in mani-
 bus suis, ex omnibus, quos somniantes
 tenuere, thesauris. O Deus, quàm
 multos errare hæc somnia faciunt!
 (c) Sed non est opus ire per singu-
 la, cùm uno exemplo noscantur uni-
 versa avaritiæ mala, Propheta atte-
 stante; Idola Gentium argentum &
 aurum. Unde apparet, eum, qui di-
 liget aurum & argentum, non tan-
 tùm deos colere, sed eorum mores &
 actus imitari: cujus rei facilis proba-
 tio est illa, cùm interim quàm nostra
 sunt, videmus. Aurum, argentumque
 Christiane, si vera dicenda sunt, ex-
 ecraris in simulachris solis, in pene-
 tralibus tuis: nam & illic aureis, ar-
 genteisque innumerabilibus veluti
 templis

(c) Galfridus apud Nieremberg. hom. caten.
 28. §. 4.

templis tereti monetâ percussis inesse
 similiter regum vultus; signaque co-
 gnoscis: nihilquæ aliud distat, nisi
 quòd in tua domo minuta sunt, in
 templo majora: quæ si erogaveris,
 pecunia est; si servaveris, simulachra.
 (d) Execrabilis est, qui facit idolum
 & in abscondito ponit: huic similis
 est, qui avaritiæ vitio laborat. Ut enim
 cultor idoli, numen adulterinum &
 inutile veneratur: sic avarus divitia-
 rum imaginem animo complectitur,
 & colit. (e) Illud enim quis pro Deo
 habet, quod habet pro summo bono:
 & illud habemus pro summo bono,
 quo solo habito, si cetera defint, pu-
 tamus nos esse felices; &, quod unum
 si desit, etiamsi habeamus omnia alia
 bona, putamus nos esse miseros. Di-
 cit igitur avarus pecuniæ, Deus meus
 es tu: quia etiamsi ei defint honos,
 & sanitas, & virtus, & amici, modò
 pecuniam habeat, contentus est: &,
 si habeat omnia illa bona quæ dixi-
 mus, & pecunia desit, putat se esse

G

(d) S. Zeno de avaritia serm. 2. (e) S. Nilus
 de avaritia, orat. 3. fine.

146 CONSIDERATIO VIII.

infelicem. (f) *Hinc breviter at nervosè S. Epiphanius : Mammonas est Deus mundi : avaritia est Deus hujus sæculi ; quem homines sibi Deum elegerunt , & honorem erga ipsum apprehenderunt , & Dominum contempserunt , sicut dicit : Unum quidem amplectetur , alterum verò contemnet. (g) Quare sapientissimus Salomon execrandam istam idololatriam perhorrescens , Deum enixè rogabat , ut quàm longissimè ab avaritia abesset : Divitias ne dederis mihi : ne fortè satiatus , illiciar ad negandum , & dicam , Quis est Dominus. (h) Et ejus Parens : Inclina cor meum , Deus , in testimonia tua , & non in avaritiam. (i)*

: III. Repleta est terra argento & auro : & non est finis thesaurorum ejus. *Quid deinde ? Et repleta est terra ejus idolis. (a) Particeps idolorum Ephraim , (b) factus est quasi columba seducta , non habens cor : (c) hoc enim avaritia , opibus , idolis suis donârat : & dixit : Verumtamen dives effectus*

[f] Ioan. Picus Mirandul. Commentar. in Ps. 15.

(g) Epiphan. contra hæres. 66. (h) Prov. 30.

(i) Ps. 118.

(a) Isai. 2. (b) Ose. 4. (c) ibid. 7.

sum, inveni idolum mihi, (d) nempe mammonam, seu divitias, quas meâ unius industriâ peperî. Sicut enim gulosi & luxuriosi Deus venter est: ita & avarus adorat auri idolum. (e) Ex Chaldaeo aliqui sic vertunt & explicant: (f) Inveni vim mihi, scilicet pecuniam, quæ quasi dominus, & ut loquitur Gregorius Nyssenus, (g) occultus tyrannus, mihi vim inferat, meque violenter opprimat. Diabolicum planè fuit illud consilium, quo usus est Ieroboam, ut populum ad idolorum cultum perduceret, atque ita sibi addiceret: formavit enim vitulos non areos aut plumbeos, sed aureos, ut scilicet eo fulgore & pretio corda pertraheret; & quidem res ex voto impii regis successit: Et excogitato, inquit Scriptura, consilio, fecit duos vitulos aureos, & dixit eis: Nolite viri ascendere in Jerusalem. Ecce dii tui, Israël, qui te eduxerunt de terra Ægypti. Posuitque unum in Beth-el, & alterum in Dan. Et factum est verbum hoc in peccatum: ibat enim populus ad adorandum vitulum usque

G 2

(d) Ose. 12. (e) Hieronym. ibi. (f) vid. Corn. à Lapide ibi. (g) Orat. 24.

148 CONSIDERATIO VIII.

in Dan &c. (h) Nimirum & hîc Patres suos imitatus est populus iste, qui olim similiter vitulum aureum adoraverunt, dicentes, Hi sunt dii tui Israël. (i) De quo pulchrè S. Petrus Chrysologus: (k) Aurum Judaicum populum sic suo captivavit aspectu, vicit illecebris, specie perdecepit, ut hoc esse Deum crederent; & Deum verum, Deum tot beneficiis cognitum, denegarent: Sic convertit homines in jumenta, ut vituli caput, caput suum crederent, & omnium rerum capiti caput pecudis anteferrent. Attendite, quàm sit pernities ista fugienda: quæ cum mores hominum, honestatem, vitamque perdiderit, ipsum quoque Deum voluit & contendit auferre. Hoc est, quod Judam fecit esse proditorem, ut hominem cogeret Deum negare, vendere germanum sui sanguinis, distrahere Conditorem, & ipsum sanguinem taxare pretio, quem sponte Dominus erat nostrum largiturus in pretium. *Hactenus aureus Ecclesiastes. Sed quonam modo dicunt Idololatra illi Israël-*

(h) 3. Reg. 12. (i) Exod. 32. (k) Serm. 29.

lita, Hi sunt dii, cum non nisi unicum esset idolum, unicus vitulus ille aureus? Contulerant nimirum aurum viri ac mulieres; atque ita factum, ut suas opes & sua monilia adamarent, & adorarent in vitulo ex illis conflato, ut ait Clemens Alexandrinus. (l) Superbiſſimus rex Nabuchodonosor, ut ab omnibus principibus & populis tamquam Deus adoraretur, fecit statuam auream altitudine cubitorum sexaginta, latitudine cubitorum sex. (m) In quem locum sic Hieronymus: Velox oblivio veritatis: ut qui dudum servum Dei (Danielem) quasi Deum adoraverat, nunc statuam sibi fieri jubeat, ut ipse adoretur in statua. Quòd autem aurea sit, & infiniti ponderis: illud in causa est, ut stuporem videntibus creet, & res inanimata adoretur ut Deus, dum unusquisque suam consecrat avaritiam. Nempe rectè Ecclesiastes: (n) Pecuniæ obediunt (ex Arabico & Septuaginta, humiliantur) omnia. Omnes ei maximam submissionem exhibent, & genuflectunt, atque adeò ad terram usque procidunt. Hinc etiam Satan,

G 3

(l) Apud Speranz. Script. select. pun. 67.

(m) Dan. 3. (n) Eccle. 10.

150 CONSIDERATIO VIII.

qui & ipsum Dominum tentatione aggredi ausus est, jam bis ab eo victus, tertiam, velut fortissimam machinam, avaritiam adhibuit: Iterum assumpsit cum diabolus in montem excelsum valdè: & ostendit ei omnia regna mundi, & gloriam eorum; & dixit ei: Hæc omnia tibi dabo, si cadens adoraveris me. (o) *Ubi S. Chrysostomus*, Quasi omnibus viis, inquit, fortiolem pecuniarum cupiditatem postremo loco posuit, antè jam quidem, & prorsus ab initio certaminis idipsum meditatione parturiens: extremum verò illud reservans, quasi quod omnibus valentius esse judicaret. Hic quippe mos deceptionis ejus est, ut quæ magis ad supplantandum idonea esse credit, hæc adhibeat extrema... Quemadmodum igitur istud superari oportet? Ita proculdubio ut ipse Christus edocuit: ut scilicet refugiamus ad Dominum. Terrena ista pro nihilo judicemus: & semper sciamus esse contemnendum, quidquid mensuram necessarij usus exceßerit. Nihil enim sic diabolo subijci hominem facit, ut inhiare opibus,

AVARUS IDOLOLATRA. 151

atque habendi amore superari. (p) Ab omni igitur avaritia, Fili, declina cor tuum, ut non condemneris sicut adulter & idololatra. Noli diligere opes terrenas, ne amittas cœlestes. (q) *Si mammonam adoras, cadis*: ita cadentes omnes populi, tribus, & linguæ, adoraverunt statuam auream, quam constituerat Nabuchodonosor rex. (r) *Ubi S. Hieronymus*: Omnem Scripturam sanctam mente percurrens, nisi tamen me fallit oblivio, nequaquam reperio, quòd Sanctorum quisquam Deum cadens adoraverit: sed quicumque idola, dæmones, & res illicitas adoraverit, cadens dicitur adorare: ut in presenti loco (*Daniel 3.*) non semel, sed crebrius. Et in Evangelio diabolus loquitur ad Dominum: (*Matth. 4.*) Hæc omnia tibi dabo, si cadens adoraveris me. (s) Ipse diabolus confitetur, quoniam adorare eum, & voluntatem ejus facere, cadere est à gloria Dei. (t) *Ita cecidit Iudas*, quem avaritia excœcavit; & Deo hujus sæculi,

G 4

(p) *Chrysost in Matth. hom. 13.* (q) *Basil. Admon. ad filium spiritual.* (r) *Dan. 3.* (s) *Hieron. in Dan. 3.* (t) *S. Irenæus l. 5. c. 22.*

152 CONSIDERATIO VIII.

Mammoræ, addixit. (u) Ita cecidere Ananias, & alii multi, quos etiam avaritia occidit & perdidit. (x) De Iuda projiciente triginta argenteos in templo, eleganter scribit S. Drogo Hostiensis Episcopus: Vide quàm magni ponderabat eos, non projecit in sterquilinio, sed in templo: nimirum talibus diis templum suum devoverat: avaritia enim simulachrorum servitus est; & avaritia excœcat oculos sapientum. Deuter. 16. (y)

Heu! quàm multi sordido isti idolo cor mentemq; omnem devovent; in illo toti sunt, & infellicissimè moriuntur! Narrat ex Prospero Gabriel Inchino Canonicus Regularis Lateranensis (z) rem horrificam. Mortuo quodam avaro, amici, ut, quo genere mortis sublatus esset, intelligerent, ejus cadaver diffecari curarunt. Lustrant singula, at cor non inveniunt. Rei novitate perculsi, diligentissimè omnia perscrutantur, ac tandem in nummorum aureorum cumulo reconditum cor ac sepultum reperiunt; quàm & cacodæmonem, draconis specie, cordi assidentem, illudq; discerpentem ac dilaniantem

(u) Epiphani. contra hæresim 66. (x) Epiph. ibid.

(y) S. Drogo de Sacram. Domin. Passionis. (z) Conc. de cordis mundit. p. 2. §. 2.

vident non sine horrore, audiuntq; dicentem: Hoc aurum & argentum pretium est cordis, quod mihi vendidit amicus vester, eoq; pro arbitratu meo uti possum. Simile quid leges de usurario quodam Metensi, apud Casarium Heisterbachensem. (aa) Cum divinus Ecclesiastes Antonius Patavinus (bb) concionem haberet in exequiis divitis cujusdam avari, urgeretq; Christi verba, Ubi est thesaurus tuus, ibi est & cor tuum: entusiasmo actus, Ite, inquit, inspicite defuncti thesaurum, videbitis quàm verè locutus sit Christus: ibi divitis cor invenietis. Itum, & in thesauri medio inventum cor miseri illius mammona cultoris, quod palpitare inter nummos videbatur, quasi æstus avaritia adhuc exagitaretur. Ibidem, ut refert sanctus Antoninus, (cc) inventum cor alterius avari, qui hortantibus ad contritionem & peccatorum confessionem, responderat id se non posse, quòd non haberet cor, esse hoc in capsula inter nummos, in quibus spem omnem ac fidem suam collocarat. Alius item ejusmodi idololatra, ut

G 5

(aa) Lib. II. cap. 39. vide & cap. seqq. (bb) Sur. 13. Iun. vitæ c. 28. (cc) Repertor. seu Sum. major. p. 2. tit. 1. c. 2.

154 CONSIDERATIO VIII.

scribit sanctus Bernardinus, (dd) instante jam morte, seridè monitus à viro religioso, ut tandem salutis suae prospiceret, nihil aliud, quàm lucrum, quàm merces, quàm pecuniam loquebatur: Quanti nunc pannus? quo pretio serica? quando appellent naves? Urgentiq³ saniora sacerdoti, ut presentem mortem confessione praeverteret, planissimè respondit, se non posse, & cum dicto sordidam animam diabolo commendavit, & exhalavit. Ita alter, nihil nisi usuram, quam post quatrimum recepturus esset, reponebat sacerdoti monenti de morte & anima curâ. Alius, nihil quàm conquerens & dolens, caras sibi unicè, animam & cor suum, divitias esse deserendas, easq³ extremum alloquens, immortalis est & sepultus in inferno. (ee) Alius, qui ut nummis parceret, in Nosocomium Constantia admitti petierat: morti proximus, pulmento, quod impatientissimè petierat, ex avena farina confecto, nummos hactenus occultatos imposuit, & cum avidissimus absorbere nititur, auro suffocatus illicè extinguitur. (ff) Meritò sanctus Ambrosius exponens illud Apostoli de divitiarum cupiditate, Quam quidam appetentes, erra-

(dd) Fer. 4. post Dom. 1. Quadrag. (ee) Robert. de Licio in Quadrages. Vide Nieremb. Discrim. temp. & aetern. c. 15. (ff) Nider fornicar. l. 3. c. 5.

verunt à fide, sic scribit: (gg) Vides, quia qui pecuniam amat, fidem perdit: qui aurum redigit, gratiam prodigit. Et Guarricus Abbas: (hh) Avarus quò plura possidet, pluribus eget. Quamquam nil minùs habeat, quàm quod habere se putat: cùm habeatur, non habeat, servus pecuniæ, mancipium avaritiæ, cultorquæ mammonæ, idololatra detestandus, cui nummus est Deus. Talis erat Reginherus, Misnensis in Germania Episcopus. Hic thesauros suos, conscio nemine, coëgerat Goslaria, in occulto conclavi; in visus est miserè incubare totus, & immortalis. Illuc quadam die, à meridiana refectiōe secesserat: & cùm haberet præter solitam, nec evocatus responderet, foribus tandem effractis exanimatus inventus est super pecunia acervos, retro vultu, & faucibus elisis, haud dubiè ab inferno Plutone, qui ejus animum avaritia laqueo jam pridem strangularat: nane nemo alius intraverat ad injuriam inferendam. (ii) Recentius est, quod refert Franciscus Costerus noster, (kk) qui accidisse ait anno 1553, cùm inciperet in Italia

(gg) Serm. 59. (hh) Serm. festo SS. omnium.
(ii) Baron. an. 1066. n. 13. (kk) Cont. Dom. Sexages.

156 CONSIDERATIO VIII.

habitare, in quadam urbe, quam ipse transivit. Infamis quidam mammonæ cultor, morti vicinus, adduci nunquam potuit, ut sacrâ confessione ad aternitatis iter se compararet. Ergo digresso, qui, ad molliendum flectendumq; ejus animum, conatum omnem nequidquam adhibuerat, Sacerdote Religioso; uxorem vocat vir, imò divitiarum servus perditissimus, & Heus tu, inquit, scutellam aureis nummis benè plenam quam ocissimè huc ad me afferto. Ad auri fulgorem totus hilarescere infelix, oculisq; atque animo toto in illud intentus, Tu es, inquit, mea pecunia, tu sola juvare me potes & debes; quidquid ogganiant sacerdotes, tu mihi præsto eris. Atque hac impiè proferens, caput in scutellam demittit, versat, volutat, os, cor, totum se auro devovens, & expirat. Quis hîc tibi animi sensus, mi Christiane? Verè, ex Ecclesiastico: Lignum offensionis est aurum sacrificantium. Væ illis qui sectantur illud; & omnis imprudens deperiet in illo. (II) Quasi dicat, ait Cornelius noster; Aurum quod avari quasi suum idolum numenque colunt, & cui omni sue

DIVITUM INSANIA. 157

labore, cogitatione, affectu, & curis
sacrificant, est lignum, in quod ipsi
offendunt, impingunt & corruunt in
mille mala, ipsamque mortem, *mortem*
secundam, mortem aeternam.



CONSIDERATIO IX.

DIVITUM INSANIA.

I. **S**Imul insipiens & stultus peri-
bunt. (a) Non idem est utrum-
que. Stultus est, qui nihil sapit, &
stulta intelligit: insipiens, qui mala
sapit. (b) At pecuniarum amator utrum-
que est, & stultus & insipiens; nihil sa-
pit, stulta intelligit, & mala sapit.
Quid est enim, dic quæso, stultius
homine qui laborat, & se excruciat,
& tantas opes congregat, ut ex ejus
laboribus alii se voluptate expleant?
Quid est hoc inani labore deterius,
quando ipse quidem sudores & labores
perpeffus decesserit, aliis autem divi-

[a] Ps. 48. [b] Ambros. ibi.

158 CONSIDERATIO IX.

tias fruendas reliquerit, & nec aliquibus quidem necessariis, & ei familiaritate conjunctis, sed sæpè etiam hostibus & inimicis? Et ideo non dixit, Aliis, sed, Alienis, relinquent divitias suas. (c) Ipsi ergo insipiens & stultus quando pereunt, alienis relinquunt divitias suas. Suum enim & legitimum stultitiæ & improbitatis hæredem reperire non possunt. Legitimi enim dicunt, Quia filii Dei sumus. Si autem filii, & hæredes: hæredes quidem Dei, cohæredes autem Christi: si tamen compatimur, ut & conglorificemur. (Rom. 8.) Insipientes ergo divitias non habent, quia nec hæreditatem habent. Non habent divitias infidi, non possessionem. Fidei enim totus mundus possessio est. Non habent hæreditatem, quia sola est hæreditas credentibus in Deum. Suas autem divitias habent. Ideoque avarus dicit: Non habeo quò congregem fructus meos. (Luc. 12.) Non enim verus fructus, sed avari fructus pecunia est. Et Dominus avaro dicit: Vade, vende bona tua, &

[c] *Chrysost. in Ps. 48.*

DIVITUM INSANIA. 139

sequere me. (Luc. 18.) Non enim perfectum bonum est patrimonium : sed hæc sunt avari bona , quæ in emolumento aliquo constituta sunt. Vende, inquit , quæ tua putas esse, cum tua non sint : quia ad alios, fluminis modo, transeunt ; & sequere me , ut bonum immortale cognoscas. (d) Sed vir insipiens non cognoscet, & stultus non intelliget hæc. (e) Thesaurizat, & ignorat cui congregabit ea. (f) Quid tam vanum, quàm nescire cui laboret hæredi ? Quis enim scit, si sibi filius aut nepos proprius supervivat ? Sæpè conditis tabulis, testamentis scriptis, hæres funereo ambitu præcedit ad tumulum, aut hæreditatem superstes absorbet, aut luxuriosus dissipat, aut stultissimus non tuetur, aut proscriptus amittit. Siquem ergo videris studiosè divitias congregantem, dic & tu : Vanè conturbatur. Thesaurizat, & ignorat cui congregat ea. Neque enim secum potest auferre quæ possidet : & cum morietur, relinquet a-

(d) *Ambr. in illud Ps. 48.* (e) *Ps. 91.*

(f) *Ps. 38.*

460 CONSIDERATIO IX.

lienſis divitias ſuas. Succedit frequenter inimicus & ingratus, & deceſſori ſucceſſor inſultat. (g) *Hinc Salomon ſibi ipſi oneroſus eſt ob curam congregandi opes; & ait: Detectatus ſum omnem induſtriam meam, qua ſub ſole ſtudioſiſſimè laboravi, habiturus hæredem poſt me, quem ignoro, utrum ſapiens an ſtultus futurus ſit: & dominabitur in laboribus meis, quibus deſudavi, & ſollicitus fui; & eſt quidquam tam vanum?* (h) *Miſerabilis proſus infirmitas: quomodo venit, ſic revertetur. Quid ergo prodeſt ei, quòd laboravit in ventum?* (i). *Laborabit in æternum, & vivet adhuc in finem.* (k) *Labor ejus ſine fine erit: vita ipſius habebit finem. Quomodo vivet in finem? Quomodo vivebat ille qui induebatur purpura & byſſo, & epulabatur quotidie ſplendidè, & jacentem ulceroſum ante januam, cujus ulcera canes lingebant, & deſiderantem micas, quæ de menſa ejus cadebant, ſuperbus & tumidus contempnebat. Quid illi profue-*

(g) *Ambr. in illud Pf. 38.* (h) *Eccle. 2.*

(i) *Eccle. 5.* (k) *Pf. 48.*

runt illæ divitiæ ? Mutaverunt vicem ambo ; ille à janua divitis sublevatus est in sinum Abrahæ , ille ab epulis splendidis missus est in ignem : ille quiescebat , ille ardebat : satiabatur ille , ille sitiebat : ille laboraverat in finem , vivet in æternum : ille vixerat in finem , laborabit in æternum. Et quid profuit diviti, qui quæsit, apud inferos , in tormentis positus , stillari sibi guttam aquæ in linguam suam de digito Lazari , dicens , Quoniam ardeo hîc in hac flamma ; & non illi concessum est ? (1) *Vter tibi videtur sapiens & prudens ; uter insipiens & stultus ? Quis demum tu ? Per diem vexaris laboribus , per noctem agitaris timoribus. Ut saccellus tuus impleatur nummis , anima tua febricitat curis. Video , doleo : conturbaris , & , sicut dicit qui fallere nescit , vanè conturbaris.... Quare , inquis , vanè conturbor ? Ecce saccos impleo , parietes mei vix capiunt quod acquiro : quare vanè conturbor ? Thesaurizas , & ignoras cui ea congreges. Aut si scis cui , obsecro dic & mihi. Audiam te , cui.*

(1) *August. in illud Ps. 48.*

162 CONSIDERATIO IX.

Si non vanè conturbaris, dic, cui thesaurizas? Mihi, inquis. Hoc audes dicere moriturus? Filiis meis, inquis. Hoc audes dicere de morituris? Magna pietas; thesaurizat pater filiis: imò magna vanitas; thesaurizat moriturus morituris. Si propterea quia morituris dimittis, quid colligis? Hęc causa & filiorum: successuri sunt, non permansuri. Omitto dicere, quilibet filiis, ne fortè quod congregavit avaritia, perdat luxuria.... Omitto dicere, quia fortè dum vivis, thesaurizas furi.... Thesaurizas fortè latroni, fortè prædoni. Nolo amplius dicere... (m)

Tu cogita, mi Lector, & si fortè unus es ex illis vanis & insipientibus, eme sapientiam, ne vanè conturberis, & labores in æternum; ne congreges, ignorans cui congregabis, tineæne demolienti, an furi effodienti; hosti diripienti, an igni devoranti. (n)

II. Audi conturbationem hominis, & vide si non est vana, ut calces eam, transilias eam, & habites in excelsis, ubi non est ista vanitas. Quæ

[m] Aug. serm. 50. de Temp. [n] Bernard. serm. 80. in Cant.

vanitas? Thesaurizat, & non cognoscit cui congregabit ea. O insana vanitas! Beatus, cujus est Dominus spes ejus, & non respexit in vanitates, & insanas mendaces. (Ps. 39) Delirare tibi videor, avare, cum hæc loquor; anicularia tibi videntur hæc verba. Tu enim videlicet homo magni consilii, magnæque prudentiæ, excogitas quotidie genera acquirendæ pecuniæ, de negotio, de agricultura, fortassis & de eloquio, de juris-consultatione, de militia, addis & de fœnore. Homo cordatus nihil prætermittis omnino, unde nummus super nummum & in occulto diligentius acquiratur. Deprædatis hominem, caves deprædatorem: quod facis, times ne patiaris, & in eo quod pateris, non te corrigis. Sed non pateris. Prudens enim homo es, benè servas, non solum benè colligis. Habes ubi ponas, cui committas, quomodo nihil pereat ex eo quod congregasti. Interrogo cor tuum, discutio prudentiam tuam. Ecce collegisti, ecce ita servasti, ut nihil possis amittere eorum quæ servasti: dic mihi, cui servas? Non tecum ago, non comme-

164 CONSIDERATIO IX.

moro, non exaggero quidquid mali habet avaritia vanitatis tuæ: non dico, ne fortè, dum colligis, colligaris: non dico, ne fortè, cùm vis esse prædo, sis præda: hoc apertiùs eloquar. Fortassis enim cœcus avaritiâ non audisti, aut intellexisti. Non dico, inquam, ne fortè, cùm vis esse prædo minoris, sis præda majoris. Non enim sentis esse te in mari, nec cernis minores pisces à majoribus devorari. Non dico ista, non dico difficultates & pericula in ipsâ acquisitione pecuniæ: quanta patiantur, qui eam colligunt; quàm in omnibus periclitentur, in omnibus pænè mortem videant: transeo hæc omnia. Prorsus colligis nullo contradicente, servas nullo auferente: excute cor tuum ad prudentiam tuam, qua me derides, qua me insipientem putas hæc loquentem; & dic mihi: Thesaurizas, cui congregabis ea? (a) Obsederunt animum tuum sterilitatis tenebræ, & recedente inde lumine veritatis, carnale peccus alta & profunda avaritiæ caligo cœcavit: pecuniæ tuæ capti-

(a) *August. in Ps. 38.*

DIVITUM INSANIA, 165

ſervus & ſervus es : catenis cupiditatis & vinculis alligatus es : ſervas pecuniam , quæ te ſervata non ſervat : patrimonium cumulas , quod te pondere ſuo graviùs onerat..... Quid divitiis tuis ſolus incubas ? Quid in pœnam tuam , patrimonii tui pondus exaggeras , ut quò locupletior ſæculo fueris , pauperior Deo fias ? (b) O deteſtabilis cœcitas , & cupiditatis inſanæ profunda caligo ! cùm exonera-
re ſe poſſit , & levare ponderibus , pergit magis fortunis argentibus incubare , pergit pœnalibus cumulis pertinaciter adhærere. (c) Eſſi congregetur pecunia ſicut terra , atque ut lutum præparatum fuerit aurum , inanis erit ſicut arena (aliàs , aranea) ſubſtantia eorum (avarorum) & omne patrimonium eorum tanquam tineis conſummabitur. Dormiens dives nihil adjiciet : aperuit oculos , & jam non eſt , permanet in doloribus. Aurum in metallis , argentum in metallis. De metallo eruitur , & in metallum revertitur. Quid enim aliud,

(b) *Cyprian. de opere & elemoſ.*

(c) *Cypr. epiſt. ad Donatum.*

166 CONSIDERATIO IX.

nisi metallum est mens avari? quæ tanquam defossam tenet quidquid receperit, & in venis terræ ac latibulis abscondit, eò quòd uti nesciat. Quotidie aurum de metallis eruitur; de avaro proferre quis potuit? Cùm igitur nihil proficit vana fames auri, quia qui congregaverit, labitur; miserandi profectò, qui deseruerunt viam justam, & obliti sunt eam, cui pretiosi lapides haudquaquam sunt comparandi. (d) Et verè nihil est stultius, quærere dubia, & acquirere peritura. Quid enim profunt homini opes, quæ ad hoc solum congregantur ut pereant? Certè te moriente remanet celsus avaritiâ propagatus: relinquitur ampliata possessio: & quamvis sit in alterius potestatem transfusa, testimonium tamen tui sceleris servatura.... Stultitiæ genus est, aliis fecisse lucrum, & sibi parasse supplicium. (e) Revera stultos faciunt divitiæ & insanos. (f)

III. Videte, *monet incarnata Sapientia*, & cavete ab omni avaritia, quia non in abundantia cujusquam vita ejus est, ex his quæ possidet. Hominis cujus-

(d) *Ambr. l. 3. de Interpellat. c. 5.* (e) *Valerian. hom. 20.* (f) *Chrysost. hom. 7. in ep. ad Coloss.*

dam divitis uberes fructus ager tulit; & cogitabat intra se dicens, Quid faciam, quia non habeo quò congregem fructus meos? Et dixit: Hoc faciam: Destruam horrea mea, & majora faciam: & illuc congregabo omnia quæ nata sunt mihi, & bona mea; & dicam animæ meæ: Anima, habes multa bona posita in annos plurimos: requiesce, comede, bibe, epulare. Dixit autem illi Deus: Stulte, hac nocte animam tuam repetunt à te: quæ autem parasti, cujus erunt? (a) Audisti, mi Christiane, Sapientiæ monitum? audisti & intellexisti divitis illius stolidam insipientiam, funestum exitum? Quoties dives iste venit in medium, quem tot sæculis, orbe toto, die omni, clamor divinæ vocis accusat; toties divitiarum fallax fugatur illecebra, toties cupiditatum furens flamma restringitur, avaritiæ toties rabies vesana mitigatur. (b) Expendamus igitur singula, stupeamus, & sapiamus tandem. Quid faciam? Miserum! quem ubertas sterilem, abundantia anxium, inhumanum copia, divitiæ fecere men-

(a) Luc. 12. (b) Chrysolog. serm. 104.

368 CONSIDERATIO IX.

dicum. . . . Quid faciam? Interrogantis vox est: & quem, putas, interrogabat ille? Erat in illo alter; quia ad ejus penetralia jam diabolus possessor insederat: & qui intraverat in cor Judæ, mentis ejus tenebat arcanum. (c) Quid faciam? inquit. Quis non misereatur sic miserè curis obsessi? Ipsâ fertilitate miser erat ac timidulus. Miserabilis præsentibus & paratis bonis, miserabilior adhuc ob ea quæ expectabat. Non enim proventus annui fruitionem ei terra ferebat, sed fletus & suspiria: non fructuum copiam, sed curas & dolores & graves anxietates sibi colligebat. Peræquè enim ac egestate pressi, miser afflictor, & ejulat (d) Quid faciam? inquit. Nonne hæc pauperis vox est, non habentis subsidia vivendi? . . . Clamat se dives non habere. Paupertatis hic sermo est; de inopia queritur, abundans fructibus. Non habeo, inquit, quod congregem fructus. Putares illum dicere: Non habeo fructus, unde vivendum est mihi? Beatus qui de abundantia periclitatur: imò miserior iste

(c) *Idem ibid.* (d) *Basil. hom. 6. in dītesc. avaros*

iste foecunditatibus suis, quàm pauper, cui periculum de egestate est. Habet ille, unde excuset ærumnam, habet certè injuriam, non habet culpam; iste non habet, quem præter se arguat. Et dixit: Hoc faciam: horrea mea destruam. Putes adhuc dicere illum: Aperiam horrea mea, ingrediantur qui tolerare famen non queunt, veniant inopes, intrent pauperes, repleant sinus suos.... (e) Horrea, iniquitatis sunt receptacula, non pietatis subsidia. Rectè destruet, qui sapienter ædificare non novit. Destruet sua dives, qui nescit æterna. Destruet horrea, qui non novit sua frumenta dividere, sed claudere. Et majora, inquit, faciam. Infelix! vel id dispensato pauperibus, quod pro sumptu ædificationis impendis. Dum liberalitatis gratiam refugis, damna ædificationis resolvis. (f) Clàm loqueris tecum. At tua verba in coelo examinantur. Quapropter & inde tibi respondetur. Quæ autem dicit? Anima, inquit, habes reposita tibi multa bona: Comede, bibe, gaude. O verba stultissima! O de-

H

(e) *Ambr. de Nabuibe c. 6.* (f) *Ambr. ibid. c. 7.*

270 CONSIDERATIO IX.

mentiam singularem! Nam si porcinam habuisses animam, quid aliud ipsi enuntiare potuisses? Itane pecuinus tu, ita bonorum animæ ignarus, tam ut exceptes carnalibus epulis; & quæcumque alvi secessus recipit, animæ destines? . . . Jam quando terrena sapis, & deum habes ventrem, totus quoque caro effectus, vitiosis affectibus obsequeris; audi te dignam appellationem, quam tibi nullus hominum, sed ipse Dominus indidit: Stulte, hac nocte animam tuam abs te repetent: quæ autem præparasti, cujus erunt? Superat æternam poenam irrisio ista stultitiæ. Qui namque paulò post abripiendus è vita, & ad supplicium abducendus, quale init tacitus consilium? Destruam horrea mea, & majora faciam. . . . Quid stultius, quàm laboribus nunquam finiendis se conficere, ac summo cum studio ædificare, nec minore curâ eadem demoliri? Habes, si vis, apothecas, ventres pauperum; thesauriza tibi thesauros in cœlo. Quæ illic reconduntur, ea neutiquam depascuntur tineæ, nulla depopulatur caries aut erodit, nulli suppilant prædones.

DIVITUM INSANIA. 171

(g) O Fratres mei, cum quantis stultis Deus loquitur, quando Evangelium recitatur? Quando lectum est, qui audiunt, & non faciunt, stulti non sunt? (h) Stulte, ubi tibi sapiens videris, ibi stultus es..... Ecce increpatus est stultus, malè recondens. Si stultus est, qui recondit sua; vos invenite ei nomen, qui rapit aliena..... Fortassis aliquis respondeat, & dicat: Non valdè magna poena erat illi homini, cui dixit Deus, Stulte. Non sic dicit Deus, Stulte, quomodo dicit homo. Tale in quemquam Dei verbum, iudicium est. Numquid enim Deus stultis daturus est regnum cœlorum? Probant hoc illæ quinque virgines stultæ, quæ extra januam leguntur exclusæ. (Matth. 25.) Quibus autem non est daturus regnum cœlorum, quid eis restat, nisi poena gehennarum? (i)

(g) Basil. hom. 6. in die se. avaros. Vide & orat. 15. de Avaritia.

(h) August. 10. 10. de diversis. serm. 33.

(i) August. hom. 7. ex. 50.



CONSIDERATIO X.

RADIX MALORVM OMNIVM CVPIDITAS.

I. **R**adix omnium malorum est cupiditas (*nempe, divitiarum, ut patet ex antecedentibus, & habetur expresse in Græco, amor pecuniæ.*) quam quidem appetentes, erraverunt à fide, & inferuerunt se doloribus multis. (a) Dicitur radix omnium peccatorum, ad similitudinem radicis arboris, quæ alimentum præstat toti arbori. Videmus enim, quòd per divitias homo acquirit facultatem perpetrandi quodlibet peccatum, & adhibendi desiderium cujuscumque peccati. (b) Avaritia enim omnia mala potest admittere. Ideò radix omnium malorum est: quia, ut desideria sua expleat (quod impossibile est) & ma-

(a) 1. Tim. 6. (b) S. Th. I. 2. q. 84. a. 1.

RADIX MALORUM, CUPID. 173

Infamia & homicidia & obscœnitatem,
& quidquid sceleris est, perpetrat, nec
ad præsens secura, quia semper cupida,
& in futuro damnata. (c) Hinc verè
Siracides : Avaro nihil est scelestius.
Nihil est iniquius, quàm amare pecu-
niam : hic enim & animam suam ve-
nalem habet : quoniam in vita sua
projecit intima sua. (d) Dura certè,
& nimis formidolosa sententia. Si enim
nihil est avaro scelestius, nihil iniquius;
non ergo melior parricidis, non præ-
fertur incestis, æquatur hæreticis,
assimilatur idololâtris, . . . Ne quis au-
tem in hoc verbo, quod est, avarus,
dubietatis scrupulus posset emergere,
vigilanter addidit Scriptura : Nihil
iniquius, quàm amare pecuniam. Igi-
tur avarum esse nihil est aliud, quàm
amare pecuniam. (e) Iterum idem *Ec-
clesiasticus* : Si dives fueris, non eris
immunis à delicto. (f) Rursus, Qui
aurum diligit, non justificabitur. (g)
Unde, *Propheta Habacuc* : Væ ei qui mul-
tiplicat non sua : usquequò & aggra-

H. 3

(c) *Ambr. in illud Tim. sup.* (d) *Eccli. 10.* (e) *Petr. Damiani, l. 2. epist. 2.* (f) *Eccli. 11.* (g) *Eccli. 31.*

vat contra se densum lutum ? (h) Denso enim luto, interprete S. Gregorio magno, se aggravat, qui per avaritiam terrena multiplicans, peccati sui se oppressionem coangustat ; (i) terrena lucra cum pondere peccati cumulat ; (k) & ex S. Isidoro Pelusiota, peccata cumulat, ut scarabæus scarabæam. (l) Hinc Chaldaus pro denso luto, vertit gravitatem peccatorum. Quare Christus Dominus gravissime mortales omnes admonet : Videte, & cavete ab omni avaritia. (m) Non potestis Deo servire & mammonæ : (n) id est, divitiis : nam gentili Syrorum linguâ, Mammona divitiæ nuncupantur. (o) Audiat hoc avarus, audiat qui censetur vocabulo Christiano, non posse se divitiis Christoque servire. Et tamen non habet, Qui habet divitias : sed, Qui servit divitiis. Qui enim divitiarum servus est, divitias custodit ut servus : qui autem servitutis excussit jugum, distribuit eas ut Dominus. (p)

(h) Habacuc. 2. (i) Gregor. 34. mor. 13. (k) Idem 3. p. Pastoral. admonit. 21. (l) Isid. Pelus. l. 2. epist. 135. (m) Luc. 12. (n) Matth. 6. Luc. 16. (o) Hieron. ep. ad Eustoch. & Comment. in Matth. 6. (p) Hieron. in illud Matth.

RADIX MALORUM, CUPID. 175
 Unde corripit Dominus avaritiam, & dicit, eum, qui amat pecuniam, Deum amare non posse; igitur & Apostolis, si velint amare Deum, pecunias esse contemnendas. Unde Scribæ & Pharisei, qui erant avari, subfannabant eum, (*Luc. 16.*) carnalia, ut certa & præsentia, spiritualibus & futuris, & quasi incertis præponentes. (*q*) Est igitur Mammona hostis Christi atque inimicus: (*r*) & illum iniquitatis & iniquum nominat ipse Christus; (*s*) quod divitiæ de iniquitate collectæ sint, (*t*) & omnis iniquitatis parentes. Adeo quædam societas est pænè etiam nominis duabus his rebus, vitiis & divitiis. (*u*) Proluvies nummorum lutum invehit scelerum: quot sili, tot scelera. Foederantur divitiis vitia. Judas in marsupio tot laqueos reponit, quot argenteos. Æruginat sæpè innocentia, si pera fulgurat. (*x*) Nolite sperare in iniquitate, & rapinas nolite concupiscere: divi-

H 4

- (*q*) *Hieron. tom. 3. ep. 151. Algasia quest. 6.*
 (*r*) *Chrysost. hom. 84. in Matth. (s) Luc. 16.*
 (*t*) *Hieron. modò citat. (u) Eucher ep. parænet. (x) R. P. Joann. Paul. Oliva in cap. 7. lib. 1. Esdra.*

176 CONSIDERATIO X.

riæ si affluant, nolite cor apponere.

(y) Videte, dilectissimi, & prudenter inspicite, quæ germina, & quales fructus, de avaritiæ stirpe creantur, quam meritò Apostolus radicem omnium malorum esse definivit: quia nullum peccatum sine cupiditate committitur, & omnis appetitus illicitus, istius aviditatis est morbus. Amore pecuniæ, vilis est omnis affectio, & anima lucri cupida, etiam pro exiguo perire non metuit; nullumque est in illo corde justitiæ vestigium, in quo sibi avaritia fecit habitaculum.

(z) *Hinc S. Isidorus Pelusiota volens ab amore divitiarum Martinianum Presbyterum avertere, sic scribit: (aa) Ne divitias expetas, vir optime, quæ superbiam & arrogantiam pariunt, voluptates subministrant, vitii omnis architectæ sunt, & homini amicitiam ad Deum eripiunt. Et Theodoretus: Divitiarum affluentia avaritiæ faci materiam ministrat; & malitia, si opes adjutrices nacta fuerit, ingentem flammam accendit, dumque voluntati vi-*

(y) Ps. 61. (z) Leo *serm. 9. de Passione Dom.*
(aa) L. 3. ep. 322.

RADIX MALORUM, CUPID. 177
 res accedunt, malitiam reddunt intolerabilem. . . . Divitiarum enim thesaurus, iniquitatis thesaurarius est. (bb) Quo eodem sensu Cyrillus Alexandrinus : Quid igitur divitiæ ? Serviunt tantum carni, & improbæ abominandæque voluptatis ministræ, & matres arrogantæ, & radices ac procreatrices factus sunt. (cc) Chrysostomus verò : O-pes luxuriæ occasio, malitiæ schola, turpis vitæ & defluentis causa, animæ corruptela, via ad diversa ferens mala, cursus nullum habens bonum, his qui utuntur se. (dd) Denique iterum Spiritus sanctus : Qui festinat ditari, non erit innocens. (ee) Non times, mi homo, radicem omnium malorum avaritiam ? De agro tuo extirpas radicem spinarum ; & non extirpas de corde tuo radicem malarum cupiditatum ? Purgas agrum tuum, unde fructum capiat venter tuus ; & non purgas cor tuum, ubi habitat Deus tuus ? (ff) In quo radix est omnium
 H 5

(bb) Theodoret. *serm.* 6. *de Provid.* (cc) Cyrill. *Alexandr. in Sophon.* n. 10. (dd) Chrysost. *hom.* 7. *de pœnit.* (ee) *Prov.* 28. (ff) August. *serm.* 205. *de Temp.*

178 CONSIDERATIO X.

malorum, ille consequenter omnium malorum reus esse convincitur: quia quorum habet in sui pectoris agro radicem, non potest venenatam vitare propaginem: (gg) ac sic census iste terrenus eis, à quibus vitiosè diligitur, non est voluptatum materia, sed dolorum. (hh)

II. Fugiamus itaque malorum radicem, & omnia vitabimus. Radix autem ea cupiditas est. Paulus loquitur, imò in eo loquitur Christus. Videamus planè an ipsa rerum experimenta testentur. Quid enim mali non pecuniæ faciunt, imò non pecuniæ quidem, sed mala voluntas ipsis uti nescientium? Fas enim est, pecuniis, sicut oportet, uti: licet, per illas regnum cœleste possidere. At nunc quæ in usum pauperum, in nostrorum remedia peccatorum, ad promerendam gratiam Dei, collatæ sunt nobis, eis nos contra inopum miseriam, imò verius contra nostras animas, in offensionem divinæ utimur majestatis. Nam qui pecunias tulit, alteriusque inopiæ est

(gg) Petr. Damiani l. 2. epist. 2. (hh) Prosper l. 2. vit. contempl. c. 13.

RADIX MALORUM, CUPID. 179
author, sibiipſi mortem conſcivit. Et
illum quidem impræſentiarum vexat
inopia, ſeipſum verò ſupplicio exponit
æterno. Num ulla eſt utriuſque rei com-
paratio? Cujus ergo mali illæ non ſunt
cauſæ? Nónne harum cauſâ concu-
piſcimus? non rapimus? non ejulatu
perſtrepimus? non inimicitias ſubimus?
non conſerimus rixas? non conten-
tiones perpetuamus? nónne illæ ad
mortuos uſque extendere manus?
nónne inter parentes & fratres lævie-
runt? Nónne jura naturæ, ac præ-
cepta Dèi, & omnia prorfus viola-
runt, qui illarum tenentur deſiderio?
Nónne harum cauſâ judicia ſunt inſti-
tuta? Tolle itaque pecuniarum ſtu-
dium, & omnia mala ſublata ſunt. (a)
Si ipſam rei naturam expendere oportet,
nullum in humana vita ſcelus
reperietur, quod non ob pecuniarum
amorem perpetratur. Ob eas, cædes,
& latrocinia, & calumniæ. Ob eas,
non urbes dumtaxat, ſed etiam in-
cultæ ac deſertæ terræ, cruore ac
cædibus redolent. Ac ne à mari hoc
malum abſtinuit; verùm illic quoque

(a) *Chryſoſt. in 1. Tim. hom. 17.*

ingenti cum furore grassatur, prædonibus illud obsidentibus, ac novum quemdam latrocinii modum excogitantibus. Ob eas, & cognationis ac necessitudinis leges everſæ sunt, & naturæ sanctiones convulsæ, atque adeò sepulturæ jura labefactata. Hic enim improbus ac scelestus amor, non adversus vivos dumtaxat, sed etiam adversus eos, qui mortem obierunt, furum sepulchra effodientium manus armavit: quippe quæ ne cum quidem qui ex hac vita excessit, ab insidiis suis liberum atque immunem esse patiantur. Ac denique quæcumque mala quispiam invenire queat, sive in consiliis, sive in judiciis, sive in domibus, sive in urbibus, ex hac radice ea pullulare conspiciet. (b) Quis enim enumerare sufficit, quanta exuberent peccata ex inordinato amore temporalium facultatum? Heu quantos hic quotidie perire facit! Internos hic claudit oculos, nec futurum finit prævidere judicium: diuturnam pollicetur vitam, prosperos promittit successus: & cum animi ab universali corporis

(b) *Isid. Pelus. l. 2. ep. 146.*

RADIX MALORUM, CUPID. 181
 resolutione amoverit cogitatum, mox
 cupidi animam in barathrum demergit
 æternum. (c) De avaritia, proditio,
 fraus, fallacia, perjuria, inquietudo,
 violentia, & contra misericordiam ob-
 durationes cordis, oriuntur. (d) Avaritia
 cœcitas est: errorem religionis
 inducit. Cœca, inquam, est avaritia,
 sed diversis fraudum oculata ingeniis:
 non videt quæ Divinitatis sunt; sed
 cogitat quæ cupiditatis sunt. Semper
 enim, quamvis dives sit, cogitat unde
 vel ex malo acquirere: totam vitam
 negotium putat, compendiorum eti-
 am omnia suppressens, inanis præsta-
 tionis suæ fœnus imponit. Erubescit
 usuræ nomen, & lucrum non erubescit
 usuræ. Semper ergo avarus alieno
 utitur, alieno se pascit damno; & illi
 præda, egestas alterius est; illi lætitia,
 fletus alienus. (e) *Quare à Sibylla (f)*
merito vocatur avaritia, dementia ha-
 bendi, impietatis fons, &c; à S. Atha-
 nasio, (g) pessima peccatorum om-
 nium radix; à SS. Hieronymo, Ambro-
 sio, Bernardo, & aliis, atque aded. ab

(c) B. Laur. Iustitia. discipl. Monast. conversat.
 c. 4. (d) Gregor. 31. Mor. 17. (e) Ambr. serm.
 59. (f) L. 8. Orac. (g) hom. in sanctum Pascha.

182 CONSIDERATIO X.

Apostolo, laqueus diaboli: (h) *Similiter* divitia, à *S. Gregorio Nazianzeno* (i) dicuntur, perditionis instrumentum; à *S. Cypriano*, (k) vincula, quibus & virtus retardata est, & fides pressa, & mens vineta, & anima perclusa; à *Salviano*, (l) catena diaboli; à *B. Laurentio Iustiniano*, (m) arma diaboli, tentationum fomentum, rubigo mentis, exterminium quietis, passionum auctrices, & perfectioni inimicæ; à *S. Augustino*, (n) aurum, quod ærumna perquirat, quod avaritia cupit, quod sollicitudo custodit: aurum materia laborum, periculosa res possidentium, enervatio virtutum, malus dominus, proditor servus; denique, ut incarnati Verbi verbo uno omnia complectar, mammona iniquitatis. (o) Timeamus igitur, dilectissimi, timeamus tantorum malorum fontem. Insatiabilem cohibeamus furorem, nostræ salutis pestem. Nullo enim pacto simul stare possunt & argenti & animæ amor. (p)

(h) 1. Tim. 6. (i) Auctar. Fabri Dom. 8. post Pent. them. 5. fine. (k) Serm. 5. de relapsis. (l) 1. 2. ad Eccle. Cathol. sub finem. (m) de casto concub. c. 6. sub finem. (n) Serm. 28 de verb. Apost. (o) Luc. 16. (p) Chrysost. in 1. Cor. hom. 23.

RADIX MALORUM, CUPID. 183

III. Calix aureus Babylon. (a) Nabuchodonosor volens decipere homines per calicem Babylonis dolosum, non miscuit in vase fictili, quod parabat potari; sed neque in paulò meliore, & æreo vase, vel stanneo, & quod ista præcellit, argenteo: verum eligens vas aureum, in eo poculum temperavit, ut quis videns decorem auri, dum radiantis metalli pulchritudine delectatur, & totus oculis hæret in specie, non consideret quid intrinsecus latitet, & accipiens calicem bibat nesciens calicem Nabuchodonosor, intelligens autem calicem aureum in præsentī nominatum. (b) Quid Babylonis nomine, nisi hujus mundi gloria designatur? quæ calix aureus dicitur: quia dum pulchra esse temporalia ostentat, stultas mentes in sua concupiscentia decubriat, ut speciosa temporalia appareant, & invisibilia pulchra contemnat. . . . Aureus ergo Babylon calix est: quia dum visum exterioris pulchritudinis ostendit, sensum internæ rectitudinis subtrahit. (c) Constitue ante oculos pom-

(a) *Ierem. 51. 7.* (b) *Origen. hom. 2. in Ierem.*
(c) *Gregor. 34. mor. 13.*

pam hujus sæculi, vide speciosam illecebram, sed inanem gratiam. Non seducant te aurea vasa & argentea. Habemus & nos thesaurum in vasis fictilibus. (2. Cor. 4.) Vas Apostolorum fictile est, sed in eo thesaurus est Christi. Væ ficeram manè sectantibus. Aureum est hoc vas, poculum est, & in eo poculo venenum mentis, venenum libidinis, venenum ebrietatis. Hoc qui biberit, commovetur & cadit. (d) Notat hic calix aureus opes, luxum, ac consequenter idololatriam, quam Babylonii aliis Gentibus invexerunt. (e) *Calix ille* inebriat omnem terram : de vino ejus biberunt omnes Gentes, & idè commotæ sunt. (f) A minore quippe usque ad majorem omnes avaritiæ student. (g) Omnes avaritiam sequuntur. (h) Turbati sunt, & moti sunt sicut ebrius, & omnis sapientia eorum devorata est. (i) Operti sunt iniquitate & impietate sua. Prodiit quasi ex adipe iniquitas eorum : transierunt in affectum

(d) *Ambr. l. de Elia c. 15.* (e) *Corn. à Lapide ad illud Jerem. supra.* (f) *Jerem. ibid.* (g) *Jerem. 6. 13.* (h) *Jerem. 8. 10.* (i) *Pf. 106.*

RADIX MALORUM, CUPID. 185
 cordis, (k) *toti in auri cupidine, toti in*
desideriis inutilibus & nocivis, quæ
mergunt homines in interitum; (l)
non jam sui juris; sed suarum inanitatum,
quas thesauros appellant, servi & manci-
pia vilissima. Judas ille proditor ven-
 diturus Dominum, prætaxatum pretium
 à principibus exegit sacerdotum: Quid
 mihi, inquit, vultis dare, & ego cum
 vobis tradam? (Matth. 26.) Usque
 ad mortem Domini, amor lucri se in-
 gerit; nec vitæ Salvatoris, quæstus de-
 siderium parcit. (m) *Spiridionem, vi-*
rum sanctimoniæ & miraculis celeberr-
imum, monitus in somnis ab Angelo, evo-
cârat ad se Constantius Imperator morbo
pressus. Restitutus ab illo pristina valetudi-
ni, hostiamenti loco, magnam ei auri vim
offert. At ille: Non sic oportebat, ô
Imperator, inquit, odio remunerari
amicitiam. Quæ enim à me propter
te facta sunt, sunt revera amantis;
domum relinquere, tantum maris
transmittere, & hiemis ferre difficul-
tatem, & ventorum in aqua immani-
tatem. Pro horum ergo remuneratio-

[k] Ps. 72. [l] 1. Tim. 6. [m] *Apud Cy-*
prian. de jejun. & tentat. Christi.

ne, aurum accipiam, quod est omnis mali causa, & facile perdit, quidquid justum est? Quomodo non meipsum apertè accusarem, & summæ damnarem improbitatis? Hæc illo dicente, & se nihil accepturum affirmante, violentiùs instabat Imperator ut daret, dedecus quodammodo existimans, ut qui beneficio esset affectus, beneficium non remuneraretur... Et persuadet quidem illi, ut accipiat: non autem, ut quod datum fuerat, apud eum maneat. Cùm enim valere iussisset Imperatorem, distribuit omnia illi qui erant in Regiâ: re ipsa docens, quomodo oporteat esse affectos ad opes & pecunias, si velint esse liberi. Magna enim ad eas propensio, & nimis vitium esse ab earum possessione, quid est apertè aliud, quàm voluntaria servitus? (n)

(n) *In vita S. Spiridion. c. 23. apud Snyinn*
 22. Decemb.





CONSIDERATIO XI.

DIVITIARVM PERICVLA.

I. **Q**ui volunt divites fieri, incidunt in tentationem, & in laqueum diaboli, & desideria multa inutilia, (*ex Chrysostomo* ; stulta :) & nociva ; quæ mergunt homines in interitum & perditionem : (*a*) adeò ut emergere , & resipiscere nequeant. (*b*) Ergo si divitiæ interitum in se habent , evitemus opulentiam , ne in interitum corruamus. Ampla ac locuples facultas perditionem inferre dicitur ; refugienda est ampla possessio , ne consequatur profunda perditio. Ita sapienter concludit Salvianus ; (*c*) & Magistro nostro Christo sanè conformiter , divitum infelicitatem ac pericula apertis verbis non semel exponenti ac mi-

(*a*) 1. Tim 6. (*b*) Chrysost. ibi. (*c*) Ad Eccles. Cathol. l. 2.

seranti : Verumtamen vae vobis divitibus , quia habetis consolationem vestram. (d) Interrogavit eum quidam princeps , dicens : Magister bone , quid faciens , vitam æternam possidebo ? Dixit ei JESUS : Mandata nosti : Non occides , non mœchaberis , &c. Qui ait : Hæc omnia custodivi à juventute mea. Quo audito , JESUS ait ei : Adhuc unum tibi deest : Omnia quaecumque habes , vende , & da pauperibus , & habebis thesaurum in cœlo : & veni , sequere me. His ille auditis , contristatus est : quia dives erat valdè. Videns autem JESUS illum tristem factum , dixit : Quàm difficile , qui pecunias habent , in regnum Dei intrabunt ! (e) Discipuli autem obstupescabant in verbis ejus. At JESUS rursus respondens , ait illis : Filioli , quàm difficile est , confidentes in pecuniis , in regnum Dei introire ! Facilius est , camelum per foramen acus transire , quàm divitem intrare in regnum Dei. (f) Quæ sententia , inquit S. Ambrosius , verba faciens ad suos Mediolanenses , vereor , ne fortè vobis

(d) Luc. 6. (e) Luc. 18. (f) Marc. 10.

DIVITIARUM PERICULA. 189

conveniat, qui divitias sæculi hujus aut habetis, aut quæritis. Sicut enim cameli, animal quod est tortuosum atque deforme, perversitas ipsa corporis per angustissimam acus cavernam præterire non patitur: ita & divites oneratos avaritiâ, & cupiditate foedatos, ipsa vitæ deformitas per arctam viam regni minimè introire permittit. Ait enim idem Dominus: Arcta & angusta via est quæ ducit ad vitam. Igitur in camelo difficultatem quæstûs præstat habitudo membrorum. In divite autem impedimentum magnitudo efficit peccatorum. Gibbus enim quidam est animæ, turpe quid vel cogitare vel facere, ac mentis quædam tortuosa deformitas, immun-dis rebus semper attendere, & ab Ecclesiæ sancto limine curis sæcularibus avocari Rectè ergo camelo comparatus est dives Vterque habet sarcinam suam. Ille oneratus est carnibus, iste peccatis: & sicut ille inhabilis est angustissimæ acus cavernæ, ita & hic inconveniens est beatissimo Dei regno: nisi quòd camelum corpore compositum natura, hunc autem

pravum, voluntas efficit. (g.) Quàm angusta porta, clamat Veritatis Magister, & arcta via est quæ ducit ad vitam ! (h.) Quisquis ergo honoribus inflatus fuerit, & auri thesauris dilataratus, tanquam onustum & impeditum animal, per angustum regni iter transire non poterit. Simul etiam ut se existimat pervenisse, farcinam ejus exigua porta non capiens, percussio limine retrorsum redire cogit. Tam enim angusta est diviti porta celestis, quàm camelo acus foramen exiguum. (i.) Et quomodo, inquiet aliquis apud S. Hieronymum, (k.) Abraham, Isaac, & Jacob, divites intrarunt in regnum coelorum : & in Evangelio, Matthæus & Zacchæus divitiis derelictis, Domini testimonio prædicantur ? Sed considerandum, respondet maximus ille Scripturae Interpres, quòd eo tempore, quo intraverunt, divites esse desierunt. Tandiu ergo non intrabunt, quamdiu divites fuerint. Et tamen quia difficulter divitiæ contemnuntur, non dixit, Impossibile

(g) Ambr. serm. 4. (h) Matth. 7. (i) Ambr. serm. 10. (k) in Matth. 19.

DIVITIARUM PERICULA. 191

est divitem intrare in regnum cœlorum; sed, Difficile. Ubi difficile ponitur, non impossibilitas prætenditur, sed raritas demonstratur. *Sic Hieronymus, qui consequentia Christi verba: Et iterum dico vobis, Facilius est &c: exponens, sic loquitur: Hoc dicto ostenditur, non difficile esse, sed impossibile. Si enim, quomodo camelus non potest intrare per foramen acus, sic dives intrare non potest in regna cœlorum: nullus divitum salvus erit. Sed si legamus Esaïam (cap. 60.) quomodo cameli Madian & Ephraïm, veniant Jerusalem cum donis atque muneribus: & qui prius curvi erant, & vitiorum pravitate distorti, ingrediantur portas Jerusalem: videbimus quomodo & isti cameli, quibus divites comparantur, cum deposuerint gravem sarcinam peccatorum, & totius corporis pravitatem; intrare possint per angustam portam, & arctam viam quæ ducit ad vitam. Hactenus S. Doctor. At quàm difficile divitiarum sarcina & immoderata cupiditas deponatur, jam clarissimè pronuntiavit Christus, & miraculo simile deinde asseruit: nam cum auditis his, Disci-*

192 · CONSIDERATIO XI.

puli mirarentur valdè, dicentes : Quis ergo poterit salvus esse ? aspiciens **JESUS** dixit illis : Apud homines impossibile est ; apud Deum autem omnia possible sunt. (l) Et , si credis Hieronymo , scito , quòd de mille potentibus & divitibus mundi , vix unus invenitur aptus regno Dei. (m) Difficile , inquit idem , homines potentes , & nobiles , & divites , credunt Deo : obcœcatur enim mens eorum divitiis , & opibus , atque luxuriâ : circumdati vitiis non possunt videre virtutes. (n) Porro divitias habere , & iis cor non apponere ; divitem esse , & non velle esse divitem , hoc est , non esse avarum (avaritia enim est esse velle divitem) (o) quàm difficile sit , audi supremum Ecclesiæ Antistitem Innocentium III. Facilius invenies , qui diligit divitias , & non habeat , quàm qui habeat , & non diligat. Quia difficile est esse in igne , & non ardere ; difficilius est possidere divitias , & non diligere. (p) Avarus autem non habet hæredi-

(l) Matth. 19. Marc. 10. Luc. 18. (m) Dion. Carthusian. de arcta via art. 26. (n) Hieron. in cap. 3. Ionæ. (o) August. serm. 205. de Temp. (p) Innocent. III. De contemptu mundi lib. 2. cap. 15.

DIVITIARUM PERICULA. 193

hereditatem in regno Christi & Dei, teste Apostolo. (q) Quare graviter Iacobus auri cupidis & divitiarum mancipiis magnam mœroris & luctus materiam denuntiat: Agite nunc divites, plorate, ululantes in miseriis vestris quæ advenient vobis. Divitiæ vestræ putrefactæ sunt: & vestimenta vestra à tineis comesta sunt. Aurum & argentum vestrum æruginavit: & ærugo eorum in testimonium vobis erit, & manducabit carnes vestras, sicut ignis. Thesaurizastis vobis iram in novissimis diebus. (r) Heu qualis thesaurus! ira furoris Domini. (s) Væ qui opulenti estis in Sion.... qui separati estis in diem malum, & appropinquatis folio iniquitatis. Qui dormitis in lectis eburneis, & lascivitis in stratis vestris. (t) Væ qui conjungitis domum ad domum, & agrum agro copulatis, usque ad terminum loci: numquid habitabitis vos soli in medio terræ? (u) Tu verò, ô homo Dei: (x) non divitiarum homo, sed Dei; nec mammonæ servus,

(q) Ephef. 5. (r) Iac. 5. (s) Sophon. 2.

(t) Amos 6. (u) Isai. 7. (x) 1. Tim. 6.

sed Christi, cujus sunt omnia quæ videntur. Hæc fuge, quasi causas perfidiæ, vel dolorum. Sectare verò justitiam, pietatem, fidem. In his te cupio divitiis esse locupletem. (y) Noli attendere ad possessiones iniquas, & ne dixeris: Est mihi sufficiens vita: nihil enim proderit in tempore vindictæ. (z) Quem unquam à morte divitiæ redemerunt? imò quem non ad mortem divitiæ coëgerunt? Quem ab inferis suæ revocaverunt opes? (aa)

II. Difficilius est, divitem intrare in regnum cœlorum, quàm camelum per foramen acus. Hoc testimonium validum. Qui testatur, verus: persuasi verò pauci. Et quomodo, inquis, vivam, abjiciens omnia? quæ forma, quod genus vitæ illius erit qui omnia vendit, qui omnibus se privat? Ne me interroga dominicorum præceptorum sententiam. Potuítne Legislator id quod fieri non potest, sub lege comprehendere? Tu verò cor tuum sicut in trutina expendes, an ad

[y] Hieron. in illud 1. Tim. 6. [z] Eccli. 5.

[aa] Ambr. in Ps. 1.

DIVITIARUM PERICULA. 195

vitam futuram ac veram, seu præsentem inanemque inclinet Quid, quæso, gravaris? Quid doles, quòd audis: Vende quæ habes? (a) Utinam scires miser, & intelligeres, cum thesauro pecuniæ, thesaurum iræ pariter cumulari! Utinam novissima providens, animadverteres, facîle per foramen acus transituros non divitiarum cumulos, sed delictorum! (b) Projice sarcinam sæculi; ne quæras divitias, quæ camelorum pravitatibus comparantur. Nudus & levis in cœlum evola, ne alas virtutum tuarum auri deprimant pondera. (c) Regna cœlorum expeditos, & alarum levitate subnixos, habitatores desiderant. (d) Nam ideò nudi in sæculo nascimur, nudi etiam accedimus ad lavacrum, ut nudi quoque ad cœli januam properemus. Quàm autem incongruum & absurdum est, ut quem mater nudum genuit, nudum suscipit Ecclesia, dives intrare velit in cœ-

I 2

(a) *Basil. hom. 7. in divites avaros.* (b) *Bernard. declamat. Ecce nos reliquimus.* (c) *Hieron. epist. ad Exuperant.* (d) *Idem epist. ad Julian.*

lum? (e) Animus qui pecuniarum cupiditate distrahitur, non faciliè ab his abstinere, quæ Deum ad iram provocant: utpote qui alterius servus fit domini, omnia ipsi contra divinas leges præcipientis. (f) Occasio temptationis est, & laqueus diaboli, velle habere divitias. (g) Hanc nos cupiditatem caveamus, dilectissimi. Cavebimus autem, si injustos homines, & injustè locupletatos, qui jam obierunt, considerabimus: quorum pecuniis & laboribus alii fruuntur, ipsi verò igni & suppliciis cruciantur intolerabilibus. Et quænam dementia, in hac vita anxie semper, & in summis laboribus vivere, ut mortui poenâ immortalibus torqueamur? (h) Estote ergo pauperes: non sit auxilium vestrum, nisi in uno Deo. Pecunia nihil est; non inde auxilium habebitis. Multi propter pecuniam præcipitati, multi propter pecuniam perierunt. Multi de amicis potentioribus præsumpserunt: ceciderunt

(e) *Ambr. serm. 10.* (f) *Chrysost. hom. 7. in Evang. Ioan.* (g) *Hieron. in 1. Tim. 6.* (h) *Chrysost. hom. 39. in Evang. Ioann. fine.*

DIVITIARUM PERICULA. 197

illi de quibus præsumpserunt, & involverunt eos qui de se præsumpserant. Respiciite exempla generis humani. Quid magnum est quod vobis dicitur? Non solum de Scripturis ea loquimur; legite ea in orbe terrarum. Attendite non præsumere de pecunia, de amico homine, de honore & jactantia sæculi. Tolle ista omnia: sed si habes illa, age Deo gratias si contemnis illa. Si autem inflaris inde, noli attendere quando eris præda hominum, jam diabolo præda es. (i) Avaritia planè Dei omnipotentis adversum se iracundiam provocat: & cor, quod possidet, vanis semper cogitationibus vexat. Hinc est, quòd de avaro conqueritur populo, dicens: Propter iniquitatem avaritiæ ejus iratus sum, & percussi eum: abscondi faciem meam ab eo, & indignatus sum, & abiit vagus in via cordis sui. (Isai. 57.) Nulla sanè putredo vulneris in Dei naribus intolerabilius foetet, quàm stercus avaritiæ ... Hinc est, quod per Ezechielem dicitur: Argentum eorum foras projicietur, &

I 3

(i) Augustin. in Ps. 131.

198 CONSIDERATIO XI.

aurum eorum in sterquilinum erit. Argentum eorum, & aurum eorum non valebit liberare eos in die furoris Domini. (*Ezech. 7.*) (*k*) Quare, ne tu quoque unà cum illis expellare, desine tales divitias colligere, & materiam ac pabulum futuro igni sempiterno præparare. (*l*)

III. Multi dati sunt in auri casus, & facta est in specie ejus perditio eorum. (*a*) Disperierunt omnes involuti argento: (*b*) qui sibi, *exponit Hieronymus*, in divitiis confidebant, & tantas habebant opes, ut se quasi involutos & septos suis divitiis æstimarent.... Considera, quòd non dixerit, peribunt; sed jam nunc antequàm eis veniat supplicii dies, in eo ipso quòd superbiant, & semper de thesauris suis cogitent & serviant eis, perierint atque corruerint. Quod qui intellexerit, puto eum non satis cupere divitias: in quibus non peribunt, sed perierunt, qui erecti sunt. (*c*) Ubi sunt, qui argentum thesaurizant, & aurum,

(*k*) *Petr. Dam. l. 2. ep. 2.* (*l*) *Isid. Pelus. l. 4. p. 188.*

(*a*) *Eccli. 31.* (*b*) *Sophon. 1.* (*c*) *Hieron. in illud Sophon.*

DIVITIARUM PERICULA. 199

in quo confidunt homines, & non est finis acquisitionis eorum? Exterminati sunt, & ad inferos descendebunt. (d) Propter avaritiam Saül alienus à Domino effectus est, & ad extremum de culmine regali expulsus est, & ab inimicis suis peremptus est. Et Achab propter avaritiam invasit vineam Naboth: & hujus rei gratiâ, in prælio vulneratus, defunctus est. Dominus noster & Salvator à corde Pharisæorum volebat pecuniarum amorem excludere: sed quia illi erant cupidissimi, salutaria ejus monita deridebant. Nam & illum divitem, cum Dominus vocans ad regna cælorum, facultates suas vendere præcepisset, aviditas intrare non permisit. Et Judæ peccatus avaritiæ ardore exarsit, ut Dominum, largitorem sibi cunctorum bonorum, in manus traderet impiorum... Alienum te facito, Fili, ab hoc vitio; & voluntariam paupertatem libenter assume. (e) Quousque tandem auro parando operam dabis? auro, inquam, quod nihil aliud est,

I 4

(d) Baruch. 3. (e) Basil. admonit. ad filium spirituale.

quàm animarum quidam laqueus ;
 mortis hamus , peccatiq̃ue inescatio ;
 (f) Quocirca quos benignissimus IESVS
 regni sui participes efficere statuit , eos à
 divitiarum amore & possessione abducit.
 Matthæum ad Apostolicum fastigium eve-
 cturus , vidit sedentem in telonio ; &
 ait illi , Sequere me. Et surgens se-
 cutus est eum. (g) Quod aureo sermone
 exponens Ravennas Archiepiscopus : Sede-
 bat utique , inquit , quia stare non
 poterat pondere cupiditatis oppressus,
 & ipsâ totus conscientia fraudis in-
 curvus. Aurum naturâ grave , gravius
 fit avaritiâ nimis. Hinc est, quòd plus
 habentem deprimit , quàm ferentem :
 & vehementiùs aggravat corda , quàm
 corpora ... cœlestes animos ad infer-
 na deponit : obscurat sensus semper :
 alta mentium semper in terrena de-
 mergit ... Meritò Matthæum Domi-
 nus talibus vinculis absolvi cupiens
 præpeditum suscitât , dicendo : Seque-
 re me : hoc est , Me sequere de su-
 pernis ad superna tendentem , & non
 aurum de inferis ad inferna mergen-
 tem. Ita Petrus Chrysologus. (h) Norber-

(f) Idem Orât. 14. de divit. (g) Matth. 9. (h) Ser. 29.

DIVITIARUM PERICULA. 201

tum, magnum illum deinde Pramonstra-
 tensis Ordinis Institutorem, ac Magdebur-
 gensis Ecclesiæ Apostolicum Præsulem, no-
 bilissimis parentibus natum, ab opum noxia
 amore & usu, aulaq; imperatoria illece-
 bris, ad obsequium suum suaviter fortiter-
 que pertracturus Cælorum Rex, generoso
 vectum equo, magna ex mundi calculo
 genioq; spirantem, tonitru, fulgure, cœlesti
 denique voce terruit, & ad saniora per-
 duxit: Norberte, Norberte, quid me
 persequeris? Corpus aptavi tibi; divi-
 tias, quibus te ostentas, administravi
 tibi: mihi servire debueras, & cur
 alios perdere festinas? Durum est ti-
 bi contra stimulum calcitrare. Et su-
 bitò horrendum tonante cœlo, elusus
 fragor, ad equi pedes dum circum-
 fremit, simul ingentem creat terræ
 hiatus, quo equus & sessor absorbe-
 ri potuit. Hoc cœli detonantis frago-
 re, & velut quibusdam irati Dei mi-
 nis percussus Norbertus, post horæ
 intervallum, quasi de gravi somno,
 vigilæ sibi que redditus, evictusque,
 intimo dolore erupit in illud Sauli:
 Domine, quid me vis facere? Dixe-
 rat, & ecce de cœlo mox audit illud:

Desine à malo, & fac bonum : inquire pacem, & persequere eam. Obediit, & in alium planè virum abiit, opibus ceterisque mundi vanitatibus valere iussis, paupertatem virtutemque unicè sectatus, pretiosâ serico veste, auróque pulchrè intextâ, cum paupere mutatâ, & agninâ pelle, ut discipulus Agni illius esset, qui obmutuit coram tondente se. (i) Utinam interiorè Dei monentis vocem, opumq; inanitatem ac pericula ostendentis, audirent tandem viri divitiarum, emergerentque è denso quibus infixi sunt, luto, pecuniarum mancipia ! Desinerent sanè à malo, cujus radix fecundissima est opum cupiditas ; facerent bonum, sua in pios usus elargiendo ; inquirerent pacem, ac persequerentur eam, ut quæ in divitiarum neglectu & paupertatis studio, ab ipso pacis auctore, locata est. Cùm sanctus Daniel Abbas Eulogium latomum cerneret ingentes præ aliis pium, precari apud Deum institit, plures opes submitteret tam benè prodigo. Et annuere Deus est visus, si pro Eulogio sponderet, divitias fraudi, morum integritati non futuras. Convenit, spondit

(i) Lobbet. Gloria Patriarch.

DIVITIARUM PERICULA. 203

Daniel. Igitur Eulogius cum faxis thesaurum eruit; ad aulam abit, honores mercatur, struit palatia, emit mancipia, splendide ac laute victitat. Adest Daniel, officii sui amicum commonefacturus: sed surdam, ad pauperis vocem, januam reperit, verberibus pro stipe oneratus. Anxius proinde cum à Christo crucifixo exsolvi vadimonio postularet, annuit Filii nomine Mater magna, mox etiam ipse Filius, eâ lege, ne simile posthac vadimonium faceret imprudens. Interea Eulogius, mortuo Imperatore, honorum fastigio opibusque omnibus excidens, in latomias suas postliminio devolvitur: mox cum paupertate, pauperum amor, & unâ virtutes omnes ab exilio revocantur. Tam malè, ô divites, vitæ sanctitati cum divitiis; tam benè cum paupertate convenit.

(k) Quam in rem addo & aliud, ex vitâ S. Antonini Florentinorum Archiepiscopi. Perambulabat fortè civitatem Prasul, insigni adversus egenos pietate notissimus: & ecce super tectum vilis cujusdam tuguriû sese illi spectandos præbent Angeli. Rei no-

[k] Fasti Mariani. li. .Iulii, ex Pet. de Nat.

204. CONSIDERATIO XI.

vitate attonitus, casam intrat; viduam invenit cum tribus puellis, quæ, impigro manuum labore, victum comparabant, magnis virtutibus, sub vilibus & laceris panniis, ornata. Eis donat. Antistes piissimus non levem pecunia vim, vita deinceps commodius instituenda. Post aliquantum temporis, illac iteram transcundum fuit Antonino: at ecce aliud spectaculum. Neque enim jam Angeli; sed saltitantes Cacodæmones tectum occupabant. Sciscitatur à vicinis Florentinus, quæ se gererent vidua illius filia; auditque; à largissimâ stipe deditas ita vanitati, & otio torpentes, ut aliud nihil quàm mundanum fastum cogitarent & alerent. Verissimè Sanctus Hilarius: (l) Periculosa cura est, velle ditescere: & grave onus innocentia subit, incrementis opum occupata. Et sanctus Gregorius Nyssenus: (m) Ponderosa quædam res est aurum, onerosa res omnis, quæ divitiarum causâ expetitur: levis verò res quædam & sublimia petens, virtus. Verùm hæc sibi invicem opposita sunt, ponderosum & leve. Ergo nullâ ratione atque machinatione effici potest, ut levis sis is, qui sese

(l) in Matth. c. 19. (m) de Beatitud. Orat. I.

pondere materiæ afficit. Si igitur ad superna nos accedere oportet, ab iis, quæ deorsum trahunt, inopes & egeni simus, ut in supernis versemur.



CONSIDERATIO XII.

DIVITIÆ SPINÆ.

I. **E**Xponens Christus ipse parabolam suam de eo qui exiit seminare semen suum, & de semine quod cecidit inter spinas, & simul exortæ spinæ suffocaverunt; sic ait: Quod autem in spinas cecidit, hi sunt qui audierunt (verbum Dei) & à sollicitudinibus & divitiis, & voluptatibus vitæ, euntes, suffocantur, & non referunt fructum; ut habet Lucas; (a) secundum Marcum verè: (b) Hi sunt, qui verbum audiunt, & ærumnæ sæculi, & deceptio divitiarum, & circa reliqua concupiscentiæ, introeuntes, suffocant

(a) Luc. 8. (b) Marc. 4.

206 CONSIDERATIO XII.

verbum ; *secundum Matthaeum autem* ,
 (c) Qui autem seminatus est in spi-
 nis : hic est , qui verba audit , & sol-
 llicitudo sæculi istius , & fallacia divi-
 tiarum suffocat verbum , & sine fru-
 ctu efficitur. Ex quibus habes , *juxta men-*
tem & verba Servatoris , fallaces fallentes-
 que esse divitias , quæ velut spina cælestem
 sementem suffocant , & inutilem reddunt.
 In quem Evangelii locum insigniter Gre-
 gorius Magnus Quis mihi unquam cre-
 didisset , si spinas divitiis interpretari
 voluisssem : maximè cum illæ pun-
 gant , istæ delectent ? Et tamen spinæ
 sunt , quia cogitationum suarum pun-
 ctionibus mentem lacerant : & , cum
 usque ad peccatum pertrahunt , quasi
 inflicto vulnere cruentant. Quas benè
 hoc in loco , alio Evangelista testan-
 te , nequaquam Dominus divitias , sed
 fallaces divitias appellat. Fallaces enim
 sunt , quæ nobiscum diu permanere
 non possunt : fallaces sunt , quæ men-
 tis nostræ inopiam non expellunt.
 Hactenus summus ille Ecclesiæ Pontifex &
 Magister. (d) Nisi divitiæ & honores
 variis anxietatum aculeis pungerent ,

(c) *Matth. 13.* (d) *Gregor. hom. 25. in Evang.*

nunquam spinis eas Dominus comparasset. (e) Radix omnium malorum est cupiditas, ait *Apostolus*, (f) quam quidam appetentes, erraverunt à fide, & inseruerunt (*gracè*, transfixerunt; ex *Chrysostomo*, circumdederunt) se doloribus multis. Vides, inquit *Chrysostomus ibi*, quid significare voluerit? Spinarum, inquit, in morem, quacumque ex parte tangantur, cruentant manus. Quibus enim curis anguntur avari, quibus doloribus cruciantur, quis explicare queat? (g) Nolumus igitur inter spinas semen jacere. Quænam hæc spinarum copia, nostis, etsi tacemus; sæpenumero audistis Christum præsentis vitæ sollicitudines & divitiarum fraudes, spinas appellasse, & merito sanè. Nam quemadmodum spinæ steriles sunt, ita & divitiæ. Quemadmodum illæ eos, qui tangunt, lacerant; ita harum cupiditas. Quemadmodum facilè igni comprehenduntur, & odio habentur agricolis: ita hujus sæculi negotia. Postremo, ut inter spinas, feræ, viperæ,

(e) *Petr. Blesens. ep. 93.* (f) *1. Tim. 6.* (g) *Chrysost. hom. 17. in 1. Tim.*

208 CONSIDERATIO XII.

scorpium, delitescunt : ita in fraudibus divitiarum. (*h*) Nihil igitur mirum, si, ut loquitur Ecclesiastes, saturitas divitis non sinit eum dormire. Cunctis diebus vitæ suæ comedit in tenebris, & in curis multis, & in ærumna, atque tristitia. (*i*) Excitat eum cupiditas, exagitat cura pervigil aliena rapiendi, torquet invidia, mora vexat, sterilitas proventuum infœcunda perturbat, sollicitat abundantia. (*k*) Labor in acquirendo, timor in possidendo, dolor in amittendo, mentem ejus semper fatigat, sollicitat, & affligit. (*l*) Qualis porro terra illa, anima, inquam, terrenis rebus addicta, qua spinas & tribulos germinat? Utique maledicta terra, dicente Apostolo: Proferens autem spinas & tribulos, reprobata est, & maledicto proxima, cujus consummatio in combustionem. (*m*) Spinæ congregatæ igni comburentur; (*n*) igni, qui non extinguetur. (*o*) Quare merito Siracides spinosas istas divitias dolores & labores appel-

(*h*) Chrysostomus in Evang. Ioan. hom. 23. (*i*) Eccle. 5.(*k*) Ambr. de Nabuthe c. 6. (*l*) Innoc. III: de contemptu mundi l. 1. c. 16. (*m*) Hebr. 6. [*n*] Isai. 33. [*o*] Isai. 66.

lat, cùm ait: Nónne aliis relinques dolores & labores in divisióne sortis? (p) Et iterum: Vigilia honestatis (*gracè*, divitiarum) tabefaciet carnes, & cogitatus illius auferet somnum. (q) Propter hoc igitur eis, qui militant Deo; fugiendæ sunt ex toto corde divitiæ; quas qui habere volunt, sine labore non quærunt, sine difficultate non inveniunt, sine cura non servant, sine anxia sollicitudine non possident, sine dolore non perdunt. (r) Opum cupiditas indivulsas comites habet vigilias & labores. Quid porrò absurdius esse potest, quàm cum magno studio & cura reconditas opes conservare, ac sexcentorum malorum occasiones sibi ipsi custodire? (s)

II. Divitiæ dictæ sunt curæ, quòd mentem dividant, atque in diversum scindant, & in partes trahant, nèc sinant incorruptam esse & integram. (a) Spinæ enim sunt revera divitiæ; nullum habentes fructum, visu deformes, & ad usum incommodæ, eos

[p] Eccli. 14. (q) Eccli. 31. [r] Prosper de vita contempl. l. 2 c. 13. (s) Gregor. Thaum. in Eccl. 5.

(a) Ambr. de Abraham l. 2. c. 8.

210 CONSIDERATIO XII.

qui tangunt molestia afficientes, non solum ipsæ fructum non ferentes, sed id etiam quod germinat, impedientes. Tales sunt divitiæ: non solum ipsæ fructum non ferunt æternum, sed eos etiam qui ipsum volunt possidere, impediunt. Rationis expertium camelorum nutrimentum sunt spinæ; ignis sunt esca, & sumptus ad nihil utilis, nisi ad succendendam fornacem, ad illum diem accendendum qui ardet ut clibanus, ad alendas rationis expertes animi perturbationes, odium, injuriæ acceptæ recordationem, & iram. Talis est etiam camelus qui rodit spinas. Dicitur enim ab iis qui hæc norunt, in jumentis nullum esse æquè iracundum, & quod iræ sit gravioris, & acceptæ injuriæ magis memor, quam camelus. Tales sunt divitiæ: alunt rationis expertes motus animi: qui sunt rationis participes, pungunt & sauciant. Sicut usuvenit in spinis. Durum quid & asperum est hæc planta, ea suâ sponte nascitur. Videamus quomodo nascitur, ut ipsam excindamus. Nascitur in locis præruptis, lapidosis, aridis, ubi nullus est humor.

DIVITIÆ SPINÆ. 211

Quando ergo est aliquis asper, præruptus, & præceps, hoc est, immisericors, in eo nascuntur spinæ.

(b)

Spinæ sunt animo, quia semper inanibus angunt

Ancipites animas stimulis, quas jugiter urit

Defectûs miseri metus, & miser ardor habendi. (c)

Quos divites opinariis continuantes saltibus saltus, & de confinio pauperibus exclusis, infinita ac sine terminis rura latius porrigentes; quibus argenti & auri maximum pondus, & pecuniarum ingentium vel extructi aggeres, vel defossæ strues: hos etiam inter divitias suas trepidos, cogitationis incertæ sollicitudo discruciat; ne prædo vastet, ne percussor infestet; ne inimica cujusque locupletioris invidia calumniosis litibus inquietet. Non cibus securo somnûsve contingit. Suspirat ille in convivio, bibat licet gemmâ; & cum epulis marcidum corpus, torus mollior alto sinu condi-

(b) Chrysost. in 2. Thessal. hom. 3.

(c) Paulin. Natali 10. sub fin.

212 CONSIDERATIO XII.

derit, vigilat in pluma: nec intelligit miser speciosa sibi esse supplicia, auro se alligatum teneri, & possideri magis quàm possidere divitias, atque opes. (d)

Quæ omnia paucis, sed nervosè complectitur Hugo Cardinalis, sic de divitiis philosophatus: Divitiæ dicuntur spinæ. Quantò magis cordi inseruntur per amorem, tantò magis pungunt per dolorem. Pungunt quippe, cùm acquiruntur, per laborem; cùm habentur, pungunt per timorem: quia cum labore acquiruntur, cum timore possidentur, cum dolore amittuntur. (e)

Atque ita in divitem hujus sæculi verti potest, quod olim in Babylonem torxit Isaias: Erit Babylon in possessionem hericii. (f) Sicut enim hericius undique & undique aculeis horret, pungit, & vulnerat: ita divitiæ suos possesores undequaque lancinant, tum verò maximè, cùm eos arctius constrinxeris, ut modò notabat Hugo Charensis. Hinc etiam S. Hieronymus, explicans illa eadem Isaia verba, sic scribit: Iuxta doctrinam Salvatoris nostri, qui curas istius sæculi & seductionem

(d) Cyprian. ep. ad Donatum. (e) Hugo Card. in Ps. 31. sub fin. (f) Isai. 14.

divitiarum, spinas appellavit: hericius mihi videtur, qui juxta Apostolum (1. Tim. 6.) gaudet in incerto divitiarum: & armatum se, non armaturâ Dei, sed spinis atque peccatis hujus mundi, esse confidit.... Quando viderimus aliquem divitiarum immersum luto, &, ut Septuaginta interpretati sunt, profundâ voragine, & quasi coenosâ palude circumdari; non dubitemus eum appellare hericium, habitatorem desertæ Babylonis. (g) Babylon autem confusio interpretatur. Ergo Babylon hic mundus. (h) Unde & Chrysostomus, divitias spinæum amictum nominans, quod undecumque hominem pungant, ut vestimentum undecumque tegit vestitum; sic hortatur: Nudi simus pecuniis, ne nudi reddamur, destituamurque justitiâ. Pecuniarum indumentum, justitiæ vestem lēdit ac perdit. Est enim spinarum amictus. Tales videlicet sunt spinæ. Et quanto plures nobis circumdederimus, tanto erimus nudiores.... Divitiæ tinea sunt. (Quemadmodum tinea cuncta

(g.) Hieron. l. 6. in Isai. c. 14. (h) Idem in Ps. 136. ad vers. 18.

214 CONSIDERATIO XII.

permolitur, ita & divitiarum. Ista itaque abjiciamus omnia, ut justi reddamur, novumque induamus hominem. (i) Incredibiliter divitiarum amor, & terrenarum immoderata cogitatio facultatum, mentem spargunt, dissipant unitatem, pacis bonum perdunt, & amatores suos innumerabilibus delictis immergunt. (k) Qui eis innititur per amorem, cum ipsis defluit in moerorem; qui enim eas invenit, requiem perdit: & cum vigilat, augmentum cogitat; cum dormit, fures somniat: in die est afflictus, & in nocte pavidus, semper autem mendicus. (l) Quid ergo quaeris, unde plus crucieris? Affligunt divitiarum nondum habitae, etiam habitae, & amissae. (m) Non ita pecuniis, quemadmodum curis, ditescas. Non ita possessionibus bonorum abundabis, quomodo molestiis & periculis, tentationes & pericula introducuntibus. (n) Haec igitur consideran-

- (i) Chrysost. in ep. Ephes. hom. 13. (k) Euseb. Justinian. de Triumph. Christi agone c. 14. (l) Idiota l. 1. contempl. de amore divino cap. 33. (m) Bonavent. Profect. religios. lib. 1. cap. 34. (n) Chrysost. in ep. Ephes. hom. 13.

tes, avaritiam fugiamus; fugiamus, inquam: nunquam enim cessabo id prædicans. Cur enim aurum, homo, accumulas? Cur servitutem hanc majorem duriolemque tibi constituis? Cur difficiliorem tibi carcerem paras? Cur majoribus te curis quotidie angis? (o)

Quamvis fluente dives auri gurgite,

Non expleturas cogat avarus opes,

Ornetque baccis colla rubri littoris,

Ruraque centeno scindat opima bove:

Nec cura mordax deserit superstitem,

Defunctumque leves non comitantur opes. (p)

III. *Spinas inesse divitiis, quæ quietem omnem & somnum tollant, testatus est luculentè sutor ille ex paupere factus vix diei unius locuples, ex maximè hilari sanè quàm inquietissimus. Cantabat is quotidie in officina lætus; cùm vicini certarunt,*

(o) Idem in *Matth. hom.* 84. (p) *Boët. de Consol.* l. 3. metro 3.

216 CONSIDERATIO XII.

os occludendum, si marsupium (quod postea, multis testibus, & jure repertum) ante ejus ædes collocaretur. Id factum eo exitu, ut pauperculus futor, invento marsupio, anxius & sollicitus ubi aurum abstruderet, immemor omnis cantus, & expers gaudii esset; dum vesperi ad judicem vocatus, marsupium reddidit, & simul ad consuetos cantus rediit. *Quo de argumento Comœdia sua, inter editas, tertiæ, prologum sic orditur P. Martinus du Cygne:*

Pessima est pestis aurum mortalibus:

Ut venefica Circe, quæ mentem fascinat,

Nec dies noctesque finit requiescere.

Notum & illud Anacreontis Philosophi. Is acceptis dono à Polycrate Sami tyranno aliquot aureorum millibus, præ sollicitudine tres dies ac noctes planè insomnis fuit. Quare isto incommodo territus, nummos Polycrati retulit, dicens; Restituo tibi hos meos hostes, quia non sinunt me dormire. Et Diogenes Laërtius, cuidam de nocte sacculum nummis repletum è le-
ctuli

*Auli capite subtrahere conanti dixisse fer-
tur: Tolle infelix, ut facias utrosque
dormire; significans pecuniam, tam posses-
soris, quam raptoris quietem non parum
interrumpere, dum illi, ut eam custodiat;
isti, ut eam suffuretur, non semel invigi-
landum sit. Sigismundo Cæsari allata
erant ex Hungaria aureorum quadra-
ginta millia. Cum autem advesperâs-
set, eaque in thalamo regio recondi-
ta fuissent, in cubiculum veniens
Cæsar, dum cogitat in quemnam
usum eam pecuniam convertat, som-
nus eum destituit. Tum ille excitatis
cubiculariis: Ite (inquit) ocyus, con-
siliarios ducesque omnes militum huc
accercite. Vocati proceres mediâ nocte
trepidi (timebant enim ne quid ad-
versi accidisset) Imperatorem celeriter
adeunt; &, quæ causa sit tam repen-
tinæ vocationis, inquirunt. Imperator
confestim apertâ arcâ, inter eos qui
advenerant, pecuniâ distributâ: Ite,
inquit, securè tranquilleque nobis dor-
mire liceat. Nam quod mihi somnum ad-
emerat, jam procul aberit à cubiculo. (a)*

K

(a) *Æn. Sylvius l. 4. Comm. in res gestas Alphonsi,
relat. à Conrado Lycosthene purgato, & Laurent.
Beyerlinck Apophth. de divitiis.*

218 CONSIDERATIO XII.

Spinosas opes pariter sciebat, atque adeo velut libertatis & quietis hostes, præcul à se abesse jubebat Maximilianus itidem Cæsar, nunquam penes se opum acervum, etiamsi non rarò deferretur, remanere passus. Aiebat enim: Se regendis hominibus præpositum, non auri sibi custodiam demandatam: quo si quis semel capiat, mox è rege servum futurum. (b) Verissimè Augustinus: Elige quod voveris: esto avarus, luxuriosus: ut duo ista sola non dicamus, adde tertium, ambitiosus. In honorum cupiditate quantæ spinæ? In luxuria libidinum quantæ spinæ? In ardore avaritiæ quantæ spinæ? Amores turpes quantas molestias creant? Quantas sollicitudines hîc in ista vita? Omitto gehennam. Vide ne jam ipse tibi gehenna sis. (c) Et gehenna sibi revera est avarus; de quo sic pronuntiat sapientissimus Pontifex Innocentius III. Avarus damnationem habet vitæ quæ nunc est, & futuræ. (d) Et iterum Augustinus: Omnis terrena possessio supplicium est cupiditatis, ut

(b) *Iac. Spiegel. in Comm. Æn. Sylv. apud eosdem.* (c) *August. in Ps. 102.* (d) *De contemptu mundi l. 2. c. 13.*

in ipsis bonis crucietur animus, cui viluit, qui tanta largitur, Deus. (e) Aversemur igitur mundum, & cuncta quæ in eo sunt; sollicitudinem quoque sæcularem, & affectionem carnalem: nullaque omnino nobis alia sit cura, nisi duntaxat nostræ salutis. Quemadmodum & Dominus noster præcepit, dicens: Quid enim prodest homini, si mundum universum lucretur, animæ verò suæ detrimentum patiatur? aut quam dabit homo commutationem pro anima sua? (Matth. 16.) (f) *Audiamus & timeamus monentem & minantem Dominum.* Hæc dicit Dominus: Novate vobis novale, & nolite serere super spinas (quæ suffocant sementem Dei; omnes suffodite vepres, sentesque auferte, ut munda semina, munda arva suscipiant. Quomodo enim potest Dei audire sermonem, & concipere semina, & fructum facere, cujus animus ærumnis mundi plenus est? ait Hieronymus illa verba explicans.) Auferte præputia (Symmachus, malitias) cordium vestrorum.

K. 2

(e) *August. hom. 30. ex 50.*(f) *S. Ephrem serm. ascet. de vita Religiosa.*

220 CONSIDERATIO XIII.

ne fortè egrediatur ut ignis indignatio mea, & succendatur, & non sit qui extinguat, propter malitiam cogitationum vestrarum. (g)

(g) Ierem. 4.



CONSIDERATIO XIII.

DIVITIARVM MALVS VSVS.

I. **M**Eum est argentum, & meum est aurum, dicit Dominus exercituum. (a) Non igitur per se malum argentum, malum aurum. Nam si per se mala res esset, Dei esse non posset. (b) Et, si divitiæ per se malæ dicantur, blasphemia hæc in illarum largitorem redundat. (c) Paupertas & honestas (id est, opulentia seu divitiæ) à Deo sunt: (d) ut iis utaris, & rectè utaris. Non est ergo census in crimine, sed affectus. Cuncta enim quæ

(a) Aggei 2. (b) August. de verb. Apost. serm. 28. (c) Theodoret. serm. 6. de provident. (d) Eccli. 11.

DIVIT. MALUS USUS. 221

Deus condidit, bona sunt: sed qui bonis malè utitur, profectò agit, ut quasi per edacitatis ingluviem, eò, quo vivere debuit, pane moriatur. (e) Sicut non mala res vinum, sed mala ebrietas: ita non mala res divitiæ, sed mala avaritia, mala cupiditas. (f) *Vnde Bernardus*: Divitiæ dicuntur iniquæ, non propter se, sed propter iniquitatis affectum, qui evenit ex se: sicut arbor illa, quæ appellata est scientiæ boni & mali, non quòd illa habeat scientiam, sed quòd tangentes eam contra præceptum, boni pariterque mali contingeret esse scientes. (g) *Quare & Propheta regius monet*: Divitiæ si affluent, nolite cor apponere. (h) Non dixit, Nolite habere; sed, Nolite cor apponere. Non damnat divitias, unde cœlum homo meretur; sed ut cor non apponatur, scilicet illas recondendo, & non erogando. (i) *Et Apostolus scribens Timotheo*: Diviti-
bus hujus sæculi præcipe non sublimè

K 3

(e) *Gregor. l. 10. moral. c. 17.* (f) *Chrysost. hom. 2. ad Pop.* (g) *Bern. serm. de villico iniquit.* (h) *Pf. 61.* (i) *Laur. Justinian. Ligno vitæ de pauper. c. 4.*

222 CONSIDERATIO XIII.

sapere, neque sperare in incerto divitiarum, sed in Deo vivo, qui præstat nobis omnia abundè ad fruendum, benè agere, divites fieri in bonis operibus, facile tribuere, communicare. (k) Omnem substantiam mundialem divino possessoribus cunctis munere dari, nullus homo, ut reor, ambigit, qui modò in hominum numerum referri potest : nisi forè quis tantæ sit insipientiæ, ut, cum humano generi mundus ipse à Deo datus sit, ea quæ in mundo sunt, non à Deo hominibus data arbitretur. Igitur si omnia omnibus Deus tribuit, nemini dubium est, quòd ea quæ Dei dono accepimus, ad Dei cultum referre debeamus, & in ejus opere consumere, quæ ejusdem sumpsimus largitate. Hoc est enim agnoscere munus Dei, & divinis beneficiis benè uti, ut datis suis illum honores, à quo data ipsa acceperis Commodatis à Deo facultatibus utimur, & quasi precarii possessores. (l) Bonus sis dispensator eorum, quæ à Deo tibi data

[k] i. Tim. 6. [l] Salvian. ad Eccles. cathol. lib. 1.

sunt. (*m*) Videte, *clamat* Veritas Christus, & cavete ab omni avaritia. (*n*) Non est leviter horrendum, Fratres mei, quando Dominus noster, Redemptor noster, Salvator noster, qui mortuus est pro nobis, qui sanguinem suum pretium dedit, ut redimeret nos, Advocatus & Judex noster; non est leve, quando dicit, Cavete. Novit ille, quantum sit, nos non novimus: illi credamus. Cavete, inquit. Quid? unde? Ab omni avaritia. Meum servo, non alienum tollo. Cavete ab omni avaritia. Non solum avarus est, qui rapit aliena, sed ille avarus qui cupidè servat sua. Sed si sic culpatur, qui cupidè conservat sua; quomodo judicaturus est te, cum non solum servas tua, sed etiam quæris aliena? (*o*) Si qui sua non impertitur, accusatorem habet eum, cujus misertus non est: quam veniam merebitur is, qui etiam aliena rapit? Non solum enim aliena rapere, sed etiam sua non impertiri, rapina est, & avaritia, &

K 4

(*m*) *Chrysost. hom. 33. ad Pop.* (*n*) *Lut. 12.*

(*o*) *August. serm. 196. de Temp.*

224 CONSIDERATIO XIII.

spoliatio. Perhorrescamus itaque rem hanc, fugiamus peccatum. (p) Mammona, inquit S. Anastasius Nicanus Episcopus, non sunt dicendæ, sicut nonnulli existimant, divitiæ, quæ parantur ex injustitia, ex quo dixit Dominus esse faciendos pauperes amicos: sed ræ, quæ ex usu nostro sunt repositæ divitiæ. Is enim cui suppeditant opes vel ad alendum vel ad conservandum eum qui perit fame, aut fœnore, aut captivitate; & non fert opem: is revera justè condemnabitur tanquam injustus & occisor. Non eas ergo divitias, quæ partæ sunt ex iniquitate, sed eas quæ supra usum nostrum sunt repositæ, vocavit Dominus mammonam iniquitatis; sicut etiam alibi increpans immiseri cordes, dicit: Si ergo in iniquo mammona fideles non fuistis; quod vestrum est, quis dabit vobis? (Luc. 16.) Alienum dicit, copiam pecuniæ. Hac ille. (q) Et Basilus Casarea Episcopus: Avaritiæ, inquit, genus id pessimum est, nolle ne ea quidem quæ facilè corrumpuntur, inopi dare. Dixeris: Cui facio injuriam, si mea re-

(p) Chrysost. to. 5. Orat. de avaritia.

(q) Anastas. in Evang. q. 11. Biblioth. PP. 10. 1.

tinco conſervoque ? Quæ illa , dic mihi , tua ? Unde accepta hæc ad traducendam præſentem hanc vitam invexiſti ? Perinde enim facis , ac ſiquis in theatro locum ſpectandi mox ut antevertit aliis arripere , ceteros abarceat ingreſſu , ſuo unius uſui id adjudicans , quod ad omnium communem uſum proponitur. Tales & divites exiſtunt. . . . Quis , quæſo , eſt avarus ? Ille qui eo quod ſatis eſſe debet , non eſt contentus. Quis verò peculator ? Ille qui ad ſe unum tranſfert quæ ſingulorum ſunt. Tu ergo non avarus ? Non tu peculator , cum ea quæ ad diſpenſandum diſtribuendumque receperis , tibi propria facis ? (1) Non ſolum enim ſpirituales opes & dona cœleſtia à Deo donante capiuntur , ſed etiam terrenæ & corporeæ facultates ex ipſius largitate proveniunt , ut meritò rationem earum quæſiturus ſit , quæ non magis poſſidenda tradidit , quàm diſpenſanda commiſit. Muneribus igitur Dei juſtè & ſapienter utendum eſt , ne

K 5

(1) Baſil. hom. in Evang. Luca , quæ eſt 6. in dieſcen. es.

materia boni operis fiat causa peccati. (s) Homo quidam erat dives, qui habebat villicum. (t) *In quem locum Beda*: Villici sanè vocabulo discimus, eos, qui pecunias habent, non jam dominos suæ, sed alienæ potius rei dispensatores esse putandos. *Et Theophilactus*: Dominus hoc loco vult nos docere, ut benè dispensentur creditæ nobis divitiæ. Et primùm hoc discimus, quòd non sumus domini divitiarum. Nihil enim habemus proprium, sed dispensatores alienarum rerum sumus, quæ à Domino nobis concredita sunt, ut illas benè dispensemus, sicut ipse imperat. At si concreditas divitias non expenderit juxta mentem Domini, & abusi fuerimus illis in nostrum luxum, accusabimur. Etenim voluntas Domini est, datis uti in usus conservorum, non in proprias delicias.

II. Auro parietes, auro laquearia, auro fulgent capita columnarum: & nudus atque esuriens ante fores nostras Christus in paupere moritur. (a)

(s) Leo de Collectis serm. 5. (t) Luc. 16.

(a) Hieron. ep. ad Gaudentium.

Parietes vestitis auro, hominem nudatis. Clamat ante domum tuam nudus, & negligis; & tu sollicitus es, quibus marmoribus pavimenta vestias. Pecuniam pauper quærit, & non habet: panem postulat homo, & equus tuus aurum sub dentibus mandit. Sed delectant te ornamenta pretiosa, cum alii frumenta non habeant. Quantum, ô dives, sumis tibi iudicium! Populus esurit, & tu horrea claudis: populus deplorat, & tu gemmam tuam versas. Infelix, cujus in potestate est, tantorum animas à morte defendere, & non est voluntas. Totius vitam populi poterat annuli tui gemma servare. (b) Quid, miser, iudici respondebis? Parietes vestis, homines non vestis? Equos phaleris ornas, fratrem tuum laceris amictum pannis aspernaris? Frumentum retinendo perdis, esurientes non respicis? Aurum in terram condis, & oppressum non curas?... Si sumptus non necessarios pensitamus, quot argentei tori, mensæ item argenteæ, lecti eburnei, sellæ eburneæ, ita ut nequeant ullo modo ad pauperes penetrare divitiæ; & quamquam ad

(b) *Ambrosii de Nabusbe* c. 13.

228 CONSIDERATIO. XIII.

tuas veniunt fores, miseram, rogando; vocem emittentes, tu tamen negas, affirmans, rogantibus cunctis non posse sufficere. Et cum linguâ dejeris, manu perjurus argueris. Licet enim illa taceat, mendacium tamen tuum de-
prædicat, annulo, quem in digito habes, conspicua & illustris. Annulus, inquam, tuus quantum æris alieni posset exsolvere? quot domus ob inopiam ruentes conservare? Una tantum tuarum vestium arcula totum populum frigore rigentem amicare posset. Verum sustines, inexoratus, abs te pauperem rejicere; nec metuis Judicis minas, ac ea quæ se ille pollicitus est hujusmodi hominibus redditurum. Non te miseret? Misericordiam non invenies. Non aperuisti domum tuam? A regno Dei excludêris. Non dedisti panem? Non vitam recipies æternam. Sed & pauperem teipsum dicis. Et ego tecum sentio. Pauper profectò est, qui multis indiget. Pauperes, inquam, insatiabilis concupiscentia reddit. . . Tu te sponte insatiabilem animo reddens, multis profectò damnum facis. (c)

(c) *Basil. hom. 7. in divites avaros.*

Imitare, ô homo, vel terram: ut illa, fructus proferto, ut ne illâ conspiciaris esse deterior, quæ inanimis est. Sanè illa non in suum usum aut commodum, sed in tuum ministrare contendit. Tu autem quem debueras ostendere beneficentiæ fructum, illum tibi ipsi congregas: (d) imò in vana, in nociva, in fœda effundis. Audi lamentantem aureum Ecclesiasten: Edat, inquit avarus dives, tinea, & non pauper. Devoret vermis, & non induatur nudus. Omnia temporis diuturnitate consumantur, & non nutriatur Christus, & maximè cum esurit. Et quis hoc, inquit, mandavit? Etenim hoc est gravissimum, quòd non verbis, sed rebus hæc dicuntur. Etenim minus esset grave in verbis dictum, quàm factum in operibus. An non hæc singulis diebus clamat inhumana, & crudelis, & impia avaritia, iis quos in captivitatem trahit... Etenim erubesco, cum video multos divites auro opertis equis vectari, & servos auratis vestibus indutos ducere, argenteos lectos habere, & alia

(d) Idem hom. 6. in discipulos.

230 CONSIDERATIO XIII.

plura vanitatis plena. At cùm in pauperes erogare oporteat, paupertimis pauperiores factos videmus. (e) Quid ergo dementius divitibus? Etenim scutellas habere argenteas, neque istuc quidem animo philosophico convenit, sed totum deliciarum est: vasa verò immunda etiam ex argento facere, an deliciarum est? At non dixerim hoc esse deliciarum, sed stultitiæ; imò ne hoc quidem, sed insanitiæ, quin insanitiâ quoque pejus. Alius frigore perit, qui ad imaginem Dei factus est: tu verò talia struis? O factum! Quid proderit hîc Christus? quid fides? (f) *Attende, quisquis ita insanis, & misere tandem, fratrum tuorum, fratrum Christi justas querelas, Bernardi ore ad te directas: Clamant verò nudi, clamant famelici, conqueruntur, & dicunt: Dicite, in fræno quid facit aurum? Numquid aurum à fræno repellit frigus & esuriem? Nobis frigore & fame laborantibus, quid conferunt tot mutatoria vel extensa in perticis, vel plicata in manticis? Nostrium est quod effundit*

(e) Chrysost. in 1. Cor. hom. 21. (f) Idem in ep. Coloß. hom. 7.

ditur; nobis crudeliter subtrahitur, quod inaniter expenditis. Et nos enim Dei plasmatio; & nos sanguine Christi redempti sumus. Nos ergo fratres vestri. Videte, quale sit de fraterna portione pascere oculos vestros. Vita nostra cedit vobis in superfluas copias. Nostriis necessitatibus detrahitur, quidquid accedit vanitatibus vestris. Duo denique mala de una prodeunt radice cupiditatis; dum & vos vanitando peritis, & nos spoliando perimitis. Jumenta gradiuntur onusta gemmis, & nostra non curatis crura nuda caligulis. Anuli, catenulae, tintinnabula, & clavatae quaedam corrigiae, multaque talia tam speciosa coloribus, quam ponderibus pretiosa, mulorum dependent cervicibus: fratrum autem lateribus nec semicinctia miserantes opponitis. Et haec pauperes modò quidem coram Deo tantum, cui corda loquuntur.... Cæterum in futuro stabunt in magna constantia adversus eos qui se angustiaverunt. (g) Cognovi, quia faciet Dominus judicium inopis, & vindictam pauperum. (h)

(g) Bern. epist. 42. ad Henr. Archiep. Senon.

(h) Ps. 139.

III. Intraverat Zeno, vir sanctus, Croesi cujusdam palatium; dumque in cœnationibus & conclavibus, quæ tantum Patritium accipiebant, aulæa ductili auro texta, scrinia gemmis distincta, abacos sub argento gementes, parietes picturâ illusos, pavimenta strata tapetibus, alij mirarentur, attonitus exclamavit: Proh! quot ego animarum funera, in heteromallo atque auro tumulata conspicio? quæ vos immotis oculis intuemini. Tam vani lusûs pretio, innumerabiles apud Barbaros miserrimam servitutem servientium turmæ redimi poterant; & à longæ mortis supplicio liberari, quot quot inediâ confecti sua corvis cadauera sub dio reliquerunt. Manifestum id protinus fieret, si apparatus, à cruce Christi tam alieni, divenditi pretium erogaretur in eos, quorum pudicitia paupertas infidiatur, vel quos victûs vestitûsque inopia ad desperationem adigit. O quantarum necesse animarum in phaleris pendent! cujus ornamentum si solvas in pretium, distribuasque necessitatibus singulorum, ex eorum respiratione cognosces, quanto-

rum malo ille constet ornatus. (a) Ista sancti viri justa querimonia ad eos omnes spectat, qui divitiis non rectè utuntur. Ad eosdem spectant ea, quæ sancto Zenoni Episcopo Veronensi, adscribuntur, in quodam sermone: (b) Sed recordare, ô homo, quis est qui largitus est tibi teipsum. Quis sis, in memoriam revoca. Servus es Dei: & dispensatio tibi commissa est domesticæ (aliter, dominicæ) facultatis. Recordare ergo, quis est, qui tibi injunxit officium dispensandi super familiam suam. Non est utique sine causa, quòd tibi à bono & justo Deo officium tribuitur largiendi, aliis necessitas imponitur indigendi. Dispensatorem te igitur conservorum tuorum ex domesticis (aliter, dominicis) facultatibus te esse cognosce. Nec æstimes, quòd omnia ventri, & delitiis tuis terra producat. Quæ in manibus habes, commissa tibi magis, quàm concessa cognosce.... Hic mihi te paulisper indulge, quisquis es, qui divitiarum dispensationem in hoc mundo sortitus es: & te in illo terribili

(a) R. P. Oliva allocut. ad suos part. 1. exhort. 3. n. 32. (b) de Evang. Lucæ, de duplici tentat. specie.

234 CONSIDERATIO XIII.

Dei iudicio, tribunali adstantem, paululum quid vacans (si tamen vacare potes à divitiarum sollicitudinibus) intuere. Cum interrogari cœperis, commissas tibi opes cum quibus egentibus divisisti? quibus necessitatem patientibus subvenisti? quos de carceribus, de vinculis, de gladio, profusâ pecuniâ liberasti? quibus pupillis pater, cui viduæ vir, castis provisionibus extitisti? Pecunia mea, fructus mei, quid apud te operis, quid utilitatis habuerunt? Tu ad hæc sine dubio respondebis: Omnia simul reposita ac recondita claustris validissimis, & signaculis tutissimis communivi, nulli cuiquam tribui, &c. *Hactenus Zeno; quibus conformia egregiè pronuntiavit, aureum eloquentiæ christianæ flumen, Ioannes Chrysostomus: (c) Rapina est, non impertiri de tuis facultatibus. Ac fortassis vobis mirum videtur esse quod dico; verum ne miremini: testimonium enim vobis è divinis Scripturis proferam, dicens quod non solum rapere aliena, verum etiam non impertire cæteris, & rapina sit, & fraudatio,*

(c) *Concione 2. de Lazaro.*

DIVIT. MALUS USUS. 235

& spoliatio. Itaque Dominus Judæos accusans per Prophetam dicit : Produxit terra proventum suum, & non intulistis decimas, sed rapina pauperis est in domibus vestris. (Isai. 3.) Quoniam, inquit, oblationes solidas non dedistis, rapuistis ea quæ sunt pauperis. Hoc autem dicit, declarans divitibus, quòd res pauperum possident, etiamsi paternâ hæreditate obvenierint, etiamsi undecumque aliunde collegerint pecunias. Ac rursus alibi dicit : Ne spolies vitam pauperis. Qui verò spoliat, aliena tollit. Nam spoliatio quædam dicitur, cum aliena accepta detinemus Heriles pecuniæ sunt, undecumque eas collegerimus; & ideo tibi plura possidere concessit Deus, non ut in scortationes, temulentiam, ingluviem, in vestes sumptuosas, aliamque molliem consumeres, sed ut ea distribueres egentibus. Quemadmodum enim receptor quispiam, qui regias pecunias accepit, si neglexerit, his quibus jussus est, distribuere, inque proprias consumpserit delitias, poenas dat ac perditur : ita sanè & dives, receptor est quispiam

236 CONSIDERATIO XIII.

pecuniarum, quæ pauperibus distribui debebant. *Hæc & alia præclare Chrysostomus; qui & asserit idem divitem epulonem (Luc. 16.) sepultum esse in inferno, quod epularetur & vestiretur splendide, in usus superfluos convertens opes, nihil in usum & levamen mendici Lazari: quamquam hic (ait sanctus Doctor) nihil à divite accepit injuriæ; neque enim illius pecunias usurparat dives, sed suas non impertivit. Quod si is qui sua non impertiit, accusatorem habet eum, cui negavit misericordiam; qui aliena quoque rapuerit, quam veniam consequetur, undique ipsum circumstantibus, quos affecit injuriâ? Porro historiam illam de epulone divite & Lazaro paupere, (veram autem historiam esse, non meram parabolam, censent Chrysostomus in Lucam homiliâ de divite, S. Augustinus, & alii apud nostrum Cornelium à Lapide, parabolam tamen dici, quod in hac historiâ quadam parabolica & symbolica ex hominum usu inferuntur) historiam, inquam, illam continenter omnibus ob oculos propositam vult idem Chrysostomus his verbis: Hanc parabolam inscribite, divites pariter ac pauperes: divites quidem in*

DIVIT. MALUS USUS, 237

parietibus domus vestræ; pauperes autem in parietibus animi vestri: & , si quando deleta fuerit obortâ oblivione, illinite denuò, ab initio reminiscetes. Imò verò etiam divites, prius in mente quàm in ædibus hanc describite, semperque circumferte: & erit vobis documentum, materiaque totius philosophiæ (*altissima Christianorum Sapientia.*) Nam, si hanc jugiter inscriptam animo teneamus, neque hujus vitæ læta poterunt nos inflare, neque tristitia dejicere prosterneque; sed non aliter, quàm afficimur picturis in pariete additis, erga hæc utraque afficiemur. (d)

(d) *Chrysost conc. 4. de Lazaro.*



CONSIDERATIO XIV.

RECTVS DIVITIARVM VSVS.

I. **B**Eatus dives, qui inventus est sine macula: & qui post aurum non abiit, nec speravit in pecunia &

238 CONSIDERATIO XIV.

thesauris. Quis est hic, & laudabimus eum? Fecit enim mirabilia in vita sua. (a) Quia mundi pompam vicit: maligni astutiam cavit: appetitûs proprii concupiscentiam superavit. (b) Non respexit in vanitates, & insanias falsas; (c) ipsa bona temporalia, quæ homines insanire faciunt, dum eos à lege Dei deviant. (d) Dispersit, dedit pauperibus: justitia ejus manet in sæculum sæculi; (e) custode illo, qui condidit sæcula. (f) Ideò stabilita sunt bona illius in Domino: & elcœmosynas illius enarrabit omnis Ecclesia Sanctorum. (g) Non crimini dandum est, si quis pecunias habeat: sed, si non distribuerit pauperibus, neque iis rectè utetur, id peccatum est. Nihil enim Deus, quod malum esset, effecit, sed omnia valdè bona: itaque & opes bonæ; verùm si suos non vicerint possessores; si proximos paupertate liberaverint. Non enim lux illa bona est, quæ non fugat tenebras, sed densat. Neque eas

(a) *Eccli.* 31. (b) *Hugo Cardin. ibi.* (c) *Psf.* 39.(d) *S. Bruno ibi.* (e) *Psf.* 111. (f) *August.* *ibi.*(g) *Eccli.* 31.

ego divitias appellarem, quæ paupertatem non pellerent, sed augerent. Siquidem dives non quærit ab aliis accipere, sed aliis auxilium præstare: qui autem ab aliis accipere quærit, non ampliùs is dives est, sed pauper. (h) Illam igitur artem discant divites, ut divitiis rectè, & ut decet, utantur. Non est enim certè ars illa contemnenda, qua discunt opulenti, conferendum indigentibus esse. Præcipua enim est, & aliis artibus multò præstantior. Hujus artis officina in cœlo est... hujus magister, Christus est, & Pater ejus. Estote misericordes, inquit, sicut & Pater vester misericors est. Luc. 6. (i) Et ego dico vobis: Facite vobis amicos de mammona iniquitatis. (k) Rursus: Nolite thesaurizare vobis thesauros in terra: ubi ærugo & tinea demolitur, & ubi fures effodiunt, & furantur. (l) Facite vobis sacculos, qui non veterascunt, thesaurum non deficientem in cœlis: quò fur non appropriat, neque tinea corrumpit. Ubi enim thesaurus vester est, ibi & cor vestrum erit. (m) Lo-

(h) Chrysost. in 1. Cor. hom. 13. (i) Idem in Matth. hom. 50. (k) Luc. 16. (l) Matth. 6.

240 CONSIDERATIO XIV.

cupletem te dicis, & divitem; & utendum putas iis, quæ possidere te Deus voluit. Utere, sed ad res salutare; utere, sed ad illa, quæ Deus præcepit, quæ Dominus ostendit. Divitem te sentiant pauperes, locupletem sentiant indigentes. Patrimonium tuum Deo fœnera; Christum ciba. Coni-menda illuc thesauros tuos, ubi fur nullus effodiat, quò nullus insidians græssator erumpat. Possessiones tibi, sed magis cœlestes, compara. *Hæc & alia eleganter S. Cyprianus. (n) Monet Apostolus Timotheum suum priore epistola: Divitibus hujus sæculi præcipe non sublime (seu,superbè) sapere. (o) Quem locum egregiè more suo explicans S. Augustinus, sic habet: Exclusit vitium, Non superbè sapere. Doceat usum de eo quod sequitur, Neque sperare in incerto divitiarum, sed in Deo vivo, qui præstat nobis omnia abundanter temporalia & æterna: temporalia tanquam viatoribus, æterna tanquam habitatoribus: temporalia, unde bona faciamus; æterna, unde boni efficiamur.*

(m) Luc. 12. (n) Cypr. de habitu virginum.

(o) 1. Tim. 6.

mur. Ergo hoc faciant divites Ex eo autem quod habent, quid faciant? Facile tribuant : habent enim unde. Communicent, id est, pares suos mortales agnoscant. Communicent, thesaurizent sibi fundamentum bonum in futurum. Non, quia dico, inquit, Facile tribuant, communicent, expoliare illos volo, nudare illos volo, inanes relinquere volo. Doceo lucrum, cum ostendo quod thesaurizent sibi. Non enim volo, ut pauperes remaneant. Thesaurizent sibi; non, ut perdant, dico: sed quod migrent, ostendo. Thesaurizent sibi fundamentum bonum in futurum, ut apprehendant veram vitam. Hæc ergo falsa vita est: apprehendant veram vitam. Vanitas enim vanitatum, & omnia vanitas. (Eccle. i.) Quæ abundantia tanta hominis in labore suo, quo ipse laborat sub sole? Apprehendenda est ergo vera vita: migrandæ sunt facultates nostræ ad locum veræ vitæ, ut hoc ibi inveniamus, quod hic damus. Mutat illa, qui mutat & nos. Date ergo pauperibus, Fratres mei. (p)

L

(p) *August. de verb. Dom. serm. 5.*

242 CONSIDERATIO XIV.

II Qui divitias benè & honestè administrant, nec aliorum detrimentis vel ærumnis has augent, & opulentiae suæ consortes adhibent egenos, ii in illorum accusationem justam sufficiunt, qui divitiis malè utuntur, & avaritiæ student. (a) Nec enim divitias in hunc finem summus ille rerum administrator concessit hominibus, ut intemperantiâ has dilapident, & malitiæ irritamentum faciant: sed, ut has ritè dispensando, & ipsi rebus fruantur necessariis, & egenis ex illarum abundantia largientes, eas temperantiæ & justitiæ materiam reddant. (b) Ergo nihil in hunc mundum inferentibus, substantiam rerum temporalium quasi tonsile vellus apponit, non ut sarcina impediât, quos expeditos nasci jubet, sed ut materiam nobis virtutis ad merita parienda proponat; & sit, unde documentum nostræ in Deum (id est, verum Patrem ac Dominum) fidei atque pietatis edamus, si suppetant cara & dulcia, quæ, præferentes Deum, ma-

(a) Theodoret. *serm. 6. de Provident.*

(b) Idem *serm. 9. de Provid.*

RECTUS DIVIT. USUS. 243

gno præmio negligamus; & quæ per
immentam ejus bonitatem, cum nec
illata nobiscum sint in hunc mun-
dum, neque istinc auferenda nobis-
cum, tamen, si pareamus præceptis
illius, ita ordinantur, ut mutantur in
melius, & de temporalibus æterna
reddantur. Nam, quæ sicut non in-
tulimus, ita nec auferre possumus per
naturam nostram & prætereuntem
hujus mundi figuram, ea per omni-
potentis Dei opus, beato mercimonii
genere vertentes, non modò nobis-
cum efferimus, sed ante nos etiam in
sinum Domini seminata præmittimus.
(c) Hoc ergo ex dogmatibus opti-
mum est perpetuò canendum; quòd
vir quidem bonus, qui est moderatus
& justus, in cœlo recondit thesau-
rum pecuniæ. Is qui terrena vendidit,
& dedit pauperibus, invenit thesau-
rum, in quem non cadit interitus,
ubi nec tinea est, nec latro. Is ergo
est verè beatus, etiamsi sit parvus,
imbecillus, inglorius: isque revera
magnas possidet divitias. Quòd si sit
vel Midâ & Cinyrâ ditior, sit autem

L 2

(c) *Paulin. epist. 5. ad Severum.*

244 CONSIDERATIO XIV.

injustus & insolens, quemadmodum qui purpura & bysso luxuriosè vestiebatur, Lazarum autem contemnebat, & miser est, & in mœrore vivit, nec vivet. Divitiæ ergo sunt serpenti similes; quem si quis nescit inoffensè eminus accipere, bestiam sine periculo summâ caudâ apprehendens, eâ manu circumplicabitur, & mordebit. Pulchrè callent, serpentum instar, repentes divitiæ, dum à perito vel imperito apprehenduntur, inhærere & mordere. Sed nîquis se magnificum præbens, rectè & scienter eis utitur, cùm Verbi quidem carmine bestiam detraxerit, ipse verò illæsus manserit. (d) Procedit aliquando homo habens plenam domum, uberes terras, multa prædia, multum auri & argenti; novit quia in ipsis non est præsumendum, humiliat se Deo, facit inde benè; ita cor ipsius erigitur ad Deum, ut noverit, quia non solum nihil illi profunt divitiæ ipsæ, sed impediunt pedes ipsius, nisi ille regat, & ille subveniat; & numeratur inter pauperes qui saturan-

(d) *Clement Alexand. Pedagog. l. 3. c. 6.*

tur.... Non attendit Dominus facultatem, sed cupiditatem. (e) Est ergo & his materialibus divitiis locus. Quasi gubernatores estis in magno mari. Si benè quis gubernat suum navigium, citò transit fretum, ut perveniat ad portum. Qui autem nescit regere suum censum, onere suo mergitur. Ideò scriptum est: Possessio divitum, civitas firmissima (*Vulgata habet, Substantia divitis, urbs fortitudinis ejus.*) Proverb. 10. Quæ est ista, nisi Jerusalem, quæ in cœlo est, in qua regnum Dei? Bona hæc possessio, quæ fructus perpetuos facit. Bona possessio, quæ non hîc relinquitur, sed illic possidetur. In hac possessione qui fuerit, dicit: Portio mea Dominus. (Ps. 118.) Non dicit, Portio mea ad illos protracta & diffusa terminos. Non dicit, Portio mea inter illos vicinos, nisi fortè inter Apostolos, inter Prophetas, inter Sanctos Dei. Hæc est enim justi portio. Non dicit, Portio mea in pratis, non in sylvis, non in campis, nisi fortè in campis sylvæ, de qua scriptum est, invenimus eam in campis syl-

L 3

(e) *August. in Ps. 131.*

246 CONSIDERATIO XIV.

væ. (Pl. 131.) Non dicit, Portio mea greges equorum. Mendax (*Vulgata*, *Fallax*) enim equus ad salutem. (Pl. 32.) Non dicit, Portio mea armenta bouum, asini, oves, nisi fortè inter illa enumerat armenta, quæ agnoscunt possessorem suum, & in illa asina vult consortium habere, quæ non refugit præsepe Christi. Et illa ovis sibi portio est, quæ ad immolandum ducta est, & ille agnus coram tondente se sine voce, qui non aperuit os suum, cujus in humilitate iudicium exaltatum est. (Isai. 53.) Non quicumque ergo dicit, Portio mea Dominus. Non avarus dicit; quia venit avaritia, & dicit: Mea portio es, ego te subditum habui, mihi servisti, mihi te in illo auro vendidisti, mihi te in illa possessione adjudicasti. (f) *Qua tua portio, mi Christiane?* Proposuit tibi Dominus in portione possessiones, in portione aurum, in portione argentum, in portione honores, in portione nobilitatem. Proposuit etiam in portione seipsum. Habes igitur plurimas portiones: elige, quam petas. (g)

(f) *Ambros. ep. 82.* (g) *Idem in Psalm. 118. serm. 8. n. 1.*

RECTUS DIVIT. USUS. 247

Felicem te ! si cum Davide eligas , & dicas animo & factis : Portio mea Domine , dixi custodire justificationes tuas. Tuus sum ego : quoniam justificationes tuas exquisivi. (h) Serva portionem , quam elegisti. Ea est enim portio , quam terrenæ partes æquare non possunt. (i)

III. Deus suscipit pauperes , sed divites non repellit. Habentes suscipit , & ad se attrahit non habentes. Abraham dives : dives Job : David dives. Et quid Abraham beatius ? Quid fortius Job ? Quid David sanctius ? Nam & Abraham , post terrenos mœrores , piæ animas & revolantes in cœlum , in gremium suæ consolationis includit. Et Job in ipsis divitiarum machinis diabolum & ipse vicit , & nobis vincendi cum reliquit exemplum. Abraham sic possedit divitias , ut eas sæpè & oblatas contemneret , & calcaret indultas : & sic diligeret possidere divitias , non à divitiis possideri : habere eas ad largitatis materiam , non ad cupiditatis incendium. . . . Fuerunt Sanctis innocentes divitiæ , utpote à

L 4

(h) *Ps.* 118. (i) *Ambr. ibid.*

248 CONSIDERATIO XIV.

Deo datæ , non turpiter acquisitæ : concessæ ad usum vitæ , non ad mortis usuram. (a) Dives est , non qui multa possidet , sed qui multa expendit. Dives erat Abraham , sed non avarus : non enim hujus domum considerabat , nec illius substantiam curiosè scrutabatur : sed egrediens contemplantur , num alicubi hospes , num alicubi pauper , ut paupertatem resarciret , ut peregrinum exciperet : non auro tectum linivit , sed apud quercum illam tabernaculum figens , foliorum umbrâ contentabatur. Et tam Splendidum ipsi erat diversorium , ut nec Angelos apud ipsum manere pueret : non enim quærebant domûs splendorem , sed animi virtutem. (b) Job erat quidem dives , non tamen pecuniæ serviebat , sed habebat divitias , eisqûe , ut congruit , imperabat : nec erat famulus earum protectò , sed dominus. Sicut enim alieni patrimonii dispensator , ita illa omnia possidebat , non modò aliena non rapiens , sed propria quoque indigentibus lar-

(a) *Chrysolog. serm. 28.*(b) *Chrysost. hom. 2. ad Pop.*

giens, quodque his majus est, nec habere se illa gaudebat; quod hinc intelligitur: Si lætatus sum, inquit cap. 31. quia mihi essent multæ divitiæ. Unde etiam consequenter quia gaudium de possessione non habuit, dolorem de amissione non pertulit.

(c) *Iuvat audire Iobum ipsum, veræ (ut eum vocat S. Hieronymus) (d) hominem Philosophiæ, è sterquilinio, velut è cathedra, plenius exponentem, quæ ratione opibus, cum iis abundabat, uteretur: Si ambulavi in vanitate; si negavi, quod volebant, pauperibus, & oculos viduæ expectare feci: si comedi buccellam meam solus, & non comedit pupillus ex ea: (quia ab infantia mea crevit mecum miseratio: & de utero matris meæ egressa est mecum) si despexi prætereuntem, quod non habuerit indumentum, & absque operimento pauperem: si non benedixerunt mihi latera ejus, & de velleribus ovium mearum calefactus est. Humerus meus à junctura sua cadat, & brachium meum cum*

L 5

(c) *Chrysost. hom. 22, in Matth.*

(d) *In c. 31, Iob.*

250 CONSIDERATIO XIV.

fuis offibus confringatur. Si putavi aurum robur meum, & obrizo dixi, fiducia mea.... Foris non mansit peregrinus, ostium meum viatori patuit. (e) Oculus fui cœco, & pes claudō. Pater eram pauperum. (f) En tibi divitias, sine peccato: sed cum amore ac studio pauperes sublevandi. Hoc est ministerium & usus divitiarum, quæ non nomine, sed re, sunt divitiæ. Hæ divitiæ servæ sunt divitiarum illarum: nam istæ nomen sunt re destitutum: illæ autem & nominis & rei veritatem obtinent. Quænam? Eæ quæ virtutum, eæ quæ sunt eleëmofynæ. Quo pacto? Ego dicam. Est dives, qui res omnium rapit; & est dives, qui sua egentibus erogat: quorum ille, congerendo; hic, consumendo est locuples: atque ille quidem in terra ferit, hic cœlum colit. Quò cœlum terræ præstat, eò illius ubertas hac infirmior est. (g) Avaritiæ tibi vitandum est malum (*monet Eustobium virginem egregius morum magister Hieronymus*): non ut aliena non appe-

(e) *Iob* 31. (f) *Iob* 29. (g) *Chrysost. hom. in Ps. 48.*

tas (hoc enim & publicæ leges puniunt) sed quòd tua, quæ sunt aliena, non serves. Aliena nobis auri argentiq̃ue sunt pondera : nostra possessio spiritualis est. Nemo potest duobus dominis servire. Cogitatio victûs spinæ sunt fidei : radix avaritiæ cura Gentilium. (h) Et *Augustinus*, *Probam viduam divitem instruens* : Divitiæ, inquit, ... quid adferunt consolationis, cùm sit, eis non indigere quàm eminere, præstantius? quæ plus excruciant adeptæ timore amissionis, quàm concupitiæ adeptionis ardore. Talibus bonis non fiunt homines boni, sed aliunde boni facti, benè utendo faciunt ut ista sint bona. (i)

(h) *Hieron. Ep. ad Eustoch.* Audi filia.

(i) *Aug. ad Probam Ep.* 121. c. 2.





CONSIDERATIO XV.

MORS DIVITIS.

I. **O** Mors, quàm amara est memoria tua homini pacem habenti in substantiis suis! (a) *Si amara, & amara valdè, mortis memoria; quàm acerba, quàm luctuosa præsentia!* Audivit Ioannes vocem de cœlo, dicentem sibi: Scribe, Beati mortui (sæculo, ut interpretatur S. Ambrosius) qui in Domino moriuntur. Opera enim illorum sequuntur illos, *gracè, cum illis, sive, comitantur, (b) ut adhuc Ambrosius: quia merces operum illorum comitatur illos in perpetuum. (c) At quid scribendum, quid dicendum de divitibus huius sæculi, filiis avaritiæ, cultoribus mammonæ, servis pecuniæ; (d) qui mortui Deo, in mammona moriuntur? Laboraverunt in ventum; (e) confisi*

(a) Eccli. 41. (b) Apoc. 14. (c) Ambr. ibi.
 (d) Petr. Bles. ep. 93. (e) Eccle. 5.

sunt in nihilo; telas aranæ texuerunt : opera eorum , opera inutilia. (*f*) *Nihil sequitur illos ; solum comitatur peccatum.* Peccata ex facultatibus contracta , ipsi solum secum ferentes , abeunt. (*g*) *Heu ! quale viaticum in aternitatem !* Dives , cum dormierit , nihil secum auferet. (*h*) Res suas , cum moreretur , tolleret , si ad petentis vocem , cum viveret , sibi tulisset. Nam terrena omnia , quæ servando amittimus , largiendo servamus : patrimoniumque nostrum retentum perditur , manet erogatum. (*i*) Cum dormierit , aperiet oculos suos , & nihil inveniet. (*k*) Quia illic aperit ad supplicia , quos hîc ad misericordiam clausos tenebat. Aperit oculos suos , & pietatis fructum non invenit , quos hîc clausos tenuit cum viveret Serò dives aperuit oculos , quando Lazarum requiescentem vidit , quem jacentem ante januam videre contempsit. Intellexit ibi , quod hîc facere noluit : in damnatione suâ cognoscere com-

(*f*) *Isai. 59.* (*g*) *Chrysostom. in Genes. hom. 31.*
 (*h*) *Iob 27.* (*i*) *Gregor. l. 18. Mor. c. 10. vesp.*
ri , 12. novo. (*k*) *Iob. 27.*

254 CONSIDERATIO XV.

pulsus est, quid fuit quod perdidit, quando indigentem proximum non agnovit. De quo adhuc subditur: Apprehendet eum quasi aqua inopia, & nocte opprimit eum tempestas. (Iob 27.) Videamus nunc inopiam ardentis divitis, cujus tanta abundantia fuit epulantis. Ait enim: Pater Abraham, miserere mei: & mitte Lazarum, ut intingat extremum digiti sui in aquam, & refrigeret linguam meam, quia crucior in hac flamma. (Luc. 16.) Quibus verbis nobis non hoc innotescitur, quia illic in tanto ardore, una tunc, ad sufficientiam refrigerii, aquæ gutta requiratur: sed quòd is qui de abundantia peccaverit, illic æstuanti nimis cremetur inopiâ. Videmus enim in verbis divitis, ex subtilissimo Dei iudicio, quàm digna tali culpæ pœna responderit. Agente namque inopiâ, illic usque ad minima petenda compulsus est, qui hic agente tenaciâ, usque ad minima neganda pervenit. Quid retribuui subtilius, quid districtius potest? Guttam aquæ petiit, qui micas panis negavit. Apprehendit eum quasi aqua inopia,

Non immeritò aquæ tunc illa inopia comparatur : quia in inferno cruciat, qui susceptos in profundis absorbens, solet lacûs nomine appellari. Nocte opprimet eum tempestas. Quid hoc loco, noctem, nisi absconditum tempus repentini exitus appellat? ... Hinc superbienti diviti, Dei voce dicitur : Stulte, hac nocte animam tuam repetunt à te : quæ autem parasti, cujus erunt? (Luc. 12.) Nocte animam reddere perhibetur, qui noctem non providens, in tenebris cordis abstrahitur. (l) Vnde *Psaltes regius sapienter monet* : Ne timueris, cùm dives factus fuerit homo : & cùm multiplicata fuerit gloria domus ejus. Quoniam cùm interierit, non sumet omnia. (m) In vacuum laboravit. Quid non vacuum, quod sæculare atque mundanum : cùm rectè dixerit, qui mundum istum sobria virtute contempsit, Nudus sum natus, nudus & moriar? Numquid secum quis potest auferre quæ possidet? Hic omnia derelinquit, solus intrat in tumulum. Unde dictum est : Numquid habitabi-

(l) *Gregor. sup.* (m) *Pf. 48.*

256 CONSIDERATIO XV.

tis vos soli in medio terræ? (Isai. 5.) Numquid descendit in illud sepulchrum gloria domus ejus, aut copiar? Vide vim Scripturæ. Gloria sæculi non descendit cum peccatore; sed gloria virtutis ascendit cum innocente. Et ut copiosius dicamus, gloria hominis cum ascendente ascendet, cum descendente non descendet. Quod gratiæ est ac virtutis, ascendet. In Paradisum ascenditur, in infernum descenditur. Descendant, inquit, in infernum viventes. (Ps. 54.) Ideoque Lazarus pauper per Angelos in Abrahæ sinum est elevatus. Dives luxuriosus, elevans in inferno oculos suos, rogat Abraham ut mittat pauperem, ut digito suo contingat linguam ejus, quo requiem aliquam, in ardore maximo constitutus, posset adipisci. Vide illum pauperem bonis omnibus abundantem, quem sancti Patriarchæ requies circumdabat. Vide hunc vacuum, qui sibi in hoc sæculo abundare videbatur: cujus anima in vita ipsius benedicebatur: sed nunc iners morte cruciatur... Usque in æternum non videbit lumen: (*eodem Psal.*

mo 48.) quoniam temporale quæſivit.
 (n) Quia & hîc cûm eſſet in tenebris,
 erat gaudens falſis bonis, & non a-
 mans bona vera, & ideò hinc ad tar-
 tarum ibit. A tenebris ſomniorum,
 excipient illum tenebræ tormento-
 rum. (o) Unde benè ait idem Prophe-
 ta de divitibus: Dormierunt ſomnum
 ſuum, & nihil invenerunt omnes vi-
 ri divitiarum in manibus ſuis. (Pf. 75.)
 Hoc eſt dicere: Nihil invenerunt in
 operibus ſuis divites, qui nihil pau-
 peribus contulerunt. Nullius juverunt
 inopiam, nihil ad utilitatem ſuam pro-
 ficientes reperire potuerunt. Ipſum
 nomen conſidera. Ditem dicunt Gen-
 tiles inferni præſulem, arbitrum mor-
 tis ditem appellant & divitem. Quid
 niſi mortem inferre noverit, cui reg-
 num de mortuis, cui ſedes inferna
 ſint? (p) Vigila ergo, dives, in opere
 bono, in malo dormi: ut non ſit ma-
 nus tua pauperi vacua: ut tibi plena
 ſit ſemper. (q) Diſpone domui tuæ,
 quia morieris tu. (r) Si ſcires, qua

[n] *Ambr. in Pf. 48.* [o] *Aug. ibid.* [p] *Amb. de Nabuthe c. 6.* [q] *Chryſolog. ſerm. 104.* [r] *Iſai. 38.*

258 CONSIDERATIO XV.

hora fur venturus esset, vigilares utique, & non fineres perfodi domum tuam. (s) *An vilior tibi est anima tua, quàm pecunia tua?* Esto vigilans (clamat Deus tuus, Iudex tuus, ne obtura aures cordis, ne obdormias in morte, ne quando dicat inimicus tuus, Prævalui adversus eum.) (t) Si non vigilaveris, veniam ad te tamquam fur, & nescies qua hora veniam ad te: (u) *vocabo te, & dicam tibi: Redde rationem villicationis tuæ.* (z) Non exies, donec reddas novissimum quadrantem. (y)

II. Ubi nunc sunt divites, & superbi in divitiis suis? Ubi sunt, qui suas enumerant dignitates, & vestes pretiosas, quibus se comparant? Lutum namque & cœnum omnia intuebuntur. (a) Omnia quæ de terra sunt, in terram convertentur. (b) Intelligamus pecunias, & terram esse & pulverem, quæ nos, cùm hinc migraverimus, relinquent. Imò & ante migrationem nostram nonnun-

(s) *Matth. 24.* (t) *Pf. 12,* (u) *Apoc. 3.* (z) *Luc. 16.* (y) *Matth. 5.*

(a) *Chrysost in 1. Cor. hom. 13.* (b) *Eccli. 40.*

quam nos deserunt ; & in futurum & præsens sæculum, nobis magnum adferunt detrimentum. (c) Quam utilitatem homini opulento, mortem tandem oppetenti, suæ adferunt divitiæ? cùm eas nec secum auferre possit, nec quidquam aliud ex earum usu lucri facit.... Neque enim si aliqui aurum ingens in vita congegnerint, proprium ipsorum perpetuò permanet; sed aut à vivis adhuc, quantumvis ipsum omni ex parte coarctent, ad potentiores delapsum aufugit: aut jam jam animam agentes deserit, nec vult simul cum eis, qui illud possederant, peregrè proficisci. Unde plerumque illi, dum ab eo, qui violenter animas à misera hac carne separat, ad fatale hoc iter trahuntur, frequentes se ad pecuniam convertunt, ac labores, propter hanc ipsam in juvenili ætate exantlatos, desunt: at illa jam tum etiam aliorum spectat manus, nihil ipsis præter afflictam memoriam insatiabilis avaritiæ, ac laborum, quos in corradendo consumpserant, reliqui faciens. (d) Simul insipiens & stultus

(c) Chrysost. in 1. Cor. hom. 23. (d) Basil. orat. de morte, inter opera S. Ephraem.

260 CONSIDERATIO XV.

peribunt ; & relinquent alienis divitias suas ; & sepulchra eorum domus illorum in æternum. (e) Quid five tam stultum , five tam perditum , quàm ut aliquis de suo sibi non consulat ?.. Quàm misera erit perdita fors eorum , qui quasi sepulchris perennibus deputati , quam conditionem post mortem perferunt corporum , eandem quodammodo patiantur animarum ! (f) Mens enim thesaurizantis thesaurum suum sequitur , & quasi in naturam terrestris substantiæ demutatur : nec solum nunc , sed etiam in futuro atque perpetuo. Nam cum , ut scriptum est , ante hominem vita pariter ac mors sint , & ad quod vult manum porrigat ; necesse est , ea unusquisque hominum in æternitate possideat , quæ hîc quasi manu sua ipse pervaserit , voluntatiq̃ue ac sententiæ suæ deditus , his in futuro adhæreat conditione , quibus hîc adhæsit affectu ; secundum illud scilicet Domini nostri : Ubi est thesaurus tuus , ibi est & cor tuum. (*Matth. 6.*) (g) Ideò præmonuit Salva-

(e) *Psf. 48.* (f) *Salvian. ad Eccles. l. 3.* (g) *Idem l. 1.*

207 : Nolite thesaurizare vobis thesauros in terra : thesaurizate autem vobis thesauros in cœlo. Intelligi juxta carnalem auditum ista non possunt. Numquid enim aut omnes mali in terra corporales thesauros suos, aut omnes boni cœlo locant? Non utique. Et ideò effectus spiritalium rerum atque virtutes vis sacræ locutionis expressit : scilicet, ut quia cupiditati & avaritiæ terrena atque tartarea, misericordiæ autem ac largitati cœlestia ac sempiterna debentur, idcirco diversitas terreni & cœlestis thesauri posita sit : ut qui cupiditati & avaritiæ thesaurizarent, inferno se opes locare cognoscerent; qui verò misericordiæ & humanitati, cœlestes se thesauros præparare gauderent. Loca itaque thesaurorum de meritis thesaurizantium nominavit. Ibi enim dicuntur esse jam thesauri, ubi sunt thesaurizantes futuri. (h) Cogitent igitur cuncta ista quæ dicimus, imò cogitent cuncta illa quæ Deus dicit, qui sibi nec ante mortem omninò consulunt, nec in morte succurrunt.

(h) *Salvian, ad Eccle. l. 1.*

262 CONSIDERATIO XV.

apud quos oblivio est penitus suarum animarum : nec interest pænè jam apud homines , quibus consulant , dummodò sibi omnino non consulant ; (i) *Sibi non malè fore , per summam amentiam arbitrati , si modò , quas semper charissimas habuerunt divitias , eæ tandem saluæ alicubi perstent ; & apud alios vivat , quam etiam morientes fovent , insana opum cupiditas. Genuunt miseri , incusantq₃ , cum Agag rege illo Amalecitarum pinguisimo , nudam nudantemq₃ mortem : Siccine separas amara mors ? (k)* At vehementius illis dolet divitiarum , quàm anima , recessus. Eorum , inquit S. Ephræm , qui terrenas divitias amant , omnis vita in spe vanâ consumitur ; & quantò major est divitiarum copia , tantò amplius mortis metum auget. Recordatio quippe mortis intus habitans , dolorem affert secundum proportionem uniuscujusque sensus ; non ut instituantur præceptis temperantiæ , justitiæ , & fortitudinis ; nec de gehenna , & justo Dei judicio. Verùm inopiâ consilii laborantes , secum ipsi lamentantur , deplorantq_{ue} opes , di-

(i) *Idem l. 3. (k) 1. Reg. 15.*

Atitantes : Quis igitur post mortem nostram , tantam possidebit opulentiam ? quod & regibus gratum est , Quis scilicet post eos regnaturus sit. Ecquis igitur dominus tanti auri & argenti ? Eccui postea deserviet tantus auri apparatus ? (l) O cœcitas , & insania ! quanto studio , infelicissimi homines , id efficitis , ut miseri in æternitate sitis ? Quanto minore cura , minore ambitu , id vobis præstare potuistis , ut semper beati esse possitis ? Cujus rei quidem causam aliam omnino invenire non possum , nisi solam tantummodò incredulitatem atque perfidiam , id est , quòd aut judicandos se à Deo homines esse non putent , aut resurrecturos omnino esse non credant. (m) Nam si nossent aliam vitam , illic sibi thesaurizarent , quod hîc erat periturum. (n)

III. Dives ille , apud Lucam , (a) habens uberes proventus , & horrea plena , cogitabat illa destruere , & majora facere , quæ annonam in annos plurimos caperent ,

(l) Ephraem de recordat. mortis. (m) Salv. ad Eccle l. 3. (n) August. in Ps. 75.

(a) c. 12.

264 CONSIDERATIO XV.

& requiescere in bonis suis, tanquam finem ultimum adeptus : Sed meritò illi taliter respondit, qui scit cogitationes hominum, quoniam vanæ sunt. (Ps. 93.) Stulte, hac nocte animam tuam repetunt à te : quæ autem parasti, cuius erunt ? Benè, stulte ; quia ibi totum de carne fuerat, nil de corde. Benè, stulte ; quia migraturæ mox animæ condita. satis longa præparabat... Convenienter, hac nocte : quia fugiens misericordiæ lucem, avaritiæ tenebris se manciparat. Repetunt animam tuam à te. Quare non dixit, Qui dederat repetit, sed repetunt ? Quia Sanctorum Deus repetit animas, & reducit : tartarei ministri repetunt & pertrahunt animas impiorum. (b) Stulte. Ipsis illis æternis cruciatibus major est stultitiæ nota. Qui enim paulò post erat rapiendus à vita, quæ cogitat ? ... Sed vide dispensationem iusti iudicii Dei : indulget ei, prodere ac proferre omnia consilia sua : publicare sententiam suam, ut & ipse dignam tali mente ac voto, condemnationis sententiam ferat. Quod utique

(b) *chrysol. serm. 104.*

que propterea scriptum est, non tantum ut quid ille passus sit, nosceremus, sed quomodo nos effugere debeamus, ne similiter condemnemur...

Caveamus exemplum divitis istius, qui dum præsentes divitias concludit, & de futuris sollicitudinem gerit; divitiis pariter abreptus & vita, protrahitur ad tribunal horrificum, in quo, accusatrix quidem hujus assistit, ipsa illa, quæ & totius vitæ ejus comes extitit, avaritia; defensor verò & intercessor nusquam ullus apparet. Circumspectat namque Sanctorum multitudinem divinis tribunalibus assistentem, & intentis ac sollicitis oculis circumlustrat si quem fortè videat charum sibi ac familiarem in hac vita obsequio suo factum, nec usquam tamen ullum invenit. (c) Justo Dei judicio factum est, ut qui temporali substantia solummodò gaudere curabat, uno momento & temporalem pariter & æternam amitteret gloriam. (d) Jam patet, quod sæpius

M

(c) *Ambr. serm. 81.* (d) *Laurent. Justinianus discipl. monast. conversas. c. 4.*

266 CONSIDERATIO XV.

Sapientum voce definitum vix credebatur: Pecuniarum scilicet compendia dispendio salutis comparari. En ab hoc divite anima, ipsâ nocte, qua de horreis cogitarat, repetitur. Quod verbum apertè indicat, dæmoni eam oppignerasse, ut opes augeret. Vix reperies, qui opes possideat & animam. Illam enim produnt, ut has teneant. (e) *Expavesce, & horresce totus, quisquis adhuc temporalibus inhias, id quod Servator noster subjungit: Sic est qui sibi thesaurizat, & non est in Deum dives.* (f) *Exhorrescant omnes divites, abundantes pecunia, auro, argento, familia, honoribus; exhorrescant, quod dictum est: Domine, in civitate tua imaginem ipsorum ad nihilum rediges.* (Ps. 72.) *Nónne digni sunt hæc pati, ut Deus in civitate sua imaginem eorum ad nihilum redigat, quia & ipsi in civitate sua terrena imaginem Dei ad nihilum redegerunt?* (g) *Recordamini in Evangelio divitem illum, & pauperem illum. Divitem indutum purpura & bysso, & quotidiana-*

(e) R. P. Oliva *Stromat.* l. 13. ex c. 12. *Luc.* 17 v. 20. (f) *Luc.* 12, 21. (g) *August.* in *Ps.* 72.

MORS DIVITIS. 267

nis epulis saginatum; pauperem vero illum, jacentem ante januam divitis, esurientem, & de mensa ejus micas requirentem, ulceribus plenum, à canibus linctum... Contingit mori inopem illum, & auferri ab Angelis in sinum Abrahæ. Mortuus est autem & dives, & sepultus est in inferno. Cùm autem in tormentis esset, levavit oculos, & vidit Lazarum requiescentem in sinu Abrahæ. Tunc clamavit... Superbus temporis, mendicus inferni... De duobus ergo istis, dicite mihi, quis est benè mortuus, & quis est malè mortuus? (h) Pauper beatitudinem emit mendicitate, & dives supplicium facultate. Ille in Abrahæ gremio ab Angelis elevatur; dives verò ad inferni profunda perducitur: de quo loco vidit dives pauperem, imò jam pauper divitem. Desiderat guttam, qui negaverat micam.... Ergo inter divitem purpuratum, & Lazarum ulcerosum, mutatæ sunt vices. Dives perdidit quod habebat, pauper coepit esse quod non erat. Dives ille in sæculo apothecas plenas reliquerat, &

M 2

h) Aug. de verb. dom. serm. 24.

268 CONSIDERATIO XVI.

in inferno guttam ardens petebat, & impetrare non poterat. Attendite, Fratres. (i) Dives fuit ille, de quo nunc loquimur: divites sunt & isti, ad quos nunc loquimur. Unius sunt nominis; caveant, ne sint etiam conditionis. (k)

(i) Aug. de Temp. serm. 227.

(k) Salvian. ad Eccle. l. 3.



CONSIDERATIO XVI.

HÆREDITAS SOLLICITE TRANSMISSA.

I. **E** St & alia infirmitas (*miseria, afflictio; ex Hieronymo & Ambrosio, languor; ex aliis, ægrotudo*) pessima, quam vidi sub sole: Divitiæ conservatæ in malum domini sui, (imò potiùs, servi sui; *addit Hugo Cardinalis.*) Pereunt enim in afflictione pessimâ. Generavit filium, qui in summa egestate erit. (a) Quia scilicet perierunt

(a) Eccle. 5.

opes, five furto, five alio casu, parenti; aut quia filius eas prodigè consumpsit; vel quia filius patrem secutus, sordidè opibus inhiat, nec audet iis uti, sed fame & ærumnis tabelcit, ut opes intactas conservet. (b) *Quam ob causam seipsum increpans & corrigens Salomon*, Rursus detestatus sum, ait, omnem industriam meam, qua sub sole studiosissimè laboravi, habiturus hæredem post me, quem ignoro, utrum sapiens an stultus futurus sit: & dominabitur in laboribus meis, quibus desudavi, & sollicitus fui: & est quidquam tam vanum? (c) *Vnde & alter Sapiens*: Viro cupido & tenaci sine ratione est substantia; & homini livido (avaro) ad quid aurum? Qui acervat ex animo suo (sibi ipsi subtrahens) injustè, aliis congregat: & in bonis illius alius luxuriabitur. Qui sibi nequam est, cui alii bonus erit? & non jucundabitur in divitiis suis. (d) Thesaurizat, & ignorat cui congregabit ea. (e) *Quocirca sapienter Olympiodorus*, Melius est, inquit, nosip-

M 3

(b) *Corn. à Lapide ibi.* (c) *Eccle. 2.*

(d) *Eccle. 14.* (e) *Pf. 38.*

270 CONSIDERATIO XVI.

fos, dum sumus in hac vita, dispensare divitias nostras in pauperum ac egenorum necessitates, ut ita thesaurum habeamus indeficientem in cœlis, quàm alios in hæreditatem transmittere, qualescumque demum eos fore contingat. (f) *Et iterum Siracides*: Ante mortem benefac amico (ex *Lirano*, proximo) tuo, & secundùm vires tuas exporrigens da pauperi. Nónne aliis relinques dolores & labores tuos (*opes tuas*) in divisione fortis? Da, & accipe. (g) Ordinavit enim Deus, quòd aliqui sint pauperes, & aliqui divites, ut divites pauperibus dent temporalia, & pro eis recipiant æterna. (h) *Et Christus ipse*, Et ego vobis dico: Facite vobis amicos de mammona iniquitatis, ut cùm defeceritis, recipiant vos in æterna tabernacula. (i) At dices, necessarias esse opes liberorum causâ. Perbellè tu quidem avaritiam tuam hoc nomine velas, ac tegis: liberos enim præten-dis, cor verò avaritiâ plenum geris. Ne, obsecro, culpam transferas in innocentem. Habet enim is proprium do-

(f) *Olympiod. in Ecc'le. 2. v. 19.* (g) *Eccli. 14.*

(h) *Liran. ibi.* (i) *Luc. 16.*

minum, habet proprium œconomum, cui vitam acceptam refert, & à quo vitæ sumptus expectat. Num his, qui uxores sibi adjunxerunt, Evangelium scriptum non est? scriptum etenim est: Si vis omni ex parte perfectus esse, vende omnia quæ habes, & da pauperibus. (Matth. 19.) Quando petebas à Domino, ut te liberis frangi ornaret, num etiam illud addidisti: Da mihi filios, ut mandata tua negligam, ac nihili pendam; Da mihi liberos, ne in regnum cœlorum intrem? Quis verò sponsionem faciet, filium tuum, rebus datis ac relictis, rectè usurum? Multis enim divitiæ ministras se præbuerunt ad intemperantiam. Vide igitur, ne eas divitias, quas magno cum labore congestisti, aliis velut materiem quandam peccandi des, & ne deinde binas poenas pendas, tum ob ea quæ ipse perperam fecisti, tum ad quæ perpetranda campum alteri suppeditasti. (k) Nonne cunctis liberis conjunctior est tibi anima tua? non.

M 4

(k) Basil. orat. 14. de divitiis, & hom. 7. in divites.

272 CONSIDERATIO XVI.

ne omnium familiarissima ? Huic tu primas da partes divitis hæreditatis, vitæ videlicet æternæ divitem materiam ; deinde filiis victum distribue. Filii namque quandoque domui paternæ minimè succedentes, aliam sibi constituunt. At anima abs te relicta neglectaque apud quem misericordiam inveniet ? (l) Fili, *monet Scriptura sancta*, si habes, benefac tecum, & Deo dignas oblationes offer. (m) Benefacit animæ suæ vir misericors. (n) *Et iterum* : Misericordiam tuam placens Deo. (o) Vide pietatem erga te Domini nostri ; vide quàm misericors sit Dominus Deus noster, qui nos ipsos pro nobis misericordiam rogat. (p) *Et atibi* : Peccata tua eleëmofynis redime. (q) Bona est oratio cum jejunio, & eleëmofyna magis quàm thesauros auri recondere. Quoniam eleëmofyna à morte liberat, & ipsa est quæ purgat peccata, & facit invenire misericordiam, & vitam æternam. (r) Non liberabunt filii divites parentes reos : nec restinguet flam-

(l) *Idem hom. illâ 7.* (m) *Eccli. 14.* (n) *Proverb. 11.* (o) *Eccli. 30.* (p) *Salvian. ad Eccle. l. 3.* (q) *Dan. 4.* (r) *Tob. 12.*

mas miseri testatoris , delitiis affluens opulentus hæres. Durum est, ab aliquo filiis ac propinquis parum relinqui. Multò est durius , in æternitate torqueri. . . . Hæc ergo cogitent , qui dum filios habere post mortem divites cupiunt , futurorum suppliciorum nec in morte meminerunt. Hæc cogitent , qui , ut in hac caduca & brevi vita hæredes divites habeant , æterna seipso morte condemnant. (s)

II. Babylonia est mundus iste. Babylonia enim interpretatur confusio. Videte , si non est confusio tota vita humana. Quidquid agunt homines in spe vanâ , cum agnoverint quid agunt , erubescunt. Quare laborant ? Cui laborant ? Filiis meis , inquit . Et ipsi , cui ? Filiis suis . Et ipsi , quibus ? Filiis suis . Nemo ergo sibi. (a) Et ipsi filii servant , quod reliquerunt eis parentes sui . Parum est quia servant ; & augent . Quibus & ipsi servant ? Filiis suis , & illi filiis , & tertii filiis . Quid Christo ? Quid animæ suæ ? Omnia filiis . Inter filios suos quos habent in terra , com-

M 5

(s) *Salvian. sup.*

(a) *Aug. in Ps. 125.*

274 CONSIDERATIO XVI.

putent unum fratrem quem habent in coelo, cui totum dare debebant, vè dividant cum illo. (b) Numera filios tuos : adde unum illum inter illos Dominum Deum tuum. Unum habes; sit ille secundus : duos habes ; sit ille tertius : tres habes ; sit ille quartus. Nihil horum vis. (c) Et relinquent alienis divitias suas. (d) Quare dixit, alienis ? Quia nihil eis prodesse possunt. (e) Noli parcere thesauris caducis, thesauris vanis. Noli sub imagine pietatis augere pecuniam. Filiis, inquis, meis servo. Magna excusatio, Filiis meis servo. Videamus. Servat tibi pater tuus, servas tu filiis tuis, filii tui filiis suis, & sic per omnes; & nullus est factururus praecepta Dei. Quare non illi potius impendis omnia qui te fecit ex nihilo ? Qui te fecit, ipse te pascit : ex his quæ fecit, pascit & filios tuos. Neque enim melius committis filio tuo patrimonium tuum, quàm Creatori tuo. Et mentiuntur quidem homines. Mala est, inquiunt, avaritia. Palliare se volunt

(b) *August. in Ps. 48.* (c) *Idem l. Discipl. Christi. c. 1.* (d) *Ps. 48.* (e) *Aug. in istum Ps.*

nomine pietatis, & dealbare, ut quasi propter filios videantur servare homines, quod propter avaritiam servant. Nam ut noveritis quia sic plerumque contingit, dicitur de quodam, Quare non facit eleemosynam? Quia servat filiis suis. Contingit ut amittat unum. Si propter filios servabat, mittat post illum partem suam An non potest mitti in cœlum? Potest prorsus. Audi ipsum Dominum dicentem, Thesaurizate vobis thesauros in cœlo. (Matth. 6.) Si ergo ille thesaurus melius est custoditus in cœlo, numquid tunc mittendus est filio, quando, si missus fuerit, non peribit? Tenetur hîc ubi potest perire, non mittitur illuc ubi Christus est custos ... An idoneus est tibi procurator tuus, & minus idoneus est Christus? Videtis, Fratres, quia mendacium est quod dicunt homines, Filiis meis servo. Mendacium est, Fratres mei, mendacium est; avari sunt homines. *Hac magnus ille Augustinus. (f) Audi & Chrysostomum.* Certè cuncta pervertit, atque dejicit immen-

(f) Aug. l. de decem chordis c. 12.

276 · CONSIDERATIO XVI.

sa divitiarum cupiditas ; & , ceu crudelissimus quidam tyrannus , arce occupatâ , libertate civitatem privat : sic animis omnium dejectis , verum Dei timorem turpiter expellit. Ideoque tam nostram , quàm liberorum salutem negligimus ; ac unum solummodo respicimus , ut magis locupletati magnum pecuniarum numerum aliis relinquamus , qui pariter aliis , atque isti postea aliis relinquant : sic pecuniarum transmissores (ut ita dicam) ad posteros , non domini sumus. (g)

Atque , quòd non ex vero erga liberos amore , sed ex insana quâ feruntur in divitias homines cupiditate , in quibus velut superstites esse post mortem velint , eas filiis transmittant , patet ex præclara illa oratione , qua Salvianus Massiliensis Presbyter , ac postea Episcopus , (h) describit , deploratq₃ hominum , ut ipse appellat , impietatem , qui liberis suis , in religiosis domibus Deo sese mancipientibus , nihil aut certe minus quàm aliis in saculo remanentibus , relinquunt. Pauca hîc exscribam : juvabit cetera perlegisse. Nullis à suis minus relinquitur , quàm quibus ob Dei re-

(g) Chrysost. in Matth. hom. 60.

(h) Bellarm. de Scriptor. Eccle.

verentiam plus debetur. Si qui à parentibus filii offeruntur Deo, indigni judicantur hæreditate, qui digni fuerint consecratione : ac per hoc unâ tantum re parentibus viles fiunt, quia cœperint Deo esse pretiosi. Ex quo intelligi potest, quòd nullus pænè apud homines vilior est, quàm Deus : cujus utique fit despectione, ut eos præcipuè parentes filios spernant, qui ad Deum cœperint pertinere. Sed præclaram videlicet, qui hæc faciunt, rationem consilii sui reddunt, dicentes: Quid opus est, ut filiis jam religiosi æqua hæreditatis portio relinquatur? Nihil ergo justius, nihil dignius, quàm ut quia cœperunt religiosi esse, mendicant: non quidem quòd eos hæc res mendicitate oppressura sit, quòd à terrenis rebus abdicantur, cœlum spe possidentes, citò etiam repossessuros, regente illos Deo suo, ac protegente, qui eos, cum immortali spe æternorum, etiam sufficientiâ temporalium muneratur. Sed tamen, quantum ad inhumanitatem parentum pertinet, egent, à quibus sic relictæ sunt, ut egerent.... Dicitis, quid opus sit religiosi æqualem accipere cum fra-

278 CONSIDERATIO XVI.

tribus patrimonii portionem? Respon-
 deo, ut religionis fungantur officio, ut
 religiosorum rebus religio dicetur, ut
 donent, ut largiantur, ut illis habentibus
 cuncti habeant non habentes... Cur eis,
 quæso, ô inhumanissimi parentes, ne-
 cessitatem indignissimæ paupertatis im-
 ponitis? permittite hoc religioni ipsi:
 rectius pauperes à se fiunt. Si tantum
 eos inopes esse cupitis, concedite id
 ipsorum devotioni: liceat eis, quæ-
 sumus, ut velint pauperes fieri: e-
 ligere inopiam debent, non susti-
 nere. Postremò etiamsi sustineant,
 devotione eam tolerant, non dam-
 natione patiantur. Cur eos velut
 à natura expellitis, & quasi è jure
 sanguinis abdicatis? Cum vos
 idcò plus relinquere ex patrimonio
 vestro religiosis filiis deberetis, ut ali-
 quid ad Deum ex facultatibus vestris
 saltem per filios perveniret; idcò fi-
 liis non relinquitis, ne illi habeant,
 Deo quod relinquunt. . . . Cur, rogo,
 tam infideliter, cur tam impiè? Non
 exigimus, ut vestra Domino largia-
 mini; aliquid Deo de suo reddite. Cur
 tam avarè, cur tam impiè agitis?

HÆREDIT. TRANSMISSA. 279

Non est vestrum, quod denegatis. Iniquum ergo arbitramini, ut sæcularibus filiis religiosos filios substantiâ pares esse faciatis? Id ergo agitis, ut poeniteat eos coeptæ religionis, quos religio apud vos fecerit viles..... Quantum in vobis est, id agitis, ut sæculi eos cultores esse faciatis, quibus sæculares filios antefertis. *Hæc & alia plura Salvianus ille, (i) humana & divina litteratura instructus, & (verba sunt Gennadii) (k) Episcoporum magister, qui sæculo quinto floruit. Deflet deinde etiam infelicissimam quorundam vanitatem, & ridiculam miserorum testatorum ambitionem, qui investigant quosdam novos ac nobiles propinquos aut affines velut subitaneos, quibus res propriæ facultatis, id est, pretium redemptionis animæ suæ, addicant, omisis neglectisq; , quos apud Deum habuissent patronos & amicos, pauperibus. Prius autem idem Scriptor copiosè ostenderat, amorem ac curam paternam erga liberos, non in sollicitâ acquisitione & transmissione caducarum opum, sed virtutis*

(i) *Salv. ad Eccles. Cathol. l. 3.*

(k) *Lib. de illustr. Viri.*

280 CONSIDERATIO XVI.

ac modestia christiana, versari debere,
 eoque modo amandos filios, quo
 Deus ipse constituit. Quo modo igitur
 Deus amari filios jusserit, non dico
 ego, dicat sermo ipse divinus, qui
 ad patres omnes generaliter ita loquitur,
 ut tradant mandata Dei filiis suis,
 ut ponant in Deo spem suam, & non
 obliviscantur operum Dei sui, & mandata
 ejus exquirant. (Ps 77.) Alibi
 quoque: Et vos, inquit, Patres,
 nolite ad iracundiam provocare filios
 vestros, sed educate illos in disciplina
 & correptione Dei. (Ephes. 6.) Vi-
 detis, quas parari opes à parentibus
 filiis Deus jubeat; non pecuniarios
 thesauros, nec graves aureo metallo
 saccos, habentes quidem multum
 ponderis, sed plus tamen iniquitatis;
 non superbas ac præeminentes excelsis
 urbibus domos, &c. Quid ergo æstuas
 paterna pietas? quid ad conquirenda
 terrena & peritura distenderis?
 Nihil majus præstare filiis potes,
 quàm si hoc bonum per te habeant,
 quod nunquam penitus amittant.
 Non necesse est ergo, ut filio tuo
 terrenos thesauros recondas: nul-

HÆREDIT. TRANSMISSA. 281

la re eum facies ditio-rem , quàm si ipsum filium tuum thesaurum Dei feceris. (l) *Ita ille , ex Christi sensu. Et Chrysostomus* : Cupis hæreditatem bonam filiis relinquere ? Eleemosynam relinque. (m) Et nunc hoc filiis da chirographum , & Deum relinque debitorem. (n) Nam illis omnia si reliqueris , rursus incertæ custodiæ tuæ omnia committis : qui si illis Deum relinquis cohæredem ac curatorem , infinitos thesauros relinquis. Quemadmodum enim cum de nobismetipsis ultionem sumimus , nobis tum Deus non opitulatur ; cum autem illius arbitratui rem permittimus , tum expectationem nostram rei exitus superat : sic & in pecuniarum ratione usu venit. Si nostram in eis cogitationem fixerimus , desinit ille de illis curam habere : sin illi negotium totum commiserimus , fiet ut & illas & liberos item in omni securitate collocet. . . . Itaque si liberis tuis magnas opes relinquere vis , Dei providentiam relinquito. . . . Relinquito eis Deum debi-

(l) *Salv. ad Eccle. l. 1.* (m) *Chrysost. de paenit. hom. 9.* (n) *Idem hom. 33. ad Pop.*

282 CONSIDERATIO XVI.

torem, ipsique Deo has testamentarias tabulas porrigito. (o): Illi assigna facultates tuas, quas hæredibus servas: ille sit liberis tuis tutor, ille curator, ille contra omnes injurias sæculares divina majestate protector. Patrimonium Deo creditum nec respublica eripit, nec fiscus invadit, nec calumnia aliqua forensis evertit. In tuto hæreditas ponitur, quæ Deo custode servatur. Hoc est charis pignoribus in posterum providere: hoc est futuris hæredibus paterna pietate consulere, secundum fidem Scripturæ sanctæ dicentis: Junior fui, etenim senui, & non vidi justum derelictum, nec semen ejus quærens panem. *Tota die miseretur, & commodat: & semen illius in benedictione erit. Ps. 36. (p)*

III. Prævaricator itaque & proditor pater es, nisi filiis tuis fideliter consulas, nisi conservandis eis religiosa & vera pietate prospicias. Qui studes terreno magis quam cœlesti patrimonio, filios tuos diabolo ma-

[o] *Chrysost in ep. ad Rom. ho. 7. & ad Pop. ho. 33. [p] Cyprian. de opere & eleem.*

HÆREDIT. TRANSMISSA. 283

gis commendare quàm Christo, bis delinquis, & geminum ac duplex crimen admittis: & quòd non præparas filiis tuis Dei patris auxilium, & quòd doces filios patrimonium plus amare quàm Christum. Esto potius liberis tuis pater talis, qualis Tobias extitit. Da utilia & salutaria præcepta pignoribus, qualia ille filio dedit: manda filiis tuis, quod & ille filio mandavit, (a) dicens: Omnibus diebus vitæ tuæ in mente habeto Deum: & cave ne aliquando peccato consentias, & prætermittas præcepta Domini Dei nostri. Ex substantia tua fac eleemosynam, & noli avertere faciem tuam ab ullo paupere: ita enim fiet, ut nec à te avertatur facies Domini. Quo modo potueris, ita esto misericors. Si multum tibi fuerit, abundanter tribue: si exiguum tibi fuerit, etiam exiguum libenter impertiri stude. Præmium enim bonum tibi thesaurizas in die necessitatis. Quoniam eleemosyna ab omni peccato, & à morte liberat, & non patietur animam ire in tenebras. Fiducia magna

(a) *Cyprian. ibid.*

284 CONSIDERATIO XVI.

erit coram summo Deo, eleemosyna, omnibus facientibus eam ... Noli timere fili mi : pauperem quidem vitam gerimus, sed multa bona habebimus, si timuerimus Deum, & recesserimus ab omni peccato, & fecerimus benè. (b) *Hæc Sanctus Tobias filio suo, unicè sollicitus de timore & amore Dei illi relinquendo, Sanctorum utique hæreditate.* In hora autem mortis suæ vocavit ad se Tobiam filium suum, & septem juvenes filios ejus nepotes suos, dixitque eis: Audite, filii mei, patrem vestrum : servite Domino in veritate, & inquirete ut faciatis quæ placita sunt illi: & filiis vestris mandate, ut faciant justitias & eleemosynas, ut sint memores Dei, & benedicant eum in omni tempore in veritate, & in tota virtute sua. (c) *Hæc est hæreditas servorum Domini, & justitia eorum apud me, dicit Dominus: (d) hæreditas eorum in æternum erit. Non confundentur in tempore malo, & in diebus famis saturabuntur. (e) Ego enim hæreditas, &*

(b) Tob. 4. (c) Tob. 14. (d) Isai. 54.

(e) Ps. 36.

HÆREDIT. TRANSMISSA. 285

possessio eorum, ait Dominus Deus. (f) Ita benedictionem accepit à Domino, (g) *misericordis Tobia optimus filius*, & semen illius in benedictione fuit. (h) *Quod & clarè annotat Scriptura: Et completis annis nonaginta novem in timore Domini, cum gaudio sepelierunt eum. Omnis autem cognatio ejus, & omnis generatio ejus, in bona vita, & in sancta conversatione permansit, ita ut accepti essent tam Deo, quàm hominibus, & cunctis habitantibus in terra. (i) En hereditatem præclaram. Vis similem liberis tuis obvenire? Pietatem illis relinque, & Christum debitorem ac tutorem. Constantinopoli civis quidam prædives, in eleemosynas effusus, vocato ad se filio, coràmque expositis divitiis omnibus, Vtrum tibi gratius est, fili, inquit: istasne omnes tibi dimittam pecunias, an Christum curatorem? Cui ille prudentissimè; Christum se præoptare, respondit: Bona siquidem ista terrena omnia præterire, hodie esse, cras evanescere, Christum verò aeternum permanere. Sapienti responso recreatus pater,*

(f) *Ezech.* 48. (g) *Pf.* 23. (h) *Pf.* 36.

(i) *Tob.* 14.

286 CONSIDERATIO XVI.

liberrimè omnia & largâ manu pauperibus erogavit, aded ut moriens modicum quid filio vix relinqueret. At is plenus in Deum suum fiducia, luculentè expertus est quam fidelis & copiosus remunerator sit Christus. Eâdem in civitate, parentibus benè locupletibus, ac Deum timentibus, unica erat filia, morum & opum hares. Huic de qua-
rendo sponso pietate instructo cùm delibe-
rant parentes optimi, inter eos convenit,
ut mater ad adem sacram pergat, ac fusis
ad Deum, communem omnium parentem,
precbus, eum adsciscat in sponsum filia,
qui primus adem ingrediatur. Ita factam;
benè favente Numine. Orante matronâ,
ingreditur juvenis ille, & divino velut in-
stinctu afflata mulier, mittit è famulis
unum, qui juvenem roget, quis, qua do-
mo? Vbi filium celebris illius eleemosyna-
rii intellexit, illicò generum sibi expetit,
& filiam totâmque hereditatem addicit.
(k) En illustrius divitias suas pauperibus
& Christo transcribentis exemplum & pra-
mium. Arnalphus, ex nobilissimo Franco-
rum stemmate, & Palatii moderator seu
Major-domus, postea deserto saeculo Meten-
sis Episcopus, vita sanctitate & miracu-

[k] Ioann. Moschus Prat. Spirit. c. 201.

lis celebris : duos prius è legitimo matrimonio suscepit liberos , Clodulphum , & Anchisum seu Anchisen : cùmque esset in egenos admodum liberalis , conatus est eos pertrahere in piam suam voluntatem , quâ omnes facultates in pauperum usus elargiretur. Renuente Clodulpho primogenito ; Anchisus , in Christo , qui quæ pauperibus fiunt , sibi fieri proficitur , spem piè collocans , partem , quæ sibi obtingeret , in patris arbitrium manusque remittit. Gratulatus filio piissimus parens , fausta illi apprecatur , ejusque progeniei in posterum securura , ac longè plura , quam reliquerit , adepturum pradicat. Nec fefellit spes eventus & vota. Siquidem multò copiosiores Anchiso accessere divitiæ , & ex ipso Reges & Imperatores multi originem duxere : Ipse enim Pipinum genuit , Pipinus Carolum Martellum , hic Pipinum Iuniorum , ex quo Carolus Magnus , & ex hoc ceteri Francorum Reges. (1) Hac lata , quæ te excitent ad Christum seu pauperes saltem coheredes opum tuarum scribendos. En quidam ex plurimis tristitia , quæ te avocent ab avara & sollicitâ mente filiis posterisque

(1) Paul. Warnefrid. de Episc. Met. relatus ab Andr. du Chesne Hist. Franc. Script. 10. 2. pag. 201.

tuis congregandi multa & transcribendi. Successores cujusdam Comititis, qui contra jus pradium quoddam Ecclesia Metensis possederat, & posteris transmiserat, visi sunt ad inferos cum illo detrusti, etiam decimus ipse haeres, qui cetera probè vixisse & obiisse videbatur. (m) B. Maria Ogniacensi videndam se à morte praeiit misera mater, asserens se ad inferos damnatam, quòd innutrita fuisset, & vixisset in iis quae per injusta mercimonia & usuras acquisita fuerant, nec, mali conscia, curasset restitui, mundique fallacibus viis institisset. (n) Furiales diras, aeternumque mutuas parentum liberorumque execrationes, quibus hi materiem sibi vitiorum mundanaeque vanitatis à malesanis parentibus relictis amplis facultatibus subministratam detestantur; illi contra, ut filios ditarent, vitam salutemq; perditam: ejusmodi, inquam, tartareas imprecationes, leges, mi Christiane, non sine horrore & fructu, apud S. Antoninum Florentinorum Archiepiscopum, (o) Guilielmum Peraldum Episcopum Lugdunensem

(m) Petr. Damiani l. 1. ep. 9. ad Nicol. II. Baron. tom XI. an. 1055. n. 13. (n) Th. Cantiprat. l. 2. Apum c. 54. n. 18. (o) Antonin. 2. p. summa tit. 1. c. 7. §. 3.

HÆREDIT. TRANSMISSA. 289

nensem, (p) *Dionysium Carthusianum Doctorem Ecstaticum*, (q) & *alios*. Ad extremum appono verba, quibus magnus is *vita Christiana* magister *Dionysius* viduam quandam, extremo, quem ad illam scribebat, contra avaritiam libro, sapienter monet, ut servatâ sibi honestâ portione, congruentem quoque cognatis assignet ex vera charitate, non ut eos, inquit, immoderatè dites, aut elevés in sæculo isto. Si verò ex carnali amore ditares & elevares eos in vita ista superfluè, omnia peccata eorum ex tali ditatione & elevatione eorum sequentia, imputarentur tibi à Deo, & simul cum eis damnareris. Ipsi quoque in inferno æternaliter maledicerent tibi, & damnationem tibi cum maximo odio imputarent, sicut de hoc loquuntur multa exempla authentica. Residuam verò pecuniam eroges in usus piòs, succurrendo pauperibus, & cœnobia collapsa ac deformata recuperando pro posse tuo, &c. (r)

N

(p) *Perald. Sum. vitior. to. 2. tr. 4. p. 3.*

(q) *Dion. Carth. de 4. novis. art. 42.*

(r) *Dion. Carth. lib. contra avaris. c. 10.*



CONSIDERATIO XVII.

FOENERATIO CHRISTIANA.

I. **F**OENERATUR Domino, qui miseretur pauperis, & vicissitudinem suam reddet ei : *ex Chaldaeo* : & retributio bona retribuetur ei. (a) Recipiet enim magna pro modicis, & cœlestia pro terrenis. (b) Ecce bonum fœnus de malo factum est. Ecce irreprehensibilis fœenerator; ecce usura laudabilis. Nolite ergo jam invidentem me vestris commodis æstimare. Putatis quòd hominem subtraham vobis debitorem? Dominum provideo, Christum surrogo; illum demonstro, qui vos fraudare non possit. Fœnerate ergo Domino pecuniam vestram in manu pauperis. Ille adstringitur & tenetur; ille scribit, quidquid egenus acceperit. Evangelium ejus cautio est.

(a) *Prov.* 19. (b) *S. Gaudent. Ep. Erix. serm.* 13.

Ille promittit pro omnibus indigentibus; ille dicit (fidem; quid dubitatis dare? Si quis vobis dives hujus sæculi offeratur, qui fide promittat sua pro aliquo debitore, statim numeratis pecuniam. Pauper est vobis Dominus cœli, & conditor mundi hujus: & adhuc deliberatis, quem ditiores quærat fidejussorem? (c) Sed, cur non dixit, Qui miseretur pauperis, dat Deo, sed, foeneratur? Novit Scriptura avaritiam nostram: intellexit appetitum nostrum insatiabilem, qui sibi majora ad appetendum proponit, redundantiam ac plus semper quærere: ob eamque causam non dixit omnino, Qui miseretur pauperis, dat Deo, ut ne simplicem largitionem & vicissitudinem mercedis existimes; sed, Qui miseretur pauperis, Deo foeneratur, ut avarus & lucri cupidus, audito usuræ nomine, se ipse misericordiæ dederet, Qui misericordia cum paupere utitur, Deo dat fœnori. Si Deus à nobis fœnori accipit, ergo noster est debitor. Utrum ergo cum habere vis, judicem, an debito-

N 2

(c) *Ambr. de Tobia cap. 16.*

292 CONSIDERATIO XVII.

rem ? (d) Fœneranti dicit Deus : Non credis huic (*pauperi*) per inopiam , mihi per divitias crede. Vidit pauperem , neque sprexit , sed semetipsum dedit pignus nihil habenti , atque inopi adstitit suâ multâ de bonitate. Veram hanc constat esse clementiam , probante sancto David , & dicente : Adstitit à dextris pauperis. (*Pf.* 108.) Confide mihi fœnerans Ego tuam supero avaritiam , superexcedo immensam illam cupiditatem , atque meâ ubertate immoderantiam tuam. Centum quæris : ego centuplum tribuo ... Audi quando & ubi tibi debitum reddet , cui per pauperes fœneraris. Cum sedebit super sedem majestatis suæ &c. (*Matth.* 25.) Deus occultè mutuum accipiens , palàm debitum reddit , in oculis universæ creaturæ. (e) Quòd si festinas , neque tempus expectas remunerationis , intellige eos qui pecunias hominibus fœnori dant , nolle continuò usuras exigere : sed gratum est eis , diutiùs in debitorum manibus summam esse , modò cautio-

[d] *Chrysost.* to. i. *hom.* in illud *Pf.* 38. Verumtamen vanè conturbatur omnis homo, & *infra*.

(e) *Chrysost.* *hom.* 5. de pœnitent.

nem habeant, neque debitor suspectus sit. Idem hoc quoque in loco fiat. Dimitte res tuas apud Deum; & tibi multiplicem mercedem reddet. Noli in hoc sæculo mercedem exigere. Nam si hic totum accipies, quomodo illico fruëris? Propterea Deus illic reservat, quandoquidem caduca est præsens vita. Verum & in hoc quoque sæculo largitur. Quærite enim regnum cælorum, inquit, & hæc omnia adjicientur vobis. Matth. 6. (f) Habes igitur locupletissimum debitorem. Num indignatur hic debitor, cum fœnus exigitur? ... Non cernis ejus nullo explicabiles sermone thesauros? Ipsum igitur tene, ipsumque exige: hac enim exactio-
ne delectatur.... Se principalem debitorem tuum, seque vult esse vadem, præbens tibi occasiones innumeras exigendi.... Sed non tibi in præsentî cuncta restituet. Verum hoc quoque tuo commodo facit. Est quippe talis hic debitor, non qui, ut alii, festinet ipsum tantummodò mutuo datum exsolvere: sed agit omnia, ut quod da-

N 3

(f) Idem in 1. Cor. bem. 15.

294 CONSIDERATIO XVII.

tum est, maneat in tuto. Propterea hic quidem reddit ex parte, maximum autem tibi in futuro thesaurum reservat. (g) Vide quàm latè crescat fœnus tuum. Da modica, accipe magna. Da temporalia, accipe æterna. Da terram, accipe cœlum.... Non eget à te Deus, sed habes alium qui à te egeat. Illi porrigis, ille accipit. Non enim habet pauper quod tibi retribuatur, & tamen ipse vult retribuere, & non invenit quid; sola in illo remanet benevolentia orandi pro te. Cùm autem pauper orat pro te, tanquam Deo dicit: Domine, mutuum accepi, fide dic pro me. Proinde etsi non tenes pauperem redditorem; idoneum tenes fidejussorem. Ecce Deus tibi de Scriptura sua dicit, Da, securus esto, reddam. Quomodo solent dicere fidejussores? Quid dicunt? Ego reddo, ego accipio, mihi das. Putamúsne & hoc dicit Deus, Ego accipio, mihi das? Planè si Deus Christus, quod non dubitatur: ipse dixit: Esurivi, & dedistis mihi manducare. (Matth. 25.) ... Eia, avare fœnerator, vide quid dedisti, vide quid accipies.

(g) *Chrysost. in Matth. hom. 15.*

cepturus es. Si dedisses paucam pecuniam, & ille cui dederas, pro parva pecunia tua daret tibi magnam villam, incomparabiliter amplius valentem, quàm tu pecuniam dederas, quantas gratias ageres, quantâ lætitiâ tolleretur? Audi, quam possessionem det quem foenerasti: Venite benedicti Patris mei, percipite. Quid? Quod dedistis? Absit. Terrena dedistis, quæ si non dedissetis, in terra putrescerent. Quod perituum erat in terra, servatum est in cœlo. Ergo quod servatum est, hoc accepturi sumus. Servatum est meritum, factus est thesaurus tuus meritum tuum. Nam vide quid sis accepturus. Percipite regnum, quod vobis paratum est ab initio mundi. Ad hoc ambite, hoc emite, ad hoc foenerate. Habetis Christum in cœlo sedentem, in terra petentem. (h) Foenerando pauperibus, omnes copias avaritiæ subactas vestrum sine invidia transfertis in censum. Quid enim esse potest ditius homine, cujus profitetur Deus se esse debitorem? (i) O abun-

N 4

(h) *August. in Ps. 36. conc. 3.*[i] *Zeno serm. 2. de avaritia.*

dantia bonitatis Dei ! vult scenerari ex iis, quæ ipse largitus est. Cupit debitor fieri donorum suorum, ut cum multa tibi ratione tuam reddat usuram. (k)

II. Christe, quò te pertrahit amor tuorum ? ut avarum lucrifacias, facis cum quod desiderat, non quod oportet, audire : sacculos imperas : æternos thesauros, qui non deficient, vis parari ; ut avarus dum consueta percurrit ad lucra, aut virtutem capiat, aut à virtute capiatur. Verè pater es, qui cum tuis quibuscumque parvulis sic agis. Namque & nos interdum nostris parvulis petentibus noxia, ingerimus salutaria sub specie noxiorum, fallentes insipientiam, non decipientes affectum. Dixisti : Facite vobis sacculos qui non veterascunt, thesauros non deficientes in cœlo. Sacculus cur paratur ? Quid ibi claustra, ubi ipsa custos est innocentia ? Ibi quid signaculum, ubi fraudis suspicio non habetur ? Si & in cœlo sacculis opus est, cura non amittitur, sed mutatur. Domine, tu vidisti, quia in thesauris tota fides, tota spes in sacculis, sit [k] *Paulin. ep. 32. de gazophyl.*

FOENERAT. CHRISTIANA. 297

avaris : & idcò imputribiles in cœlo sacculos vis parari , ut qui te non sequitur ad cœlum , sequatur saltem sacculos suos. Avare , fac tibi sacculos , & fac jubente Deo : quia votis tuis annuit divina majestas. Sed fac tibi sacculos erogando : quia quidquid pauper acceperit , Pater cœlestis suscipit. Et ubi recondit ? in cœlo. Et ne fortè perdidisse te doceas vel usuram , centuplum in cœlesti fœnore recipies , quidquid in cœlo , paupere transmiseris perferente. Usura mundi centum ad unum ; Deus unum accipit ad centum : & tamen homines cum Deo nolunt habere contractum. Sunt fortasse de cautione solliciti. Quare ? Nōne homo homini exiguæ chartulæ obligatione constringitur ? Deus tot & tantis voluminibus cavet : & debitor non tenetur ? Sed dicis , Esto quod debeat : quo exigente restituet ? seipso : quia non potest ille mentiri : idem ipse est & executor & debitor. Non erit in reddendo durus , qui profusus est in largiendo. Crede , homo , Deo , quod tibi Deus dedit : majora reddere vult , cū vult debere largi-

298 CONSIDERATIO XVII.

tor. (a) Crede, inquam, illi, qui, quod afflicto datur, perpetuò quasi suæ personæ datum amplectitur, & de suo reddit, dignus ubique fidejussor, terra marique apertos habens thesauros... magnificus est in dando fœnore. (b) Etenim gratiam habet & debens & erogans nobis Deus : & quibus maximè debet, hos maximè diligit. Itaque si vis eum semper amicum habere, constitue debitorem. Nec enim fœnerator debitores habens gaudet, sicut Deus creditores habens delectatur. Et quibus quidem nihil debet, hos refugit : quibus verò debet, ad hos accurrit. Igitur omnia faciamus, ut ipsum habeamus debitorem. Hoc enim fœnorum tempus est, & nunc in necessitate constitutus est. Nisi igitur nunc ei dederis, postquam hinc migraveris, tui non indigebit : hinc enim fitit, hinc esurit : fitit autem, quando tuam salutem fitit. Et propterea quoque mendicat, & nudus circumit tibi negotians vitam immortalem. Eum itaque

(a) Chrysolog. serm. 25. (b) Basil. hom. 8. in divites avaros.

ne despexeris. (c) Qui tibi dedit opes, per pauperum manus eleëmofynam à te petit : foenerare ergo Deo ; quia licet ipse quæ sua sunt, accipiat, tamen perinde ac si beneficio affectus fuisset, integram gratiam persolvit. (d) Vide usuræ raram naturam & admirabilem. Alius est qui accipit, & alius qui se dandi fœnoris reum facit ; & non hoc solum nomine : sed quia in hoc usuræ genere non est locus ingratitude, neque ulli alii damno. Neque enim, quemadmodum vulgo, simplex modò redhibitio promittitur, sed centupla dantur, & non solum centupla : nam aliqua dantur in præsentī vita, aliqua in futura, nempe vita æterna. Et in præsentī quidem vita, si quis nobis solum duplicia polliceretur pro his quæ à nobis dantur, parati essemus illi omnem substantiam adferre ; tametsi ibi magna ingratitude, multæ & stupendæ avarorum fraudes : & multi qui boni habentur, fœnus non solvunt, vel ob malevolentiam nolentes, vel sæpè & propter inopiam non valentes. Quoniam autem nihil tale, omnium

(c) Chrysost. hom. 53. ad Pop. & hom. 7. in ep. ad Rom (d) Basil. citat. à Damasc. l. 2. Paral. c. 16,

300 CONSIDERATIO XVII.

Domino imputari potest (nam & capitalis summa in tuto est, & centuplum hic promittitur eleemosynam expendentibus, & in futurum vita æterna reponitur :) quæ igitur nobis defensio erit, si negligentes fuerimus, & non festinaverimus centupla pro paucis accipere, & pro præsentibus futura, & pro temporalibus æterna? (e) Quando pauperi daturus es in Domini gratiam, idem ipsum & donum & fœnus est; donum quidem, quòd à paupere non speres te recepturum: mutuum verò sive fœnus ob Domini munificam liberalitatem pro illo reddentis, qui parva quidem per pauperem cum acceperit, maxima pro ipsis retribuet. Non vis universorum Dominum tibi ad exsolutionem authoratum habere? Si quis in civitate dives tibi pro aliis spondeat, fidejussionem illius accipis: Deum verò non admittis, tantò se plura persoluturum pauperum causâ pollicentem? (f) Quis hujusmodi debitorem recuset, debitum in tempore non sine fœnore redditurum? (g)

(e) Chrysost. in Genes. hom. 3. (f) Basil. in Ps.
14. (g) Greg. Naz. orat. 16.

FOENERAT. CHRISTIANA, 301

Nec enim ipsi quidquam amplius ex nostra fit humanitate ; sed totum in nostrum cedit emolumentum.... Ait enim, Da indigenti, ne quis tibi rapiat..... Donec ipse retines, non habes in tuto : si verò per pauperes mihi dederis, omnia tibi diligenter ipse præsto, & in tempore congruo cum multa accessione restituam. Non enim, ut auferam, sumo, sed ut plura efficiam, ut custodiam diligentius, ut ea tibi conservem in illud tempus, in quo qui mutuet nemo, nemo qui misereatur. Quid igitur nobis crudelius fuerit, qui post tot promissiones ei mutuare non sustinemus ? Inopes enim & nudi transimus ad eum, credita non habentes : quoniam ea diligentissimè super omnes custodienti non commendamus, ideoque & extremam luemus pœnam. (h)

III. Illustre sanè fœnerationis hujus Christiana exemplum habemus in Evagrio Philosopho. Hic priusquam Baptismo, ad quem instruebat Synesius Cyrenes Episcopus, tingeretur, multa è Christianis dogmatis pro fabulis & deliramentis habebat,

(h) Chrysost. hom. 53. ad Pop.

302 CONSIDERATIO XVII.

atque inter illa gnomen laudatam Salomonis : Fœneratur Domino , qui misceatur pauperis. A baptismo autem, Episcopo dedit magnam auri vim erogandam in pauperes , ab eoq^{ue} chirographum poposcit , quo promitteret illam in altera vita cum fœnore à Christo reddendam : quod & moriens filiis suis injunxit , ut post mortem in ejus manibus ponerent, & cum eo sepelirent. Ita factum. Tertio post sepulturam die , appareret Synesio Evagrius , jubet ad tumulum accedere , & chirographum recipere , sibi enim aliunde satisfactum esse. Porro in eadem illa chartâ , subscriptum recenter manu ipsius Philosophi sic erat : Ego Evagrius Philosophus tibi sanctissimo Domino Synesio Episcopo salutem. Accepi debitum in his litteris manu tuâ conscriptum , satisfactumque mihi est : & nullum contra te habeo jus, propter aurum quod dedi tibi; & per te , Christo Deo & Salvatori nostro. (a) Eandem illam fœnerandi artem amabat & exercebat Tiberius Imperator verè Christianus, inopum, ut de eo scribit S. Gregorius Turonensis, optimus defensor. Pio

(a) Ioan. Moschus Prat. spirit. c. 195. Cedren. in Annal. Zonara tom. 3. fol. mibi 123.

FOENERAT. CHRISTIANA. 303

Imperatori, cum thesauros, quos Iustinus acervarat, in pauperes partiretur, Sophia Augusta Iustini vidua, non sine felle sapius objecit, ea ratione rempublicam in pauperiem delabi, & qua plurimis annis ipsa collegerat, exiguo tempore prodigè dissipari. Cui Tiberius voce & mente Christiana: Nihil decedet fisco nostro, si pauperes eleemosynam recipiant, aut captivi redimantur. Hic est enim magnus thesaurus, dicente Domino, Thesaurizate vobis in cœlo. Ergo quod dedit Deus, congregemus illic per pauperes, ut hic nobis adaugeat Deus. Et verò & in terris adauxit Deus, non simplici, eoq; admirando eventu. Nam cum per palatii conclavia inambularet, in pavimento tabulam vidit marmoream, cui crux insculpta. Hic ille secum, O Christe, inquit, cruce tuâ frontem & pectus signamus, & ecce crucem pedibus calcamus. Mox igitur tolli marmor imperavit. Sublatum est, sed aliud signo eodem insculpto repertum; & hoc sublato, etiam tertium. Quo pariter amoto, thesaurus ingens repertus est, qui ad plures numerorum aureorum myriadas perveniret. Pergit Tiberius & de hac auri summa, pau-

304 CONSIDERATIO XVII.

peribus, imò Deo ipsi, fœnerari. Pergit & Deus Tiberio fœnus multiplex reddere. Narses Dux Italus militia domum sibi delegerat, in qua plurimum argenti aurique defoderat, paucissimis latebra consciis, & his ipsis postea è medio clàm sublati, sene uno excepto, quem ad rem celandam adegerat jurejurando. Sed is, Narsete defuncto, captus Imperatoris Tiberii liberalitate, thesaurum indicavit: tantaq; auri argentiq; vis reperta est, ut in abditis illis divitiis in aulam transportandis dies aliquot laboratum sit. Et his divina largitatis indicium magis magisq; copiosè Deo fœnerari ambivit piissimus Imperator, in pauperes & ipse largior. (b) Accipe & alium egregium fœneratorem, Sanctum Elzearium, Ariani Comitem, virum ab animi corporisque innocentia homine majorem. Multa illi (cùm multum polleret apud Carolum Calabria Ducem, absente Roberto patre, Neapolitani regni negotia gerentem) regia dona sapius oblata sunt, multa facienda augendaque rei ansa est prabita; nec deerant qui dictitarent, pro labore & industria posse innoxie, saltem honoris & gratia causâ,

(b) Greg. Turon. *Histor. Franc.* l. 5. c. 19. Paul. Diacon. *de Gestis Roman.* l. 8.

muneris aliquid accipi. At ille, formato ad sapientia Christiana leges animo, nihil unquam admisit, rectè, ut Christianum Principem & Dei Philosophum addecet, sic elocutus: Istam animi facilitatem in admit- tendis muneribus, scopulum esse tam acci- pienti, quàm ipsis inspicientibus. Etenim cui modestum esset initio cor, & pudica ma- nus, captum tandem auri fulgore & ille- cebris, desiderare, attrahere, corradere: reis autem, quid mentis & animi esse possit in ejusmodi judicio, ubi tantum aureis testi- bus rem agi aut promoveri videant. Quare animo & manu castis Elzearius cum à negotio se domum reciperet ad instauran- dam sibi solitam pietatem, quandoque di- cere auditus est: Tu mihi, Domine Deus, in Paradiso debes centum auri uncias, & duo panni coccinei volu- mina; ea mihi in cœlo redhibe. Per- cunctanti autem Alasia Moniali, qua dicto- fortè supervenerat, quid sibi de hac postu- latione vellet? Respondit ingenuè, aurum & purpuram se hodie, cum habere potuerit, amore Christi rejecisse. (c) Nec solum sin- gulari illâ abstinentiâ fœnerabatur Domino Elzearius, sed insigni etiam in egenos atque

(c) *Vite cap. 27. apud. Sur. 27. Septemb.*

inprimis leprosos homines liberalitate : illos opibus , illos mensâ suâ , minister ipse , cibisq; à Dalphina conjuge pariter virgine sedulo paratis , recreabat , dignabatur osculo , donabat sanitate , cælo interim prodigiis plaudente , & granarium jam exhaustum bis occultâ vi frugibus copiosis replente. (d) Verissimè igitur pronuntiavit Gregorius ille doctrinâ magnus , liberalitate adversus egenos maximus , & ob illam à Deo ad supremum dignitatis apicem evectus , teste ipso Angelo , qui specie naufragi ab illo adhuc Abbate tertium stipem acceperat ; (e) verissimè , inquam , edixit : Quidquid tribuitur pauperi , si subtili consideratione pensetur , non est donum , sed mutuum : quia quod datur , multiplicato sine dubio fructu recipitur. (f) Et Basilus itidem in pauperes liberalis : Benefactorum gratiæ , in dantes revertuntur. Dedisti esurienti ? tibi consulisti. Quod dedisti , ad te cum auctario revertetur. Quemadmodum enim frumentum in terram cadens , lucrum projicienti parit : sic & panis in esurientem projectus , multam in poste-

(d) Ibid. c. 21. (e) Ioan. Diacon. in vita Greg. l. 2. c. 23. (f) Greg. l. 8. epist. c. 20.

rum tibi reddet utilitatem. (g) Con-
 stans ergo esto, Christiane, largitor:
 da quod accipias : sere quod metas :
 sparge quod colligas. Noli metuere
 dispendium, noli de dubio suspirare
 proventu. Substantia tua cum bene
 erogatur, augetur : & concupiscere
 iustum misericordiae lucrum, æterni
 quæstus est sectari commercium. Mu-
 nerator tuus vult te esse munificum ;
 & qui dat ut habeas, mandat ut tri-
 buas, dicens : Date, & dabitur vobis.
 (Luc. 6.) Amplectenda est tibi pro-
 missionis istius gratulanda conditio.
 Quamvis enim non habeas, nisi quod
 acceperis ; non potes tamen non ha-
 bere quod dederis. Qui ergo pecu-
 nias amat, & multiplicare opes suas
 immodicis optat augmentis, hoc po-
 tius sanctum fœnus exerceat, & hac
 usurarum arte ditescat, ut illius sit
 creditor, illius fœenerator, qui dicit :
 Date, & dabitur vobis. . . . Qui &
 idoneus fidejussor est pauperum, &
 largissimus redditor usurarum. (h)
 Noverat & hoc praeclare (neque enim pos-

(g) Basil. hom. 6. in ditescentes.

(h) Leo de jejuniis X. mensis serm. 6.

*sum Heroïna Christiana augustum facinus
& sensum non tibi exhibere, mi Lector)*
 noverat, inquam, fœnerationem Christianam Placilla Theodosii Imperatoris conjux:
 de qua sic Nicephorus Callistus : (i)
 Quânto illa majora à Deo beneficia
 acceperat, tantò etiam quotidie charitatem in benefactorem suum adaugebat magis, Itaque eorum qui variis detinerentur morbis, & membris partibusque corporis mutilati essent, omnis generis curam gessit, ipsa per seipsam, in rebus omnibus, eis inserviens. In illorum enim domicilia ventitabat, & qua quisque indigeret, eam illi suppeditabat. Et Ecclesiarum hospitales domos circumiens, eos qui gravibus morbis lecto affixerant, curavit. Non enim tantum illorum attingebat ollas, & juscula delibabat : sed & patellas admovebat, panem apponebat, ciborum frusta afferebat, pocula eluebat, aliaque omnia promptè & feliciter obibat, quæ servarum & ancillarum sunt officia. Ad eos verò, qui ministerium ejus, quod per manus ipsa suas peragebat,

(i) lib. 12. § 42.

inhibere conabantur , dicere solita erat : Imperio quidem convenit , ut aurum id largiatur. Ego verò manuum mearum opus , pro Imperio ipso , ei qui id semel contulit , offero. *Suspicias hac , non dubito , mi Christiane , imitare ; quæ à Deo accepisti , Deo redde , multiplici fœnore recepturus.* Nullum hic damnum est , sed compendium. Minimum datis , multum recipietis. In terra datis , & id vobis solvetur in cœlo . . . Date otiosam pecuniam ; & recipietis fructuosam gratiam ; & pauperum subvenietis necessitatibus , & vobis custodiæ sollicitudo minuetur. Non peribit , quod pauper acceperit ; & vobis , quod dederitis inopi , sine custode servabitur. (k)

(k) *Ambr. de Tobia c. 16.*





CONSIDERATIO XVIII.

ARS. QUÆSTIVOSISSIMA.

I. **D**A Altissimo secundum datum ejus, & in bono oculo adinventionem facito manuum tuarum. Quoniam Dominus retribuens est, & septies tantum reddet tibi; *Syrus* : & millia millium ipse reddet tibi. (*a*) Anima quæ benedicit, impinguabitur. (*b*) Qui pronus est ad misericordiam, benedicetur. (*c*) Benedictio autem Domini ditiores facit, nec sociabitur eis afflictio. (*d*) Qui dat pauperi, non indigebit : qui despicit deprecantem, sustinebit penuriam. (*e*) *Quas verissimas, & à Spiritu Dei sibi dictatas gnomas, confirmat Sapiens & aliâ, quæ ab experimento petitur : Alii dividunt propria, & ditiores fiunt : alii rapiunt non sua, & semper in egestate sunt.*

(*a*) *Eccli.* 35. (*b*) *Prov.* 11. (*c*) *Prov.* 22.
 (*d*) *Prov.* 10. (*e*) *Prov.* 28.

(f) Hoc ipsum docet Apostolus scribens Corinthiis de eleemosyna, alacri & liberali animò faciendâ : Hoc autem dico : Qui parcè seminat, parcè & metet : & qui seminat in benedictionibus, de benedictionibus & metet. (g) Vbi Chrysostomus : Non dixit, tenuiter, sed celebriùs, parci nomine posito : & rem semen vocavit, ut statim ad retributionem spectes, messisq̃ue recorderis, & discas quòd plura accipis, quàm das. Ideò non dixit, qui dat, sed, qui seminat : & non dixit, vos si seminaveritis, sed generalem sermonem facit : neque dixit, largiter, sed, in benedictionibus ; quod illo multò majus est. Vnde subdit Apostolus : Potens est autem Deus omnem gratiam abundare facere in vobis ; & iterum : Qui autem administrat semen seminanti, & panem ad manducandum præstabit, & multiplicabit semen vestrum. Quemadmodum enim (ait S. Basilus) semen terræ mandatum, lucrum ei parit, qui illud mandavit : sic etiam panis, qui homini esurienti largitur, magnam utilitatem

(f) Prov. 11. (g) 2. Cor. 9.

312 CONSIDERATIO XVIII.

in posterum adfert. (h) *Quare Isaias, Dei monitu, inclamat: Frange esurienti panem tuum, & egenos vagosque induc in domum tuam: cum videris nudum, operi eum, & carnem tuam ne despexeris. Tunc erumpet quasi manè lumen tuum, & sanitas tua citius orietur, & anteibit faciem tuam iustitia tua, & gloria Domini colliget te. Tunc invocabis, & Dominus exaudiet: clamabis, & dicet, Ecce adsum ... Cum effuderis esurienti animam tuam, & animam afflictam repleveris: orietur in tenebris lux tua, & tenebræ tuæ erunt sicut meridies. Et requiem tibi dabit Dominus semper, & implebit splendoribus animam tuam; & eris quasi hortus irriguus, & sicut fons aquarum, cujus non deficient aquæ. (i) Qui enim dando, divinæ gratiæ confidunt, putres imitantur, qui continuo exhausti, minimè deficiunt, sed duplò copiosiores existunt. (k) *Quocirca iterum Sapiens: Mitte panem tuum super trans-*
cunctes*

(h) *Basil. orat. 13. de elemos.* (i) *Isai. 58.*

(k) *Basil. hom. 8. in divites. & orat. 14. de divitiis.*

cuntes aquas : quia post multa tempora invenies illum. (l) *Vbi Hieronymus* : Ad eleëmofynam cohortatur , quòd omni petenti sit dandum , & indiscretè faciendum benè. Quomodo enim qui super irrigua seminat , fructum sementis expectat , ita qui largitur egentibus , non granum seminis , sed ipsum panem serit , foenore quodam multiplicationem illius præstolans , & , cùm dies judicii adven-rit , multò amplius quàm dederat , recepturus. (m) *Istam ditescendi artem proponit sapissimè ac veluti maximè utilem necessariàmque commendat Christus ipse, vitæ & salutis Magister. Date, & dabitur vobis : mensuram bonam, & confertam, & coagitatam, & superefluentem, dabunt in sinum vestrum. (n) Et ego dico vobis : Facite vobis amicos de mammona iniquitatis, ut, cùm defeceritis, recipiant vos in æterna tabernacula. (o) Da pauperibus, & habebis thesaurum in coelo. (p) Cùm facis convivium, voca pauperes : &*

O

(l) *Eccle. 11. (m) Hieron. in illud Eccle. (n) Luc. 6. (o) Luc. 18. (p) Matth. 19,*

314 CONSIDERATIO XVIII.

beatus eris : retribuetur enim tibi in resurrectione justorum. (*q*) Vendite quæ possidetis, & date eleëmofynam. Facite vobis sacculos qui non veterascunt, thesaurum non deficientem in cœlis. (*r*) *Vbi S. Petrus Chrysologus* : Homo, tali monitu Christus te ditare voluit, non nudare : manere tibi tua voluit, non perire : perpetuari, non vacuari sacculos, imperavit : iussit te transferre, non perdere. (*s*) *Et iterum* : Videtis, quia Pater iste ditare vult filios, non nudare. Novo modo, imò cœlesti modo, qui hunc audit, vendendo comparat, recondit erogando : dum amittit, acquirit. (*t*) Tibi igitur proficit, quidquid inopi contuleris : tibi crescit, quod in pauperes erogaveris ... Seminatur in terra, germinat in cœlo. Plantatur in paupere, apud Deum pullulat. (*u*) Plus ille tibi confert, cum sit debitor salutis. Si nudum vestias, teipsum induis iustitiam. Si peregrinum sub tectum inducas tuum, si suscipias egen-

[*q*] *Luc. 14.* [*r*] *Luc. 12.* (*s*) *Chrysol. serm. 22.* (*t*) *Idem serm. 25.* (*u*) *Ambr. de Nabushe c. 12.*

ARS QUÆSTUOSISSIMA. 315

tem, ille tibi acquireret Sanctorum amicitias, & æterna tabernacula. Non mediocris ista gratia. Corporalia seminas, & recipis spiritualia. (x) *Quamobrem artis illius quæstuosissima facundissimus Ecclesiastes Chrysostomus: Sæpenu- merò dixi, eleëmofynam, non accipientium, sed potius dantium gratiâ, introductam esse. Nam illi sunt, qui potissimum inde lucrantur. (y) Diti- or enim fit vir misericors posteaquàm minus habere incipit pauperibus largiendo. Beata igitur est eleëmofyna, quæ & accipientem reficit, & lætifi- cat erogantem ... quia per nummu- los paucos, æternos thesauros sibi cœ- lestes acquirit. (aa) Tunc non defi- ciunt thesauri in cœlo, cùm defi- ciunt in terra. Sterile fanè metallum est: at germinat, si non colatur. Re- liqua semina humi defodiuntur, ut pul- lulent: aurum, si defoderis, perit; si egeras, illud profliges, astris rigatum erumpit in spicam. Nimirum non ste- rile aurum est; sed solum glebasque*

O 2

(x) *Ambr. l. 1. Offic. c. 11. (y) Chrysost. in ep. ad Philip. hom. 15. (aa) Ambr. serm. 39.*

316 CONSIDERATIO XVIII.

dedignatum, inter sidera florer, Dei-
 que conspectum pro sole habet. (bb)
 Igitur benefac justo, & invenies re-
 tributionem magnam: & si non ab
 ipso, certè à Domino; (cc) qui di-
 ves est in misericordia. (dd)

II. Eia, Charissimi, ostendamus,
 qualiter est omnium artium quæstuo-
 sissima eleëmofyna. Si enim artis est
 proprium, ad aliquam utilitatem per-
 venire, eleemofynâ verò nihil est uti-
 lius: clarum est profectò, quòd & ars,
 & omnium est artium optima. Non
 enim nobis conficit calceamenta, ne-
 que vestimenta contexit, nec has lu-
 teas domos ædificat; verùm & æternam
 ministrat vitam, ex mortis manibus eri-
 pit, & in utrâque vitâ claros exhi-
 bet, & mansiones ædificat in cœlis,
 & æterna parat tabernacula. Hæc lam-
 pades nostras non finit extinguï, nec
 sordidis indutos vestibus in nuptiis
 videri: sed lavat, & nive mundiores
 reddit. Si namque fuerint peccata ve-
 stra ut coccinum, quasi nix dealba-
 buntur. (Isai. 1.) Non finit nos cò

(bb) R. P. Oliva *Strenuat.* l. 13. ex c. 12. *Luce*
 v. 33. (cc) *Eccli.* 12. (dd) *Ephes.* 2.

ARS QUÆSTUOSISSIMA: 317

decidere, ubi dives ille: nec audire verba tremenda, sed in Abrahamæ finis deducit. Et artium quidem sæcularium unaquæque unum habet quod accepit, meritum. . . . Et artium quæque alterius indiget artis. Cum autem oporteat misereri, nihil aliud nobis opus est, sed sola voluntas est necessaria. Quod si dicas, quod pecuniis opus est, & habitationibus, & vestimentis, & calceamentis: illa lege Christi verba, quæ de vidua dixit (*Luc. 21.*) & ab angustia desiste; licet valdè sis pauper, & mendicantibus pauperior, si duo minuta contuleris, totum explesti: &, si des panem, cum habens solum, ad perfectionem artis venisti. Hanc itaque suscipiamus artem & scientiam, & obeamus. Melius enim est hanc scire, quàm esse regem, & diademate coronari. . . . Hæc itaque cogitantes, & nosipsum, & filios, & necessarios, in eleëmossynæ disciplinam ducamus. Et hoc super omnia discat homo (*notetur, obsecro*) quoniam & hoc est homo. Magnum & pretiosum, vir misericors. Itaque nisi hoc habeat, esse desit homo. Hoc fa-

318. CONSIDERATIO XVIII.

pientes præstat. Et quid admiraris, si hoc est Deus, & hoc homo? Ait enim: Estote misericordes, sicut Pater vester. (*Luc. 6.*) Discamus itaque misericordes esse omnium causâ, maxime quoniam & nos multæ indigemus misericordiæ; & neque vivere putemus per id temporis, quo non mereamur. (a) *Hactenus Chrysostomus*, qui totus est in commendanda ista arte, secutus communem vitæ æternæ Magistrum, cujus etiam verbi oportere nos meminisse Apostolus monet: quoniam ipse dixit, Beatius est magis dare quàm accipere. (b) Imò in hac liberali & mirabili arte, (qua, ut iterum loquitur Chrysostomus, (c) in cœlis habet officinam, & non hominem, sed Deum magistrum possidet) qui dat, accipit; qui non dat, amittit. Audi Chrysologum: Homo, dando pauperi, das tibi: quia quod pauperi non dederis, habebit alter. Tu, solum, quod pauperi dederis, hoc habebis. (d) Et Isidorus Hispalensis: Terræna omnia, inquit, servando amittimus, largiendo servamus. Patrimonium enim retentum pe-

(a) Chrysost. hom. 33. ad Pop. & 53. in Matth.

(b) Act. 20. (c) hom. illa 53. (d) Chrysost. serm. 41.

ARS QUÆSTUOSISSIMA. 319

rit, , manet autem erogatum. (e) Leo
 verò magnus : In omni hoc opere illa
 intervenit manus , quæ panem frangen-
 do auget , & erogando multiplicat.
 Securus & hilaris sit eleëmofynæ di-
 stributor : quia tunc maximum lu-
 crum habebit, quando sibi minimum
 reservaverit. (f) Contemnamus ita-
 que pecunias. Si enim eas hic custo-
 dimus, eas omninò perdemus & hic
 & illic. Si verò multa cum largitate
 dispensamus, multam in utraque vita
 felicitatem assequemur. Qui vult ita-
 que dives fieri, fiat pauper, ut dives
 evadat : expendat, ut colligat ; dis-
 pergat, ut congreget. (g) Fructus
 divitiarum est largitas eleëmofynarum:
 sine illa infructuosæ sunt & periculo-
 sæ. Ecclesiastes 5. Divitiæ conservatæ
 in malum Domini sui cedent. Semen
 accumulatum putrescit : seminatum
 fructificat. (h) Hic feminatur, ut ibi
 (in terra viventium) metatur, si ta-
 men feminatur. Quis est enim qui se-

O 4

(e) Isid. Hispal. l. 3. sentent. 44 (f) Leo de
 Quadrages. serm. 10. (g) Chrysost. hom. 53.
 ad Pop. (h) Bonavent. De profectu Religios. 4.
 1. cap. 34.

320 CONSIDERATIO XVIII.

minat hîc, ut ibi metat? qui erogat pauperibus. Erogatio pauperibus, semen est in terra. Seminas hîc, & ibi invenies messem. (i) Qui non seminat, otiosis manibus alios metentes spectat.... Quando autem potest fieri, ut horrea sua vacua respiciat, qui semina multiplicato jugiter sulco terræ commiserit? Quid tibi prodest congestis incubare divitiis, si de his nullum fructum capias? Hoc solum sibi homo reponit, quidquid causâ miserationis expenderit. (k)

III. Consilium de lucrorum: disce mercari. Laudas enim mercatorem, qui vendit plumbum, & acquirit aurum; & non laudas mercatorem, qui erogat pecuniam, & acquirit justitiam? (a) Si dederis homini pecuniam tuam in fœnus, centesimam recipis; si verò pauperibus, secundùm divina mandata centuplum consequeris: quòd si hoc parum videtur, & vita tibi cumulatur æterna. (b) *Habe hîc ex innumeris aliqua divina illius etiam in terris*

(i) *August. serm. 12. è 40. novis.* (k) *Valterian. Episc. hom. 8.*

(a) *Aug. de verb. Dom. serm. 5.* (b) *Petr. Damian. opusc. de Eleemos. c. 2.*

remunerationis exempla; de cœlesti mercede, dabimus consideratione 20. Vidua Sarephtana (id est, ardens, charitate scilicet) de farinula, qua sibi & filio in summa penuriâ & mortis periculo reliqua erat, esurienti & roganti Elia facit primum subcinericium panem & offert: & ex illa die hydria farinæ non defecit, & lecythus olei non est imminutus, juxta verbum Domini, quod locutus fuerat in manu Eliæ; imò mortuus non multo post filius, precibus ejusdem Propheta vivus piæ matri redditus est. (c) Istius vidua charitatem admirans S. Hieronymus, sic ad Euziam viduam nobilem scribit: Recordemur viduæ Sarephtanæ, quæ & suæ & filiorum saluti, Eliæ prætulit famem: ut, in ipsa nocte moritura cum filio, superstitem hospitem relinqueret, malens vitam, perdere quam eleemosynam: & in pugillo farinæ, seminarium sibi messis præparavit. Farina seritur, & olei capsaces (vas olearium) nascitur. In Judæa frumenti est inopia: granum enim tritici ibi mortuum fuerat; & in gentium vidua olei fluentia manabant. (d)

O 5

[c] 3. Reg. 17. [d] Hieron. ep. ad Euziam.

322 CONSIDERATIO XVIII.

S. Ioanni Patriarcha Alexandrino profusissima in egenos liberalitas; nobile Eleemosis, id est, Misericordis, vel Eleemosynarii nomen & perennem questum peperit; digno sanè, cui etiamnum adolescenti ipsa Misericordia divina species sese offerret & addiceret benevolam, ac deinde morienti assisteret deductura cum innumera pauperum, quos aluèrat, turbâ, ad æternum eleemosyna remuneratorem. Ejus tam vastus erat animus, tanta in Deum fiducia, ut diceret: Etsi totus orbis Alexandriam veniret, non arctaret nostram liberalitatem & opes; frequenterque dictitaret: Quò plura ergo in pauperes, eò plura semper & maiora à Deo recipio. Quare misericordis illius viri industria omnes latitias, in exquendis erant iuvandisque egenis; tum demum felicissimi, cum plurimos recreasset; tristissimi, si fortè non accurrissent, quos dominos suos vocitabat, inopes. Hinc quadam die, cum ex more se publico commisisset, & horas aliquot persedisset, si quis afflictorum suppetias imploraret, ubi nemo quidquam petiit, mæstus plenusq; lacrymis recessit; tristitia causam à Sophronio rogatus, respondit: Hodie miserandus Ioannes

non ab aliquo ullam accepit mercedem, neque ullum vel minimum piaculum potuit offerre Christo pro multis & magnis suis delictis. (e)

Quid hoc minus illo Titi Imperatoris, Diem perdidit; sive, ut effert Simeon Metaphrastes, Hodie non regnavimus, quia neminem beneficio affecimus?

(f) *Quam effusissimè exercebat Ioannes liberalitatem, eandem & aliis vehementer commendabat. Viderat pauperi stipem petenti, à Zacharia diacono discipulo suo, cum aliud ad manus non esset, cruculam dari argenteam. Factum mirificè placuit Iohanni, & mox ad Diaconum: Zacharia, inquit, esto misericors, & nec in vita, nec in morte, decrit Deus. Monitum & exemplum liberalissimi magistri diligenter secutus est Zacharias; mirè siquidem in egenos liberalis, & vicissim à Deo liberalissimè habitus, Deum piè provocasse scribitur: nam insigni animi exultatione non semel inventus est ita cum Deo colloquens. Si sic, aut tu mittendo, aut ego dispergendo; videbimus verò quis vincat.*

(g) *Simili modo certavit aliquando cum divite Alexandrino ipsemet Ioannes. Cum*

(e) Leontius & Metaphrastes in vita. (f) Sueton. in Tito c. 8. (g) Leont. in vita S. Ioan. c. 1.

324 CONSIDERATIO XVIII.

enim dives ille Ioanni vestem, seu, ut alii scribunt, lecti operculum, misisset; Ioannes ad forum venum misit, ut pretium pauperibus daret. Emit is qui donarat, & iterum Ioanni mittit. Hic rursus ad forum mittit; alter rursus emit, & Ioanni remittit, idque cum tertio fecisset, dicit ei gratulabundus vir sanctus: Videbimus quis deficiet, ego an tu. (h) Ecdicius, vir Senatorii ordinis, Sidonii Episcopi cognatus, Burgundiones anno 475. dirâ fame depascente, in conquirendos & alendos egenos admodum liberalis vocem è cælo sic compellantem audivit: Ecdici, Ecdici, quia fecisti rem hanc, tibi & posteris tuis non deerit panis in sempiternum; eò quòd obedieris verbis meis, & famem meam refectiōe pauperum satiaveris. (i) S. Masymas, aliis Mausimas, Sacerdos in Syria, erga hospites & pauperes profusè largus, ex duplici dolio, velut ex cornu-copia inexhausto, frumentum & oleum multiplicatum jugiter hauriebat. (k) S. Myro, Episcopus postea Creta Thaumaturgus, ante Sacerdotium ductâ uxore terram colebat, frugesque labore partas in pau-

(h) Ibid. c. 6. (i) Greg. Turon. Hist. Franc. l. 2. c. 24 Baron. 10. 6. (k) Theodoret. in Theophil. seu histor. relig. c. 14. Belland. 23. Jan.

peres tribuebat, copiâ dein frumenti tantò magis auctâ semper & cumulâtâ, quantò plura ille largiebatur. (1) S. Bonifacius Ferentina civitatis Episcopus (ut narrat Gregorius Pontifex (m)) vir & paupertatis & pauperum singulariter amans, unâ unicâ vineâ, quam in omne stipendium habebat, grandine fœdè vastatâ, mandavit nihilominus Constantino Presbytero nepoti suo, ut cuncta vasa, pro more appararet. Factum, ut imperarat. Tum Bonifacius ex paucissimis, qui remanserant, racemis, perparum liquoris tandem expressum in singula vasa distribuit, jussitque illicd pauperes adesse cum vasculis. Mira res ! Cœpit vinum ita excrescere, ut & vasa omnia largissimè expleret, solumq; omne inunda- ret. Ille idem Bonifacius, eodem Gregorio referente, adhuc puerulus ita in pauperes ferebatur, ut vestes omnes eis elargiri so- leret, omnémque annonam, quam mater in annum collegerat, in eos exhausserit. Quâ re vehementer commotâ matre, ipse in pre- ces se dedit, & horreum totum copiosiori frumento replevit. Quo viso miraculo compuncta mater, jam ipsa cœpit hor- tari ut daret, qui sic celeriter posset,

(1) Rader, viridar. p. 1. (m) Lib. 1. Dialog. c. 9

326 CONSIDERATIO XVIII.

quæ petiisset , accipere. (n) *Simile quid lego de Tychone , postea Amathuntino in Cypro Episcopo. Hic admodum puer à patre panes acceperat (nam artopola erat) quos in foro venderet. Sed puer omnes , in egentes distribuit. Quod ubi pater rescivit , indignam rem arbitratus , gravibus puerum convitiis est infectatus ; qui dixit , se Deo panes dedisse mutuos , & mox recepturum , ejusque rei se syngrapham habere. Et ecce dictum factum : granaria mox frumento pleniora sunt reperta , quam erant cum pater post collectam messem impleverat , nec inde quidquam adhuc esset depromptum. (o) Episcopus alius , siti vehementi cruciatus , quod pauxillum reliqui vini sibi offerebatur , mendico siti pariter valde laboranti dari imperat ; & cum vel guttulam saltem in vase exquiri jabet , vas , quod vacuum reliquerat pincerna , vino plenum , non sine ingenti admiratione , invenit. (p) Sorores duæ germanæ Neapoli , monitæ à S. Antonino , ut pro pauperculis & piis quibusdam hospitibus , ex farina oleoque placentulas para-*

(n) Greg. *ibid.* (o) Rader. *Viridar. Sanct. part. 1.* (p) Petr. Dam. *l. 1. ep. 10.*

rent melle illitas; excusata paupertate, cum dolerent, in vasis tantum olei & mellis non esse, quod eis parandis sufficeret: bono esse animo jubentur, spondente sancto Prasule, fore, ut haberent satis etiam in annos plures consequentes. Manum igitur labori admovent, & statim oleum in lecytho, mel in doliolo succrevit, arcanâ scilicet perennitate, ut ad integrum septennium haurire inde in usus domesticos potuerint. (q) Sancta Catharina Senensis & ipsa in pauperes benefica, ex putidâ farinâ, eâque permodicâ, plures & oppidò sapos panes confecit in gratiam pauperum, ipsâ Deiparâ, Superis & Angelis adstantibus, collaborante, Deoq; farinam augente & corrigente. (r) Francisca Romana, natalibus & moribus sanctissimis notissima, in egenos incredibiliter liberalis, generosi vini dolium, serio soceri jussu servari præceptum, pauperum & agrotorum miserta, exhauserat largiendo; ut soceri & Laurentii conjugis excandescentiam sopiret, precibus idem dolium optimo vino plenum à Deo impetravit. Vendiderat Laurentiûs frumenti plurimum;

(q) Vincent. Mainard: Henschen. 2. Maii in *Anale-*
tis ad vitam pag. 243. col. 1. (r) *Snr.* in *vita*
 30. April. pag. mibi 1057.

328 CONSIDERATIO XVIII.

Alioquin, aiebat, prodiga mea uxor hoc ambabus manibus in mendicabula effundet. Francisca, sui instituti tenax & sedula, granarium ascendit, residuas frumenti fordes converrit, ventilat : vix farris semodius erat. Id quantumcumque statim in egenos tribuit. Cum verò granarium denuò conspectum est, purgatissimi frumenti panè quadraginta modii sunt inventi. (s) Ita eleëmofyna non solùm non depauperat, sed dicitur & beat. B. Guilielmus Zucchiùs Italus, in egenos mirè largus, crumenam semper habebat ad manum, quam in inopes effunderet : Hac, ingestâ semel pecuniâ, eâque identidem erogatâ, divinâ semper sponte redundabat, nunquam exauriri visa. Inde in vulgus abiit proverbium istud: Mene beati Guilielmi crumenam, quæ non exauritur, putas habere ? (t) Idem de S. Lidwina referunt historici; (u) cujus crumena, Domini IESV est appellata. Crevit & miraculo pecunia in oculis & manibus Adriani II., (x) S. Gossuini Aquicinctensis Abbatis dum iret ad Concilium Rhemense, (y) S. Philippi Neri;

(s) Andr. Vallader. Ital. Vrsin. &c. in ejus vita.

(t) Bolland. 10. Febr. (u) Lippeloo & Harant 14. April. (x) Platina in ejus vita. (y) Guil. Gazet histor. Eccles. Belgii pag. 158,

S. Aldegundis Antistita Malbodiensis, (*z*)
 & *aliorum*, ut, *compendii causâ*, merito
 hic apponi possint verba, quæ ad istius de
S. Philippo testimonii finem subscripsit Ro-
bertus Cardinalis Bellarminus : Res est
 nota, Pecuniam iis deesse nunquam,
 qui eam in subsidia pauperum distri-
 buunt. Et illa *S. Gregorii Nazianzeni*:
 (*aa*) Deus muneribus nostris vinci
 non potest.

(*z*) *Ser.* 13. *Novemb. vite cap.* 9.

(*aa*) *Orat.* 16.



CONSIDERATIO XIX.

OPES BENE CUSTODITÆ.

I. **C** Onclude eleëmofynam in cor-
 de (in sinu) pauperis. (*a*)
Tesaurus est eleëmofyna; ut tuto pona-
 tur, & servetur, concludendus & abscon-
 dendus est: unde *Optatus Milevitanus* (*b*)
 legit, Absconde panem in corde pau-
 peris. Et ita fieri vult ipse, qui vult ejus

(*a*) *Eccli.* 29. (*b*) *Lib.* 3. *contra Donatist.*

330 CONSIDERATIO XIX.

thesauri custos esse, & redditore fidelissimus, Christus Dominus. Audi illum : Cùm facis eleëmofynam, noli tubâ canere ante te. (c) Hoc enim esset misericordiam vendere, non donare : (d) esset vana ostentationi, inani gloria, tartareis pradonibus diripiendam offerre. Sit eleëmofyna tua in abscondito. (e) Ergo, dicet aliquis, in conventu, in plateis, in triviis, neganda est misericordia? non præbendus est victus? Planè & in omni loco, & in omni tempore facienda est misericordia; præbendus est victus, nuditas est regenda : sed sic, quomodo docuit misericordiæ author, ut misericordia non terræ sit nota, sed cœlo : non hominibus insinuata, sed Deo : in plateis, in triviis suum pietas habet secretum . . . misericordiam coram se solùm vult fieri, qui solius est misericordiæ & remunerator & testis, & qui dicit : Esurivi, & dedistis mihi manducare. (Matt. 25.) (f) Ergo concludere eleëmofynam, thesaurum tuum absconde, in sinu, in corde, in ventre pauperum; & per hos, quos latu-

(c) Matth. 6. (d) Chrysost. serm. 9. (e) Matth. 6. (f) Chrysost. sup.

OPES BENE CUSTODITÆ. 331

rarios nostros nuncupat magnus Augustinus, (g) soli Deo committe : & Pater tuus, qui videt in abscondito, reddet tibi. (h) Quo autem in loco, quo in pretio, erit iste thesaurus tuus apud Dominum ? Audi ex Siracide : Eleëmofyna viri quasi signaculum (seu, sigillum) cum ipso (in conspectu Dei) & gratiam hominis quasi pupillam conservabit ipse Deus. (i) Quasi dicat, ait Cornelius noster : (k) Sicut annulus signatorius in digito fertur, & est ante oculos hominis : sic eleëmofyna semper obversatur oculis Dei ; & gratiam hominis, id est, beneficium collatum in pauperem, conservabit Deus quasi pupillam oculi, id est, quasi rem charissimam. Secundum Rabanum & alios, eleëmofyna metonymicè vocatur signaculum vel sigillum, hoc est, res signata & sigillata (ut vertit Syrus) in mente Dei. (l) Ex quibus collige, si potes, quanti pretii meritique sit, quam cordi Deo ac paternæ curæ, eleëmofyna, dives ille & solus cælo dignus thesaurus. Merito igitur

(g) Serm. 40. inter novos. (h) Matib. 6. (i) Eccli. 17. (k) In Deuter. c. 29. v. 12. (l) Corn. à Lapide in illud. Eccli.

332 CONSIDERATIO XIX.

canit Psalter regius: Beatus vir, qui intelligit super egenum & pauperem.

(m) Ille utique intelligit super egenum & pauperem, qui largitur pauperi. Nam quid prodest misereri inopis, nisi alimoniam eidem largiaris?

(n) Dispersit, dedit pauperibus: justitia ejus manet in sæculum sæculi.

(o) Quod dicit, Dispersit, nihil aliud manifestat, quàm quòd cum liberalitate dedit. Nam quamvis hæc non maneant, manent tamen quæ ex illis nascuntur. Etenim mirabile est, quòd quæ custodiuntur, pereant; quæ autem disperguntur, manent, & manent semper. Justitiam autem hoc loco misericordiam vocavit. Etenim justos facit misericordia, peccata quasi ignis consumens, quando cum liberalitate effuderitis. (p) *Quapropter monens Christus, ubi opes nostras, thesauros nostros tutò collocare debeamus, Date eleemosynam, inquit; Facite vobis sacculos qui non veterascunt: thesaurum non deficientem in cœlis; quòd fur non appropriat, neque tinea corrumpit.* (q)

(m) *Pf. 40.* (n) *Ambr. in Pf. 118. serm. 12. n. 7.* (o) *Pf. 111.* (p) *Chrysost. in 2. Cor. hom. 19.* (q) *Luc. 12.*

OPES BENE CUSTODITÆ. 333

Hoc est dicere, Ubi ego sum, ibi ponite: Date mihi, ego seruo. Homo, da Patri, crede Deo: tenere tua non potest, qui sua dedit. An humanis indiget, qui sua largitur? an est nostrorum cupidus, qui nos suorum fecit hæredes? Certè quibus regnum contulit, quid negabit? (r) Ubi thesaurus vester est, ibi & cor vestrum erit. (s) Homo, mitte, & præmitte thesaurum tuum in cœlos, ne cœlestem animam demergas in terram. Aurum de profundo terræ, anima ab excelsis cœli. Melius proinde est ad eadem animæ deferri aurum, quàm in sepulchro auri anima demergatur. (t) Fac tibi sacculos, quales ille præcepit, qui jam cupiditatis tuæ custos est & provisor; sacculos qui non veterascunt: thesaurum non deficientem in cœlis. Iterum contristatus es, quia, quod habes, in cœlis cogeris collocare. Rogo, crede Deo tuo, qui seruo credis: & magis Deo, quàm homini, commenda. Sed si times, ne quid inde præsumat, ne quid desper-

r) *Chrysol. serm. 22.* (s) *LUC. 12.*

t) *Chrysol. sup.*

334 **CONSIDERATIO XIX.**

gat pietas largitoris, signa fidei annulo sacculos tuos, ut tali custode dormias tu securus: quia ubi ille est, ibi locus nullus est furi. Non poterit tibi tuam pecuniam denegare, qui tibi omnia sua contulit, qui te regni sui & honore ditavit & gloriâ. (u) Habes multa bona in annos multos posita; potes & tibi & aliis abundare. Ostendo tibi, ubi melius tua frumenta custodias, ubi benè sepias, ubi fures ea tibi auferre non possint. Include ea in corde pauperum, ubi nulla tinea, nullus gurgulio consumat, nulla corrumpat vetustas. Habes apothecas, inopum sinus: habes apothecas, viduarum domos: habes apothecas, ora infantium orphanorum. Istæ sint tibi apothecæ, quæ maneat in æternum: ista sint tua horrea, quæ fecunditas futura non destruat... Denique scriptum est: Seminate ad justitiam. (Osée 10.) Esto spiritalis agricola, sere quod tibi prosit. Bona satio in corde viduarum. Si terra tibi reddit fructus uberiores quàm acceperit, quantò magis misericordiæ remuneratio reddet

(u) *Chrysol. serm. 23;*

OPES BENE CUSTODITÆ. 335

multipliciora quæ dederis? (x) Fecundus est ager pauperum: citò reddit donantibus fructum. (y)

II. Thesaurum is benè recondit, qui indigentibus dividit: perdere enim jam non poterit, quod largiendo collocavit. (a) Propterea te iussit Christus alteri ea (bona) dare, ut ea ipse retineas. Nam donec ipse solus ea detines, nec ipse quidem habes: cum alteri verò dederis, tunc & ipse cepisti... Quemadmodum enim si quis argentum parvo dederit puerulo, & retinere propensius imperet, vellet servo dare custodiendum, ne volenti rapere liceat: itidem & Deus agit. Ait enim: Da indigenti, ne quis tibi rapiat, puta vel sycophanta, vel accusator, vel fur, vel novissimè mors. Nam donec ipse retines, non habes in tuto: si verò per pauperes mihi dederis, omnia tibi diligenter ipse servo, & in tempore congruo cum multa accessione restitutam... Non credis quòd iterum recipies?.. Qui non danti dat, quomo-

(x) *Ambrosius de Nabuthè c. 7.* (y) *Augustinus de Verb. Dom. serm. 25.*

[a] *Eucherius paranet. ad Valerian.*

336 CONSIDERATIO XIX.

do non multò magis, postquàm acceperit, dabit? (b) Sollicitudini tuæ consulo. Hic in terra si velles servare divitias tuas, quæreres horreum: non fortè crederes domui tuæ propter domesticos tuos; commendares ad vicum argentarium. Difficilis enim est ibi casus: fur non facilè accedit: benè omnia servantur. Quare ista cogitas, nisi quia non habes melius ubi serves? Quid si dabo melius? Dicam tibi. Noli commendare huic minùs idoneo: sed est quidam idoneus; illi commenda. Habet magna horrea, ubi perire non possint divitiæ: magnus super omnes divites dives est. Jam fortè dicturus es, Et quando audeo tali commendare? Quid si ipse te hortatur? Agnosce illum: non solum pater-familias est, sed & Dominus tuus est. Nolo, inquit, serve meus, perdas peculium tuum, agnosce ubi ponas. Quare ibi ponis ubi possis amittere, ubi etsi non amittas, ibi permanere perpetuò non potes? Est alius locus, quò te transferam. Præcedat te quod habes; noli timere ne perdas. Dator ego

(b) *Chrysost. hom. 53. ad Pop.*

OPES BENE CUSTODITÆ. 337

ego eram, custos ego ero. Dicit tibi hoc Dominus tuus. Fidem tuam interroga, vide si velis credere. (c) Si commendas servo tuo quod acquisivisti, & non perdis; perdes, si commendes Domino tuo quod accepisti ab ipso Domino tuo? (d) Jacet in domo thesaurus quietus: dominum quietum esse non finit. Timetur latro, timetur effractor, timetur servus infidelis, timetur vicinus malus & potens: quanto plus tenetur, tanto plus timetur. Si autem erogas Deo in pauperes, non perdis, & securus efficeris: quia ipse Deus custodit tibi in cœlo, qui & tibi necessaria dat super terram. An fortè times, ne perdat Christus, quod illi commendaveris? Nonne dispensatorem unusquisque eligit de familia sua fidelem, cui committat pecuniam suam? qui etsi habet in potestate non auferre, non tamen habet in potestate non perdere. Quid fide Christi prolixius? quid omnipotentiâ divinius? Nec auferre tibi aliquid potest, nec aliquid perdere, quia universa omni-

P

(c) *August. in Ps. 38.* (d) *August. hom. 13: ex 50.*

338 CONSIDERATIO XIX.

potens tenet. (e) Da securus Deo: ipsi te commenda, qui tibi pecuniam in cœlo servet; quia ipse & te in terra quamdiu vivis, gubernat... An fortè fidelis est in custodiendo animam tuam, & infidelis in custodiendo pecuniam tuam? Servat tibi, qui servat & te... Pigritiam excute, consilium accipe. Da Christo esurienti, thesauriza in cœlo. Numquid labor est, in cœlo thesaurizare? Et si labor esset, faciendum erat ad ponendum pecuniam tuam in loco munito, unde nemo eam possit auferre. Cum tamen dicit Christus, In cœlo thesauriza; non dicit tibi, scalas quære, machinas liga, pennas apta. Hoc dicit, Mihi in terra da, & tibi in cœlo servo. Ideò veni egere in terra, ut sis tu dives in cœlo. Fac trajectitium. Fortè times fraudatorem, ne perdas: & quæris qui portet, qui migeet. Christus tibi in utroque adest. Non faciet imposturam; faciet insuper & laturam. (f) Numquid perdes, in thesaurario Christi ponens? Nam pueri, unde sibi emant

(e) August. serm. 19. inter 40. novos.

(f) August. serm. 32. de 40. novis.

nescio quid ; simul inveniunt nummos , & ponunt in thesauro , & non aperiunt nisi postea : nunquid quia non vident quod colligunt , idcirco perdidērunt ? Noli timere. Ponunt pueri in thesauro ; & securi sunt : ponis in manu Christi , & times ? (g) Manus pauperis , Abrahæ sinus est : ubi , quidquid pauper accipit , mox reponit. Thesaurus cœli est manus pauperis ; quod suscipit in terra , ne pereat , reponit in cœlum. Manus pauperis est gazophylacium Christi : quia quidquid pauper accipit , Christus acceptat. Da ergo , homo , pauperi terram , ut accipias cœlum. Da nummum , ut accipias regnum. Da micam , ut accipias totum. Da pauperi , ut des tibi : quia quidquid pauperi dederis , tu habebis. (h) Nihil tibi perire vult , qui tua in thesauris cœlestibus vult reponi. Quam securus dormit , qui Deum suorum meruit habere custodem ! Præmittamus , Fratres , thesauros nostros in cœlum : sint vectores pauperes ; qui possunt

P 2

(g) Aug. in Ps. 48. conc. I. ad v. 11.

(h) Chrysol. serm. 8.

340 CONSIDERATIO XIX:

linu suo, quæ nostra sunt, ad superna portare. Nemo de fraude dubitet bajulorum: tuta est ista transvectio, per quam nostra ad Deum, Deo fidejussore, portantur. (i) Vult Deus in paupere sibi dari; & qui vult sibi dari, vult, quod datum est, se debere; & qui vult se debere quod datum est, vult largientibus nil perire. . . . Ob hoc ad te venit tuus ditator in paupere, ut eum non dubites accepta reddere, qui tibi gratis dedit habere quod dares. (k) Est Christus suscipere paratus, & deposita tibi servare; nec tantum servare, sed etiam multiplicare, & cum multo fœnore reddere. Ex illius manu nemo eripit. Non servat autem tantum deposita, sed etiam securum depositorem facit. In hominibus enim deposita suscipientes, gratiam se nobis præstare putant, si custodiunt quæ susceperunt. In Christo autem contrarium. Non enim gratiam præstitisse, sed accepisse se dicit, cum deposita susceperit tua: & pro ipsa custodia, quam circa pecunias tuas ex-

(i) *Chrysol. serm. 7.*(k) *Chrysol. serm. 9.*

OPES BENE CUSTODITÆ. 341

hibet, non te mercedem repetit, sed ipse tibi dat mercedem. (1)

III. Quid Dominus noster JESUS Christus, Fratres, dixit diviti illi quærenti consilium de capeßenda vita æterna? (Matth. 19.) quid enim dixit? Dixit ei, Perde quod habes? Placeret, si hoc diceret, Perde temporalia, ut acquiras æterna. Non citamen dixit, Perde quod habes. Videbat illum amatorem rerum suarum. Non ait, Perde; sed ait, Migra ubi non perdas. Amas thesauros tuos? amas pecuniam tuam? amas divitias tuas? amas prædia tua? Quidquid amas, in terra habes. Ibi habes quod amas, ubi perdas & percas. Consilium dō: Migra in cœlum. Hic si habes, perdes quod habes, peribis cum eo quod perdis. Ibi autem si habes, non amisisti, sed sequêris quò misisti. Consilium ergo dō: Da pauperibus, & habebis thesaurum in cœlo. Non sine thesauro remanebis: sed quod habes in terra sollicitus, habebis in cœlo securus. Migra ergo. Consilium

P 3

(1) Chrysost. hom. 2. ad Pop.

do servandi, non perdendi. Habebis, inquit, thesaurum in cœlo, & veni, sequere me; & ducam te ad thesaurum tuum. Non est hoc dispendium, sed compendium. Evigilent homines, audiant vel experti quod timeant, aut faciant unde non timeant. Migrant in cœlum. Quale consilium est, frumentum reposuisse in terra? Consule amicum tuum, qui novit frumenti & terræ naturam. Imperitiam tuam docet dicens, Quid fecisti? Frumentum in terræ inferioribus posuisti. Humidus locus est; putrescet quod posuisti, perdes & laborem tuum. Quid ergo faciam? Migra in superiora. Audis amicum tuum, consilium dantem de frumento tuo; & contemnis Deum, consilium dantem de corde tuo? Frumentum tuum times ponere in terra, & cor tuum perdis in terra. Ecce Dominus Deus tuus, cum dat tibi consilium de thesauro tuo, dat tibi & de corde tuo. Ubi enim, inquit, est thesaurus tuus, illic erit & cor tuum. (*Matth. 6.*) Leva, inquit, cor in cœlum, ne putrescat in terra. Consilium est ejus, qui te vult servare,

non perdere. (a) Istud consilium proba intellexit, & reipsa probavit vir ille, de quo sic S. Augustinus. Quidam, quod revera dicitur accidisse, homo non dives, sed tamen etiam de tenui facultate pinguis adipe charitatis, cum solidum, ut affolet, vendidisset centum folles, ex pretio solidi pauperibus jussit erogari. Factum est. Ibi ille hostis antiquus, id est, diabolus, egit ut pœniteret eum boni operis sui, & quod obediendo recte fecerat, murmurando deleret. Immisit furem, & abstulit totum, unde pauperibus datum erat exiguum. Expectabat diabolus vocem blasphemantis, invenit laudantis. Expectabat fieri titubationem, invenit confirmationem. Hoc volebat quidem & inimicus, ut pœniteret; & pœnituit. Sed videte quid. Me, inquit, miserum, qui non totum dedi! Hoc enim perdidit, quod non dedi. Non enim ibi posui, quod fur non accedit. (b) Effatum plane Christianum! Non ita locutus, non ita sapuit, at fatali dicto & facto, homo quidam de-

P. 4

(a) Aug. serm. 40. inter novos. Vid. & in Ps. 48. conc. 1. ad v. 8. (b) Aug. serm. illo 40.

344 CONSIDERATIO XIX.

parcus, Iustiniano Imperatore. Rem sic narrat Cedrenus. Constantinopoli dives quidam cum ægrotaret, mortemque timeret, triginta libras auri in pauperes erogavit. Restitutus autem, præter spem suam, bonæ valetudini, fraude diaboli eò est inductus, ut facti ejus ipsum poeniteret, hocque cuidam fideli ac diviti amico suo aperiret. Monet iste hominem, ne huic malæ assentiatur cogitationi, Deumque irritet, qui cum propter istam largitionem miseratus sanitate donaverit: alioqui fore, ut subita morte nondum mutato facto pereat. Cum non moveretur ille, sed magis magisque queritaretur, Amicus, quando (inquit) salutare consilium non admittis, aliud tibi subjiciam. Poscenti hoc, verè misericors ille: Agedum, ait, in templum abi; &, non te, verum me, illam in pauperes elargitum fuisse pecuniam dicito. Ipse tibi statim triginta illas libras reddam. Consentiens infelix ille, ad templum abiit, auroque accepto, ita uti alter præceperat, locutus est. Inde egrediens, ad ipsam templi portam mortuus conci-

dit. (c) Stulte, quæ parasti, quæ ser-
 vasti, cujus erunt? (d) Homo, er-
 go ne servando perdas, collige pro-
 rogando: homo, dando pauperi, da
 tibi: quia quod tu alteri reliqueris,
 non habebis. (e) Ita sibi malè providi
 Cænobita quidam, dum invito Abbate,
 negatâ egenis consuetâ eleëmofynâ, anno-
 nam, sterili anno, soli suo monasterio ser-
 vare volunt, amittunt totam, tritico omni
 in germen herbâmque effuso. (f) Mona-
 sterium aliud ex hospitalitate & largis con-
 tinuîsque in pauperes largitionibus prius benè
 ditatum, solâ tenacitate novi Abbatis de-
 pauperatum esse, asseruit, agrè ac timi-
 dè à Ianitore ad hospitium & tenuem cœ-
 nulam admissus grandævus in speciem &
 canus vir, apertè Ianitori isti enuntians
 quòd duo fratres inde expulsi essent, qui
 nisi revocarentur, nunquam ei monasterio
 futurum benè: illorum fratrum alteri no-
 men, Date; alteri, Dabitur vobis.
 Dixit, & sese oculis subduxit hospes. Ia-
 nitor rem Abbati ex ordine retulit. Resum-
 pta est hospitalitas & in egenos liberalitas.

P 5

(c) Cedren. in Annal. Zonara to. 3. pag. mibi 123.

(d) Luc. 12. (e) Chrysol. serm. 43.

(f) Ioan. Moschus prat. spirit. c. 85.

346 CONSIDERATIO XIX.

& res familiaris mirificè augeri cœpta.
 (g) Idem ferè narratur ab eodem scrip-
 tore Casario, de matrona quadam, qua
 peregrinos Christi famulos liberali hospitio
 & gratuita mensâ accipiens, indèque di-
 vinâ largitate oppidò ditescens, ubi, ex
 vano timore, ne, si pergeret tantum sum-
 ptuam simili hospitalitate profundere,
 paupertatem incurreret, manum contraxit,
 sensit & sibi divinam manum subtra-
 hi: non enim (verba sunt Histori-
 ci) in domo illâ frater Dabitur habi-
 tare poterat, de quâ germanus ejus
 Date, expulsus erat. Ad se & ad pristi-
 nam liberalitatem rediit mulier, & Deus
 ad munificam remunerationem. (h) Pro-
 inde rectè ac lepidè, Ludovicus Bertrandus,
 ex illustri Prædicatorum familiâ, nuper in
 Sanctorum album relatus, dicere solitus erat:
 (i) In domibus religiosis quod egreditur &
 effunditur in egenos per portam Conventus,
 regreditur, atque refunditur per portam
 templi, & hoc quidem auctum in duplum:
 adde, & decuplum, & amplius. Num-
 quam enim, ut scitè Nazianzenus, Dei
 liberalitatem vinces, etiamfi omnia

(g) Casarius Illustr. mirac. l. 4. c. 68.

(h) Cesar. ibid c. 69. (i) in ejus vita.

dederis, & te ipsum adjeceris: nam hoc quoque ipsum accipere est, nempe Deo donari. (k). Et Ambrosius: Beneficium largientis, præbenti magis permanet, quam suscipienti: nam misericordia quidem ad indigentem pervenit, gratia autem multiplicatæ mercedis permanet tribuenti. (l). Dices, ludere divinam providentiam. Et verò ludit in orbe terrarum, cæli delitiæ, esse cum filiis hominum, (m) at singulariter cum viris misericordiæ, quorum permanent bona. (n) Ita eruditè Clemens Alexandrinus (o) elemosynam comparat pilæ ludo, in quo eadem pila, qua ad alterius manum datatim mittitur, viam relegendi ad dexteram prioris redit; Deo vincente semper, homine nihil unquam perdente, imò nunquam non lucrante. Ista liberati ludo, pauper quidam paterfamilias cum unum, quem habebat nummum comparando tantillo edulio, mendico stipem petenti elargitur; cum mensa assidet famens pane arido toleraturus, ab ignoto famulo festinè accurrente, viginti solidos linteo invo-

(k) Naz. orat. 16. de amore pauper. (l) Ambr. serm. 81. (m) Prov. 2. (n) Eccli. 44. (o) teste Drexelio Gazophyl. p. 2. c. 4. §. 4.

lutos accipit, & dum hominem affari parat, amplius non videt. (p) Eodem ludo civis Romanus, beneficâ in peregrinos ac pauperes liberalitate, imminutis (si tamen imminui verè possunt, quæ in sinus & manus pauperum deponuntur) rebus suis; jam senex, arcanâ voce iterum ac tertium noctu monitus, vineam suam cum hominis opulenti, qui nominabatur, vineâ permutat, ac cum liberis sapius effossâ terrâ, tandem inter rudera vas marmoreum, quod balsamum & aliquot nobiliores gemmas continebat, eruit: quibus carè, pro merito, venditis; grandem pecuniam etiam liberis nepotibusq; colligit. (q) Eundem ludum Ethnicus vir Nisibena civitatis, à conjugè Christianâ edoctus, quinquaginta nummos, totum rei domestica censum, in manus pauperum, per quos accipere & cum fœnore reddere illa dixerat Christianorum Deum, deposuerat. Exaëto trimestri, re valdè angustâ domi, nequedum conspecto ullo fœnore, sano iterum uxoris suasse, ad eum locum, ubi pauperibus erogaverat, redit; iacentem ad pedes monetam conspicit, letus tollit, & piscem inde comparat mensa pa-

(p) Petr. Dam. l. 1. ep. 10.

(q) Cantiprat. l. 2. Apum. 6. 20. n. 2.

randum ; inventum intra piscis viscera lapillum , pretii , uti & uxor , ignarus , deferret ad argentarium , à quo tandem trecentos omninò nummos obtinet : quo quidem inexpectato lucro attonitus , se tam potenti tamq̃ munifico Deo addixit , Christiana sacra sectatus. (r) Hæc aliæque quotidiana divina beneficentia documenta luce clariùs demonstrant , quàm tuiò providæque in corde sinûque pauperum , ac per eos , in manibus Christi concludantur augeſcantq̃ dispersæ opes , vel in hac mortali vitâ : nam de aternâ dicetur consideratione ſequenti. Quare caveant ſummoperè æconomi , aliæque eleëmofynarum miniſtri , ne beneficentiam dominorum quaſi liberaliorem contrahentes , dum pauperibus , citra imò contra donantium mentem , illiberali parſimoniâ aliquid ſubtrahunt , iſtâ ſuâ noxiâ tenacitate , quorum rem ſervandam augendamq̃ ſtultè putabant , eandem graviter imminuant ; uti non rarò eveniſſe legimus. Mandarat magnus ille eleëmofynarius Ioannes Logotheta & OEconomo , ut civi à furibus depauperato quindecim darent auri libras. Dedere ſolùm quinque. Eodem die opulenta vidua Ioanni ad Eccleſiæ uſus

(r) Io. Moſchus Prat. ſpirit. c. 185.

350 CONSIDERATIO XIX.

donat, submisso chirographo, quinque auri centuanpondia. Accersita matrona, & rogata à Ioanne divinitus edocto, an tantum quinque dare voluisset: ingenuè respondit, se quidem quindecim dare voluisse, & tantundem in charta pridie scripsisse; at sequenti manè, dum chartam relegit, decem deleta reperisse, atque divina id esse voluntatis arbitratam, non ultra quinque mittere. Dimissâ matronâ, apertissimè convictos mendacii, & damni illius sordidâ suâ avaritiâ reos graviter arguit pius Antistes.

(s) Ita malè providus Diaconus, à Germano Antistiodorensi Episcopo magna sanctitatis & in egenos beneficentia, iussus, qui reliqui omninò erant, aureos tres dare mendicis stipem in itinere rogantibus, unum retinet. Paululò pòst, equites à Leporio viro ditissimo missi, offerunt ducentos aureos, & unâ Dominum suum Præsuli commendant. Hic enimverò Præsul seriâ fronte Diaconum compellans, Scito, ait, quòd & pauperes deceperis, & nobis centenos aureos ademeris. Nam, si mendicis, uti iusseram, tres aureos dedisses, liberalissimus remunerator Deus nunc trecentos misisset.

(t) S. Marcellus Abbas, mirè in egenos,

(s) Leontius in vita c. 10. apud Rosweydam.

[c] Sur. 31. Iulii vita l. 2. c. 11.

OPES BENE CUSTODITÆ. 351

non sine prodigiis, liberalis, jusserat, tribus Episcopis e captivitate redeuntibus, quidquid aurum domi superesset, dari. Oeconomus fatum prudens, e decem statueribus dedit novem, retento uno in usus alios. Paulò post ad Marcellum venit, qui nonaginta talenta dono tulit. Accepit ea vir sanctus, & gratias egit. Mox accitum oconomum acriter objurgans: Ecce, inquit, ô parce, quis sit exitus tua parsimonia. Effecisti enim, ut totis decem talentis minor esset, quam erat futura, donatio. (u) Ex his aliisque verissimum esse deprehendis atque identidem meditandum antiquum illud trochaicum:

Hoc homo sibi reponit, pauperi
quod erogat;

& illud, quod inter selecta epitaphia velut singulare probatur:

Habeo quod dedi,

Perdidi quod servavi.

Vnde & sapientiâ & beneficentiâ laudatissimus ille Aragonum Rex Alphonsus, cum quispiam familiariter quæreret, quid servaret sibi, qui tam multa multis donaret? Ea ipsa, respondit, quæ dono. (x) Quare, non qui habet & servat, sed qui im-

(u) Sur. 29. Dec, (x) Drexel. Gazophyl. p. 1. c. 30.

352 CONSIDERATIO XX.

perit, est dives : & impertitio ac communicatio, non autem possessio, beatum reddit. (7) Aurum prodesse potest danti, non possidenti. Ideò demus divitias in præsentī, ut in futuro possideamus. Nullus melior custos divitiarum, quàm Christus. (2)

(7) *Clem. Alexandr. Pedag. l. 3. c. 6.*

(2) *Alcuin. ep. 66.*



CONSIDERATIO XX.

COELVM VENALE.

I. **V** Ade, vende omnia quæ habes, & da pauperibus, & habebis thesaurum in cœlo. (1) *Vbi Hilarius* : Iacturâ substantiæ terrenæ, cœlorum opes emendæ sunt. Felicitas ergo magna Christianorum, quibus datum est, ut paupertate faciant pretium regni cœlorum. Non tibi displiceat paupertas tua, nihil eâ potest diutius inveniri. Vis nosse quàm locu-

[1] *Matth. 19.*

ples sit? Cœlum emit. (b) Vende aurum, & eme salutem: vende lapidem, & eme regnum Dei: vende agrum, & eme tibi vitam æternam. Vera allego, quia verba astruo Veritatis. Si vis perfectus esse, inquit, omnia quæcumque habes, vende, & da pauperibus, & habebis thesaurum in cœlo. (Matth. 19.) Et noli contristari, cum hæc audis; ne dicatur & tibi, sicut & illi adolescenti diviti, cui dictum est: Quàm difficile, qui possessiones habent, in regnum Dei intrabunt! Magis, cum hæc legis, considera, quia ista tibi potest mors eripere, potestas superioris tollere. Deinde quia poteris parva pro magnis, caduca pro æternis, thesauros pecuniæ pro thesauris gratiæ vendere. Isti corrumpuntur, illi permanent. Considera, quia hos solus non possides; possidet tecum tineæ, possidet ærugo, quæ consumit pecuniam. Has tibi consortes avaritia dedit. Vide autem quos tibi det gratia debitores. Splendidum in panibus benedicent labia justorum, & testimonium bonitatis illius fiet. Facit ti-

(b) *Aug. de verb. Apost. serm. 28.*

354 CONSIDERATIO XX.

bi Patrem debitorem Deum, qui pro munere, quo pauper adjutus est, fœnus exolvat, quasi boni debitor creditoris. Facit tibi debitorem Filium Dei, qui ait: Esurivi, & dedistis mihi manducare: sitivi, & dedistis mihi bibere: Hospes eram, & collegistis me: nudus, & operuistis me. (Matth. 25.) Quod enim unicuique minimorum collatum fuerit, sibi dicit esse collatum. (c) *Quam autem mercedem daturus est, cum venerit in maiestate sua, & omnes Angeli cum eo, & sedebit super sedem maiestatis suæ? (d) Enimvero dignam Deo. Venite, inquit, benedicti Patris mei: possidete paratum vobis regnum à constitutione mundi. (e) Quis dubitet post hanc vocem de hoc sæculo cum tota patrimonii sui pompa migrare? Stultitiæ profectò vanitas est, vitium in electione meritum, plus mundum eligere, quam cœleste regnum; magis sæculo placere, quam Christo. Si quis itaque vult locum invenire in cœlesti sede, non desinat indigentibus necessaria mini-*

(c) *Ambr. de Nabuthe c. 14. (d) Matth. 25.*(e) *ibid.*

strare. Sed fortè dicat aliquis, Tenuerunt facultates meae : non patiuntur tantas erogationis expensas. Si tibi aliquis domum præclaram hujus temporariae possessionis offerret, nonne pretio collato undique nummos aggereres ; & si fortè sacculi tui pondus non sufficeret , rem tibi necessariam mutuata pecuniâ comparares , donec ampliata novo cespite possessione gauderes ? Ecce possessio tibi regni coelestis offertur , & quidem parvâ pretii mercede taxatâ ; quæ possit etiam ab illo facile emi , qui non solet de paupertate causari. (*f*) Exteriora etenim nostra Domino quamlibet parva sufficiunt : cor namque , & non substantiam , pensat . . . Estimationem quippe pretii rectè non habet , sed tamen regnum Dei tantum valet , quantum habes. Valuit namque Zacchæo dimidium substantiæ : quia dimidium aliud ad hoc quod injustè abstulit , restituendum in quadruplum reservavit. (Luc. 19.) Valuit Petro & Andrea dimissis retibus & navi. (Matth. 4.) Valuit viduæ duobus minutis. (Luc.

(*f*) *Valerian. hom. 7.*

356 CONSIDERATIO XX.

21.) Valuit alteri calice aquæ frigidæ. (Matth. 10.) Regnum itaque Dei, ut diximus, tantum valet, quantum habes. Pensate igitur, Fratres, quid vilius, cum emitur; quid carius, cum possidetur? Sed fortasse nec calix aquæ frigidæ suppetit, qui indigenti præbeatur: etiam tunc securitatem nobis promittit sermo divinus. Redemptore etenim nato, cœli cives ostensi sunt, qui clamarent: Gloria in excelsis Deo, & in terra pax hominibus bonæ voluntatis (Luc. 2.) Ante Dei namque oculos nunquam est vacua manus à munere, si fuerit arca cordis repleta bonâ voluntate. (g) Pius scilicet ac misericordiâ plenus, & consulere volens non solum divitum largitati, sed etiam pauperculæ officiositati, ostendit, quo obnoxium sibi in aliquo Deum faceret, etiam qui quod sceleraret, penitus non haberet. Sed forsitan tibi, quicumque dives es, indignum hoc facultatibus tuis opus pauperculorum esse videatur, & velis aliquam ad te peculiariter pertinentem sponsonem dominicæ repro-

(g) Gregor. hom. 5. in Evang.

missionis audire. Habes primùm illud, quod ad divitem illum Deus in Evangelio loquitur : Vade, vende omnia bona tua, & habebis thesaurum in coelo.... Postremò illa, quibus omnes rerum mundialium possessores ad opus profluxæ largitatis spe infinitæ remunerationis invitat, dicens quod omnis qui propter honorem atque amorem suum, aut domum, aut agrum, aut quamcumque aliam facultatem in usus misericordiæ prærogavit, centuplum accipiat in futuro. Insuper autem inquit : Et vitam æternam possidebit. Quid spondere majus credentibus sibi potuit, qui magis sceneratoribus suis centuplum se redditurum esse promisit ? Nec solum hoc, sed vitam, inquit, æternam possidebunt. (h) Sed quæso, durumne adeò aut grave tibi verbum is proponit Magister ? Vende, inquit, quæ possides, & da pauperibus. Si proposuisset aut agriculturæ labores, aut mercaturæ pericula, vel qualia, qui pecuniis student, tolerare solent, jure gravatus te poteris excusare, ac consilium despi-

[h] *Salvian. ad Eccles. l. 3.*

358 CONSIDERATIO XX.

cere. Si verò facilis tibi via, fudoris laborisq̃ue vacua, ad consequendum æternæ vitæ hæreditatem ostenditur, tanta salutis facilitate non gaudes, sed dolens anxiusq̃ue discedis: facis ut quidquid boni gesseris, inutile parumq̃ue tibi valitutum fit. . . . In festis mercatibusq̃ue nemo angitur sua pro mercibus dare: quantoq̃ue fuerint pretiosiores, tanto magis gaudet, ut quam accipiat præcellentior. At tu & aurum & possessiones distribuere, prætereà lapidem & terram pro æterna dare felicitate gravaris . . . Si te in futurum sæculum sequerentur, profecto præ illis pretiosioribus, quæ ibi reperies, & hæc nihil penderes. Sed quando necesse semel est ea hic remanere, cur ex eorum actione non lucrificas, majora longè reperiendo? Nam si alacri lætoq̃ue animo das aurum, ut equos possideas; cur id regno Dei potius commutari suavis dolens, petenti denegas & abnuis, mille sumptuum occasiones commemorando? (i)

(i) *Basil. hom. 7. in divites avaros.*

II. Hanc esse vitam nundinas cre-
das, velim.

Negotiari si scias, lucrum feres,
Caduca mutans commodis peren-
nibus.

Post illud tempus, alterum non sup-
petet. (a.)

Et vide, quanta sit Dei misericordia:
temporalem redimere mortem tibi non
concessit, sed concessit, æternam mor-
tem. Ne brevem, inquit, etnas vitam
hanc, sed vitam illam æternam: illam
tibi vendo, non hanc; non illudo ti-
bi. Hanc etsi ceperis, ceperis nihil.
Ego novi, quòd illa magna sit....
Potest igitur, inquires, pecuniis vita
redimi? Potest, si nostra erogemus.

(b) Non deest, unde Deus det suis.
Tu vide quid emas, quando emas,
quanti emas. Emis enim regnum cœ-
lorum; & non est emendi tempus,
nisi in hac vita. Et quàm vili emas,
attende. Tanti tibi valet, quantum
habere poteris. Fac misericordiam.

(c) Producitur hodie bona negotia-

[a) Greg. Nazianz. in *Tetrastichis*. (b) Chry-
Jost. hom. 36. ad Pop. vid. & in 2. Tim. hom. 6.

(c) August. in Ps. 102.

360 CONSIDERATIO XX.

tio. Videmus enim captivos & pauperes : videmus in foro quosdam circumferri clamitantes, videmus lacrymantes, videmusque sese humili nobis quosdam flectentes applausu. Nundinæ nobis profectò mirabiles sunt : harum nulla alia est professio, & negotiatori nulla alia intentio, quàm parvo quidem emere, magno vendere : nam ea cujusque negotiantis industria. Num negotiationis alia ratio est, quàm quòd minori empta, majori pretiò vendat, atque duplicatam sibi summam inveniat ? Tales igitur nobis Deus nundinas proposuit : modico justitias eme, quò multo vendas in sæculo futuro. Hic modico justitia emitur, pro vili panis fragmento, vili pro vestimento, pro calice aquæ frigidæ Quamdiu itaque virtutes adsunt, quæ parvo venundantur, ab eo, qui magna donat, accipiamus, rapiamus. Sitientes enim, inquit, venite ad aquas : & qui non habetis argentum, venite, & emite. (Isai. 55.) Quamdiu nundinæ ipsæ perseverant, demus eleemosynam, salutem

ema-

emamus. (d) Quanti emitur? quanti libuerit. Pretium non appono, ne obicias inopiam. Quanti potes, tanti eme. Habes denarium? eme cœlum. Non quòd venale sit cœlum; sed quòd clemens sit Dominus. Non habes denarium; da calicem frigidaë aquæ. Inquit enim: Quicumque dederit uni ex minimis istis calicem aquæ frigidaë propter me, non perdet mercedem suam. (Matth. 10.) Mercatura, negotiatioque cœlum est: atque ipsi pigritamus. Da panem, & accipe Paradisum: parva da, & magna suscipe: da mortalia, & immortalia recipe: da corruptibilia, & incorruptibilia accipe. (e) Omni pretio comparandum propositum est regnum cœlorum. Non est ut dicat aliquis habens duos denarios, idoneum se non esse ad comparandum. Tanto illa evangelica vidua comparavit. (f) Cibus egeni, regni cœlestis est pretium: & largitor temporalium, hæres efficitur æternorum. Unde autem exigua ista impendia, tantâ æstimari taxatione meruc-

Q

(d) *Chrysost. de Pœnitent. ho. 5.* (e) *Idem de Pœnit. ho. 9.* (f) *Aug. serm. 19. ex 40. novis.*

362 CONSIDERATIO XX.

runt ? nisi quia pondera operum ,
 charitatis lance pensantur ; & cùm
 amatur ab homine , quod Deus dili-
 git , meritò in ejus ascenditur regnum ,
 in cujus transfitur affectum. (g) Cla-
 mat Deus : Misericordiam volo (O-
 see 6.) Homo da Deo quod vult , si
 vis tibi dari à Deo quod vis. Miseri-
 cordiam volo , Dei vox est : Deus
 à nobis misericordiam petit : & , si
 dederimus , quid dicturus est ? Esuri-
 vi , & dedistis mihi manducare. Veni-
 te benedicti Patris mei : percipite re-
 gnum &c. Qui dederit esurienti panem ,
 dabit sibi regnum : negabit sibi fon-
 tem vitæ , sitienti aquæ calicem qui
 negarit. Amore pauperis , Deus suum
 regnum vendit : & , ut emere illud
 omnis homo possit , fragmentum pa-
 nis ponit in pretium : quia vult ha-
 bere omnes , qui tantum petit pretii ,
 quantum hominem scit habere. Deus
 regnum suum fragmento panis ven-
 dit : quis excusare poterit non emen-
 tem , quem tanta vilitas venditionis
 accusat ? (h) Non est enim , non est ,

(g) *Leo serm. 4 de Collectis.*(h) *Chrysost. serm. 41.*

inquam , mercaturâ istâ & negotia-
tione lucrosius : nam fit quidem in
terra , consummatur in cœlo. Emen-
tes enim , in terra quidem consistunt,
coëmunt verò & paciscuntur ea quæ
in cœlis sunt , terrenum rependentes
pretium. Sed istud ne reprehendas ;
cœlestia pecuniis non emuntur. Non
pecuniæ ea comparant , sed voluntas
ejus qui pecunias dependit. Philoso-
phia est , temporalibus superiorem es-
se , esse benignum & misericordem.
Alioqui si argento cœlestia venirent ,
quæ æra minuta duo dependebat , ni-
hil utique magni accepisset. Quoniam
verò non argentum , sed voluntas hîc
valebat , factum est , ut quia omnem
voluntatem suam exhibebat , omnia
quoque acceperit. Non ergo dicamus ,
pecuniis venire regnum cœlorum : non
pecuniis emitur , sed animi voluntate ,
quæ pecuniis ostenditur & exhibetur.
(i)

III. Cælum eleëmofynâ comparari , præter
luculenta Christi Iudicis verba , quibus mi-
sericordibus paratum , à constitutione mundi
regnum adjudicat , clamant complures histo-

Q 2

(i) Chrysost. ho. 15. in ep. ad Philipp.

364 CONSIDERATIO XX.

ria. Aliquas accipe , mi Christiane , & felici faciliq³ commercio cælum nundinare. Suaſerat Elcëmoſynarius Ioannes Alexandrinorum Patriarcha Troïlo Epifcopo , ut triginta auri libras , quas in ſupellectilem argenteam effundere parabat , in egenos meliore conſilio & proventu effunderet. Fecit ille ; at poſteà (ut erat nummorum appetentior) facti pœnitens , etiam in febrim ex animi agrimonia incidit. Rem ſubodcratus Patriarcha , pecuniam avaro reſtituit & ſanitatem. Ille verò , ſibi jam velut redditus , chirographum dat in hæc verba : Deus, Domino meo Joanni beatiffimo Patriarchæ hujus Alexandrinorum magnæ civitatis , da mercedem triginta librarum auri , quæ datæ ſunt tibi : quoniam ego recepi meas. Ita infelix nundinator , cælum , quod jam triginta auri libris emerat , Patriarcha ceſſit ; quod & probavit objecta deinde illi viſio. Siquidem in ſomnis videre ſibi viſus eſt palatium ingens miræ pulchritudinis , auro gemmiſq³ conſpicuum ; tum in illius ſuperliminari cubitalibus litteris hanc etiam inſcriptionem legere : Manſio æterna , & requies Troïli Epifcopi. Dum his oculos animumq³ paſcit , atque oblectat , Ecce tibi ex eo pa-

latio Genius aliquis, utique cœlestis, alius velut cubiculariis comitatus, epigraphen illam eradi mandat, atque hanc substitui: Mansio æterna, ac requies Joannis Archiepiscopi Alexandriæ, empta triginta libris. Excusso ad has sopore & stupore, didicit infelix Troilus, cœlum se perdidisse, malè revocato & recepto, quod paulò antè dederat, pretio; factus tamen inde sapientior, largus deinceps in egenos, recuperare studuit quod amiserat. (a) Emit, imò sibi paravit cœleste palatium sanctus Deus-dedit, opificio sutor; de quo S. Gregorius Pontifex maximus. (b) Is Romæ diebus sabbathinis itare consuêrat ad adem S. Petri, atque in mendiculos, qui fortè ad valvas stabant, distribuere, quidquid sibi lucelli pararat reliquâ hebdomadâ. Ei insignem domum, dignam cœli habitatore, edificari vidit, Deo revelante, quispiam, observavitq̃, ejus constructores solo die Sabbathi operari, câ videlicet luce, quâ eleëmofynas elargiebatur, ut illarum sumptu palatium istud assurgere intelligeretur, nummis in lateres aureos conversis. Sanè quidem (subdit Cardinalis Baronius, post-

Q 3

(a) Leont. in vita S. Ioan. c. 9. apud Bollandum 23. Jan. (b) Dialog. l. 4. c. 36.

356 CONSIDERATIO XX.

quam hæc ex S. Gregorio retulit) (c)
 quæ per vilum ostensa sunt symbola
 veritatis, ex divinis quoque Scriptu-
 ris sibi vendicant testimonium. Si enim
 de structura agitur, scriptum est : Mi-
 sericordia ædificabitur in cœlis (Ps.
 88.) Et de lapidibus pretiosis sive la-
 terculis aureis, habes, præter alia mul-
 ta, Apostolum istud ipsum uberius
 exprimentem, cum ait : Si quis su-
 perædificat super fundamentum hoc,
 aurum, argentum, lapides pretiosos,
 &c. si cujus manserit opus quod ædi-
 ficavit, mercedem accipiet. (1. Cor.
 3.) Hæc & alia plurima id genus in
 divinis Scripturis facile est invenire,
 non ad insinuandum quid sint, sed
 quid significare velint. *Hactenus Baro-*
nus. Mansionem pariter in cœlis perma-
nentem, suâ in pauperes misericordiâ, sibi
comparavit Petrus Vellius, locuples in In-
diis mercator. Rem narro historici nostri
Orlandini verbis. (d) Puellæ egentis
 ut pudori pudicitiaque consuleret Xa-
 verius (*magnus ille Indiarum Apostolus*)
 corrogare ei undique dotem cœpit:

(c) *Ad ann. Christi 590.*(d) *Histor. Soc. par. 1. l. 12. n. 100. & seq.*

& à Vellio homine pecuniosissimo, veteri familiari, mutuum petit argentum, centuplicato fœnore in cœlo reddendum. Is cùm alienæ domi sese latrunculis oblectaret, clavem arcæ nummariæ Xaverio tradidit, ut inde auri promeret quantum vellet. Erant in ea arca aureorum condita facilè triginta millia: Sed Pater trecentos tantum abstulit, claviq̃ue redditâ, Petro renuntiat, quantum inde deprompserit. Tum Petrus, Facis, inquit, injuriam amicitiae nostræ, Xaveri, qui tam exiguam particulam abstulisti; multò minus sumpstisti, quàm volui. At ego ubi tibi clavem tradidi, ita destinavi animo, ut illam auri summam partiremur ex æquo. Cujus pia liberalitate Xaverius magnopere delectatus: Et ego, inquit, Dei nomine tibi polliceor atque confirmo, nullo loco ejus tibi misericordiam, qui in alios fuisti misericors, defuturam; futurumq̃ue insuper ut extremâ tuæ vitæ diem, quò paratior ad Deum abeas, eo præmonente cognoscas. Ex eo die Petrus vir alius evasit, præcipueq̃ue beneficentiæ pietatisq̃ue studiis ita se

dedit, ut interjecto annorum aliquot spatio, dignus denique idoneusque sit habitus, cui Deus diem sui obitus indicaret. Compositâ quippe re domesticâ, magnâque ex parte suis fortunis in egenos ac miseros erogatis, ad ædem pergit, Parochumque hortatur, ut pro Petro Vellio funebre sacrificium ritu solenni faciat; cui interfuit ipse, se jam numerans inter mortuos. Inde amicis singillatim valere jussis, tanquam peregrè discessurus, cum rogaretur, quò tandem discederet, respondit, In cœlum. Iocari hominem lepidum & cæteroqui facetum rebantur amici. Verùm ubi in eo perseverare Vellium, remotoque joco, seriò loqui senserunt, audierantque jam illum sacris funeribus ritè animo procurato, præstolari domi abditum mortis adventum; insaniam illam interpretati, vel ægritudinem animi, domum ejus, coiere frequentes, ut eum pro se quisque ab ea tristitia ægritudinèque deducerent. At ille gaudium animi, oris hilaritate contestans, Xaverii prænuntiationem amicis exponit, rogatque suo ut funeri eo ipso

die mox obituri dent operam. Nec ita multò pòst, affectâ jam ætate hominem repentina mors abstulit; eodemque die ad ædem elato, amici, tam inusitato mortis genere obstupefacti, funus & iusta curarunt. *Felix commercium ! terrenis coelestia, transitoris mercari æterna. (e)* *Fortunatam hanc, ac Christiano cuilibet, ipsis etiam Regibus exercendam, negotiationem, gravibus sententiis commendat B. Alcuinus ita scribens Ædilredo Regi: Quidquid in sæculo amatur, amittitur. Quidquid pro Deo datur, habetur. Cui largus eris, si tuæ animæ tenax ? Vel quis tibi fidelis erit, si tu tibi infidelis eris ? Cur in alium spem ponis, & tu tibi ipse benefacere non vis ? Morieris, ô homo, & omnia dimittes quæ habes. Hic vis esse dives, peregrinus & parvi hospes temporis; & non vis ibi esse dives, ubi semper eris ? Præmitte tibi divitias tuas, ut habeas in æternum, quod amas in sæculo. Construe tibi bonis operibus beatam domum. (f)* Hanc in

Q 5

(e) *Petr. Dam. de eleëmo. c. 2. apud Nieremb.*
bo. 2. s. 3. (f) Alcuin. ep. 29.

370 CONSIDERATIO XX.

structuram, (*monet Chrysostomus*) pecuniam impendamus. Non architectorum sanè aut operariorum magna nobis fuerit cura. Pauperum manus hujusmodi domos construunt; claudi, esurientes illas ædificant. Ne mireris, quoniam quidem hi & regnum nobis propinant, fiduciamque nobis ad Deum tribuunt. Nam eleëmofyna ipsa artifex est, optimaque illorum propugnatrix & tutela, qui exercent eam. Etenim Deo amica est, & cominus sibi semper assistit. (g) *Hinc verissimè Salomon*: Qui sequitur justitiam & misericordiam, inveniet vitam, justitiam, & gloriam. (h) *Augustinus verò*: Felix operarius cultor eleëmofynarum, qui ære suo comparaverit cælum, & dans panem esurientibus, delictorum suorum pressit incendium ... In tali causa operarius felix vivit, & securus jam moritur, cum quo ambulat patrimonium in immortale horreum, in quo debitorem fecit Dominum, dum pascit alterum dando ... Nullam poterit incurrere perniciem, qui comparaverit eleëmofynis pietatem. (i)

(g) *Chrysost.* de pœnit. hom. 7. (h) *Prov.* 21.

(i) *August.* hom. 39. inter 50.



CONSIDERATIO XXI.

COELESTE CORNV-COPIÆ.

I. **M**Ultis divinarum Scripturarum testimoniis edocemur, quantum eleëmofynæ meritum, & quanta sit virtus. Certum est enim, unumquemque nostrum animæ suæ benefacere, quoties misericordiâ suâ inopiæ succurrit alienæ. (a) *Id quod præclare agnovit, & filium suum docuit Tobias senior: Ex substantia tua fac eleëmofynam, & noli avertere faciem tuam ab ullo paupere: ita enim fiet, ut nec à te avertatur facies Domini. Quomodo poteris, ita esto misericors. Si multum tibi fuerit, abundanter tribue: si exiguum tibi fuerit, etiam exiguum libenter impertiri stude. Præmium enim bonum tibi thesaurizas in die necessitatis, Quoniam*

(a) *Leo serm. I. de Collectis.*

372 CONSIDERATIO XXI.

eleëmosyna ab omni peccato, & à morte liberat, & non patietur ire in tenebras. Fiducia magna erit coram summo Deo, eleëmosyna, omnibus facientibus eam. (*b*) *Quæ Tobiaë effata, confirmat ipse Raphaël Angelus unus ex septem, qui adstant ante Dominum, Tobiam ipsum alloquens*: Bona est oratio cum jejuniis, & eleëmosyna magis quàm thesauros auri recondere: quoniam eleëmosyna à morte liberat, & ipsa est quæ purgat peccata, & facit invenire misericordiam, & vitam æternam. (*c*) *Et Veritas ipsa*: Date eleëmosynam, & ecce omnia munda sunt vobis. (*d*) *Siracides verò*: Ignem extinguit aqua, & eleëmosyna resistit peccatis. (*e*) *Et iterum*: Conclude eleëmosynam in corde pauperis: & hæc pro te exorabit ab omni malo. Super scutum potentis, & super lanceam, adversus inimicum tuum pugnat. (*f*) Efficacissima est ad exorandum Deum postulatio, cui pietatis opera suffragantur. (*g*) Benignitatem itaque in hoc, & dispensationem di-

(*b*) *Tob. 4.* (*c*) *Tob. 12.* (*d*) *Luc. 11.* (*e*) *Eccli. 3.*
 (*f*) *Eccli. 29.* (*g*) *Leo serm. 6. de jejun. X. mensis.*

COELESTE CORNU-COPIÆ. 373
 vinæ pietatis agnosce. Idcirco enim
 te abundare voluit, ut per te alius non
 egeret; & per ministerium operis tui,
 pauperem ab egestatis labore, te à
 peccatorum multitudine liberaret. O
 mira providentia Creatoris ! ut uno
 facto duobus vellet esse succursum.
 (*h*) Eleëmofynæ enim, opera chari-
 tatis sunt. Et scimus, quòd charitas
 operit multitudinem peccatorum. (*i*)
Quare meritò scriptum est : Benefacit
*animæ suæ vir misericors. (*k*) Et ite-*
rum : Beati misericordes, quoniam ipsi
*miserecordiam consequentur. (*l*) Ipse*
erit illis summa præmii, qui forma
*est præcepti. (*m*) Quoniam qui suum*
ab inope non avertit animum, citò ad
se Domini convertit auditum, dicente
Domino : Estote misericordes. Dimit-
tite, & dimittetur. (Luc. 6.) Quid
hac justitia benignius ? Quid hac re-
tributione clementius, ubi sententia
judicaturi in potestate ponitur judi-
candi ? Date, inquit, & dabitur vo-
bis. Quàm citò diffidentiae sollicitu-

(*h*) *Leo de Collect. serm. 1. (*i*) Ibid. serm. 2.*

(*k*) *Prov. 11. (*l*) Matth. 5. (*m*) *Leo de je-*
*jun. X. mensis serm. 5.**

374 CONSIDERATIO XXI.

do, & avaritiæ est amputata cunctatio! ut quod reddituram se promittit Veritas, secura expendat humilitas. (n) Nullâ enim devotione fidelium magis Dominus delectatur, quàm istâ quæ pauperibus impenditur; & ubi curam misericordiæ invenit, ibi imaginem suæ pietatis agnoscit. (o) Ita cùm pleraque alia dixit, de nullo id, præterquàm de misericordia, dixit: Estote misericordes sicut & Pater vester. Nihil enim certè nos usque ad similitudinem Dei sic effert atque extollit, quemadmodum libera, benefica, & copiosa collatio. (p) Solum pietatis ac miserationis est studium, quo Deo æquales evadere possumus: quo si careamus, cuncta simul amissimus. Non enim ait: Si jejunaveritis, aut virginitatem observaveritis, aut oraveritis, Patri vestro similes eritis: nihil enim hujusmodi in Deum cadit, neque aliquid tale operatur Deus. Sed quid? Estote, inquit, misericordes, sicut Pater vester, qui in cœlis est. Istud Dei opus est: hoc si desit, quid

(n) Ibid. *serm.* 6. (o) Leo de *Quadragesimâ* *serm.* 10. (p) Chrysost. in *Matth. hom.* 36.

habes? ... Nihil Deum ita nobis propitium, ut misericordiæ studium, facit.

(q) *Vnde Clemens Alexandrinus*: Revera Dei est imago homo benefaciens: qua in re ipse etiam beneficio afficitur, sicut gubernator simul servat, & servatur. (r) Deus enim est talis doni conditor. Iam verò qui lubenter largitur, satis magnas accipit usuras, ea quæ sunt apud homines pretiosissima, nempe mansuetudinem, benignitatem, magnificentiam, bonam famam, laudemque & gloriam. (s) *Hac ille. S. verò Gregorius Nazianzenus*: Da operam, ut non solum opibus, sed etiam pietate; non solum auro, sed etiam virtute sis locuples. Cura, ut proximo tuo præstantior sis, quia benignior. Fac, calamitoso sis Deus, Dei misericordiam imitando. Nihil enim tam divinum homo habet, quàm de alio benè mereri: tametsi ille majora, hic minora beneficia conferat, uterque nimirum pro suis viribus. (t) *Gregorius autem Nyssenus ad illa Servatoris ver-*

(q) *Chrysost. in 2. Tim. ho. 6. item ad Pop. hom.*

36 (r) *Clem. Alex. l. 2. Strom. c. 9.* (s) *Ibid. l.*

8. (t) *Nazianz. orat. 16. n. 37.*

376 CONSIDERATIO XXI.

ba : Beati misericordes : quoniam ipsi misericordiam consequentur. (*Matt. 5.*) Si misericordis appellatio, *inquit*, Deum decet, ad quid aliud te sermo Christi hortatur, nisi ut Deus fias, tanquam insignitus propria nota Deitatis. (*u*) *Hinc illa paræmia græca*, Homo homini Deus, *utique beneficentiâ*, quæ hominem Deum quasi facit, certè Deo propinquum, qui dat omnibus affluenter, (*x*) *cujus natura bonitas*, *cujus opus misericordia est*, (*y*) & *miserationes ejus super omnia opera ejus.* (*z*) *Induite vos ergo* (*scribit Apostolus*) *sicut electi Dei, sancti & dilecti, viscera misericordiæ.* (*aa*) *Et iterum* : Beneficiæ & communionis nolite oblivisci : talibus enim hostiis promeretur Deus. (*bb*) *Sacrificium Christiāni est eleëmofyna in pauperem.* (*cc*) *O quàm breve compendiosumque sacrificium ! ... Eleëmofyna munus bonum est omnibus facientibus eam, coram summo Deo. Hæc est quæ perpetuos ignes extinguit : hæc est quæ resistit*

(*u*) *Nyssen. de Beatitud. orat. 5.* (*x*) *Iac. 1.*

(*y*) *Leo serm. 2. in Nativit. Dom.* (*z*) *Pf. 144.*

(*aa*) *Coloß. 3.* (*bb*) *Hebr. 13.* (*cc*) *Aug. hom. 29. ex 50.*

COELESTE CORNU-COPIÆ. 377
 peccatis : hæc est quæ Christum pa-
 scit esurientem in paupere, &c. Hæc
 divitibus confert remedia : hæc vitam
 æternam comparat : hæc foenerat
 Deum : hæc continet regnum cœlo-
 rum : hæc est quæ discernit agnos ab
 hœdis : hæc est quæ ad dextram col-
 locat Judicis : hæc Angelis sociat :
 hæc ex servis filios Dei præstat. (dd)
 Hæc sacrificio major est. Misericor-
 diam, inquit, volo, & non sacrifi-
 cium. (Matth. 9.) Hæc cœlos aperit :
 (ee) cœlum ipsum transcendit, &
 cœlum cœlorum, & se regio throno si-
 stit, (ff) solatium grande credentium,
 securitatis nostræ salubre præsidium,
 munimentum spei, tutela fidei, me-
 dela peccati, verum Dei munus &
 maximum, quo Christianus prome-
 retur Christum judicem, Deum com-
 putat debitorem; (gg) denique, ut uno
Theophylacti verbo omnia complectar, pri-
 ma filia deificantis charitatis. (hh)
 Ergo jucundus (seu, ut alii, felix) ho-
 mo qui miseretur & commodat : dis-

(dd) *Prosper de Promission. p. 2. c. 7.* (ee) *Chry-
 sost. in Matth. hom. 51.* (ff) *Id. in 2. Cor. hom.*
20. (gg) *Cyprian. de opere & eleemos.*
 (hh) *Theophylact. in Luc. 11. v. 41.*

378 CONSIDERATIO XXI.

ponet sermones suos in iudicio ; quia in æternum non commovebitur : ab auditione malâ non timebit. Dispersit, dedit pauperibus : iustitia ejus manet in sæculum sæculi ; cornu ejus exaltabitur in gloria. (ii) Et semen illius in benedictione erit ; (kk) ut quod de felici sorte sapientiæ sibi gratulatus, verè pronuntiavit Salomon ; idem asserere & gratulari sibi meritò possit vir misericors de eleëmofyna : Venerunt autem mihi omnia bona pariter cum illa, & innumerabilis honestas (gracè, divitiæ) per manus illius. (ll) Quare perutilem, ut optimè advertit & explicat magnus Eleëmofyna Ecclesiastes Chrysostomus, ejusdem Salomonis admonitionem audiamus, & exequamur. Fili mi, Misericordia & veritas te non deserant : circumda eas gutturi tuo, & describe in tabulis cordis tui : & invenies gratiam & disciplinam coram Deo & hominibus. (mm) Circumdemus nobis istum ornatum. Torquem faciamus auream (eleëmofynam dico) donec hic fuerimus. Magnum bonum ac

(ii) Ps. 111. (kk) Ps. 36. (ll) Sap. 7.

(mm) Prov. 3.

pretiosum est eleëmofyna ; magnum est donum : imò magna est bonitas... Hanc diligamus , hanc amemus , non unum diem , non alterum , sed per omne tempus. (*nn*)

II. Secundùm se misericordia maxima est virtus. Pertinet enim ad misericordiam , quòd alii effundat ; & , quod plus est , quòd defectus aliorum subleuet : & hoc maximè superioris est. Unde & misereri ponitur proprium Deo. Et in hoc maximè dicitur ejus omnipotentia manifestari. (*a*) Bona igitur eleëmofyna , quæ & ipsa perfectos facit , quia imitatur perfectum Patrem. Nihil tam commendat Christianam animam , quàm misericordia... Neque quisquam magis beatus , quàm qui intelligit super pauperis necessitatem , & infirmi atque inopis ærumnam. In die judicii habebit salutem à Domino , quem habebit suæ debitorem misericordiæ. (*b*) In die malâ liberabit eum Dominus. (*c*) Qui se novit per mala sæculi vitam ducere , eleëmofynæ semper secum auxilium ferat : ad præ-

(*nn*) *Chrysost. in argum. ep. ad Philipp.*

(*a*) *S. Th. 2. 2. q. 30. a. 4.* (*b*) *Ambr. l. 1. Offic. c. 11.* (*c*) *Pf. 40.*

380 CONSIDERATIO XXI.

fidium sibi turmas pauperum vocet :
 in pascu pauperum largus prorogator
 exuberet : pauperum frequentet do-
 mum : non trepidet erogando : defi-
 cere nescit, cui porrigit manum, par-
 cus acceptor : exhauriri thesaurus is
 non potest, de quo sufficit nummus.
 In die mala illi Deus liberator assistet,
 qui à malis pauperem liberarit. In an-
 gustiis illum Deus clamantem audiet,
 qui pauperem, cùm clamaret, audi-
 vit. Non videbit diem malum, qui
 dies bonos habere pauperem fecit.
 Videbit diem malum, qui diem iudicii
 sine advocacy paupertatis intraverit.
 Sine causa accusant peccata, quem
 pauper excusat. Excusari non potest,
 quem fames pauperis accusarit...
 Beatus qui scenerando pauperi, ipsum
 sibi iudicem præstitit debitorem. (d)
 Dominus conservet eum, & vivificet
 eum, & beatum faciat eum in terra :
 & non tradat eum in animam inimi-
 corum ejus. Dominus opem ferat illi
 super lectum doloris ejus. (e) Ista Pro-
 phetæ optatio promissio est : securi

[d] *Cbrysol. serm. 14.*[e] *Pf. 40.*

COELESTE CORNU-COPIÆ. 381
 expectant, qui hoc agunt. (*f*) Non
 dixit, Conservat, & vivificat : sed
 dixit, Conservet & vivificet. Dixit,
 non ut denuntiantis vox sit ista, sed
 rogantis. Qui audivit rogantem ege-
 num, ecce audit orbe toto Ecclesiam
 sic rogantem. Conservet, ne rapiatur
 ad pœnam : vivificet, ut resurgat à mor-
 tuis, & recipiat vitam &c. (*g*) Nempe,
 ut verè *Siracides* : Deus prospector est
 ejus, qui reddit gratiam. Meminit ejus
 in posterum, & in tempore casus sui
 inveniet firmamentum. (*h*) Et *Psaltes* :
 Cùm ceciderit, non collidetur : quia
 Dominus supponit manum suam. (*i*)
 Hilarem enim datorem diligit Deus.
 (*k*) Rectè igitur *Nazianzenus* : (*l*) Be-
 neficentiæ erga pauperes infinita sunt
 commoda : & *Chrysostomus* : (*m*) Eleë-
 mosynæ nihil par est. Verum & illud
Ambrosii : Omnis summa disciplinæ no-
 stræ, in misericordia & pietate est :
 (*n*) & *Angelici Doctoris*, Inter omnes
 virtutes, quæ ad proximum pertinent,
 potissima est misericordia, sicut

(*f*) *August* ibi. (*g*) *Chrysol.* *suprà*. (*h*) *Eccli.*
 3. (*i*) *Pf.* 36. (*k*) 1. *Cor.* 9. (*l*) *Apud Dre-*
xel. Gazophyl. p. 3. c. 6. §. 6. (*m*) *Hom.* 22. in
Acta. (*n*) *Ambr.* in 1. *Tim.* 4.

382 CONSIDERATIO XXI.

etiam est potioris actus. . . . Per illam assimilamur Deo secundum similitudinem operationis. (o) Magna sunt opera Domini : sed magnitudinem præcellit misericordiæ magnitudo. Nam cum dixisset Propheta , Magna opera Domini (Ps. 110.) adjecit alibi , Misericordiæ (*Vulgata habet* , Miserationes) ejus super omnia opera ejus. (Ps. 144.) Misericordia , Fratres , implet cœlum : replet terram : Domine , inquit , in cœlo misericordia tua. (Ps. 35.) Et idem ipse : Misericordiâ Domini plena est terra. (Ps. 32.) Et revera , Fratres , periisset totum quod Deus fecerat , nisi misericordia subvenisset. . . . Et si Deus reddit per misericordiam , quod per judicium deperierat ; homo , quid tibi stare , quid constare sine misericordia tu putabis ? (p) Pretium redemptionis animæ , eleëmofyna est. (q) Unde Augustinus : Magnum opus est eleëmofyna , ut faciat homo , quod fecit Deus. (r) Misericordia igitur , ô Fratres mei , ma-

(o) S. Th. 2. 2. q. 30. a. 4 (p) Chrysost. serm. 42. (q) Chrysost. de Pœnit. hom. 9. (r) Aug. hom. 39. ex 50.

COELESTE CORNU-COPIÆ. 383

ter nostra sit. O misericordia salutis præsidium , fidei ornamentum , propitiatio peccatorum , tu justos probas , tu sanctos roboras , malos ad bonum perducis , & qui sine te cunctis bonis abundare videtur , vel castitate apparet decoratus , omninò dicere non desistat : Servus inutilis sum. Cupis , ô homo , ut tui misereatur Deus ? Fac ut proximo miserearis. Nam tantum tibi miserebitur Deus quantum & tu misereberis proximo. (s). Tu tibi misericordiæ factus es ipse mensura : quantum quæris misericordiæ , fac tantum. (t) Si pauperes de tuo edent , tu saturaberis : si illi de tuo biberint , tu sitis tuæ æstum ardoremque restingues : te illorum vestitus vestiet. (u) Quod ergo facis , tibi plus prodest. (x)

III. *Eleëmofyna, specie virginis pulcherrima , oleaginâ coronâ caput redimita, sese stitit in somnis Ioanni adhuc juveni , cui deinde nobile eleëmofynarii nomen , meritisimo jure , inditum : eumq₃ expergesa-*

(s) *Serm. 44. ad Fratres in Eremito tom. 10. oper. August.* (t) *Chrysolog. serm. 71.*

(u) *Salvian. ad Eccles. l. 4.* (x) *August. in Ps. 102.*

384 CONSIDERATIO XXI.

ciens, vultu hilari & subridens, pulso omni terrore: Ego, inquit, sum prima filiarum summi Regis: si me benevolam habueris, ad supremum Imperatorem te perducam; etenim nemini tantum potestatis in eum, quantum mihi, conceditur. Ego eum cœlo detraxi, & ut hominem indueret, hominemque moriendo redimeret, persuasi. Dixit, & sese oculis illic subtraxit. Abit extemplo ad adem Ioannes, vestem dat mendico: ab ignoti oris homine centum nummos dono accipit, prout velit, expendendos. Elargitur & hos, & alios, & quidquid deinceps facultatum habere potuit, effusissimus in pauperes, quos dominos suos & adjuutores appellabat, ut qui soli (ita dictitabat, ita sentiebat vir modestissimus) opem ipsi ferrent, ne à Christi regno excideret; nunquam latior ditiôrve, quàm cùm omnia erogaret: dignissimus proinde, vir misericordiæ, (a) & ex aliâ Scripturæ phrasi, filius olei, (b) summe, inquam, misericors, cujus anima soluta corpore, ab eadem, quam olim spectabilem habuerat, & totâ vitâ charissimam, summi Regis primogenitâ exciperetur,

(a) Eccli. 44. (b) Isai. 5.

COELESTE CORNU-COPIÆ. 385

ciperetur, & introduceretur ad aeternum bonorum omnium largitorem & fontem, stipante innumerâ propè pauperum, orphanorum, viduarumque multitudine, praesentium, in signum triumphi & laetitiae, ramos olivarum, symbolum utique misericordiae; quâ, ad insigne exemplum, ad miraculum, inclavuerat sanctus Antistes: cuius etiam sacrum corpus cum in ade sancti Tychonis inferretur in sepulchrum duorum Episcoporum, horum sacra corpora hinc & hinc recedentia, Dei jussu; honoris causâ, medium excepere, miraculi teste populo Alexandrino, qui ad supremos honores sui Praefulis affluxerat. Nec desit benefacere à morte Ioannes. Præter alia, ex ejus corpore oleum emanavit in annos & sacula, ad plurimorum sanitatem. (c) Accipe & hîc, mi Lector, & mirare maximi hujus Eleëmōnis, (qui, præter cetera continua beneficentia munera, quotidie circiter octies mille pauperes alebat) dignum Superis testibus, approbatore Deo, testamentum. En autem illud, ut lego apud Leontium Neapoleos Cypri Episcopum, Ioannis æqualem. (d) Ioannes servus, propter

R

[c] Leontius & alii in vita S. Ioan. Eleëm. (d) De quo Belland. 23. Ian. ad vitam S. Ioan. 9. 2.

cam verò , quæ supposita est mihi , Sacerdotii dignitatem , Dei gratiâ liber. Gratias ago , Deus , tibi , quoniam exaudisti miseriam meam , rogantem bonitatem tuam , ne inveniretur morienti mihi nisi unus tremissis. Inveniente enim me in honorabili Episcopio sanctissimæ Ecclesiæ Alexandrinorum magnæ civitatis , quam per indulgentiam Dei suscepi , quando in eâ consecratus sum Episcopus , circiter octoginta centenaria auri , & quæ intraverunt mihi ab amicis Christi , pænè numerum hominis transcendunt : in seipsam mentem colligens , & cognoscens hæc omnia dominatoris omnium esse , festinavi ea , quæ Dei erant ; Deo dare. Unde & quod remansit mihi hoc tremisse , Dei & hoc existens , jubeo dari his qui sunt Dei. *Quid ex istis colligis , mi Christiane ? Misericordem virum Deo gratissimum esse ; nulla re indigere ; quæ à Deo accepit , Deo seu Dei servis & pauperibus liberaliter elargiri , securè & beatè mori. Age , imitare , & cœleste cornu-copia eleëmofynam reipsa & tuo ingenti lucro proba. Abraham cœlestis convivii princi-*

COELESTE CORNU-COPIÆ. 387.

pem humanitas ardens Deo impen-
 perficit : nam quia duos cum Deo
 terrenam suscepit ad mensam , Orien-
 tis & Occidentis populum mensam
 suscepit ad cœlestem. Venient , in-
 quit , ab oriente & occidente , & re-
 cumbent cum Abraham , Isaac , & Ja-
 cob , in regno cœlorum. (Matth. 8.)
 Loth quia hospitio suscepit Angelos ,
 iudicium prævenit. Hinc gehennam
 vicit in carne. Misericordem nescit
 divinus ignis exurere. Faciat ergo mi-
 sericordiam , qui vult gehennæ incen-
 dium non timere. Da panem , da
 vestimentum , da tectum , si Deum
 debitorem , non judicem vis habere.
 Nihil nos nocebit in terra , si nobis
 in cœlo misericordia sit patrona. (e)
 Si ipsa nos agnoverit , & Dominus
 agnoscat : si non agnoverit ipsa , igno-
 rabit & Dominus , & dicet , Nescio
 vos. Ait enim : Magna res homo ;
 & pretiosa , vir misericors. Hæc
 major est gratia , quàm mortuos
 suscitare. Multò namque majus est ,
 quàm in nomine JESU mortuos susci-
 tare , esurientem pascere Christum.

R 2

(e) Chrysosol. serm. 42.

388 CONSIDERATIO XXI.

Nam hîc quidem tu de Christo benè mereris, illîc autem ipse de te.....
 Hîc enim, in signis, inquam, ipse Deo debes; in eleëmofyna verò Deum habes debitorem. (f) Ejus enim est tanta liberalitas, ut ex his quæ dedit, accipiens, se propria non censeat accipere: sed multâ cum largitate nobis ea reddere polliceatur..... Et quid dico, quòd ea multiplicans illa manus præbet? Non enim ea solùm, verùm & cum his regnum donat cœlorum, & prædicat, & coronat, & infinita largitur bona, si quid ex rebus ab eo datis parvum erogare velimus. (g) *Quare Cosmus Magnus Etruria Dux, in egenos liberalissimus, Quæstoribus suis & Oeconomis, qui audaciùs nimiam largitatem objicerent, meritò succensuit, clarèque pronuntiavit in hac verba, cedro & crebrâ meditatione digna: Habeo librum dati & accepti à Deo: numquam potui solvere Deo quæ debeo; quò enim plura do, quotidie plura accipio: itaque semper Deum invenio creditorem.* (h) *Neque verò*

(f) Chrysost. hom. 36. ad Pop. & in 2. Cor. hom. 16.

(g) Chrysost. hom. 34. ad Pop. (h) Binet de eleëm. cap. 8. n. 9.

intra ullum bonorum genus aut terminum sese continet eleëmofyna vis, & Dei remuneratio. Ad omnia sese extendit. Eleëmofyna Tabitham à morte revocavit, Apostolorum Principe, ad viduarum, quas illa largitionibus foverat, lacrymas & preces, vitam restituente. (i) Cornelium Centurionem ad legem Evangelicam adduxit, accersito eodem Apostolo, monitu Angeli illi enuntiantis, Orationes tuæ & eleëmofynæ tuæ ascenderunt in memoriam in conspectu Dei. (k) Petrum Telonarium à Maurorum seu demonum potestate removit, equante peccatorum alteri lanci impositorum pondus (ut ipsi objectum est in somnis) filigineo pane, quem vel iratus in mendicum conjecerat; & ex avaro liberalissimum reddidit. (l) Mulierem Indam æternis suppliciis exemit, Deiparâ misericordia matre patrocinate, in cujus honorem, non diu ante mortem, jusculum egeno porrexit. (m) Item aliam cælo adscripsit, puerulis duobus, quos ipsa miserata lactaverat, supremum Iudicem ad miserationem & veniam flectentibus. (n) A Zenone Imperatore vin-

R 3

(i) Act. 9. (k) Act. 10. (l) Leon. in vita S. Ioan. Eleëm. (m) D'outreman Pedagog. tom. 1, p. 2. c. 23. sect. 2. (n) Binet suprà n. 3.

390 CONSIDERATIO XXI.

dicem cœli manum prohibuit, ipsâ Dei Matre, mulieri de filia injuriâ exposcenti pœnas, respondente, Ejus manus prohibet me. Erat enim, ait Historicus, valdè misericors, & elcëmofynas faciens. (o)

Ioannem Antonium Siminaum, propè nonagenarium & jam morti vicinum, ab hæresi Calvinistica ad Catholicam fidem adduxit elcëmofyna, & sacris armis ad æternitatem munivit. (p)

Civem Antiochenum, qui nunquam cibum sumebat, quin socium haberet pauperem, ab urbis rûina illasum servavit cum familia. (q)

Marcianum Presbyterum, Constantinopolitanæ Ecclesiæ æconomum, virum sanctum, qui detractam sibi, cùm aliud non adesset, tunicam, quam gerebat, unicam, mendico donarat, panem nudum, veste, ad spectantium ipsiusq; Genadii Patriarchæ stuporem, pulcherrimâ fulgentem exhibuit. (r)

Ephræmium Orientis Comitem ad Præsulis Antiocheni solium evexit liberalitas in pauperes: (s) Gregorium Magnum è Monasterii præfectura ad supremi Pontificatus apicem: (t)

(o) Ioan. Moschus Prat. spirit. c. 175. Baron. an. 474. (p) Gualter. tab. chronol. an. 1612.

(q) Greg. Turqn. l. 10. Hist. Franc. c. 24. (r) Syr. 10. Ian. Baron. an. 459. (s) Io. Moschus Prat. spirit. c. 37. Baron. an. 526. (t) Ioan. Dias. l. 2. vitæ c. 23.

laredum , cognomento Misericordem , ex aratro ad imperii sceptriq³ consortium extulit ; Irene Augustâ , ejus neptem , nomine Mariam , ab insigni viri charitate motâ , nuptui dante Imperatori Constantino filio : (u) Leonem I. è Tribunitio ad Romanum Imperium , quod mendicum cæcum oberrantem summâ charitate duceret , & siti laborantem omni studio reficere curaret , ipsa Dei Genitricis Imperium ei prænuntiante , & limoso cæno oculos cæci ad visum consequendum inungi jubente. (x) Vis plura ? Pleni sunt libri : quotidiana clamitat experientia , verissima illa Ambrosii pronuntiata : Eleëmofynam facere illi proficit , qui largitur. . . . Eleëmofynæ erogatioq³ lucrum tribuit eroganti. Ditior enim fit vir misericors posteaquàm minus habere incipit largiendo. Beata eleëmofyna , quæ & accipientem reficit , & lætificat erogantem. (y) Et illa Agapeti S. R. E. Diaconi (Romani postea , ut aliqui putant , Pontificis) ad Iustinianum Imperatorem : Solus beneficentiæ thesaurus stabilis

R 4

(u) Sylv. Petra-sancta Thaumaf. to. 1. pag. 428.

(x) Baron. an. 457. ex Nicephoro l. 15. c. 25.

(y) Ambr. serm. 39.

392 CONSIDERATIO XXII.

est possidentibus eum : bonarum enim actionum meritum ad authores retorquetur. Et : Vestimentum non veterascens est beneficentiæ amictus, & incorrupta stola est charitas erga pauperes.... Amoris enim in egenos qui indutus est purpuram, cœlestis quoque regni compos efficitur. (2)

[2] *Agapet. ep. par.enet. ad Iustinian. Imp. apud Baron. tom. 7. in Append.*



CONSIDERATIO XXII.

AMBIENDVS PAUPERVM FAVOR.

I. **E** Go dico vobis (*loquitur Veritas Christus, Magister salutis æternæ*) Facite vobis amicos de mammona iniquitatis; ut cùm defeceritis, (*hoc est, ex hac vita excefferitis*) recipiant vos in æterna tabernacula. (a) Æterna enim tabernacula pauperibus in Christo constituta sunt, in quæ possint recipere eos, qui hîc ipsis amicè de bonis,

(a) *Luc. 16.*

quæ sunt Dominica, largiuntur. Pauperibus primùm debebamus dare : nam illi debitores sunt, secundùm hoc quod dictum est, Tota die miseretur & commodat justus : (Ps. 36.) & iterum, Qui miseretur pauperi, sceneratur Deo. (Prov. 19.) Oportebat igitur primùm dare bonis illis debitoribus, qui centupla reddunt. (b) Nolite contemnere pauperes, non habentes quò redeant, non habentes quò intrent. Habent quò intrent, habent tabernacula, habent & æterna. Habent quò frustrà recipi optabitis, sicut dives ille (apud Lucam 16.) si non eos nunc in vestra receperitis. (c) Quia qui recipit prophetam in nomine prophetæ, mercedem prophetæ accipiet : & qui recipit justum in nomine justī, mercedem justī accipiet. Et quicumque potum dederit uni ex minimis istis calicem aquæ frigidæ, tantùm in nomine discipuli, amen dico vobis, non perdet mercedem suam. (d) Quamquam nec ipsos justī velut propriâ potestate quasi gratificando re-

R 5

(b) Theophylact. ibi. (c) August. serm. 11. de 40. novis. (d) Matth. 10.

cipiant, sed promissione atque permissione illius, qui eos consilio præmouit, ut sibi amicos facerent, & qui seipsum pasci, vestiri, hospitio recipi, visitari in unoquoque minimorum liberatoris benignitate dignatus est.

(e) Multum verò ad edomandam dantis superbiam valet, si cùm terrena tribuit, verba sollicitè Magistri cœlestis penset, qui ait: Facite vobis amicos &c. Si enim eorum amicitiiis æterna tabernacula acquirimus, dantes procul dubio pensare debemus, quia patronis potius munera offerimus, quàm egenis dona largimur. Hinc per Paulum dicitur: Vestra abundantia illorum inopiam suppleat, ut & illorum abundantia vestræ inopiæ sit supplementum (2. Cor. 8.) Ut videlicet sollicitè perpendamus, quia eos quos nunc inopes cernimus, abundantes quandoque videbimus: & qui abundantes aspicimur, si largiri negligemus, quandoque inopes erimus. Qui itaque nunc temporale subsidium pauperi tribuit, ab eo postmodum perpetua recepturus, ut ita dicam, quasi

[e] *August. l. 2. quest. evang. q. 38.*

ad frugem terram excolit, quæ, quod
 acceperit, uberius reddit. Restat ergo
 ut nunquam elatio surgat ex munere,
 quando videlicet dives ex eo quod
 pauperi tribuit, agit ut in perpetuum
 pauper non sit. (f) *Vnde & Chrysosto-*
mus, ad eundem illum Apostoli locum: Si
vis, inquit, de abundantia accipere, de
abundantia dá ... Qui accipit eleē-
mosynam, maximè omnium usui est.
 Nam si pauperes non fuissent, id quo
 abundamus, salutis nostræ non cede-
 ret, non habentibus nobis quò pecu-
 nias conjiceremus: atque hic pauper
 qui omnium videtur maximè inutilis,
 idem omnium est utilis maximè. *Et*
inferius concludit: Si accesserit pauper
orans, magnâ benevolentia illum ac-
cipiamus. (g) Et alibi agens de exhi-
bente hospitalitatem: Gratias, inquit, ma-
gis pauperi debet, quia dignatur acci-
pere. Nisi enim essent pauperes, pec-
catorum difficilè sarcinam poneret.
 Medici illi sunt vulnerum tuorum;
 manus eorum tibi medicamenta præ-
 stant ... Dedisti pecuniam, & peccata

[f] Greg. l. 21. mor. c. 14. [g] Chrysost. in 2.
 Cor. hom. 17.

396 CONSIDERATIO XXII.

simul exuisti ... Majora igitur recipis, quàm largiris ; beneficiumque potiùs accipere, quàm ferre probaris , Deoque, non hominibus , sceneraris; divitiisque non minuis, sed auges : minuis autem illas, nisi eroges, nisi indigentibus des. (*h*) Enimverò, *ut iterum idem Doctor*, Deus eleëmofynam non ob hoc solum instituit , ut pascantur indigi, sed etiam ut dantibus accrescerent beneficia , atque adeò magis propter dantes , quàm accipientes... Et propterea vera eleëmofyna est , sic dare, ut gaudeas te dare , putesque te accipere magis quàm dare. (*i*) Plus pauper , *ait Ambrosius* , tibi confert , cum sit debitor salutis. Si nudum vestias, teipsum induis justitiam. Si peregrinum sub tectum inducas tuum, si suscipias egentem, ille tibi acquirat Sanctorum amicitias , & æterna tabernacula. Non mediocris ista gratia. (*k*) Quare idem Apostolus , eosdem Corinthios invitans ad eleëmofynam promptè & hilariter præstandam, utitur voce benedictionis:

(*h*) Chrysost. in 1. Tim. hom. 14. (*i*) Idem ser. de eleëm. & colkat. in Sanctos post hom. in 1. Cor.

(*k*) Ambr, 1. Offic. c. 11.

Necessarium existimavi rogare Fratres ut perveniant ad vos, & præparent repromissam benedictionem. (l) *Vbi Theophylactus*: Benedictio est quod datur. (Benedictio, inquam, addit *Cornelius noster*, tam pauperis, quàm tua) Nemo autem benedictionem dans contristatur. *Benedictionem tuam comitatur benedictio pauperis*; de qua plus gaudebat pater pauperum *Iob*, quàm divites aliis opibus suis: Benedictio perituri super me veniebat: (m) *hanc porro benedictionem pauperis excipit benedictio Domini, quæ divites facit*, (n) & in mercedem justi festinat, (o) & profectus illius successus habebit in æternum. (p) Agite igitur, dum licet, dispergite, date pauperibus: nec hujus rei procuracionem vestris hæredibus committite. Detertere vos possunt exempla multorum. Eleëmofynis propriæ manûs scalam vobis & ascensorium erigatis, ad illam supernorum civium mansionem, in qua est pax æterna. (q) Illud solùm vobiscum reportabi-

(l) 2. Cor. 9. (m) *Iob*. 29. (n) *Prov.* 10.
(o) *Ecclesi.* 11. (p) *Ibid.* (q) *Petr. Bles.* in c.
42, *Iob* sine ad *Henr.* 11. *Angl. regem.*

398 CONSIDERATIO XXII.

tis, quod in cœlestes thesauros per manus pauperum præmisistis. (7)

II. Omnes pauperes quos videtis, potuit illos Christus pascere, quomodo per corvum Eliam pavit; tamen & ipsi Eliæ subtraxit corvum, ut à vidua pasceretur : non Eliæ præstitit, sed viduæ. Quando ergo Deus pauperes facit, quia ipse non vult ut ipsi habeant, quando facit pauperes, probat divites. Sic enim scriptum est : Pauper & dives (*Vulgata habet*, & creditor) occurrerunt (obviaverunt) sibi. (*Prov. 29.*) Ubi sibi occurrerunt ? In hac vita. Natus est ille, natus est & illè, invenerunt se, occurrerunt sibi. Et quis fecit illos ambos ? Dominus : divitem, unde pauperem adjuvaret : pauperem, unde divitem probaret. (*a*) Dives & pauper duo sibi sunt contraria : sed iterum duo sibi sunt necessaria... Dives propter pauperem factus est, & pauper propter divitem : (*b*) ut abundantibus boni operis ac redemptionis suæ occasio non deesset;

[1] *Idem in c. 1. Iob.*

[a] *Aug. hom. 13. ex 50.* [b] *Idem de verb. Dom. serm. 25.*

ut benevolum locupletem etiam inopia aliena ditaret, & opulentior quisque ingentia de egente lucra reciperet; & mirifico summoque commercio, dum inopi misericordia temporali largitate confertur, inde æternus thesaurus compensetur... Noli ergo despicere inopem, qui cum sibi pauper sit, facere te divitem potest. (c) Conclude eleëmofynam in ore pauperum: & ipsa pro te exorabit in die malorum. Tu taces, & eleëmofyna quam fecisti, deprecatur pro te. Quod in silentio fecisti, in ore pauperum publicatur... Parum est quod eis impertitur, & multum est quod ab eis nascitur... O commutatio! Panem dedisti esurienti, & percepisti regnum... Dedit itaque Christus nobis indulgentiæ indices. Quos? cæcos, claudos, debiles, atque hujusmodi homines omni auxilio indigentes; ut in his, quicumque sunt opulentiores, pium prætendant affectum, faciant sibi amicos de infideli mammona, id est, de brevibus rebus, ut cum defecerint, recipiant eos in æterna taberna-

(c) *Cæsar. Arelat. bom. 1.*

400 CONSIDERATIO XXII.

cula. (d) Hæc continuè dico, neque dicere desinam, non tam pauperum, quàm animarum vestrarum curam gerens... A gehenna vos nemo eruet, nisi à pauperibus auxilium sequamini. (e) Sunt & hîc castra pauperum, & bellum, in quo pro te pauperes pugnant. Cùm enim stipendium acceperint, orantes tibi Deum faciunt propitium; propitium autem facientes, pro barbaris dæmonum insidias repellunt; neque sinunt vehementer infestum esse malignum, neque semper irruere, sed ipsius solvunt potentiam. Hos itaque conspiciens milites quotidie pro te cum diabolo precibus & orationibus pugnantes, à temetipso pulchrum istud tributum exige, illorum alimenta. (f) Clamat Deus: Misericordiam volo. (Osee 6.) Qui quod vult Deus, Deo negat, à Deo sibi, quod desiderat, vult negari. Misericordiam volo. Homo, petit Deus, sed tibi, non sibi. Humanam misericordiam petit, ut largiatur divinam.

(d) S. Laurent Novar. Ep. hom. de eleēm. to. 2. Bibli. PP. (e) Chrysost. hom. 32. ad Pop.,

(f) Idem hom. 33. ad Pop.

Est in cœlis misericordia, ad quam per terrenas misericordias pervenitur. Domine, inquit, in cœlo misericordia tua. (Ps. 35.) Dicturus causam in iudicio Dei, patronam tibi misericordiam, per quam liberari possis, assume... Per misericordias pauperum, misericordiam consequamur, ut possimus esse de pœna liberi, de salute securi... Qui facit misericordiam, currit ad præmium: qui non facit, decurrit ad pœnam. (g) Bonum in illa tunc hora (*iudicii*) tibi subveniet auxilium, si pauperibus atque mendicis hîc compassus fueris. Boni pro te apud Christum tunc erunt advocati, qui hîc egeni à te enutriti, & misericordiam consecuti, protecti, ac conservati fuerint. Boni & præstantes pro te ibi consolatores fratres Christi, pauperes, orphani atque pupilli, viduæ, advenæ, ac peregrini, inopes, debiles, cœci, captivi, derelicti, &c. exhibentes tunc Christo quæcumque ipsis hîc dederis. Boni tibi hi fratres istic reddentur, sicut sunt fratres Christi. (h) Hæ sunt planè ambitiosæ apud

(g) Chrysol. *serm.* 8. (h) Ephraem *serm.* in eos qui in Christo obdormierunt.

402 CONSIDERATIO XXII.

Deum humani thesauri legationes, hæc potentia deprecandorum criminum, & vera suffragia. Sic auro demutamur, ut ex terrenis cœlestes, & ex mortalibus simus æterni. (i) Etenim eleemosyna Deo amica est, & cominus ei semper assistit. Quos amaverit, his facillimè gratiam impetraverit ... Eadem vincula dirumpit, tenebras solvit, extinguit ignem, stridorem effugit dentium : huic multâ cum facultate cœlorum aperiuntur portæ. Ac velut regina ingrediente, nullus custodum ipsis in portis positurum audet interrogare, quæ sit, aut unde iter agat : magis verò illicò suscipiunt omnes. Sic & eleemosyna omnino regina est ... pennata est, & levis, aureas habens alas, ipsos supra modum delectans Angelos ... Apud ipsum regalem thronum semper assistit, (k) non tantum patrocians, verum & ipsi persuadens iudici, ut reo patrocinium præstet, & pro eo sententiam ferat. (l) Faciens ergo, & fervens in ipsis bonis operibus misericordiæ, expectabis securus

[i] *Hilarium enarrat. in Ps. 51. ad illa, Ecce homo qui.* (k) *Chrysost. de pœnit. hom. 7.*

(l) *Idem hom. 33. ad Pop.*

PAUPERUM FAVOR. 403

judicium, non tam securus de justitia tua, quàm securus de misericordia Dei: quia & tu misericordiam prærogasti. (*m*) Iudicium enim sine misericordia illi, qui non fecit misericordiam. Superexaltat autem misericordia iudicium. (*n*) Neque delictorum memoria erit, ubi testimonium pietatis adfuerit. (*o*)

III. *Non habuit vir divinitus illustratus Daniel, quod suggereret superbissimo regi Nabuchodonosor, vtilius consilium venia gratiaq; à Deo obtinenda, quàm eleemosyna seu pauperum aucupandi patrocini-um.* Quamobrem, inquit, Rex, consilium meum placeat tibi, & peccata tua eleemosynis redime, & iniquitates tuas misericordiis pauperum. (*a*) Certè divino Spiritu afflatus Salomon diu antè pronuntiavit: Redemptio animæ viri, divitiæ suæ. (*b*) Quoniam, inquit Ambrosius, qui pauperi donat, redimit animam suam. (*c*) Qui enim (*verba sunt Chrysostomi*) (*d*) intelligit super ege-

(*m*) *Aug. in Ps. 147.* (*n*) *Iac. 2.* (*o*) *Leo de jejun. Pentec. serm. 1.*

(*a*) *Dan. 4.* [*b*] *Prov. 13.* (*c*) *Ambr. ad Esch. Vercel. ep. 82.* (*d*) *ho. in illud Ps. 38.* Frustra cogitatur. *10. 1.*

404 CONSIDERATIO XXII.

num & pauperem, is non solum chi-
rographum peccati delet, sed etiam
confessionem ac promissionem accipit,
vocem eam quæ ait, Qui dat egenti,
Deo foeneratur; *auditurus postea beatam*
illam vocem: Venite benedicti &c. Quam
totis votis optandam, omni ope demeren-
dam sententiam, ut felix audire aliquando
posset Henricus Poloniae Dux, & maritus
sanctæ Hedwigis, hac extimulante amplum
construxit Monasterium, sumptusque neces-
sarios suppeditavit alendis mille personis,
& exercendæ perpetuæ hospitalitati. Ipsa
deinde Hedwigis, conjuge jam vitâ functo,
eidem Monasterio contulit bona sua dota-
lia, ut & illius dotem augeret, & sibi
spem certam felicitis in morte & iudicio sen-
tentiæ: in pauperes tam liberalis, ut sibi vix
ad tenuem victum vestitumq; retinuerit, ex
vero mater pauperum. Præter alia magna
frequentiaque misericordiæ opera, tredecim
mendicos tanquam Christum & Apostolos
quotidie alebat; eosque, quotiescumque iter
faciendum erat, sibi comites adjungebat, eo-
rum primam curam habebat, ipsa eis ut
famula ministrabat etiam flexis genibus:
aliis verò pauperibus separatam culinam,
ceterosque famulos assignabat: (e) prius

(e) Sur. 15. Oct. vitæ c. 6.

potum non sumebat, quàm ex ejus scypho bibisset pauper ille, qui inter omnes deformior videbatur. (f) Ita pauperum gratiam, patrociniùmque sibi demerebatur Hedwigis. Demerebatur & Ludovicus IX. Galliciarum Rex sanctissimus; qui aliquando rogatus, cur tam largas tamq̃ continuas eleëmofynas in pauperes effunderet, atque adeò vilia mendicabula mensâ cibisque regiis dignaretur, modestè, ut Christianissimum decebat, respondebat, Quia ipsi sunt pratorii mei milites, custodes corporis, praesidiarii vigilesque tuenda urbi meæ Parisiis, totiq̃ regno, atque adeò cælo ipsi adipiscendo fautores. Cùm morbo laboraret, jubebat largiorem stipem illis elargiri, inde certius remedium expectans, quàm à medicorum arte multisque pharmacis. Quotidie autem centum & viginti mensâ regiâ reficiebat, quocumque terrarum abiisset; quolibet insuper sabbatho, aliquot pauperculorum seniorumque pedes abluebat, etiam de genu, manibus regiis abstergebat, ac reverenter osculabatur, tum & aquam affundebat eluendis eorum manibus, quas & pariter osculo dignabatur, denique cibo regio ipsemet reficiebat, nudo capite. Atque

(f) Ibid. c. 2.

406 CONSIDERATIO XXII.

ejusmodi animum in miseros pium, & liberalem manum, inter alia praeclara monita, impensè filio suo Philippo commendavit. (g) Ita misericordem animum induerat, & beneficam manum exporrigebat in egenos Robertus, Hugonis Capeti filius, Francorum Rex etiam piissimus. Is quicumque iret, carros plures pauperibus & mendicis onustos ducebat: sciscitantibus hujus tam insolitae rei causam, Eo, inquebat, obsessum cum hilce copiis cœlum: edixit siquidem Deus, pauperes cœli portas referare divitibus, qui ipsis & animum & thesauros aperuerint. Quis ergo in cœlum intrabit, si hic exercitus non intret, & ego qui ejus sum dux? Solebat autem propriâ manu stipem pauperibus erogare, eorûmq; manibus deosculari. Die Iovis sancto, trecentis egenis porrigebat jusculum, panem, piscem, nummum argenteum, idque de genu. (h) Nec minus fuit Alphonso III. Lusitanorum Regis, pauperibus benefaciendi, eorûmq; apud supremum Regum Regem patrociniî promerendi studium: continuis in egenos ac

(g.) Bînet de eleēm. c. 12. Sur. Martin, & alii, in vita. (h.) Baron. an. 1033. Bînet vita B. Amed. c. 11.

profusissimis largitionibus eò sapiùs redactus est, ut deficiente domi pecuniâ, ad Regiâ dignitatem tuendam, imò necessitatem sublevandam, gemmas unionesque ex penitentiâ gazâ depromere ac distrahere opus haberit. (i) Vis & aliorum Regum ac Principum in egenos liberalitatem verè regiam, quia Christianam? Stephanus, hujus nominis I. Hungarorum Rex, miseros ingenti charitate complexus, non dubitabat diademate ornatum caput, manusque sceptro armatas, ad horum pedes abluendos demittere, sportulamque in clientes ipse dispensare. Quare factum aliquando, ut certantibus his stipem auferre, barba etiam Regis spoliū manibus appetentium cederet. Et hoc ipsum conquestus familiariter Virgini Matri Stephanus fertur, durius ab ejus militibus se acceptum, quàm ab hostibus sperare potuisset. Sed pilumne ille amitteret, qui liberalem manum, multis annis à morte integram, toto corpore aliàs resoluta, ostendit, suavissimo fragrans odore, & liquore cœlesti scatens? qui ab ipsa Dei Genitricē, quam ardentissimè venerabatur,

(i) Rhod. hist. virt. l. 4. c. 13.

408 CONSIDERATIO XXII.

amplissimo in ejus honorem constru-
cto templo, quamque Hungariæ Pa-
tronam instituerat, receptus est in
cœlum, ipso suæ Assumptionis die. ?
(k). *Similem liberalissimæ manûs integri-
tatem sancto Anglorum Regi Oswaldo, &
voto & spiritu prophetico prænuntiavit Ai-
danus Episcopus. Cùm etiam ipso Pascha-
tis die, monitus in mensa Rex, stipem per-
rogare mendicos plurimos, non modò qui
mensa illati erant, cibos, sed ipsam etiam
lancem argenteam, in frustra concisam, jussit
eis distribui: quod admirans Aidanus, qui
fortè assidebat, apprehensâ reverenter ejus
dexterâ, Hæc manus, inquit, nunquam
putrescat. Et profectò ita fuit: casus est
in pralio à Barbaris sanctus Oswaldus,
atque exsecta est ei manus cum brachio,
mansitque nihilominus incorrupta, usque ad
ætatem Venerabilis Bedæ, qui posteritati hoc
miraculum transcripsit. (l) Quod subsidium
ac patrociniū ab eleëmofyna, cujus fue-
ris cultor, non speres, cùm mortem etiam
prohibeat, ne manum, quam experta est in
pauperes beneficam, immitis alioquin &
nulli*

(k) *Fasli Mariani, Breviar. 20. Aug.*

(l) *Beda l. 3. Hist. Angl. c. 6. Sur. 5. Aug.*

nulli parcens, corrumpat attingatve? Certè ad illam seu ejus rogatores recurrebat Elisabetha Lusitania Regina, cùm gravi aliquâ calamitate (qua est divina Iustorum exercitatio) conflictaretur: Ite, inquebat; eleëmofynas, in manus, in sinus pauperum effundite; eorum gemitus & clamor serenum reducent. Nusquam melius sibi esse sentiebat, quàm in nosocomiis, & obsequio pauperum aljeëtissimorum, quibus cibum ministrare, lectum sternere, pedes abluere, abstergere sordes, pusulcerâque iterum & iterum exosculari, pro summis delitiis habebat, cœlo ita probante, ut etiam putridum horrendèque fœtentem cujusdam paupercula pedem repetitis osculis prorsus sanaverit; (m) egregiè in isto pietatis Christiana exercitio imitata magnam suam Materteram, Sancta Hedwigis sororem, Elisabetham Andrea II. Regis Hungariae filiam, Thuringia Dominam, à qua in Baptismo nominatam voluere parentes, in præsagium futura sanctimonia; vel in hoc Matertera etiam similis, quòd ut hac adhuc parvula, quod domi piè clepserat mendicis erogandum, deprehensa in rosas converterrat: ita ipsa, quas collecto sinu vestis

S

(m) Ribaden, & alii, in vita 4. Jul.

410 CONSIDERATIO XXII.

ferebat pecunias pauperibus distribuendas. mutatas illicò in rosas obvio Regi & sciscitanti quid deferret, obtulerit hiberno tempore: multis etiam post mortem miraculis clara, præsertim suavissimo corporis, quod juvandis pauperibus impenderat, jam per annos circiter trecentos incorrupti odore; (n) quo videlicet alliciantur posterì ad tam prona profusæque in pauperes, potentes utique apud Deum mortalium Patronos, charitatis imitamentum. Ad illos confugiebat S. Elzevrius Ariani Comes, qui illa Iobi usurpare videtur potuisse: Ab infantia mea crevit mecum miseratio; & de utero matris meæ egressa est mecum: (o) Siquidem adhuc pendens ab ubere, intèrque nutricis aliûsve gerula brachia, vagitum fletumque non cohibebat, nisi in obvios mendicos stipem tenellulâ manu erogaret, aut, si necdum explicare manum posset fasciolis constrictus, erogatam ocellulis videret, gestiens tum demum toto corpusculo; ita præludebat innocentulus puer magnis assiduisque, etiam usque ad miraculum, in egenos largitionibus, quibus vitam omnem contexuit, leprosis quoque peculiari stu-

(n) In vita utriusque, 4. Iul. & 19. Nov. Brev. Rom. (o) Iob. 31.

dio inserviens : ad quos , omiſſâ venatione , clanculùm digreſſus vnico famulo comitante , ſex horridâ ſupra quàm dici poteſt , ex-
 ſis tabe , ſalutem humaniſſimam impertit
 cum oſculo , & vividam ſanitatem. (p)
 Eos Chriſti quæſtores , opum noſtrarum
 fidiſſimos depositarios , ampliſſimos nuncupa-
 bat remuneratores. Eorum favorem patro-
 ciniùmque expoſcebat , etiam cùm à credi-
 toribus , aliòve humano caſu premeretur :
 eleëmofyna ipſi auxilio & aſyli loco erat ;
 & quos patronos ſibi conciliabat pia largi-
 tione , eorundem advocatum & protecto-
 rem , tuendis promovendiſque eorum cauſis ,
 ipſemet egregiè agebat. (q) B. Amedeus ,
 tertius Sabaudie Dux , pauperes , commili-
 tones ſuos , imò advocatos , deſenſores , ac
 cœleſtes trapezitas appellitabat , & ſummè
 venerabatur. His cibum , potum , pecuniam ,
 emplaſtra miniſtrabat ipſe ; indignum ra-
 tus , cùm ipſe poſſis , & honori tibi ducere
 debeas , Chriſto in pauperibus inſervire , id
 præſtare alienâ manu. Fuit , cùm , donato
 egenis civibus marſupio , etiam pretioſum
 torquem , inſigne equeſtris Ordinis ſui à
 Nativitate dicti , ſibi è collo detractum , eleëm-

S 2

(p) Sur. & alii 27. Sept. (q) Binet de eleëm.
 t. 12. n. 14. Idem in ejus vita c. 9. & 14.

412 CONSIDERATIO XXII.

mosyna loco dedit, ad stuporem & indignationem aulicorum, mundi magis quàm cœli sequacium. (r) Aliquando rogatus à quodam Oratore, haberétne canes venaticos? respondit omninò se habere, ostensurum die insequenti: atque tunc pauperum turmas mensis accumbentium ostendit: Hi, inquiens, sunt mei canes venatici: his Angelos, cœlum, Deum ipsum venor, & ut spero, assequar. (s) Ita & tu venare, mi Christiane: certa prada est; cœlum te manet: sic amat ipse Deus capi & possideri. Cole pauperes. Gemmae sunt cœli: ita eos vocabat sanctus Macarius Presbyter, qui acceptam ab Alexandrinâ quadam virgine, nimium acervandis divitiis intentâ, bonam pecunia vim emendis gemmis, totam in pauperes erogavit; quos ostendens, hyacinthos ac smaragdos pretiosissimos afferebat, quibus carius nihil sit: quo factum, ut & ipsa tenacitatem & avaritiam aljecerit. (t) Fove pauperes. Thesauri sunt Ecclesiæ, teste præclaro illo Martyre Laurentio: nam cum ab eo quærerentur thesauri Ecclesiæ, promisit demonstraturum se. Sequenti die pau-

(r) Binet in ejus vita c. 9. & 10. (s) Ibid. c. 11.

(t) Pallad. hist. Laus. c. 6.

peres duxit, dicens : Hi sunt thesauri Ecclesiæ. Eo verè thesauri (*subdit Ambrosius, qui inde, etiam vasa sacra Ecclesiæ, in pauperum levamen, detrahenda esse, demonstrat*) in quibus Christus est, in quibus fides est, &c. (u) Urbanus I. qui Valerianum & Tiburtium sacris undis abluìt, cùm Cæcilia virginis opes postulerentur, Has, inquit, manus pauperum jam asportarunt in cælum. B. Enfridus, Colonia ad sancti Andrea Decanus, mirè in egentes beneficus, pauperes cœlestes illos thesauros appellare consuêrat, quos tinea non demoliretur, fures non effoderent. (x) Cælestis igitur trapezitæ hæc mensa est (*eleëmofyna*) inquit Paulinus, Nolensis Episcopus, ex opulentissimo divite, voluntate pauperrimus, & copiosissimè sanctus, ut scribit Augustinus, (y) thesaurum vitæ struens, & ad margaritam negotiandam Dei fœnus exercens : qui enim fœnerat pauperes Domini, præstolatur à Domino Deo retributionem mercedis æternæ. (z) Intelligebat hoc Stanislaus Hosius Cardinalis, cujus domus magnis sem-

S 3

(u) Ambr. l. 2. offic. c. 28. (x) Rader. Virid. SS. p. 2. c. 5. (y) l. 1. de Civ. c. 10. (z) Paulin. ep. 32.

414 CONSIDERATIO XXII.

per pauperum celebrabatur agminibus : *hic optimus senex*, intento in Stanislaum Rescium dispensatorem suum digito, *suavissimè dicebat* : Vos verò hominem istum, ni largè dederit, intra cœli portas admittere nolitote. *Quòd si Rescius pecuniam domi esse, aliquando negaret* : Tu verò supellectilem distrahe, *responderebat Hosius* : nos enim eâ carere possumus, pauperes stipe non possunt ; nec verò unquam mihi pro Christo danti defuit, nec porrò deerit argentum. (aa) *Quare meritò sic ad quemdam Abbatem Bernardus* : Volo te esse amicum pauperum, magis autem imitatore. Ille gradus proficientium est ; hic perfectorum. Amicitia pauperum, regum amicos constituit : amor paupertatis, reget. Regnum denique cœlorum, pauperum est ; & est regis potestatis, beare pro voluntate amicos. Facite, inquit, vobis amicos &c. Vides quia magna dignitas, sancta paupertas sit : ut non modò patrociniū ipsa sibi non quærat, sed & ferat indigentibus. (bb) *Rogério verò Sicilia Regi,*

(aa) *Rhd hist. virt. l. 4. c. 13.*(bb) *Bernard. epist. 103.*

suos quos mittebat , Religiosos commendans, ita scribit : Suscipe illos tanquam advenas & peregrinos , verumtamen cives Sanctorum , & domesticos Dei : parum dixi , cives ; reges sunt. Ipsorum est enim regnum cœlorum , jure & merito paupertatis : (cc) regi terræ , in terra viventium , reddere poterunt pro his terrenis vitam & gloriam sempiternam. (dd) Hi bonorum quæ speramus & expectamus , sunt promi condi. Hi janitores regni cœlorum , qui fores aperiant benignis & bonis , occludant malis & inhumanis. Hi & vehementes sunt accusatores , & optimi patroni. Accusant autem , & defendunt , non oratione , sed aspectu ipso , dum conspiciuntur à judice. (ee) Hos ergo fac tibi amicos.

(cc) *Idem ep. 208. (dd) ep. 209.*

(ee) *Nyssen. de pauper. amand. orat. 1.*





CONSIDERATIO XXIII.

CHRISTVS IN PAUPERE.

I. **C**hristum in paupere pasci, vestiri, visitari, aliisque misericordia operibus foveri, luculentissime proficitur Christus ipse in suo Evangelio. Qui recipit vos, ait pauperibus suis Discipulis, me recipit: & qui me recipit, recipit eum qui me misit. (a) Cum autem venerit filius hominis in maiestate sua, & omnes Angeli ejus, tunc sedebit super sedem maiestatis suæ, & congregabuntur ante eum omnes gentes, &c. Tunc dicet Rex his qui à dextris ejus erunt: Venite benedicti Patris mei, possidete paratum vobis regnum à constitutione mundi. Esurivi enim, & dedistis mihi manducare, &c. Amen dico vobis, quamdiu fecistis uni ex his fratribus meis minimis, mihi fecistis. Tunc dicet & his qui à sinistris erunt:

(a) Matth. 10.

Discedite à me maledicti in ignem æternum, qui paratus est diabolo & angelis ejus. Esurivi enim, & non dedistis mihi manducare, &c. Amen dico vobis, quamdiu non fecistis uni de minoribus his, nec mihi fecistis. (b) *Ubi Euthymius*: Vide quomodo de solâ humanitate sive amore erga proximos differat, & ab hac sola justos honore dignos judicat, peccatores verò supplicio. Non quòd cetera justorum bona opera, vel peccatorum delicta, sine examinatione vel discussione relinquenda sint... Sed nunc de sola hac virtute differit, confirmare volens quòd hanc maximè requirit, & hanc præ omnibus expetit, utpote Christianis maximè necessariam. Cujusque enim Christiani insigne, quo dignosci potest, est dilectio... Hujus autem optima pars est pauperum amor, & erga proximum misericordia ac compassio.... Fratres autem vocavit pauperes, ut qui similem cum eis susceperit naturam & abjectionem, vel etiam tanquam eos, qui communicaverunt paupertati ip-

S 5

(b) *Matth.* 25,

418 CONSIDERATIO XXIII.

sius.... Meritò qui misericors fuit, regnum possidebit, quia charitatem, quæ virtutum caput est, opere complevit: ejus enim pars est eleëmofyna. Qui verò fuit immisericors, in ignem ablegatur: quia loco dilectionis, odium possedit, quod caput est vitiorum, & ejus præcipua pars est inhumanitas. Ille quoque misericordem humanumque Deum imitatus est; hic autem immisericordem inhumanumque diabolum. (c) Quia enim, *addit Theophylactus in eundem locum*, compassionis expertes sunt diaboli, & hostiliter & inimicè erga nos affecti sunt: meritò idem supplicium habent, qui ejusdem voluntatis sunt, qui & propriis operibus maledicti facti sunt. ... Horresce igitur, ô homo, cum cogitaveris hoc, quòd illi neque ut scorta, neque ut latrones, neque ut qui grave aliud flagitium perpetrarunt, puniuntur, sed ut hi qui bonum non fecerunt.... Fuge immisericordiam, & fac eleëmofynas.. Pasce Christum, qui esurit salutem nostram, (d) Quid

(c) *Euthym. in Matth. sup.*(d) *Theophyl. ibid.*

potuit nobis majus Christus edicere? Quomodo magis potuit justitiæ ac misericordiæ nostræ, opera provocare, quàm quòd præstari dixit sibi, quid egenti præstetur & pauperi: & se dixit offendi, nisi egenti præstetur & pauperi; ut qui respectu fratris in Ecclesia non movetur, vel Christi contemplatione moveatur: & qui non cogitat in labore atque in egestate conservum, vel Dominum cogitet in ipso illo quem despicit, constitutum. Et idcirco, Fratres charissimi, Domino obsequium præbeamus: demus Christo vestimenta terrena, indumenta cœlestia recepturi: demus cibum & potum sæcularem, cum Abraham, Isaac, & Jacob, ad convivium cœleste venturi. (e) Ne quis tamen forsitan dicat, O beati, qui Christum suscipere in domum propriam meruerunt! Noli dolere, noli murmurare, quia temporibus natus es, quando jam Dominum non vides in carne: non tibi abstulit istam dignationem. Cum uni, inquit, ex minimis meis fecistis, mihi fecistis. (f) In his enim omnibus

(e) Cyprian. de oper. & eleēm.

(f) August. de verb. Dom. serm. 26.

420 CONSIDERATIO XXIII.

tibi occurrit Christus, qui cū sit incomprehensibilis secundū Deitatis naturam, inveniatur tamen abs te per opera misericordiæ. Ipse enim dixit: Quia esurivi, & dedistis mihi manducare, &c. Hic in istis esurientibus, ac sitientibus, & nudis, ægris, ac vinetis, Christus se suscipere profitetur. Quid ergo agis, ô dives? quid cogitas? quid deliberas? Christo esuriente, tu horrea tua claudis? Imò non claudis; sed minora destruis, & majora reedificas? Christo indigente vestitu, tuæ vestes tineis consumuntur? Christo egente, tu aurum quæris, aurum desideras, aurum recondis, omnia aurum vides, aurum tibi vigilantī cogitatio est, & somnia dormienti? (g) Ille propter te tantam gloriam exiit; tu autem neque pane dignum censes: sed canis quidem impletus est; Christus autem fame perit. (h) Ille pro nobis animam posuit, & pretiosum sanguinem propter nos effudit, qui non eramus amici: nos autem neque pecunias propter ipsum effundimus, sed

(g) *Ambr. serm. 81.* (h) *Chrysost. hom. 17. in 2. Cor.*

eum despiciamus nudum & peregrinum, pro nobis mortuum ... Nónne si innumeras haberemus animas, omnes oportuerat pro eo ponere? Atqui nec ita quidquam beneficio dignum fecissemus. Ipse namque prior benefaciens manifestam exhibet bonitatem ... At nos nec ista trahunt, sed omnibus ingratiore sumus; servis quidem, & mulis, & equis, torques aureos circumponentes, Dominum verò nudum circumeuntem, & fores ex foribus mutantem, & semper in exitibus morantem, & manus portigentem, despicientes, frequenter autem & torvo respicientes oculo, licèt & hoc ipsum propter nos patiatur. Libenter enim esurit, ut tu pascaris: & nudus circumit, ut incorruptionis indumenti tibi præbeat occasionem. (i) Vult in paupere sibi dari... Parva poscit, maxima redditurus ... Homo, da in terra pauperi, quæ tibi manere vis in cælo. (k) Da in terra Christo, quod tibi reddat in cælo. (l) Omni autem peccanti te, tribue; (m) sed maximè do-

(i) *Chrysost. hom. 32 ad Pop.* [k] *Chrysost. serm. 92*

(l) *Aug. de verb. Dom. serm. 25.* (m) *Luc. 6.*

422 CONSIDERATIO XXIII.

mesticis fidei: nudum vesti, esurientem ciba, ægrotantem visita. Quotiescumque manum extendis, Christum cogita. Cave ne mendicante Domino Deo tuo, alienas divitias augeas. (n) Mensulam tuam pauperes & peregrini, & cum illis Christus conviva noverit. (o) Jacentes pauperes, tanquam nullius sint pretii, ne despexeris. Considera quinam sint, & eorum cognosces dignitatem. Servatoris nostri personam induerunt. (p)

II. Beatus qui intelligit super egenum & pauperem. (a) Et quæ est intelligentia, ubi est professæ paupertas? Vis est intelligentiæ, si rimetur viscera, si deprehendat occulta, si tecta nudet ... Oremus, Fratres, ut ipse intelligere intelligenda concedat, qui se intelligi in paupere sic demonstrat. Quod ipse qui cælum tegit, sit nudus in paupere; quod in esuriente esuriat saturitas rerum; quod sitiat in sitiente fons fontium; intelligere quomodo non magnum est? Quomodo non

(n) Hieron ep. ad Furiam viduam. (o) Idem ep. ad Nepotian. (p) Nyssen. de pauper. amand. orat. I.

(a) Ps. 40.

beatum intelligere, quòd ei sit ampla paupertas, cui angustum est cœlum? qui ditat mundum, quòd egeat in egente? quòd frustum panis, aquæ calicem, dator omnium quærat? quòd se Deus, amore pauperis, sic deponat, ut non adsit pauperi, sed ipse sit pauper? Hoc cui videre dederit Deus, ipse videt. Sed quomodo aut in se transfuderit pauperem, aut se in pauperem fuderit, dicat ipse jam nobis. Esurivi, inquit, & dedistis mihi manducare. Non dixit, Esurivit pauper, & dedistis illi manducare: sed, Esurivi ego, & dedistis manducare mihi. Sibi datum clamat, quod pauper acceperit: se manducare dicit, quod comederit pauper: quod bibit pauper, sibi testatur infusum. O quid agit amor pauperis! gloriatur in cœlo Deus, unde pauper erubescit in terra: & hoc reputat in honorem sibi, quod pauperi computatur injuria. Dixisse suffecerat, Dedistis mihi potum: sed præmisit, Esurivi, Sitivi: quia parvus fuisset amor pauperis, quòd pauperem suscepisset, nisi & passionem pauperis suscepisset; & certè verus amor non

424 CONSIDERATIO XXIII.

nisi passionibus probatur. Verus amor est, fecisse suas angustiantis angustias: nimis est, quòd sapit Deo pauperis cibis. Qui totius creaturæ bona non esurit, saginatum se in esca pauperis, prophetizat in regno cœli, coram omnibus Angelis, in conventu resurgentium. Quòd Abel passus sit, quòd servavit mundum Noë, quòd Abraham fidem suscepit, quòd Moyses legem tulit, quòd Petrus crucem resupinus ascendit, Deus tacet: & hoc clamat solùm, quòd comedit pauper. In cœlo prima est esurientis annona: prima stipendia pauperis tractantur in cœlo: erogatio pauperis prima divinis scribitur in diurnis. Beatus, cujus nomen toties Deo legitur, quoties ratio pauperis recitatur in cœlo. (b) Quòd si, qui Prophetam accipit, mercedem Prophetæ accipiat: quid ergo mercedis accepturus est, Christum ipsum suscipiens? ... Qui pauperem suas in ædes induxerit, Christum ipsum secum adduxit, qui ait: Quod fecistis uni ex minimis hisce, mihi fecistis: (c) Talibusque eum verbis in hora iudicii compellabit Chri-

(b) *chrysosol. serm. 14.* (c) *Ephraim de amore pauper,*

CHRISTUS IN PAUPERE. 425

stus, Benè venisti, & amice bone & fidelis : benè venisti, educator & altor meus, hospes meus, & protector meus, gratiam habeo bonæ menti & voluntati tuæ, & non sum oblitus charitatis tuæ. Memini, quanta mihi bona præstiteris. Novi, quoties me refeceris. Recordor, quomodo me in domo tua curaveris. Quæ dum ad eum ait Christus, tenet ipsum manu coram omni illa celebritate, coram Angelis & Archangelis, & omni Principatu ac Potestate, coram omnibus Justis, & Prophetis, & Apostolis, ac Sanctis : statuensque hunc in medio, simul prædicat, & ostendit eum omnibus, ac dicit : Hic homo esurientem me aliquando conspexit & pavit : sitientem, & potavit : frigescentem, & cooperuit me : hospitem, & suscepit me, &c. propterea & ego dico ipsi : Euge serve bone & fidelis, quia super pauca fuisti fidelis, supra multa te constituam : intra in gaudium Domini tui. (Luc. 19.) perfruere delitiis paradisi mei ; ingredi in regnum Domini tui : ingredi in vitam æternam. (d) Si

(d) Ephraem serm. in eos qui in Christo obdormier.

426 CONSIDERATIO XXIII.

fortè Rex quempiam de turba famulorum appellaverit, atque ad eos dixerit : Reddite huic gratias meo nomine quamplures, qui me inopia laborantem nutrit, & hospitio excepit, qui mihi beneficia in tempore angustiae permulta contulit : num certatim quisque accurrens pecunias omnes suas expenderit ejus causâ, cui Rex gratias egerit ? Num se illi quisque commendare atque amicitiam jungere studuerit ? Vidistis sermonis virtutem ? Si ergo apud hominem Regem tantum honoris res ipsa tribuit, cogita Christum in illa die coram Angelis omnibusque Virtutibus vocantem ac dicentem : Hic me in terra suscepit hospitio ; hic mihi innumera contulit beneficia ; hic me peregrinum existentem confovit inducens. Cogita de cetero fiduciam inter Angelos, inter cœlestes choros gaudium. Igitur cui testimonium Christus perhibet, non fiduciam super Angelos habuerit ? Magna igitur res eleemosyna, Fratres. Hanc amando faciamus, cui nihil æquale : potens est enim peccata alia delere, judiciumque propul-

CHRISTUS IN PAUPERE. 427

fare. Te tacente, stat & patrocinator: imò verò nihil verbis est opus, cum ipsa pauperum assent ora. (e) Per ipsos enim nunc accipit Christus, & tunc pro ipsis rependet; (f) pro modicis rebus, pro mortalibus, pro putribilibus, pro terrenis, quæ æterna sunt & incorruptibilia, & sine fine manentia. Quid multa dicturus sum? Se promittit, qui promittit... Dat de cælo, accipit in terra. Ipse dat, ipse accipit. (g) Cum sit Dominus, & verus Dominus, & bonorum nostrorum non egeat: tamen ut aliquid etiam erga ipsum faceremus, esurire dignatur in pauperibus suis. (h) Adtribuendum ergo pigri cur estis, quando hoc jacenti in terra porrigitis, sedenti in cælo datis? (i) qui tantum nobis pauperes commendavit, ut se in ipsis vestiri, ac suscipi, testetur, & pasci. (k). Et ideo nos curam pauperum vult habere, ut in futuræ retributionis examine, misericordibus, quam promisit, misericordiam largiatur. (l) Non

(e) Chrysost. hom. 9. de pœnit. (f) Paulin ep. 32. (g) Aug. hom. 29. ex 50. (h) Aug. serm. 40. inter novos. (i) Gregor. hom. 40. fine. (k) Leo serm. 1. de Collectis. (l) Idem serm. 2.

428 CONSIDERATIO XXIII.

timeatur in iis expensis defectio facultatum, quoniam ipsa benignitas, magna substantia est: nec potest largitatis deesse materies, ubi Christus pascit & pascitur. (*m*) Pars enim corporalium facultatum, quæ indigentibus ministratur, in divitias transit æternas: & illæ opes de hac largitate pariuntur, quæ nullo usu minui, nullâ poterunt corruptione violari. (*n*) Prompta ergo & facilis, Dilectissimi, apud nos largitas esse debet: si credimus, sibi unumquemque id præstare, quod indigentibus tribuit. Thesaurum enim suum condit in cœlo, qui Christum pascit in paupere. (*o*)

III. Qui dixit Saulo, Quid me persequeris? ipse tibi dicit, Pasce me. In terra Saulus sæviebat, & Christum in cœlo tangebatur. Sic & tu in terra eroga, & Christum in cœlo pascis. (*a*) Vides quia Abraham Deum recepit hospitio, dum hospites quærit? Vides quia Lot Angelos suscepit? Qui scis an & tu cùm suscipis hos-

(*m*) *Leo de Quadrages. serm. 10.* (*n*) *Idem de jejun. X. mens. serm. 5.* (*o*) *Idem de Collect. serm. 1.*

(*a*) *Aug. serm. 32: & 40. novis.*

CHRISTUS IN PAUPERE. 429

pitam , suscipias Christum ? Licet in hospite sit Christus, quia Christus in paupere est, sicut ipse ait: In carcere eram, & venistis ad me, &c. (b) S. Iulianus, cognomento Hospitator, Angelum, aut etiam Christum ipsum, ut pauperculum & leprosum peregrinum, è ripa fluminis ulteriore, intempestâ nocte, cælo frigidissimo (velut alios solebat peregrinos, quibus & hospitalem erexerat domum) transvehit in humeros sublatum, & igne ciboq; recreatum, in suum ipsemet collocat lectulum. Ab eo, post paulò, sumptâ eleganti formâ, & in athera sese attollente, audit dimissum gemini parricidii scelus, ipsumq; ac Castellanam conjugem propediem Superis iungendos. (c) S. alter Iulianus, Conchensis in Hispania Episcopus, in pauperes admodum liberalis, Christum sub egeni habitu excipit, è cuius deinde vultu advertit emicare radios solis amulos, tum & hac ex illo audit: Amice mi Juliane, gratias tibi ago, qui tantò studio, & charitate, pauperes meos sustentas: præmium tibi hujus charitatis, vitam æternam

(b) Ambr. l. 2. Offic. c. 21. (c) S. Antonin. Hist. p. 1. tit. 6. cap. 25. §. 4. Peir. de Natal. 124 Februarii.

430 CONSIDERATIO XXIII.

promitto. (d) *Ludovicus Blofius, Abbas Latiensis, vir ab illuftri profapia, fcriptis, virtute celebris, ita in hofpitibus & peregrinis Deum agnofcebat, ut, cùm aliquantulo tempore hofpitibus domus ejus & menfa caruiffet, fic cum uno ex Conventualibus (ut vocant) famulis piè conqueftus fit: Quid hoc eft, Anfelme? (id ei nomen erat) An noſtri oblivifcitur Deus? an irafcitur, qui nos tanto tempore in hofpitibus non invifit?* (e) *Chriftum ipfum in pauperibus reipſa intellexit Magnus ille Gregorius, ab eleëmofynis ad ſummum Pontificatum divinitùs electus. Cùm enim ad menſam ſuam quotidie peregrinos quolibet invitaret, inter eos die quadam unus acceſſit, in cujus manibus dum ipſe, ex humilitatis miniſterio, aquam fundere vellet, converſus urceum accepit: ſed repentè eum, in cujus manibus aquam fundere voluerat, invenire non potuit. Cumque hoc factum ſecum ipſe miraretur, eadem nocte Dominus ei per viſionem dixit: Ceteris diebus me in membris meis, heſterno autem die me in me-*

(d) *Bolland 28. Ian. vitæ c. 2.*(e) *Bolland, 7. Ian. vitæ, c. 22.*

ipſo ſuſcepisti. (f) S. Ivo Sacerdos, pauperum advocatus & pater, quotidie hospites eos excipiebat & convivas, nec raro, vestitu se ſpolians, induebat. Quadam die, extrema, ut omninò videbatur, penuria mendicabulum in ades admittit, & ad mensam juxta se aſſidere jubet. Conſidet mendicus, & parcè guſtato cibo, mox menſá conſurgens, amabili candore radians, Dominus vobiſcum, ait, & oculis ſeſe ſubducit. (g) Ita ſe in pauperibus excipi, paſci, veſtiri, teſtatur, atque adcò gloriatur Filius Dei, qui propter nos egenus factus eſt. (h) Martinus cùm nihil haberet præter arma, & veſtimentum quo tegebatur, Ambiani, pauperi ac nudo ab eo petenti ut Chriſti nomine ſibi eleëmofynam tribueret, partem chlamydis dedit. Cui ſequenti nocte Chriſtus dimidiata illa veſte indurus appareret, hanc mittens vocem: Martinus Catechumenus hac me veſte contexit. (i) Petrus Telonarius nauta egenti & nudo à naufragio veſtem donarat; & ecce eandem ipſa veſte indutum videt Chriſtum Do-

(f) Ioan. Diacon. l. 2. vite c. 22. (g) Sur. & alii 19. Maii. (h) 2. Cor. 8.

(i) Brev. Rom. 11. Nov.

432 CONSIDERATIO XXIII.

minum, auditq; sibi gratias agentem. Quæ Christi gratitudine ita permotus ille fuit, ut & egenus ipse fieri, ac in servum venditari voluerit, Christo etiam servitutis istius nummos admittente. (k) Cum theologicis studiis Parisiis operam daret B. Iordanus, secundus postea Ordinis Prædicatorum Generalis Magister, pauperi eleemosynam petenti. cum aliud ad manum non esset, cingulum donavit; mox templum ingressus, præinctum eo videt Christi crucifixi simulachrum. (l) Sancta Catharina Senensi, quæ pauperi crucem argenteam, quando aliud non habebat, donaverat, nocte insequenti apparuit Christus, dixitq; se crucem illam in die iudicii ostensurum in signum pietatis. Eidem iterum se Christus visendum præbuit cum ea tunica, quam ipse pauperis habitu ab illa acceperat, gemmis jam coruscante, promittens ei vestem invisibilem, quæ ab eâ arceret quodlibet noxium utriusque hominis frigus. (m) Sancta Iutta mundum omnem muliebrem, quem à parentibus & ipsis illustribus nobilissimum acceperat, in egenos largâ manâ distribuerat, eoq; devenerat, ut & necessa-

(k) In vita S. Ioan. Eleëm. (l) Sur. Bolland. 13. Febr. c. 1. (m) Sur. 29. April.

riis statui suo careret, atque aded mendicare ipsa non sine suorum risu cigeretur. Sed laudavit Christus hanc prodigalitatem conspicuus, adjecit illud insigniter amantis & beneficientis: Omnia mea tua sunt, & tua mea. Atque iterum illi visus, potestatem fecit ex divite cordis sui arario, quas luberet, opes depromendi: expetiit illa & deprompsit sapientia sanctioris thesauros, in ipsa etiam adyta sanctissima Trinitatis sese penetrans mirabili intelligentia. (n) Martyrius Monachus leprosum oppidò lassum & fœdè horridum pallio obvolverat, & sublatum in humeros ad monasterium latus deportabat: ad fores ut perventum est, exiit qui leprosi speciem induerat, apparet Christus ipse, atque cœlos repetens ei clarè denuntiat: Martyri, tu me non erubuiisti super terram, ego te non erubescam super cœlos. (o) Qua in re (addit Gregorius Magnus istud referens) pensandum est nobis, quantum fraternæ compassio valeat, quantum nos omnipotenti Deo misericordiæ viscera conjungant. Ecce autem Redem-

(n) Bzov. tom. 13. Ann. Eccl. an. 1260. n. 21.
Fassi Mar. 5. Maii. (o) p. Greg. hom. 39. in Evang.

434 CONSIDERATIO XXIII.

ptori generis humani ad ædificationem nostram minimè sufficit, quod in extremo iudicio dicturum se esse perhibuit: Quamdiu fecistis uni de his fratribus meis minimis, mihi fecistis: ut videlicet demonstraret; quia quisquis nunc bona opera indigentibus exhibet, ei hæc specialiter impendit, cuius hæc amore exhibuerit. Hoc præclare noverat sancta Margareta Scotorum Regina, quæ velut optima pauperum & orphanorum mater & nutrix, intuitu Christi, novem infantulos orphanos primâ diei horâ ad se introductos, cibis mollioribus in ora manu regiâ immixtis reficiebat, submissu etiam in terram genibus. Præterea quot diebus trecentos pauperes in aulam inducebat, ostiisq; probè clausis, tum ipsa ab una parte, tum Rex ab altera, Christo in pauperibus illis serviebant, oblati cibis optimè conditis. Denique ante mensam, viginti quatuor alios, etiam lateros ac pannosos, cibo potuq; lautiore recreabat. (p) Idem probè intelligebat ac præstabat sancta Elisabetha, Regis Hungariæ filia, Ludovici Thuringia & Hassia Lantgravii conjux, de qua etiam Consideratione præced. & hoc, præter alia

[P] Sur. 10. In. vitæ c. 8.

CHRISTUS IN PAUPERE. 435

complura, memorabile: Mendiculo importunè stipem petenti, cùm aliud tunc quod largiretur non haberet, pallium ipsum, quo tegebatur, nobile ac regium donat. Sciscitanti Lantgravio, ubi pallium esset, Ecce, inquit, ut de pertica pendet. Atque ita pendere visum est: quo luculento prodigio testabatur cœlum eam vestem à Christo acceptam & repositam. (q) Eadem, absente fortè marito, leprosum balneo ablutum, in mariti lecto, ut quiesceret, deposuerat. Redit lantgravius expectatione citiùs, rem totam ab amulis, omnia in pejus interpretantibus, intelligit, stupet, furit, moxq³ nudato ense ad cubiculum, ad torum accurrit: stragula explicat, aperit, ejicit, mox leprosum confossurus. Sed (ô miraculam! ô amor indulgentis, & miserentis Dei!) non jam leprosum, sed ipsum Christum crucifixum jacentem videt, stupet, pertentat manu, & culpam deprecatus, ad conjugem revolat; eiq³ omnia permittit, faceret porro illa dcinceps quod vellet. (r) Igitur quando videris pauperem fidelem, inquit Chrysostomus, Corpus Christi, aram Christi, videre te existima, & reve-

T 2

(q) Wading. 10. 1. Ann. Min. an. Relig. 19. n. 53.

(r) Wad. sup. an. Relig. 22. n. 13.

436 CONSIDERATIO XXIII.

rere. (s) Pauper , Christi vicarius est , ait Petrus Blesensis ; & sicut se in eo contemni erubescit , ita se in eo recipi delectatur. (t) Unde monet S. Valerianus Cemeliensis Episcopus , ut omne misericordiæ studium convertamus ad Dominum : in cuius amore non otiosè aut negligenter pauperum tractandæ sunt lacrymæ ; ne ille qui totum orbem solet pascere , ad nostram confusionem inter mendicos videatur esurire. . . . Nec longè tibi quærendus est Dominus , si non sis avarus. Expectat nos ecce foris , cum illa suorum turba famulorum. Non enim tibi errandum est oculo , ut dubites circa quem potissimùm opus miserandæ erogationis impendas. Ipsum scias esse Christum nostrum , quem videris nudum , quem aspexeris cæcum , quem offenderis claudicanem , quem pannis involutum , quem videris sordida veste contectum. (u) Ita sciebat , ita se liberalem exhibebat & reverentem erga pauperes , seu Christum in pauperibus , magnus ille eleëmofynarius Iohannes , qui rogatus cur uno eodémque

s T

(s) Chrysost. in 2. Cor. hom. 20. (t) Petr. Bles. ep. 91. (u) Valerian. hom. 7.

CHRISTUS IN PAUPERE. 437

die redeunti eidem & stipem importune petenti iterum tertiumque largiretur, Ne fortè, respondebat, sit Dominus meus Christus. (x.) Ita Ludovicus Rex sanctissimus, solitus mensa sua pauperes adhibere, eorum reliquias non raro sumere, cibos sibi appositos illis offerre, improbantibus tantam demissionem velut indignam majestate regia, respondebat: Ego in pauperibus revereor Christum, qui dixit: Quod uni ex minimis meis fecistis, mihi fecistis. Addebátque: Pauperes coelum sibi comparant patientiâ; divites verò eleēmosynâ & reverentiâ, qua pauperes ut membra Christi amant & venerantur. Eodem animi sensu, & reverentiâ in Abbazia regii montis, à se magnificè conditâ & ditatâ, cuidam Monacho horrendum leproso, ut visu vix tolerari posset, prandenti in os cibum potumq; inferebat latus, etiam de genibus. (y) Ita sentiebat; ita venerabatur in pauperibus Christum, castissimus Anglorum Rex Eduardus, in egenos munificus: petenti stipem peregrino, cum abesset largitionum praelectus, nec aliud in promptu haberet, pretiosum annu-

T 3

(x) Leont. in vita cap. 8. (y) Sur. & alii 25. Augusti.

438 CONSIDERATIO XXIII.

lum donavit. Idem Hibernum, usu pedum miserè captum, sordibus plenum, in humeros regios sustulit, in ipsam S. Petri (qui sanitatem infirmo promiserat, si Eduardi dorso deferretur) celebrem in urbe regia-
adem intulit, nihil defluentem in regias vestes saniem, nihil moratus mundi sapientium sannas. (z) Pariter sentiebat sancta Brigida virgo Scota, quæ quidquid habere, quidquid reperire poterat, id omne sublevanda Christi in pauperibus inopiæ largiebatur. Rogata ab ipso Rege (cui eam vendere destinarat pater, ut ejus tandem manibus, quæ habebat, subduceret) cur gladium patris abstulisset, & pauperi dedisset, respondit: Ego verò Christo illum dedi. Et certè, si & te Dominum meum Regem, & parentem meum Deus à me peteret; modò possem, utrumque cum facultatibus omnibus illi darem. (aa) Ita intelligebat super egenum & pauperem B. Petrus à Luxemburgo, qui à puerulo liberalissimus, quacumque domi reperire ac innocenti furto clepere poterat, etiam carnes è cacabis, in mendicos tribuebat; domesticis increpantibus dictitans famam sibi à Patre potestatem, utique om-

(z) Sur: & alii 5. Jan.

(aa) Sur. 1. Febr.

nibus communi & cœlesti, ut ingenuè patri suo Guidoni Comiti explicuit ab eo deprehensus : qui etiam explicata pueri veste, non carnes, quas absconderat, sed rosas, ut gestare se dixerat, fragrantissimas vidit, & in armarium sanctius asservandas detulit. Cardinalis adolescens factus, nulli rei domestica parcebat, pauperum gratiâ; monitus ab œconomo, respondebat nullum esse melius tutiusque gazophylacium, manu & sinu pauperum. Fuit, cùm nihil omnino, quod daret roganti in plateâ mendico, sapperet. Detractum illicò digito annulum iussit venumdari, & pretium sibi afferri quod largiretur. (bb). Noverat illud Augustini : Date omnibus, ne cui non dederitis, ipse sit Christus : cuive dederitis, ipse sit Christus. (cc). Hoc idem præclarè noverant, virgineus ille Matris misericordiæ **MARIÆ** cultor Casimirus, filius, frater, & patruus Regum Polonia; qui totus in juvandis tuendisque Christi causâ pauperibus, viduis, & orphanis, merito audiit Pater & defensor pauperum & miserorum : (dd). B. Carolus, cognomento Bonus, Sancti Canuti Danorum Re-

T 4

(bb) Simon Martin 5. Jul. (cc) Aug. hom. 39. ex 50. (dd) Martin, Turr. le Fèvre 4. Mart.

gis erga pauperes pariter profusi filius, Flandria comes, qui cellas, totasque ades suas nunquam non patere egenis omnibus volebat; nunquam adem sacram ingrediebatur, quin stipem mendicis erogasset, nudis etiam pedibus incedens, atque egenorum deosculatus manus cā reverentiā, perinde atque si Christo ipsi obsequium prastisset; in ipso charitatis Christiana exercitio gloriosè immortalis, illatā cade ab avaris hominibus, quorum oppleta frumento granaria recludi jusserat & redemerat, sublevandæ communi pauperum inopia: (cc) Sanctus alter Carolus, è nobili Borromæorum familia, qui præter alia, Uritano Principatu vendito, pretium univèrsum ad quadraginta aureorum millia, unā die in pauperes erogavit; viginti millia, quæ sibi fuerant legata, distribuit; quo tempore pestis Mediolani grassabatur, ipse Archiepiscopus domesticam supellectilem, ne relicto sibi lectulo, in eosdem alendos contulit, super nudā in posterum tabulā decumbens: (ff) Thomas Villanovanus, qui adhuc puer, ut nudos operiret, propriis vestibus non

(cc) Turr. le Fèvre 2. Mars.

(ff) Brev. Rom. 4. Nov.

CHRISTUS IN PAUPERE. 441

semel seipsum exuit : exactâ pueritiâ, patre defuncto , universam hæreditatem egenis virginibus alendis dicavit ; Valentiniæ Ecclesiæ Archiepiscopus , amplos redditus in egenos dispersit , ne lectulo quidem sibi relicto ; nam eum , in quo decumbebat , cùm in cœlum evocaretur , ab eodem commodatum habuit , cui paulò antè eleëmodynæ loco donaverat : (gg) Robertus Cardinalis Bellarminus , qui Christum in pauperibus intelligens , eos amicissimè salutabat , solabatur , reficiebat suæ etiam se victu fraudans , admittebat ingestatoriam sellam , in rhedam , deducturus ad nosocomium , sibi omnium parcissimus , ut haberent omnia egeni ; civi extremè egenti , quia prasens pecunia non suppetebat , detractum ex digito annulum , dignitatis insigne , dedit , adjunctâ (ad tollendam furti suspicionem) syngraphâ , ut eum suo nomine oppigneraret ; alteri argenteum suum atramentariolum itidem oppignerandum tradidit ; quin & Capua , cujus erat Archiepiscopus , rhedam ipsam cum equis divendi jussit , ne deesset unde egenis subveniretur. (hh) Ita præclari illi charitatis heroës

T 5

(gg) Brev. 18. Sept. (hh) In vita.

442 CONSIDERATIO XXIII.

Christum in pauperibus agnoverunt, in pauperibus curarunt; ita ceteri omnes, quos Christiana virtus Dei filios & haeredes, cohæredes autem Christi reddidit: Non potest enim fieri, ut egregiè perorat aureus Ecclesiastes, summam animam non etiam misericordem esse, & misericordem non esse summam. (ii) Eleëmofyna est propria Sanctorum illustrium virtus, estque signum prædestinationis Dei. (kk) Induite vos ergo, ait Paulus, sicut electi Dei, sancti & dilecti, viscera misericordiæ. (ll) Et Isidorus Hispalensis Episcopus: Quidquid habes, habeto ad misericordiam. Non eligas, cui miserearis, ne fortè prætercas illum, qui meretur accipere. Omnibus da, ne fortè cui non dederis, ipse sit Christus: & cui largiris, cum hilaritate largire; & quidquid tribuis, cum affectu tribue. (mm) Denique, ut, omisfis innumeris aliis, tandem finiam cum Gregorio Nazianzeno, Christum, quamdiu licet, visitemus, Christum curemus, Christum alamus, Christum indua-

(ii) Chrysost. in Act. hom. 22. (kk) A Lapide in c. 26. Deuter. v. 12. (ll) Coloss. 3.

(mm) Isid. Hisp. de norma vivendi n. 16, & iterum in Synonyma.

mus, Christum colligamus, Christum honoremus, non mensâ solùm, ut quidam, nec unguentis, ut Maria, nec sepulchro dumtaxat, ut Joseph Arimathæus, nec rebus ad sepulturam accommodatis, ut ille dimidiâ tantum ex parte Christum amans Nicodemus; nec denique auro, thure, & myrrhâ, ut Magi ante eos omnes, quos antè diximus: sed quoniam omnium Dominus misericordiam vult, non sacrificium; ac pinguium agnorum myriades commiseratio superat: hanc per pauperes ipsi conferamus, ut cùm hinc exceßerimus, in æterna tabernacula nos recipiant; (nn) *audiamusq; in die resurrectionis suavissimam illam Christi iudicis sententiam: Venite benedicti Patris mei, &c.*

(nn) *Greg. Nazianz. orat. 16. de amore pauperum fine.*





CONSIDERATIO XXIV.

IMMISERICORDI. NULLA
MISERICORDIA.

I. **J**udicium sine misericordia illi ,
qui non fecit misericordiam. (a)
Qui ergo non facit misericor-
diam , excludit à se Dei misericor-
diam. (b) Gratis misericordiam sperat
ibi, qui hinc non fecerit misericordiam.
Qui facit misericordiam, currit ad præ-
mium ; qui non facit misericordiam ,
decurrit ad pœnam. (c) Qui obturat
aurem suam ad clamorem pauperis ,
& ipse clamabit , & non exaudietur.
(d) Eâdem quippe mensurâ, quâ men-
si fueritis, remetietur vobis. (e) Qui
calumniatur egentem, exprobrat fa-
ctori suo ; (f) sive, ut scribit S. Pauli-
nus , Qui spernit pauperem, exacerbat
eum qui fecit illum, id est, commu-

(a) Jac. 2. (b) A Lapide ex Oecumenio ibi.

(c) Chrysol. serm. 8. (d) Prov. 21. (e) Luc.
6. (f) Prov. 14.

nem omnium Creatorem, qui sicut refectione inopum gaudet, ita defectione tristatur. (g) *Vnde & injuriam pauperibus factam, velut sibi illatam, ulturum se testatur sapissimè & severè.* Propter miseriam inopum, & gemitum pauperum, nunc exurgam, dicit Dominus. (h) *Quis exurgentem Dominum non extimescat?* (i) *Et alio loco: Exurge Domine Deus, exaltetur manus tua, ne obliviscaris pauperum.* (k) *Elationem hujusmodi deprecemur, ne nobis in mentem veniat videre velle manum illam adversus inobedientes & contumaces sese attollentem, quodque gravius est, in duros & pertinaces immissam.* (l) *Et rursus: Non est oblitus clamorem pauperum. Non in finem oblivio erit pauperis: patientia pauperum non peribit in finem.* (m) *Et, Oculi ejus in pauperem respiciunt (quod quidem palpebris melius est ac præstantius) palpebræ autem ejus interrogant filios hominum: (n) id est, minor, ut ita dicam, & poste-*

(g) *Panlin. ep. 3.* (h) *Pf. 11.* (i) *Greg. Naz. orat. 16.* (k) *Pf. 9.* (l) *Greg. Naz. suprâ.* (m) *Pf. 9.* (n) *Pf. 19.*

446 CONSIDERATIO XXIV.

rior inspectio. Verùm dixerit fortasse aliquis : Hæc pro pauperibus illis & inopibus dicta sunt, qui injuria afficiuntur. Sit ita sanè : nam de hoc litem nullam movebo. At hoc quoque tamen ad colenda humanitatis officia te extimulet. Quorum enim, si quid eis injuriæ inferatur, tanta ratio habetur, iisdem certè beneficio affectis, amplior & uberior est gratia. Nam si, qui pauperem despicit, eum, à quo factus est, ad iracundiam concitat; non dubium est, quin opificem honore afficiat, qui ipsius opus complectitur. (o) Ceterùm & pauperibus, atque aded ipsi Deo; injuriam faciunt, qui illorum non misentur, neque inopiam sublevant. Audi Gregorium Magnum. Admonendi sunt qui nec aliena appetunt, nec sua largiuntur : ut sciant sollicitè, quòd ea, de qua sumpti sunt, cunctis hominibus terra communis est; & idcirco alimenta quoque omnibus communiter profert. In cassum ergo se innocentes putant, qui commune Dei munus sibi privatum vendicant : qui cùm accepta non tribuunt, in proximorum nece gra-

IMMIS. NULLA MISERIC. 447

santur: quia tot pænè quotidie perimunt, quot morientium pauperum apud se subsidia abscondunt. Nam cum quælibet necessaria indigentibus ministramus, sua illis reddimus, non nostra largimur: justitiæ debitum potius solvimus, quàm misericordiæ opus implemus. Unde & ipsa Veritas, cum de misericordia cautè exhibenda loqueretur, ait: Attendite, ne justitiam vestram faciatis coram hominibus. (Matth. 6.) Cui quoque sententiæ etiam Psalmista concinens dixit: Dispersit, dedit pauperibus: justitia ejus manet in sæculum sæculi. (Ps. 111.) Cum enim largitatem impensam pauperibus præmisisset, non hanc vocare misericordiam, sed justitiam maluit: quia quod à communi Domino tribuitur, justum profectò est, ut, qui accipiunt, eo communiter utantur. Hinc etiam Salomon ait: Qui justus est, tribuet, & non cessabit. (Prov. 21.) Admonendi sunt tenaces, ut noverint, quòd hanc primam injuriam faciunt Deo: quia danti sibi omnia, nullam misericordiæ hostiam reddunt. Hinc etiam Psalmista ait: Non dabit

448 CONSIDERATIO XXIV.

Deo placationem suam, nec pretium redemptionis animæ suæ. (Pl. 48.) Pretium namque redemptionis dare, est opus bonum prævenienti nos gratiæ reddere, &c. (p) *Sed audi Deum ipsum, qui & peculiarem pauperum curam suscipit, & tibi commendat, imò præcipit.* Non deerunt pauperes in terra habitationis tuæ: idcirco præcipio ego tibi, ut aperiās manum tuam fratri tuo egeno & pauperi, qui tecum versatur in terra. (q) Egenti da, orphanum tuere, nudum vesti, confractum & debilem cura, claudum irridere noli, tutare mancum, & cœcum ad visionem claritatis meæ admitte. (r) Frange esurienti panem tuum, & egenos vagosque induc in domum tuam: cum videris nudum, operi eum, & carnem tuam ne despexeris. (s) Eleemosynam pauperis ne defraudes, & oculos tuos ne transvertas à paupere. Animam esurientem ne despexeris: & non exasperes pauperem in inopia sua. Maledicentis enim tibi in amaritudine animæ exaudietur deprecatio illius:

(p) *Greg. curæ pastor. p. 3. admon. 22.* (q) *Deut. 15.* (r) *Esdra. 1. 4. c. 2.* (s) *Isai. 58.*

exaudiet autem eum, qui fecit illum.
 (t) Nec dicas amico tuo, (*proximo tuo
 etiam pauperi*) Vade, & revertere, &
 cras dabo tibi. (u) Una enim benefi-
 centia est, quæ moram non admittit,
 ait Nazianzenus. (x) Et Ambrosius : (y)
 Qui non patitur te dicere, Cras dabo:
 quomodo patitur dicere, Non dabo?
 Non de tuo largiris pauperi, sed de
 suo reddit. Quod enim commune est
 in omnium usum datum, tu solus
 usurpas? Omnium est terra, non di-
 vitum : sed pauciores qui non utun-
 tur suo, quàm qui utuntur. Debitum
 igitur reddit, non largiris indebitum.
 Ideoque tibi dicit Scriptura: Declina
 pauperi sine tristitia animam tuam
 (*Vulgata habet, aurem tuam*) & res-
 ponde illi pacifica in mansuetudine.
 (z) Non est enim ei benè, qui assi-
 duus est in malis, & eleëmofynas non
 danti. (aa) An tu benignitatem, non
 necessariam, sed tibi liberam esse pu-
 tas? Hoc quoque ipse magnopere vel-
 lem: sed me sinistra illa manus terret,
 & hædi, & probra, quæ ab eo, à quo

(t) Eccli. 4. (u) Prov. 3. (x) Orat. 16. (y) De
 Nabuthe c. 12. (z) Eccli. 4. (aa) Eccli. 12.

450 CONSIDERATIO XXIV.

illic collocati sunt, conjiciuntur, non quia manus alienis bonis attulerunt, nec quia templa diripuerunt, aut aliud quiddam ex iis, quæ interdicta sunt, admiserunt, hoc ordine mulctati; sed quia Christum per pauperes minimè curarunt. (bb) Discedite à me maledicti in ignem æternum, qui paratus est diabolo & angelis ejus. Esurivi enim, & non dedistis mihi manducare: &c. Amen dico vobis, quamdiu non fecistis uni de minoribus his, nec mihi fecistis. Et ibunt hi in supplicium æternum. (cc)

II. Mendici Dei sumus. Ut agnoscat ille mendicos suos, agnoscamus nos nostros ... Quam frontem habes petendo ad Dominum Deum tuum, qui non agnoscis parem tuum? (a) Audiat petentem, qui petens optat audiri: auditum aperit sibi, qui suum supplicanti non claudit auditum: esurientem sentiat, qui vult Deum sentire quòd esurit: misereatur, qui misericordiam sperat: pietatem qui quærit, faciat: qui præstari sibi vult, præ-

[bb] Nazianz. orat. 16. [cc] Matth. 25.

[a] Aug. de verb. Dom. serm. 9.

IMMIS. NULLA MISERIC. 451

stet. Improbus petitor est, qui, quod aliis negat, sibi postulat. Homo, esto tibi misericordiæ forma; sic, quomodo vis, quantum vis, quàm citò vis, misericordiam fieri: tam citò alii, tantum; taliter, ipse miserere. (b) Si vis impetrare misericordiam Dei, esto misericors. Si tu negas homini, cum homo sis, humanitatem; negabit tibi Deus & divinitatem, hoc est, incorruptionem immortalitatis, qua nos facit deos.... Miserere hominum, homo, & tui miserebitur Deus. Tu homo, & alter homo, duo miseri. Deus autem non miser, sed misericors. Si autem miser non misereatur misero, quomodo exigit misericordiam ab illo, qui nunquam erit miser? (c) Ego testimonium conscientiæ tuæ posco, quia Judicem tuum effugere & declinare non poteris, cujus testimonium non poteris recusare in die, qua revelabit Dominus occulta hominum. Tu dicis: Destruam horrea mea. Et Dominus dicit: Sine magis, quidquid intra horreum est, pauperibus deputari, sine

(b) *Chrysol. serm. 43.* (c) *Aug. serm. 19. d. 40. novm.*

452 CONSIDERATIO XXIV.

cellas istas pauperibus prodesse. Tu dicis: Majora faciam, & illò congregabo omnia, quæ nata sunt mihi. Dominus dicit: Frange esurienti panem tuum. Tu dicis: Tollam pauperi domum suam. Dominus autem dicit, ut egenos non habentes tectum inducas in domum tuam. Quomodo vis, ut Deus te exaudiat, cum tu Deum non putes audicendum? (d) Quid miser Judici respondebis? Parietes vestis, hominem non vestis? Equos phaleris ornas, fratrem laceris amictum pannis aspernaris? Frumentum retinendo perdis, esurientes non respicis? Aurum in terram condis, & oppressum non curas? (e) Cum non habeas charitatem, cum tibi desit humanitas, desit fides, desit spes in Deo, cum tibi desit misericordia, quid te egestuosius, quid te mendiccius? ... Quis tam injustus, tam avidus, tam avarus, quàm qui multorum alimenta, suum non usum, sed abundantiam & delicias facit? Neque enim minus est criminis habenti tollere, quàm cum possis & abundes, indigen-

[d] *Ambr. de Nabuthe cap. 10.*[e] *Basil. hom. 7. in divit. avar.*

tibus denegare. Esurientium panis est, quem tu detines : nudorum indumentum est, quod tu recludis : miserorum redemptio est & absolutio, pecunia, quam tu in terram defodis. Tot te ergo scias invadere bona, quot possis præstare quod velis. (f) Non enim injustus est Deus, qui ea quæ sunt ad victum, inæqualiter nobis diviserit. Cur tu dives es, ille pauper? Profectò non ob aliam causam, nisi ut benigni ac fidelis administratoris mercedem accipias, ille verò patientiæ maximis præmiis honoretur. Tu verò insatiabilis avaritiæ lacertis omnia circumplexus, & tot homines illis privans, neminem te lædere putas... Tot injurius es hominibus, quot poteras opem conferre. (g) Unum noveris, quòd mortes omnium requiret à te distictissimus Judex, quia omnium factus es reus, quorum vitam annonæ beneficio redimere potuisti... Sibi apud Deum pietatis januam claudit, qui viscera misericordiæ proximo mendicanti non aperit. (h) O! quanto dignum

(f) *Ambr. serm. 81.* (g) *Basil. ho. 6. in ditese.*

(h) *Petr. Bles. epist. 91.*

454 CONSIDERATIO XXIV.

pretio tibi censebitur die Judicii verbum illud, Venite benedicti &c. Quanta rursus trepidatio ac sudor, quantæ ob oculos tenebræ se tibi circumfundent condemnationem audienti? Ite maledicti &c. Esurivi, & non dedistis mihi manducare &c. Non ibi rapax accusatur: sed, qui substantiam non communicaverit, condemnatur. (i) Poterat dicere: Venite ad me benedicti, quod casti, quod virgines vixistis, quod angelicam suscepistis conversationem. Sed tacet hæc, non quod memoriâ sint indigna, sed quod à clementia sint secunda ... Pari modo eis qui à sinistris, non dixit: quia fornicati estis, quia furtum, quia falsum fecistis testimonium, quia perjurastis. Mala quidem hæc manifestè, sed à durezza negantis eleëmofynam sunt secunda. Quare autem, Domine, viarum aliarum non recordaris? Non judico, inquit, peccatum, sed inclementiam: non peccantes, sed immisericordes judico: inclementiæ vos damno, quod talem ac tantam salutis medicinam, eleëmofynam scilicet, quâ emolliri at-

[i] *Basil. ho. 6. in dicesc.*

IMMIS. NULLA MISERIC. 455

que extergi peccata potuerunt, tantum beneficium despexistis. (k) Sicut illos qui ad dexteram futuri sunt, sola misericordia liberabit: ita eos qui ad sinistram sunt, sola avaritia condemnabit. (l) Quasi nec alias virtutes dextri, nec alias offensiones habeant sinistri. (m) Non ergo putet aliquis futuram in se esse misericordiam Dei, si est ipse immisericors. (n) Peribunt enim, peribunt, qui Christum non pauperunt: (o) qui propter nos egenus factus est; (p) dilexit nos, & lavit nos in sanguine suo. (q) In hoc cognovimus charitatem Dei, scribit *Veritatis dilectus Discipulus*, quoniam ille animam suam pro nobis posuit: & nos debemus pro fratribus animas ponere. (r) Non dixit Apostolus, Possumus, sed Debemus: neque dixit, Arbitror, Censeo, Consilium do; sed absolutè pronuntiavit, Debemus pro fratribus animas ponere. Et, si animas, cur non magis facultates? (s) Proinde S. Gre-

(k) Chrysost. hom. 5. de pœnit. (l) Damasc. de die judicii. (m) Leo de Collect. ser. 5. (n) Aug. in Ps. 102. (o) Chrysost. hom. 8. in 2. Cor. (p) 2. Cor. 8. (q) Apoc. 1. (r) 1. Ioan. 3. [s] Bellarm. de æterna felic. l. 3. c. 8.

456. CONSIDERATIO XXIV.

gorius rectè concludit : Cùm incomparabiliter longè sit melior anima, qua vivimus, quàm terrena substantia ; quam exterius possidemus ; Qui non dat substantiam suam , quando daturus est animam suam ? (*z*) Et quidem Deus Filium dedidit : tu verò ne panem quidem illi , propter te tum dedito , tum trucidato, impertiris. Illi Pater, etiamsi Filius esset legitimus, propter te haudquaquam pepercit : tu verò vel fame tabescentem despicias , præsertim cùm sumptum facturum sis ab iis quæ illius sunt, tum tuâ ipsius causâ. Quid hac iniquitate deterius fuerit ? (*u*) Et quis nos à futura poena liberabit ? *qui nec ipsum Dominum dignamur in pauperibus agnoscere* , manus porrigentem despicientes , frequenter autem & torvo respicientes oculo, (*x*) *negantes, quæ canibus, histriionibus, scortis profundius.* (*y*) Non te miseret ? misericordiam non invenies. Non aperuisti domum tuam ? à regno Dei excluderis. Non dedisti panem ? non vitam reci-

[*t*] *Greg. hom. 24. in Evang.* [*u*] *Chrysost. hom. 15. in ep. ad Rom.* (*x*) *Id. hom. 32. ad Pop.* (*y*) *vid. eund. hom. 19. in 2. Cor. & alibi.*

pies æternam. (z) *Sed audies formidandam illam sententiam , tuâ inhumanitate dignam : Ite , ite maledicti in ignem æternum. Nescio vos.*

III. Homo quidam erat dives , & induebatur purpura & bysso , & epulatur quotidie splendide... Mortuus est autem , & sepultus est in inferno. (a) Dives , inquit , erat : non dixit , calumniator : non dixit , pauperum oppressor : non dixit , rerum alienarum aut delator aut receptor : non dixit , pupillorum expoliator : non dixit , viduarum persecutor. Nihil horum ; sed , Erat quidam dives. Quid magnum est ? Dives erat , sed de suo dives erat... Quod ergo ejus crimen , nisi jacens ante januam ulcerosus , & non adjutus ? Hoc enim aperte de illo dictum est , quòd immisericors erat , non quia aliena rapuit , sed quia de propriis erogare noluit. Numquid enim , si pauper ille ante januam jacens , sufficientem panem à divite acciperet , diceretur de illo , quia cupiebat saturari de micis , quæ cadebant

V

(z) *Basil. hom. 7. in divites avaros.*

(a) *Luc. 16.*

458 CONSIDERATIO XXIV.

de mensa divitis ? Propter solam inhumanitatem, quia contemnebat pauperem ante januam suam jacentem, nec congruè digneque pascebat, mortuus est, & sepultus est in inferno. Et cum esset apud inferos in tormentis, levavit oculos, vidit pauperem in sinu Abrahæ. Quid pluribus immorer ? Desideravit guttam, qui non dedit micam. Accepit justam sententiam, qui non dedit crudeli avaritiâ. (b) Si hæc est poena avarorum, quæ erit poena raptorum ? Dives iste non abstulisse aliena reprehenditur, sed propria non dedisse. Nec dicitur, quia vi quemquam oppressit, sed in acceptis rebus se extulit. Hinc ergo summoperè colligendum est, quæ poena mulctandus sit qui aliena diripit, si inferni damnatione percutitur, qui propria non largitur... Hoc quoque fuit, quod hunc in inferno tradidit : quia in sua felicitate timidus non fuit, quia accepta dona ad usum arrogantiae inflexit, quia viscera pietatis ignoravit, quia peccata sua redimere, etiam cum sibi abundaret pretium, noluit. (c) Dives ille diffluens delitiis atque

(b) *August. hom. 7. ex 50.*(c) *Greg. hom. 40. in Evang.*

IMMIS. NULLA MISERIC. 459

luxuria, mendici ad vestibulum abjecti atque afflicti misertus non est, idcirco misericordiam sibi præcìdit, misericordiâ imploratâ non adjutus: non quòd una gutta de magno paradisi fonte dempta damnosa esset, sed quia misericordiæ stilla commisceri arque communicari cum inhumanitate non potest. (*d*) Dives, qui participem pauperem in bonis præsentibus audire contempsit, in futuris malis compatientem pauperem non meruit invenire: nec ardens, aquæ refrigerium percepit, æstuantì pauperi fame panis refrigerium qui negavit. (*e*) Vidit sibi negatam misericordiam, qui ipsam negaverat. (*f*) Fili, recordare, quia recepisti bona in vita tua. (*g*) Si tantum divitis hujus est crimen, quia recepit bona; quantum reus, qui invadit indebita? Si tantum criminofus qui sua claudit, qui non largitur accepta; quàm pœnalis est, qui & suis incubat, & aliena pervadit? (*h*) Fili: ô mira pietas! adhuc vocat filium, quem degene-

V 2

(*d*) *Nyssen. de Beatitud. orat. 5.*

(*e*) *Chrysol. serm. 66. (f) Arg. serm. 11. è 40. novis. (g) Luc. 16. (h) Chrysol serm. 123.*

460 CONSIDERATIO XXIV.

rasse propriâ crudelitate sic respicit . . .
 Sed vocat filium, ut magis magisque
 filii prodatur impietas : quando cum
 tali etiam paterni sermonis pietas per-
 severat. (i) Memento, quòd receperis
 bona. Conclufisti simul in munimen-
 tis divitiarum misericordiam, & reli-
 quisti super terram miserandi affe-
 ctum : non portasti ad hoc sæculum
 humanitatem, non habes quod non ha-
 buisti : non invenis, quod non depo-
 suisti : non colligis, quod non dispersi-
 sti : non metes, quorum non dejecisti
 semina : digna sementi, tibi messis :
 acerbiter seminaſti, collige mani-
 pulos. Coluisti immisericordiam ; habe
 quod dilexisti : non aspexisti quem-
 quam condolenter ; non aspicias cum
 miseratione : despexisti eum qui affli-
 geretur ; despicias, dum peristi. Fu-
 gisti misericordiam ; fugiet te miseri-
 cordia : abominatus es, & fastidisti ege-
 num ; fastidiet te, qui propter te ege-
 nus fuit. (k) Audiant ista divites, qui
 nolunt esse misericordes. Audiant irro-
 gari supplicia eis, qui nolunt erogare
 subsidia. Audiant pauperem refrige-

(i) Chryſoſt. ibi. (k) Nyſſen. de Beatit. orat 5.

rantem, audiant divitem poenis gravioribus æstuantem.... Pensantur pro divitiis poenæ, refrigerium pro paupertate; pro purpura flamma, refectio pro nuditate: ut salva sit æquitas stateræ, & non mentiatur modus illius mensuræ. In qua, inquit, mensura mensi fueritis, remetietur vobis. Ideò negatur in poenis misericordia, quia ipse, dum viveret, noluit misereri. Ideò rogans dives non exauditur in tormentis, quia rogantem pauperem non exaudivit in terris. (l) Unde credo illum divitem tartari, cum totus (ut clamat) miser cruciaretur, in illa ignei gurgitis flamma, solius tamen linguæ refrigerium postulasse, qua sine dubio ideò vehementiùs cruciabatur, quia in Lazarum ante januam suam stratum & canibus relictum, sæpiùs superbo avarus ore peccaverat. (m) Lingua in capite, caput mali: ipsa derogat egeno: insultat pauperi: pietatem latrat: misericordiam carpit: & meritò prima est in gehenna, in cruciatu prævia, dux poenarum, quia ipsa interdixit miseri-

V 3

(l) *Aug. de verb. Dom. serm. 25.*

(m) *Paulin. ep. 31. ad Alethium.*

462 CONSIDERATIO XXVI.

cordiam, cui datum fuerat ut juberet.
 (n) Neque hujus è tartaro divitis nomen insigne est, quod non casu prætermis-
 sum, edito pauperis nomine, intelligimus. Illius quoque divitis, qui
 gloriatus in lege completa, conditionem adipiscendæ perfectionis, divitiarum
 suarum amore, averſatus est, cæcitatem legimus, vocabulum non habemus ...
 Talium divitum nomina in Evangelio non scribuntur, quia nec in libro vitæ habentur. (o) Ne quæſo, Fratres, à divitis illius partibus ſtemus,
 nec flammis cruciemur, nec vasto hiatus à piorum coetu dirimamur: nec
 cum Lazaro agamus, ut flagrantem nostram linguam extremo digito refrigeret,
 ac ne id quidem impetremus. Simus benigni, misericordes, humani.
 (p) Requiem Lazari, & pœnam divitis cognoscentes, solerter agite, culparum
 vestrarum intercessores quærite, atque advocatos vobis in die judicii
 pauperes procurete. Multos etenim nunc Lazaros habetis; ante januas
 vestras jacent, atque his indigent,

(n) *Chrysost. serm. 124.* (o) *Paulin. ep. 31.*(p) *Naxianz. Orat. 9.*

quæ vobis jam satiatis quotidie micæ de mensa cadunt... Quotidie Lazarum si quærimus, invenimus, quotidie Lazarum, etsi non quærimus, cernimus. Ecce importunè se pauperes offerunt, rogant nos qui tunc pro nobis intercessores venient. Certè nos omninò rogare debuimus, sed tamen rogamur. Videte, si negare debemus quod petimur, quando patroni sunt qui petunt. Nolite ergo misericordiæ tempora perdere, nolite accepta remedia dissimulare. Ante supplicium, cogitate de supplicio. (q) Nunquam recordor me legisse (*scribit Augustinus, seu quicumque est author sermonum ad Fratres in eremo*) malâ morte periisse illum, qui libenter in hac vita opera charitatis vel pietatis voluit exercere. Habet enim multos intercessores pius homo, & ille qui opera charitatis exercet liberaliter. Quid enim aliud de piis hominibus dicere poterimus? nisi id quod frequenter legimus: Opera enim illorum sequuntur illos. Apoc. 14. Quare? nisi quia multos habent intercessores? Idcò impossibile est, ut pre-

V 4

(q) Greg. hom. 40. in Evang.

454 CONSIDERATIO XXIV.

ces multorum non exaudiantur. (r)
Verè iterum iterumque beatus qui intel-
 ligit super egenum & pauperem. (s)
At contrà infeliciſſimus, qui indigenti ani-
mun, manum, aurèſque occluſerit : Vi-
 debit diem malum, qui diem iudicii
 ſine advocacione paupertatis intrave-
 rit. (t) Protrahitur ad tribunal hor-
 rificum, in quo accuſatrix quidem
 aſſiſtit ipſa illa quæ & totius vitæ
 ejus comes extitit avaritia; defenſor
 verò & interceſſor nuſquam ullus ap-
 paret. . . . Nullus eſt qui dicat; Do-
 mine, dignus eſt cui ignoſcas, dile-
 xit enim gentem noſtram, & Eccle-
 ſiam ipſe ædificavit. Nullæ viduæ, quæ
 procedentes & flentes rogent Petrum,
 oſtendentes veſtimenta ſua, quæ eis
 largitus eſt dives. Nullus ergo miſe-
 rebitur ei qui non eſt miſertus. (u)
Vir quidam, cetera modeſtus, ſed aded
mendicis aſper, ut nec voces quidem ro-
gantium æquis auribus toleraret, ob eamq;
cauſam in remotiori adium parte habitare
ſolitus, tandem vitâ defunctus eſt, & am-

(r) Serm. 44. ad Fratr. in Ereſmo to. 10. op.
 Aug. (s) Pf. 40. (t) Chryſol. ſerm. 14.
 (u) Ambr. ſerm. 81.

plō funere in templum delatus. Fit sacrum solenne, sed, ô prodigium ! quoties duo illa fausta apprecationis verba, Dominus vobiscum, pronuntiat faciens sacerdos, toties ab astante & stupente hominum multitudine, imago Christi cruci affixi videtur manus clavis eximere, & digitos ambabus auribus ingerere, velut indignaretur preces pro defuncto fufas excipere, palamq; attestaretur : Non auditus non audio.

(x) Misereantur ergo pauperum, qui sibi volunt parcere Christum... Non sit vilis homini homo ; nec in quocumque despiciatur illa natura, quam rerum conditor suam fecit. Cui enim laborantium licet negare, quod Christus sibi profitetur impendi ? (y) Et tamen, quàm multi, (ô crudelitas ! ô impietas) quàm multi, & Christiani, etiam superflua, etiam ciborum reliquias, etiam quæ à muribus, à tineis corrumpuntur, negant hominibus, ad eandem Dei imaginem creatis, eodem Christi sanguine redemptis & ablutis, earundem legum participibus, eorundem oraculorum, mysterio-

V 5

(x) Ioan. Duegnius Hisp. spec. Tristium. t. 1. cit. à Drexel. & D'oultreman de Eleémof.

(y) Leo de Collect. serm. 4.

466 CONSIDERATIO XXIV.

rum, ejusdem spei, cœlestis vitæ cohædibus; imò Christo ipsi, qui non confunditur fratres eos vocare; (z) & à quo bona cuncta procedunt. (aa) Atque intolerandam istam inhumanitatem ac barbariem conquestus est non semel ipse Christus, cum apud alios, tum apud Margaretam Carmelitanam dictam à venerabili Sacramento, ei spectandum se offerens, nunc specie miserabili, quali olim in Calvaria monte, nunc monens ut se in esuriēte infantulo pasceret. (bb) At tu mi homo, mi Christiane,

Fac sis benignus, ut benignum habeas Deum: (cc)

Nec tibi tantum habeas quod accepisti; quia ideò & illius partem tibi in hoc sæculo contulit Deus, ut tibi deberet quod de suis donis tuo voluntario affectu indigentibus obtulisses, ac te vicissim in æterna die de illius parte ditaret. (dd) Da ergo Deo in terra, ut accipias in vita æterna: ut cum veneris in conspectu Angelorum ante tribunal æterni Judicis, securâ

(z) *Hebr. 2. (aa) Orat. Dom. 4. post Pascha.*

(bb) *Vita Margar. l. 5. c. 6. (cc) Nazianz. in Monastichis. (dd) Paulin. ep. 32.*

& liberâ conscientiâ dicere possis :
Da Domine, quia dedi : fac misericordiam, quia feci. Ego implevi quod jussisti : & tu redde quod promissisti.
(ee)

[ee] *Damasc. de die judicii.*



CONSIDERATIO XXV.

PAUPERTATIS THESAURVS.

I. **S**imile est regnum cœlorum thesauro abscondito in agro : quem qui invenit homo, abscondit, & præ gaudio illius vadit, & vendit universa quæ habet, & emit agrum illum. (a)
Simile est thesauro abscondito in agro, quoad modum inveniendi & comparandi ; sed longè, imò ultra omnem cogitationem, majus & præstantius, si spectes rei possidendæ & possessionis dignitatem. Quantum Deus creata omnia superat, tantum ceteros om-

(a) *Matth. 13.*

468 CONSIDERATIO XXV.

nes thesauros thesaurus ille cœlestis, qui regnum cœlorum dicitur, transcendit, cùm ipse etiam thesaurus Deus sit. Vis autem illum possidere? Multis opus non est; imò solo nihilo opus est. Nihil habe, nihil habere velis; pauper esto, sed spiritu & affectu; solum Deum cogita, solum Deum suspira; illum habebis, imò jam habes. Beati pauperes spiritu, quoniam ipsorum est regnum cœlorum. (b) Veritas loquitur, quæ nec falli, nec fallere potest, & ipsa est quæ dicit: Quoniam beati pauperes spiritu. Sic vos, insensati filii Adam, divitias quæritis, divitias desideratis usque adhuc, cùm jam beatitudo pauperum divinitus commendata, prædicata mundo, credita sit ab hominibus? Quærat eas paganus, qui sine Deo vivit. Quærat Judæus, qui terrenas promissiones accepit. Sed qua fronte, magis, aut qua mente Christianus divitias quærit, postquam Christus beatos esse pauperes prædicavit? Quousque filii alieni, quousque vanitatem loquetur os vestrum, ut beatum dicatis populum, cui hæc sunt, hæc visibilia, hæc præsentia: cùm Fi-

(b) *Matth. 5.*

lius Dei, os suum aperiens, locutus sit
 veritatem, beatos esse pauperes, & vae
 divitibus? (c) Magna quædam penna
 est paupertatis, qua tam citò volatur
 in regnum cœlorum. Nam in aliis
 virtutibus, quæ sequuntur, promissio
 futuro tempore indicatur: paupertati
 non tam promittitur, quàm datur.
 Unde & præsentis tempore enuntia-
 tum est. Quoniam ipsorum est re-
 gnum cœlorum: cùm in ceteris dica-
 tur: Hæreditabunt, consolabuntur, &
 similia. (d) In illud jus habent ut hæredi-
 tatem, in quam intrent glorioso illo (ut
 loquitur Petrus Blesensis) apud Deum
 titulo paupertatis. (e) Paupertas enim
 (ut cum S. Bonaventura (f) loquar) est
 summè cœquata cœlo, & cœleste
 pretium. Hoc pretio à te Regi cœlorum
 tradito, & ab hoc lubente volente admissio,
 regnum ipsum cœlorum tuum facis: & ut
 de jure tuo acquisito ne dubites, seipsum
 Rex ipse tuus tibi se concedit, & velut in
 pignus dat. Ego, inquit, Deus tuus sum.
 Non dixit, ero, sed jam sum, jam in-

(c) Bernard. festo SS. omn. serm. 1. (d) Eern.
 serm. 4. in Adventu. (e) Ep. 102. (f) Diatæ
 salut. tit. 4. cap. 3.

470 CONSIDERATIO XXV.

habito, jam possideo. (*g*) Ego merces tua magna nimis. (*h*) *Audis tu, & vicissim reponis* : Tuus sum ego. (*i*) Deus meus es tu : (*k*) Deus cordis mei, & pars mea Deus in æternum. (*l*) Dominus pars hæreditatis meæ, tu es, qui restitues hæreditatem meam mihi. Funes ceciderunt mihi in præclaris : etenim hæreditas mea præclara est mihi. (*m*) Quid mihi est in cœlo, & à te quid volui super terram ? (*n*) Quid enim est, quod conferri possit his de quibus Deus dicit : Et inhabitabo in his ? Quid magnificentius hospite cœlesti ? Quid beatius possessione divina ? Et deambulabo, inquit, in his ? Alii queruntur de sui ruris angustis : in te, Deo est ampla possessio, in quo deambulare se dicit, hoc est, laxæ habitationis spatia inveniens, qui terram includit manu. Cui mundus angustus est, tu ei ampla es domus. Portio, inquit, mea Dominus. (*o*) Pretiosissimus ergo animæ thesaurus paupertas spontanea. (*p*) Frequenter æstimatur

(*g*) *Ambr. in Ps. 118. serm. 8. n. 1.* (*h*) *Genes. 15.*
 (*i*) *Ps. 118.* (*k*) *Ps. 117.* (*l*) *Ps. 72.* (*m*) *Ps. 15.*
 (*n*) *Ps. 72.* (*o*) *Ambr. suprà.* (*p*) *S. Syncreti-
 ca, vitæ c. 5. apud Bolland. 5. Ian.*

pauper irridendus, eò quòd in terra nul-
 lam habeat portionem; & tamen por-
 tio ejus in cœlo est. Anima ejus ibi
 sibi patrociniū collocavit, quia audi-
 vit JESUM dicentem: Nolite thesau-
 rum vobis condere in terra: sed the-
 saurum, inquit, vobis condite in cœlo.
 (Matth. 6.) sed hoc divites audire
 non possunt. Clausas aures habent,
 & sono æris obtusas; nummus magis
 illis resonat, quàm verba divina. Deni-
 que accessit quidam dives ad Domi-
 num, qui portionem Dominum non
 habebat. Habebat enim multas pos-
 sessiones; sed Dominus inter multa
 non numeratur: non enim dignatur
 habere cum sæculo commercium. Quæ
 enim portio justitiæ cum iniquitate?
 Dicit ergo hic dives: Quid faciens,
 vitam æternam possidebo? Respondit
 ei Dominus: Mandata nosti? Non ho-
 micidium facies, non adulterabis, non
 falsum testimonium dices; ostendens,
 vitam æternam esse in his mandatis.
 At ille justificare se volens, dicit: Hæc
 omnia feci; quid mihi restat? Ad
 quem Dominus ait, volens ei Domi-
 num fieri portionem, non pecuniam,

472 CONSIDERATIO XXV.

non possessiones, sed utique verum Deum : Si vis perfectus esse, vende omnia quæ habes, & da pauperibus, & habebis thesaurum in cœlo, & veni, sequere me. Verum ille, cui portio aurum atque argentum erat, sine quibus esse non poterat, contristatus est. Unde Dominus pronuntiavit, impossibile esse, ut dives intret in regnum cœlorum : sed quod impossibile per humanas cupiditates, hoc per divinam gratiam solam posse esse possibile. Alibi quoque ait : Quicumque reliquerit patrem, aut matrem, domum, aut fratres, aut sorores, centuplum accipiet in hoc sæculo, & vitam æternam possidebit. . . . Proposuit tibi, homo, Dominus in portione possessiones, in portione aurum, in portione argentum, in portione honores, in portione nobilitatem. Proposuit etiam in portione seipsum. Habes igitur plurimas portiones : elige quam petas. (q) *Etiam hæres?* Dixi, nunc cœpi : hæc mutatio Excelsi. (r) Dixi Domino, Deus meus es tu.

(q) *Ambr. in Ps. 118. serm. 8. n. 1.*(r) *Psal. 76.*

(r) Tu es spes mea, portio mea in terra viventium. (t) Tibi derelictus est pauper. (u) Deus meus, & omnia. (x)

II. Aded pretiosa est spontanea rerum inopia, ut non modò valeat, quanti cœlum; sed habeat etiam, quantum terrenarum opum contemnit. Audi præclarum illum disciplinæ Christianæ magistrum, Guilielmum Parisiensem Episcopum, argutè & piè ratiocinantem. (a) Per paupertatem ditissima atque abundantissima mens humana fit etiam terrenis divitiis, & jure plenissimo possidet illas, ac pro beneplacito suo vendit illas sine injuria alicujus, similiter & thesaurizat. Hoc magis explicat idem Doctor, exponens quo pacto dicantur Apostoli reliquisse omnia, cùm perpauca haberent, relinqui verò omnia non possint, nisi ab habentibus omnia. Divitiarum, inquit, quas non habebant actualiter, felici nobiliq̃ue commercio hujusmodi veros se possessores effecerunt. Alioquin sapientissimus

(s) Ps. 139. (t) Ps. 141. (u) Ps. 9.

(x) S. Franciscus, & alii.

(a) De moribus cap. 9. apud Nieremberg. hom. caten. 14. §. 2.

474 CONSIDERATIO XXV.

Deus, quem nihil latere potest, ac fidelissimus, qui nihil à furibus, vel latronibus, seu immeritis quibuscumque detentoribus, vel dono, vel emptione iniquà recipit, vel habere vult, qualiter ab Apostolis relicta hujusmodi recepisset, vel emississet? Manifestum est, quia nec recepisset ad custodiendum, ut thesaurarius eorum; nec emississet, nisi, quæ sua sunt, illorum esse indubitanter fecisset. Manifestum igitur est, quia ipsis divitiis terrenis divites efficit hæc paupertas, verosque earum dominos & possessores, & longè nobilius uti eis, ac negotiari in eis solo corde, deferendo scilicet eas. *Eandem paupertatis voluntaria mirificam vim & divitias amplius explicaturus, subdit: Quàm citò ex corde dicit: Nolo habere thesauros regios aut imperiales, & hoc propter Christum; statim eos & in cœlo thesaurizat, & Christo Domino vendidit, & hoc sine injuria alterius. Illos igitur pleno jure suos efficit. Hactenus Parisiensis Antistes. O beata paupertas voluntaria, nihil in hoc sæculo possidens, nihil formidans! quoniam omnem thesaurum recon-*

didit in cœlo. Non irruentes piratas, non insidiantes latrones, non terræ sterilitatem, non aëris tempestates pavescit. Quidquid infortunii, quidquid novi eveniat, secura est, semper hilaris, semper abundans est; & cum nihil habeat, omnia sibi communia facit; omne incommodum suo facit profectui deservire. Deum ubique reperit provisorum: hominum facultates renuens, in solo divino innititur suffragio. Nemo certè, nisi expertus, percipere sufficit, quàm amabilia, quàm dulcia, quàmve pretiosa sint, quæ largitur Deus iis, qui pro ipsius amore, suis sibi quæ renuntiant. (b) Beata igitur illa paupertas, quæ rerum temporalium amore non capitur, nec mundi opibus augeri appetit, sed cœlestibus bonis ditescere concupiscit. (c) Locus tutus est & securus, portus tranquillus, palæstra & gymnasium philosophiæ, (vera utique sapientia) angelicæ vitæ imitatio: (d) pædagogus ad colendam pietatem: (e) curarum

(b) Laur. Justin. de discipl. monast. conversat. c. 2.

(c) Leo serm. fest. SS. omn. (d) Chrysost. homil. in Matth. (e) Basil. in c. 2. Isai.

476 CONSIDERATIO XXV.

depositio, securitas, viator omnibus impedimentis liber, mœroris alienatio, mandatorum fides : (f) nobilis margarita, quæ dum omnia contemnit, dominium super omnia accipit. (g) Hæc est virtus de cœlo influens, quæ nos ita instituit & informat, ut terrena cuncta ultrò conculcemus, quæque obices omnes è medio tollit, quod humana mens cum Domino Deo suo liberrimè atque expeditissimè conjungatur. Hæc est, quæ animam adhuc in terris positam facit in cœlis cum Angelis conversari. (h) Hæc est Evangelici agri thesaurus absconditus; pro quo emendo vendenda sunt omnia; &, quæ vendi non possunt, illius comparatione spernenda. (i) Quibus thesauris conferri possit, quod videmus paupertati indultum? Ut ad regnum cœlorum veniret dives, possessione suâ obtinere non potest: nunc obtinet, ut contemptâ perveniat. (k) Vis, paupertatis opes quantæ sint, discere? Non imperat hæc viris, sed

(f) *Climac. gradu 16.* (g) *Bonavent. serm. 2. in Cathedra S. Petri.* (h) *S. Francisc. apud Wading. Ann. Min. 1216. n. 12.* (i) *Idem ib. an. 1210. n. 50.* (k) *Aug. de verb. Apost. serm. 28.*

imperat dæmonibus : non assistit regi, sed assistit Deo : non hominum, sed Angelorum commilito est. Non habet duos, tres, vel viginti loculos rerum plenos ; sed sic abundat, ut universum mundum parvi pendat ; & thesaurum habet in cœlo. Non indiget mancipiis, sed habet loco servorum passiones, habet servos appetitus, qui regibus dominantur, ut nec respicere audeant. Regnum porro, atque aurum, & omnia hujus generis, hæc, de qua dicimus, paupertas, quasi pueriles ludos, trochos, dico, talos, pilas, aspernatur atque contemnit. Quid igitur hoc paupere melius excogitari potest ? Hic in cœlo tanquam in pavimento ambulat. Quòd si tale pavimento domus ejus est ; cogita per teipsum, quale tectum sit. Sed non habet, inquires, equos, neque vehicula. Certè nec harum rerum opus est ei, qui nubibus vectatur, & cum JESU conversatur. Hoc igitur tam viri quàm mulieres diligenter intelligentes, divitiarum copiam inconsumptibilem inquiramus. (1)

(1) Chrysost. hom. 48. in Matth.

478 CONSIDERATIO XXV.

III. Sed unde fieri dicemus, ut thesauros auri & argenti tam multi anxie scrutentur, & non contenti humana diligentia, dæmonum adjumenta per nefarias artes adhibeant, cum ingenti periculo existimationis & vitæ? & thesaurum tuum, Domine Deus meus, qui solus potest hominem ditissimum facere, & sine labore, sine sumptibus, sine periculo invenire possunt, tam pauci quærant? Ego nullam aliam invenio causam, nisi vel modicam fidem populi tui, vel nimiam occupationem in rebus temporalibus conqui- rendis, quæ spatium cogitandi & con- siderandi divina promissa tua homini- bus non relinquit. Ergo, bone Do- mine, adauge nobis fidem erga pro- missa tua, & extingue sitim habendi divitias temporales: sic enim fiet, ut majore studio investigemus thesaurum tuum; & inventum, venditis omni- bus, tuo potissimum auxilio compare- mus. (a) *Modum cælestis istius thesauri comparandi & re & verbo docuit Christus Dominus Discipulos & quoque eum sequi velint; propter nos egenus factus est, cum esset dives, ut illius inopiâ nos di-*

(a) Bellarm. de æterna felicit. l. 5. c. 1.

vites essemus: (b) & quamvis loculos haberet, tamen Iudæ illos credidit, quem furem esse non ignorabat; ut intelligeremus, quàm animus ejus liber esset ab amore pecuniæ. (c) *Hunc paupertatis thesaurum diligenter inquisierunt antiqua etiam legis sacri principes.* Moy- ses grandis factus negavit se esse fi- lium filia Pharaonis: magis eligens affligi cum populo Dei, quàm tem- poralis peccati habere jucunditatem, majores divitias æstimans thesauro Æ- gyptiorum, improperium Christi: as- piciebat enim in remunerationem; (d) thesaurum utique non deficientem in cœlis. (e) *Tobias, qui in captivitate positus, quotidie pergebat per om- nem cognationem suam, & consola- batur eos, dividebatque unicuique, prout poterat, de facultatibus suis, esurientes alebat, nudisque vestimenta præbebat, & mortuis atque occisis sepulturam sollicitus exhibebat; (f) cæcus factus, ita Deo servum suum proban- te, cùm putaret orationem suam ex- audiri ut mori potuisset, vocavit ad*

(b) 2 Cor. 8. [c] Bellarm. sup. l. i. c. 8.

(d) Hebr. 11. (e) Luc. 12. (f) Tob. 1.

480 CONSIDERATIO XXV.

le Tobiam filium suum, (g) & *monita sua concludens*, dixit ei: Noli timere, fili mi: pauperem quidem vitam gerimus, sed multa bona habebimus, si timuerimus Deum, & recesserimus ab omni malo, & fecerimus benè. (h) Quid Elia pauperius? Sed propterea omnes divites vincebat, quoniam pauper hic erat: ipsam verò paupertatem ex mentis opulentia elegit. Quoniam enim omnem pecuniarum copiam animi sui magnitudine esse putavit inferiorem, nec philosophiâ suâ dignam: idcirco tantam pauperiem amplexatus est. (i) Quid mirum quòd superavit inferiora, cum ipsi cœlum subesset? O rem mirabilem! (exclamat Chrysostomus) (k) ne vestem quidem habuit; & cœlum clausit: ob hanc nimirum causam, cœlum clausit, quia vestem non habuit; quia nihil hic possedit, idcirco multam habuit potestatem; cum labra tantum diduxisset, ut innumeri è cœlo thesauri laberentur, effecit. Quid Apostolis pauperius? Quid, ob eam causam summa paupertatis, ditius?

(g) e. 4. (h) Ibid. (i) Chrysost. hom. 2. ad Pop. (k) Hom. de Consubstantiali sub fin.

ditius ? Reliquerunt omnia, & secuti sunt Christum, sicut egentes, multos autem locupletantes; tanquam nihil habentes, & omnia possidentes: (l) Cæli claudendi & aperiendi facultatem obtinent, & sedes, in quibus cum Christo Iudice sedeant judicantes duodecim tribus Israël, id est, omnium mortalium universitatem. Apostolorum spontaneam paupertatem imitati sunt omnes primi Christiani, de quibus Lucas: Nec quisquam eorum, quæ possidebat, aliquid suum esse dicebat, sed erant illis omnia communia. Et gratia magna erat in omnibus illis. Neque enim quisquam egens erat inter illos. Quotquot enim possessores agrorum aut domorum erant, vendentes afferebant pretia eorum quæ vendebant, & ponebant ante pedes Apostolorum: (m) ut ostenderent, ait Hieronymus, pecunias esse calcandas. (n) Atqui hoc non parvus credentium numerus: ne quem forsitan minus scriptorum autoritas moveat, dum putat exempla esse paucorum.

X.

(l) 2. Cor. 6. (m) Act. 4.

(n) Ep. ad Demetriadem.

482 CONSIDERATIO XXV.

Quæ fuerit quippe tunc multitudo Ecclesiæ principalis, vel ex hoc solo agnosci potest, quòd in principiis statim ipsis octo hominum millia biduo Ecclesiæ accessisse referuntur... Habet igitur omnis ætas, habet omnis conditio, quod sequatur: quicumque est particeps fidei, participem se beati faciat exempli. (o) Et verò secuti, felici imitamento, innumeri quovis saculo illustres genere, nobilitate, opibus, viri feminaq^{ue}. Lege, si placet, Hieronymum Platum insigni illo volumine De bono status religiosi, P. Thomam le Blanc in Ps. 83. (p) item in Ps. 61. (q) & nostras alterius libelli De vanitate vanitatum Considerationes præsertim 21. & 22. De sancta Paula scribit magnus paupertatis cultor Hieronymus: (r) Nobilis genere, sed multò nobilior sanctitate: potens quondam divitiis, sed nunc Christi paupertate insignior... Romæ prætulit Bethlehem, & auro tecta fulgentia informis luti vilitate mutavit..... Vis, Lector, ejus breviter scire virtutes? Omnes suos, pauperes

(o) Salvian. ad Ecc'es. l. 3. (p) n. 15. & 68.

(q) n. 48. (r) Epitaphio Paulæ ad Enstochium.

pauperior ipsa dimisit.... Quid ergo referam, amplæ & nobilis domus, & quondam opulentissimæ, omnes pænè divitias in pauperes erogatas? Spoliabat filios, & inter objurgantes propinquos, majorem se eis hæreditatem, Christi misericordiam, dimittere loquebatur.... Testem invocans Deum, se pro illius nomine cuncta facere: & hoc habere voti, ut mendicans ipsa moreretur: ut unum nummum filiæ non dimitteret, & in funere suo alienâ sindone involveretur... Ego cautiozem in re familiari esse cupiebam: sed illa ardentior fide, toto Salvatoriano animo jungebatur: & pauperem Dominum pauper spiritu sequebatur, reddens ei quod acceperat, pauper pro ipso effecta.... Quid hac virtute mirabilius, feminam nobilissimæ familiæ, magnis quondam opibus, tantâ fide omnia dilargitam, ut ad egestatem pænè ultimam perveniret? Jactent alii pecunias, & in corbonam Dei æra congesta, funalibusque aureis dona pendentia: nemo plus dedit pauperibus, quàm quæ sibi nihil reservavit. Nunc illa divitiis fruitur, &

iis bonis , quæ nec oculus vidit , nec auris audivit , nec in cor hominis ascenderunt. *Hac & alia de insigni paupertate magna illius Paula Hieronymus , qui deinde ad ejus filiam imitatricem Eustochium sic convertitur : Secuta es , Eustochium , magnâ hereditate ditata es : Pars tua Dominus ; & quò magis gaudeas , mater tua longo martyrio coronata est. Parem admirationem , & legentibus animos , ad colendam paupertatem velut pretiosum thesaurum & hereditatem à Christo suis relictam , suggerunt ea qua idem Scriptor egregius & oculatus testis tradit de aliis nobilissimis & sanctis matronis duabus Romanis , Marcellâ & Fabiolâ. De illâ sic inter alia : (s) Nihil in illa laudabo , nisi quod proprium est , & eò nobilius , quòd opibus & nobilitate contemptâ , facta est paupertate & humilitate nobilior. . . . Talibus usa est vestibus , quibus arceret frigus , non membra nudaret , aurum usque ad annuli signaculum repudians , & magis in ventribus egenorum , quàm in marsupiis recondens. . . . Irrumpentem , qui Romam obsederat , hostem , intrepido vul-*

(s) *Epitaph. Marcellæ ad Virginiam.*

tu domo suâ excepisse dicitur , cum-
 que posceretur aurum , & defos-
 opes vili excusaret tunicâ , non tamen
 fecit fidem voluntariæ paupertatis :
 cæsam fustibus flagellisque ajunt non
 sensisse tormenta. . . . Cumque & il-
 lam & Principiam virginem filiam ad
 beati Apostoli Pauli basilicam barbari
 deduxissent , in tantam lætitiâ dici-
 tur erupisse , ut gratias ageret Deo ,
 quòd filiam integram sibi reservasset ;
 quòd pauperem illam non fecisset cap-
 tivitas , sed invenisset ; quòd egeret
 quotidiano cibo ; quòd saturata Christo
 non sentiret esuriem ; quòd & voce &
 opere loqueretur , Nuda exivi de ute-
 ro matris meæ , nuda & redeam. Si-
 cut Domino visum est , ita & factum
 est. *Hæc de Marcella. Nunc de Fabiola.*
 (1) Omnem censum , quem habere
 poterat (erat autem amplissimus , &
 respondens generi ejus) dilapidavit
 ac vendidit , & in pecuniam congre-
 gatum , usibus pauperum præparavit :
 & prima omnium , nosocomium in-
 stituit , in quo ægrotantes colligeret
 de plateis , & consumpta languoribus

X 3

(1) Hieron. Epitaph. Fabiola.

486 CONSIDERATIO XXV.

atque inediâ miserorum membra foveret... Quoties morbo regio & pædore confectos humeris suis ipsa portavit ? quoties lavit purulentam vulnerrum saniem, quam alius aspicere non valebat ? Præbebat cibos propria manu : & spirans cadaver sorbitiunculis irrigabat... *E sacris Ierosolymæ locis reversa est ad patriam, ut ibi pauper viveret, ubi dives fuerat, manens in alieno, quæ multos prius hospites habuit, & in conspectu Romanæ urbis pauperibus erogaret, quod illâ teste vendiderat...* Non aliis distributionem eleëmofynarum tribuere, sed suis pariter effusis, ipsa pro Christo stipes optabat accipere. *Hoc enim verè est paupertatem colere, quæ coelestium divitiarum conciliatrix est...* quæ beata dicitur. Beati pauperes spiritu, &c. Vis intelligere, quis pauper spiritu sit ? qui corporalem opulentiam animæ divitiis permutat, qui propter spiritum egenus est, qui terrenas divitias veluti quoddam onus excussit & abiecit, ut sublimis per aërem sursum rapiatur. (u)

(u) Nyssen. de Beatitude. orat. x.



CONSIDERATIO XXVI.

CHRISTI PAUPERTAS.

I. **A**pparuit gratia Dei Salvatoris nostri omnibus hominibus ; erudiens nos, ut abnegantes impietatem & sæcularia desideria, sobriè, & justè, & piè vivamus in hoc sæculo. (a) Scitis enim gratiam Domini nostri JESU Christi : quoniam propter vos egenus factus est, cùm esset dives, ut illius inopiâ vos divites effectis. (b) Considerate, animo expendite, & cogitate gratiam Dei, & ne obiter prætercurratis eam, sed benè conjectetis illius magnitudinem, quanta sit & qualis ; & nullis rebus vestris parcat. Ille gloriam evacuavit, non ut vos divitiis illius, sed paupertate, ditesceretis. Si non credis, quòd paupertas divitias facit,

X 4

(a) 1. Tit. 1. (b) 2. Cor. 8.

488 CONSIDERATIO XXVI.

cogita Dominum tuum , & non ultra dubitabis : nisi enim ille factus esset pauper , tu non factus esses dives. Nam hoc mirabile , quòd paupertas opulentas facit divitias. Divitias autem hoc loco dicit , scientiam pietatis , peccatorum purificationem , justitiam , sanctimoniam , & innumera bona , quæ nobis exhibuit , & exhibiturus est , maximè cùm omnia per paupertatem factus sit nobis. (c) Omnes ergo divites boni fideles : nemo se contemnat. Pauper in cella , dives in conscientia , securior dormit in terra , quàm auro dives in purpura. Ibi non excitat sollicitudo maligna , compuncto corde de scelere. Serva divitias in corde tuo , quas tibi contulit paupertas Domini tui , imò ipsum adhibebis custodem. Ne pereat de corde quod dedit , servet ipse qui dedit. (d) Nobilis itaque titulus voluntariæ paupertatis , quam Christus docuit verbo , Beati , inquit , pauperes spiritu &c. consecravit exemplo : nec enim habuit propriam domum , in qua caput re-

(c) *Chrysost. in illud 2. Cor 8.*

(d) *Beda in idem 2. Cor. 8.*

clinaret, & in qua cum Discipulis pascha manducaret: nec proprium habuit, unde tributum solveret. Commendavit etiam ore prophetico dicens: Ego vir videns paupertatem meam. *Thren. 3. (e)* Et alibi: Ego autem mendicus sum & pauper: *(f)* opprobrium hominum, & abjectio plebis. *(g)* Descendit ab inenarrabilibus cœli divitiis, & veniens in mundum nec istas qualescumque divitias habere voluit; sed in tantâ paupertate venit, ut natus continuò poneretur in præsepio, quia ei non erat locus in diversorio... Verè magna abusio, & magna nimis, ut dives esse velit vermiculus vilis, propter quem Deus majestatis & Dominus Sabaoth voluit pauper fieri; *(h)* pauper in nativitate, pauperior in vita, pauperissimus in cruce. *(i)* Et nōne ipse est qui dicit: Meus est orbis terræ, & plenitudo ejus? *Pf. 49.* Quid ergo stabulum elegit? *(k)* Cur ipse Salvator, cujus est au-

X §

(e) Bernard. *serm. 2. in cœna Dom.* Sedisti ad mensam. *(f)* *Pf. 39.* *(g)* *Pf. 7.* *(h)* Bernard. *serm. 3. de Resurr.* *(i)* Idem de Passione Domini c. 2. *(k)* Idem de natali Dom. *serm. 3.*

490 CONSIDERATIO XXVI.

rum pariter & argentum, sacram in corpore suo dedicat paupertatem? Aut certè cur paupertas ipsa tam sollicitè enarratur ab Angelo? Neque enim sine certificatione mysterii, pannis Salvator obvolvitur, & ponitur in præsepio, quando id manifestè in signum vobis commendatur ab Angelo. Hoc, inquit, vobis signum: Invenietis infantem pannis involutum. Luc. 2. In signum positi sunt panni tui, Domine JESU, sed in signum cui à multis usque hodie contradicatur. Multi quippe vocati, sed non multi electi, & ideò nec signati.. Exemplum dedit nobis, ut & nos eadem faciamus. (1) Hoc sentite in vobis, quod & in Christo JESU; qui cum in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens; (2) dives apud Patrem, & pauper apud nos: dives in cælo, pauper in terra: dives Deus, pauper homo.... Sed tamen paupertas ipsius, divitiæ nostræ sunt; quomodo stultum ipsius,

(1) Fern. de natali Dom. serm. 4.

(2) Philipp. 2.

sapientia nostra est : quomodo infirmitas ipsius , fortitudo nostro est : quomodo mortalitas ipsius , immortalitas nostra. Qui sit pauper , attende : non cum ex aliorum paupertate metiaris. Implere venit pauperes , qui pauper effectus est. . . Intellige ergo super egenum & pauperem , id est , super Christum. (n) Beatus qui intelligit super Christi inopiam & paupertatem. (o) *Attende ejus cunas , inflate opibus , vanitatibus , inquam , terrenis , vermicule ; attende fabrilem artem ejus , qui fecit cælum & terram ; attende vitam pauperrimam , nudissimam mortem , tuamq; damna insatiabilem auri argentique cupiditatem. Audi tonantem: Non potestis Deo servire & mammonæ : (p) Qui non renuntiat omnibus , quæ possidet , non potest meus esse discipulus. (q) Pauper sum ego , & in laboribus à juventute meâ. (r) Considera , qualis ascendat crucem. Nudum video. Talis ergo ascendat , qui sæculum vincere parat , ut sæculi adjumenta non quærat. (s) JESU , qui ante crucem ve-*

(n) *Aug. in Ps. 40. (o) Ambr. ibid. (p) Luc. 16.*

(q) *Luc. 14. (r) Ps. 87. (s) Ambr. l. 10. in Luc. 23.*

492 CONSIDERATIO XXVI.

itibus expoliari & nudari voluisti : fac me ab omnibus mundanis rebus, in quantum contra meam salutem sunt, denudari : quatenus nudum Crucifixum, & nudam crucem nudus sequar. (*t*)

II. Bonorum omnium æterna in cœlis affluentia suppetebat ; paupertas non inveniebatur in eis. Porro in terris abundabat, & superabundabat hæc species, & nesciebat homo pretium ejus. Hanc itaque Dei Filius concupiscens, descendit, ut eam eligat sibi, & nobis quoque suâ æstimatione faciat pretiosam. (*a*) Imitemur, quoad possumus, eum, qui sic dilexit paupertatem, ut quamvis in ejus manibus essent fines terræ, tamen non habuit ubi caput reclinaret. (*b*) Audite, Fratres mei dilectissimi, nōne Deus elegit pauperes in hoc mundo ? (*c*) Pauperes electi, superbi neglecti. Nec fastus, nec altus, circa Christi discipulatum, aliquem obtinent locum. Christus pauper, discipulos divites

(*t*) *Lud. Saxon. de vita Christi* 2. p. c. 63.

(*a*) *Bern. vigil. Nativ. serm. I.* (*b*) *Idem de adventu serm. 4.* (*c*) *Iac. 2.*

aspernatur. Pauper mater, pauper filius, inops hospitium, his, qui in forma hujus scholæ in Ecclesia militant, præbent efficax documentum. (d) Cùm Christus pro nobis pauper factus sit & egenus, nos pro ipso cur pauperes esse erubescimus? Numquid ejus pauperies non facit divites? Veritate attestante, Regnum cœlorum non divitum, sed pauperum est. (e) Si Dominus JESUS propria non desideravit; tu aliena cur quæris? Si Creator omnium, sæculi gloriam, subeundæ paupertatis virtute contempsit; cur tu fastidias quod natus es, appetas quod indubitum est? (f) Qui in Christum credis, & ejus crede sermonibus: Quærite primùm regnum Dei, & hæc omnia apponentur vobis.... Affatim dives est, qui cum Christo pauper est. (g) O quàm beata, & quàm secura, & quàm amplectenda sententia! Nul- lus enim in hac vita ita securus est, ut ille, qui nihil præter Christum appetit possidere. (h) Ditior Christi

(d) *De Nativ. Christi apud Cyprian.* (e) *Aug. de contemptu mundi c. 7.* (f) *Ambr. l. 4. in Luc. 4. de 3. tentatione.* (g) *Hieron. ep. 1. ad Heliodor.* (h) *Leo de conspectu vit. & virt. c. 15.*

494 CONSIDERATIO XXVI.

paupertas cunctis opibus, cunctisque thesauris sæculi. Quid enim humilitate ditius, quid pretiosius invenitur? quan nimirum regnum cœlorum emitur, & divina gratia acquiritur. (i) Felix paupertas! per quam cœlestis acquiritur hæreditas. Felix commercium! pro perituris æterna recipere, & quod ineffabile bonum est, cum Christo sine fine regnare. (k) Quantis sudoribus hæreditas cassa expetitur! Minori labore margaritum Christi emi poterat. (l) Si habes substantiam, vende, & da pauperibus; si non habes, grandi onere liberatus es: nudum Christum nudus sequere; durum, grande; difficile: sed magna sunt præmia. (m) Cogitemus crucem ejus, & divitias lutum putabimus. (n) Dicit tibi Dominus tuus, de quo utique non dubitas, si Christianus es: Ego propter te factus sum pauper, cum dives essem. Qui cum in forma Dei esset, &c. Semetipsum exinanivit, formam servi accipiens. Quid formâ Dei divi-

[i] Bern. *serm.* 4. *vigil. Nativ.* [k] *August. de contemptu mundi. c.* 7. [l] *Hieron. ep. ad Nepotian.* [m] *Hieron. ep. ad Rustic. Monach. sine.* [n] *Idem ad Nepotian.*

tius ? quid formâ servi pauperius ?

Paupertas ejus tibi commendatur. Lon-

gè à te fuit : propinquavit tibi pau-

pertate. (o) Vidit peritus Magister

suos discipulos luctaturos cum mun-

do ; qui si haberent unde tenerentur,

leviùs dejicerentur. Tulit igitur arma

fuis & nostris hostibus, dum nos privavit

terrenis pössessionibus. Nudus namque

latrones non timet : qui verò se munda-

nis implicat, tela parat, quibus confodia-

tur. Qui ergo non vult confodi, nudus

procedat per viam hujus exilii. (p) Qua-

re, ô quisquis es, qui expeditè cupis per-

tingere ad perfectionem in hac vita, & ad

coelestem post hanc, abjice à te divi-

tiarum onera, & amplectere volun-

tariam paupertatem, remove à te vin-

cula cupiditatum, abjice à te anxie-

tates & tædia, quæ temporalibus ani-

mos inquietant. In obsessa via, pau-

peri pax est ; nihilque habere sæcula-

ris concupiscentiæ, magna securitas :

quia nihil habet in mundo, quod dili-

gat ; nihil est, quod eum ab æter-

norum desiderio impediat. Teste nam-

(o) Aug. *serm.* 11. de 40. novis.

(p) Aug. *de contemptu mundi.* c. 5.

que sacro eloquio, frustra jacitur rete ante oculos pauperum pennatorum, quoniam ipsorum est regnum coelorum. Ipsa judicem efficit eum, qui se sectatur, sicut ipse Dominus JESUS vivorum & mortuorum judex pollicetur, dicens : Vos qui secuti estis me, sedebitis super sedes duodecim judicantes duodecim tribus Israël. (Matth. 19.) Hanc enim prærogativam Dominus pauperibus dare dignatus est, ut sicut præ cæteris hominibus, cuncta quæ mundi sunt, propter Christum reliquerunt: ita & illi omnibus gloriosiores in judicio videantur. (q) Felix ergo paupertas, quæ tam gloriosos reddit in illo singulari fulgore elementorum, in illo tremendo examine meritorum, & in illo tanto discrimine judiciorum. (r) Hi pauperes quidem sæculo videntur, sed Deo divites sunt; egentes sæculo, sed Christo locupletes. (s) Nullus regum egentibus tuis par est, admirande Domine. Nullæ purpuræ, piscatorum tuorum retibus æquantur : quando illæ in mundanas tempestates impellunt, hæc ad littus

(q) *Laur Justin. ligno vitæ de paup. c. 2.* (r) *Ibid. c. 3.* (s) *Chromat. in Matth. 5. v. 3. 10. 2. Bibl. PP.*

æternæ securitatis adducunt. Pauper de nobis, dives ex tuo. (t) O quàm gloriosa est paupertas Domini JESU, & omnium electorum ejus ! Quibus te laudibus extollam, ignoro; omnes divitiæ, gloria, honor, laus, & abundantia sunt in te. (u) Nudus viator ubique securus ambulat. Si me habes (ait ipsa Veritas) quid est quod ultrà requiris ? (x) Semper dives est Christiana paupertas : quia plus est quod habet, quàm quod non habet. Nec pavet in isto mundo indigentia laborare, cui donatum est, in omnium rerum Domino, omnia possidere. (y) Christianus enim qui mundum non possidet, hic totum possidet Salvatorem. (z) Quid illi non sufficiat, qui Deum habet, qui est Saddai, id est, ipsa sufficientia ? (aa)

III. *Nudus I E S V S nudos querit amicos.* Id quod Christus ipse Bernardinum Senensem docuit de vitæ statu anxium, quando coram Crucifixi imagine prostratum, in hac verba affatus est : Fili mi, tu me vi-

(t) Cassiodor. l. de anima cap. 19. (u) Gerlac. Solil. c. 29. (x) Ibid. c. 16. (y) Leo serm. 4. de Quadrag. (z) Aug. serm. 128. de Temp. (aa) A Lapide in 1. Tim. 6. v. 6.

THE HISTORY OF THE
LORDS OF THE MANOR OF
BURY ST EDMUNDS
IN THE COUNTY OF SUFFOLK
FROM THE FIRST RECORDS
TO THE PRESENT TIME
BY
JOHN G. CAMPBELL
OF THE BARR

LONDON
PRINTED BY
JOHN G. CAMPBELL
1854

terrenarum sarcinâ levatus, ex-
 ac liber, Christum se vocan-
 queretur, ac illi soli vacaret.
 illi ratione Antonius, magnus ille
 lendor, Christo sese addixit: Ado-
 nobilibus parentibus orbatus,
 cessus Ecclesiam ex Evangelio
 : Si vis perfectus esse, vade,
 onia &c. tanquam ea sibi dicta
 sic Christo obtemperandum
 vit. Itaque, vendita re fami-
 pecuniam omnem pauperibus
 . Quibus solutus impedimen-
 estis vitæ genus in terris co-
 tituit. (d) *Franciscus*, maximus
 tatis cultor & promotor, cum
 Evangelio audisset: Nolite
 aurum, neque argentum &c.
 regulam servandam instituit.
 detractis calceis, & una con-
 unica, cum duodecim socios
 et, Ordinem Minorum insti-
 . Eam porro paupertatem vir sum-
 un dives sic honorabat & colebat,
 ximiam, & cui nulla humana
 esset comparari. Itaque, ut Bona-

Prosperi oper. præfixa à Io. Ant. Fla-
Brev. Rom. (c) Ibid.

498 CONSIDERATIO XXVI.

des nudum, & clavis affixum cruci:
 si me diligis, hinc quære, & invenies.
 Sed tu nudus sis, & cruci fixus, ut
 ego sum; sic me facile invenies. (a)
Ita nudum Christum invenerat nudus Ignatius, Antiochena Ecclesia tertius post Petrum Apostolum Episcopus, & Fidei praeclarus Martyr: sic ad Romanos scribebat: Nunc incipio Christi esse discipulus, nihil de his, quæ videntur, desiderans, ut JESUM Christum inveniam. (b)
De sancto Prospero Aquitano, Regensi postea Episcopo, hac lego: Cum sacrae Scripturae assiduus ac diligens lector esset, ac frequenter Evangelistarum libros in manibus haberet, divinitus ei oblatus est locus ille, ubi Christus quemdam admonet, dicens: Si vis perfectus esse, vade, vende omnia quæ habes, & da pauperibus, & veni, sequere me. Igitur divini consilii non surdus aut segnis auditor, ad eam se ratus perfectionem vocari, coepit continuo, ut fidelis Domini sui dispensator, quæ possidebat, inter pauperes Christi suas facultates distribuere, ut

(a) Ribaden. 20. Maii. [b] Hieron. de Scrip-
 tor. Eccles.

rerum terrenarum sarcinâ levatus, expeditus, ac liber, Christum se vocantem sequeretur, ac illi soli vacaret.

(c) *Simili ratione Antonius, magnus ille Eremi splendor, Christo sese addixit: Adolescens nobilibus parentibus orbatus, cum ingressus Ecclesiam ex Evangelio audivisset: Si vis perfectus esse, vade, vende omnia &c. tanquam ea sibi dicta essent, sic Christo obtemperandum existimavit. Itaque, vendita re familiari, pecuniam omnem pauperibus distribuit. Quibus solutus impedimentis, cœlestis vitæ genus in terris colere instituit.* (d) *Franciscus, maximus ille paupertatis cultor & promotor, cum illud ex Evangelio audisset: Nolite possidere aurum, neque argentum &c. sibi eam regulam servandam instituit. Itaque detractis calceis, & una contentus tunica, cum duodecim socios adhibuisset, Ordinem Minorum instituit.* (e) *Eam porro paupertatem vir summe in Deum dives sic honorabat & colebat, ut rem eximiam, & cui nulla humana dignitas posset comparari. Itaque, ut Bona-*

(c) *Vita S. Prosperi oper. præfixa à Io. Ant. Flaminio. (d) Brev. Rom. (e) Ibid.*

500 CONSIDERATIO XXVI.

ventura scribit, eam, in omni sermone, modò matrem, modò sponsam, modò dominam appellabat, sapè etiam reginam, propterea quòd in Rege regum, ejusq; Genitrice, adeò insigniter effulsisset. Paupertatem scitote, Fratres (suos alloquebatur) specialem esse viam salutis, tanquam humilitatis fomentum, perfectionisque radicem, cujus est fructus multiplex, sed occultus. (f) Et iterum: Hæc est, quæ Christum in cruce associat, cum Christo in tumulo absconditur, cum ipso resurgit, & cum ipso in cælum ascendit. Hæc est, quæ dotem agilitatis super cælum volandi animabus ipsam amantibus etiam in hac vita concedit, &c. (g) Illius Seraphini discipula, & in religioso instituto filia sancta Clara, cùm esset nobilis & opulenta, sua omnia in pauperes distribuit, ac summam paupertatem palam professa est ad stuporem omnium, panè ad miraculum. Gregorius Nazianzenus paupertatem suas vocabat divitias, eaq; gloriabatur. Paupertatem, inquit ille, objicient? Meas scilicet opes & copias. Atque utinam & pannos

(f) *Wading. Ann. Min. 1210. n. 50.*

(g) *Ibid. 1216. n. 12.*

CHRISTI PAUPERTAS. 501

hosce exuere possem, ut hujus vitæ spinas nudus percurrerem. (*h*) *Nec minor erat Basilii Magni paupertatis amor & cura. De eo sic scribit idem ille Gregorius : (i)* Divitiæ illi erant, nihil habere, & crux, quam solam totâ vitâ familiarem habebat, multisque pecuniis excellentiorem sibi esse existimabat. *Sanctus Ephræm* dulcissimam sanè prorsusque beatam illam nobis vocem, velut paupertatis magistram, hinc in cœlum emigraturus, reliquit, quæ aiebat : Nec crumena, nec baculus, nec pera, Ephræm unquam fuit. Nunquam aurum, aut argentum, aut ullam rem aliam possedi. Nam bonum Regem ad suos dicentem Discipulos audiavi in Euangelio : Nihil in terra possidebitis. Quamobrem nulla me rerum ejusmodi cepit cupiditas. (*k*) *Hilarioni sanctissimo summa omnium inopia magno prasidio & solatio erat. Circumventus à latronibus, rogatusq̃, Quid faceres, si latrones ad te venirent ? respondit : Nudus latrones non timet. Et illi, Certè, aiunt, occidi potes.*

(*h*) Naz. orat. 28. n. 33. (*i*) Orat. in laudem S. Basilii. (*k*) Greg. Nyssen. in vita S. Ephræm.

502 CONSIDERATIO XXVI.

Possum, inquit, possum: & idcò latrones non timco, quia mori paratus sum. (l) Nempe, Elementa levia sursum tendunt: sic & qui se omnibus nudant, liberè cœlos petunt. (m) At Hilarionis paupertatem intellige ex testamento: Omnes divitias suas Helychio (discipulo) dereliquit, Euangelium scilicet, & tunicam sacceam, cucullam & palliolum. (n) Quid Augustinus? Testamentum nullum fecit; quia unde faceret pauper Christi, non habuit. (o) Quid Paulinus? Quando & ipsam Nolam Barbari vastaverunt, cùm ab eis teneretur, sic in corde suo precabatur: Domine, non excrucier propter aurum & argentum: ubi enim sint omnia mea, tu nosti. Ibi enim habebat omnia sua, ubi eum condere, & thesaurizare ille monuerat, qui hæc mala mundo ventura prædixerat, subdit Augustinus, qui ista ab ipso intellexit. (p) Postcà verò Wandalis easdem Campaniæ regiones infestantibus, cùm ab eo posceret vidua ut filium sibi re-

(l) Hieron. vita S. Hilarion. (m) Guarric. Abb.

(n) Hieron. sup. (o) Sur. vita c. 31.

(p) L. 1. Civ. c. 10.

dimeret, consumptis rebus omnibus in officio pietatis, seipsum pro illo in servitutem tradidit; (q) egregiè Dominum suum imitatus, qui propter nos egenus factus est, & tradidit semetipsum pro nobis, formam servi accipiens. Eadem Christi paupertas Serapionem maxime nobilem & opulentum spoliavit. Unde interrogatus ab uno è stulti mundi sapientibus, per contemptum, an fortè in latrones incidisset, qui ita illum omnibus denu-
dassent? respondit, Ita est, ut dicis: & eduçto è sinu Evangelii libro, En, inquit, latronem, qui me omnibus, quæ habebam, exuit, sic ut ne meipsum quidem mihi reliquerit. Quin postea & ipsum sacrum codicem vendidit in eleëmofynam; imò & seipsum vendendum tradidit, ut esurientibus egenæ viduæ filiis succurreret. (r) Idem respondit, & fecit Bisarion itidem Abbas apud Palladium; (s) apud quem (t) & alter Monachus insigniter misericors, rogatus cur omnibus omninò in pauperum gratiam se spoliaret, similiter respondebat; Quî possum meo persuadere Magistro, me ejus artem accuratè didicisse, nisi

(q) Brev. 22. Iun. (r) In vita S. Ioan. Eleëm. & alibi. (s) Hist. Lausiaca c. 16. (t) c. 15.

504 CONSIDERATIO XXVI.

illo ipso usus fuero ad artem rectè exercendam? *Praclaram hanc divini Magistri artem iusigniter exercuere, Alexius Romanorum nobilissimus, qui relictis omnibus, etiam sponsâ, mendicum induit, & egit septemdecim annos ad illustres orbis terræ Ecclesias peregrinatus, tum ad portum Romanum Deo dirigente appulsus, & à patre suo tanquam alienus pauper hospitio acceptus, decem alios & septem annos vixit, omnibus incognitus: (u) Constantinopoli, Ioannes, Eutropii tribuni filius, dictus Mendicus propter Christum, & Calybita à tuguriolo, sub quo, è monasterio divino instinctu regressus, pauperis habitu, in atrio parentum commoratus est tres quatuorve annos, ibiq; sepultus: (x) Rumoldus, Scotorum regis natu primus, deinde Dublinensis Archiepiscopus, Martyr, ac Mechliniensium Tutelaris, qui nunquam adduci à parentibus potuit, ut regni posthuma gubernacula animo, minus reipsa, susciperet, hac reponens: Dominus JESUS, qui mundanum respuit imperium, mandavit, ipsum sequeretur nudus: (y) Gregorius Neocæsarensis Ponti Episcopus*

(u) Brev. 17. Iul. (x) Bolland. Si. Martin 15. Ian.

[y] In vita apud Beyerlinck Apophi. v. mundus.

Episcopus, à miraculis Thaumaturgus vocatus, vir planè divinus, & rerum terrenarum contemptor admirandus, ut suis mandaverit, ne ullum locum proprium ei ad sepulturam compararent; sed hoc, inquit, narretur posteris, quòd Gregorius, neque vivus, alicujus rei possessor est nominatus, & post mortem, alieni sepulchri fuerit inquilinus. Admiranda profectò (subdit Historicus) & communi præconio major illa virtus, quæ solam eam possessionem judicavit pretiosam, quæ in se avaritiæ non suscepit vestigium.

(z) Eodem paupertatis Christi exemplo & imitamento, ut complures alios Reges Principesq₃ omittam, Elesbaan, Æthioparum Rex Christianus maximè pius, detractam è capite coronam, & cum ipsâ omnem imperandi cogitationem, Hierosclymam dono Christo, pro nobis olim egeno factò, misit, latusq₃ cum inopia commutavit. (aa) Bamba Hispaniarum Rex, devictâ ac demersâ ducentarum Africanarum navium hostili classe, captoq₃ Rege Paulo ex Gallia irrum-pente, quasi commune mortalium bonorum

Y

(z) Lippelod 17. Novemb. fine.

(aa) Baron. an. 522.

506 CONSIDERATIO XXVI.

naufragium vidisset, spreto mundi applausu, in tutum paupertatis portum sese recepit, majoribus cœli opibus inhians & plenus; (bb) sæpè in cœlos cor & oculos tollebat, dicebatq̃, cum magno Augustino, (cc) Jam ibi in desiderio sumus; jam spem in illam terram, quasi anchoram præmisimus, ne isto mari turbati naufragemus. Carolomannus, Caroli Martelli primogenitus, abdicato Austrasia & Thuringia Principatu, mendicans pedes Romam venit, ut in monasterio pauperem vitam ageret soli Deo notus, ac in Cassinensi sancti Benedicti, pecorum custodem egit. (dd) Cunegundis Augusta virgo, ab Imperatoris Henrici pariter virginis abitu, sese rebus humanis omnibus abdicavit, Christoque cœlesti Imperatori, in cœnobio Virginum sancti Benedicti ab ipsa quondam extructo, Bambergæ, se totam mancipavit, vilissimis culina valetudinariiq̃ ministeriis intentissima. Instante morte, cum pretiosiores cerneret proferri feretri apparatus, illum jussit auferri, tamquam alienum & sibi non convenientem, viliq̃ amictu voluit involvi miserum,

(bb) Plat. de bono Stat. relig. l. 2. c. 26. Bartoli paup. contenta c. 9. (cc) in Ps. 64.

(dd) Baron. 747.

CHRISTI PAUPERTAS. 507

ita vocabat, cadaver. Nuda, inquit, egressa sum de utero matris meæ, & nuda revertar illuc. (ee) Verissimè pronuntiavit Thomas Saillius noster, paupertatis amantissimus etiam in aula Alexandri Farnesii Belgarum Gubernatoris; Nihil esse tam gloriosum, quàm mori in purpura paupertatis. (ff) Sancta VValdetrudis, regio sanguine oriunda, sic paupertatem, Christum Dominum suum imitatura, amabat, ut conjugii suo Madelgario, Hannoniæ Comiti, mundi contemptum & paupertatis amorem efficaci sermone impres-
serit. Quare hic, abdicatis omnibus, in Cœnobio Alti-montis religiosam vitam professus est, sanctissimam duxit & finiit, assumpto Vincentii nomine; sub quo hodie colitur. Ipsa verò VValdetrudis mundo etiam valedixit, atque paupertatem thesauris omnibus ac sceptris prætulit, hoc principio seu axioma-
te usa; Deum creaturæ suæ non tradere se possidendum, nisi prorsus exuta rebus, quas mundus stultè magni facit. Vnde, neque sororis suæ, sanctæ Aldegundis Malbodii Abbatis, hortatu, adduci potuit ad deferendum pauper suum & angustum mo-

Y 2

(ee) Sur. & alii 3. Mart.

(ff) Rhod Hist. viri, l. 7. c. 11.

308 CONSIDERATIO XXVI.

nasterium; ut cum illo Malbodium concederet; memor tugurii seu spelaei, in quo Rex regum Christus nasci pro hominibus voluit. (gg) Miraris tantum paupertatis amorem & studium etiam in viris feminisq; maximè illustribus, & ut nullus dubito, laudas, mi Christiane: quin imitaris? Praivit Christus, nobis relinquens exemplum, ut sequamur vestigia ejus. (hh) Sapientia Dei hominem, ad exemplum, quo rectè viveremus, suscepit. (ii) Ipse est enim qui direxit gressus nostros, ut viam ejus velleamus.... Viam Christi si vis, & verè Christianus es (ipse enim est Christianus, qui non aspernatur viam Christi) noli per aliam viam velle ire, quàm per illam, qua ipse ivit. Dura videtur, sed ipsa est tuta via. Alia fortè delicias habet, sed latronibus plena est. (kk) Ego sum, inquit, via, & veritas, & vita. (ll) Via in exemplo, veritas in promisso, vita in præmio. (mm) Nudus ergo nudum se-

(gg) Turr. le Fèvre 9. April. (hh) 1. Petr. 2.
(ii) Aug. l. 83. qq. q. 25. (kk) Aug. in Ps.
36. conc. 2. (ll) Ioann. 14. (mm) Bern. serm.
3. de Ascens.

CHRISTI PAUPERTAS. 509

quere : & , si fortè non licet tibi , etiam
censu pauperem esse , esto saltem spiritu &
affectu : velut inops inter opes vive , opum
non amator , non sordidus custos , sed tan-
quam bonorum à Deo tibi creditorum , ad
supremi largitoris gloriam , ad subsidium
egenorum , tuorum & Christi fratrum , fi-
delis dispensator. Qui pauperi imper-
titus fuerit , in partem ejus , qui pro-
pter nos pauper fuit , seipsum consti-
tuet. Egenus fuit Dominus , ne tu
quidem metuas egestatem. Verùm re-
gnum obtinet omnis creaturæ , qui
propter nos egenus fuit. Ergo si cum
eo , qui egenus fuit , unà pauper eris ,
cum regnante quoque unà regnabis.

(nn)

[nn] Nyssen. de Beatitud. orat. i. fine.





CONSIDERATIO XXVII.

DIVITIARUM CONTEMPTUS.

I. **N**olite thesaurizare vobis thesauros in terra. (4) quia non estis de terra, nec de terra venistis; sed pro tempore de terra suscepistis terram, ut per terram vincatis terram; sed de coelo estis; & de coelo venistis; & iterum redituri estis in coelum, nisi ultro remanere volueritis in terra. Hic ergo substantiam tuam colloca, ubi patriam habes. Vis autem scire, quia peregrinus es in hoc mundo? Audi Prophetam dicentem: Incola ego sum in terra: non abscondas à me mandata tua. (Pl. 118.) Quæ est ergo insipientia, ut contentus sis super terram: id est, in alienis vis servire diabolo, cum possis in coelis, id est, in propriis, regnare cum Christo? ... Quæ est stultitia, illic relinquere, unde exiturus es; & illuc non præmittere, quò iturus es? Verè au-
[a] *Matth. 6.*

DIVIT. CONTEMPTUS. §11

tem, malè servatas divitias, etsi corporaliter non perdidisti, spiritualiter perdidisti, quia nec tibi proficiunt ad usum salutis. Quidquid enim pro anima tua feceris, hoc est tuum: quod autem reliqueris, perdidisti. Nam quod corporaliter malè congregatur, spiritualiter dispersum videtur & perditum: quod autem corporaliter benè dispergitur, spiritualiter illud congregatum & repositum videtur in cælo. Ubi enim fuerit thesaurus tuus, ibi erit & cor tuum. Qui collocat thesauros in terra, non habet quod speret in cælo. Ubi quid enim aspiciat in cælum, ubi nihil repositum habet? (b) Regnum cælorum vim patitur, & violenti rapiunt illud. (c) Et quomodo potest quis rapere? inquit. Disperge, quæ habes in manibus. Quousque enim præsentia servas, illud rapere non poteris. Propone tibi hominem plenis argento manibus; quoad id tenuerit, numquid aurum rapere poterit, nisi id prius projiciat, & expeditus fiat? Rapientem, benè expeditum esse oportet.

Y 4

(b) *Auth. op. imp. in Matth. hom. 15.*

(c) *Matth. 11.*

512 CONSIDERATIO XXVII.

tet, ne quid eum impediat; siquidem etiam nunc contrariæ potestates sunt obviæ, ut id nobis auferant. Quas fugiamus, quæso, fugiamus, & nullam extrinsecus ansam relinquamus, incidamus funes, nudi à sæcularibus emergamus. Quis usus pretiosarum vestium? Quousque tandem his ridiculis implicamur? Quousque aurum desodiemus? (d) Non enim potest homo amare quod æternum est, nisi destiterit amare quod temporale est. Intendite amorem hominis. Sic putate, quasi manum animæ. Si aliquid tenet, tenere aliud non potest. Ut autem possit tenere quod datur, dimittat quod tenet. Hoc dico: videte quia apertè dico. Qui amat sæculum, amare Deum non potest: occupatam habet manum. Dicit illi Deus: Tene quod do. Non vult dimittere quod tenebat: non potest accipere quod offertur. Numquid dixi, Non possideat nescio quis, si potest? Si hoc de illo exigit perfectio, non possideat. Si non potest aliquâ necessitate impeditus, possideat, non possideatur: teneat, non

[d] *Chrysost. in Euan. Ioan. hom. 53.*

teneatur ; dominus sit rei suæ ; non servus avaritiæ. (e) Dominus est rerum quas habet , qui nulla cupiditate irretitur. Nam qui terrenorum amore obstringitur , non possidet , sed possidetur. (f) Noli curvare cervicem tuam mundi premendam pondere , noli inhiare auro atque argento , ne te sæculi vinculis alligandum præbeas. Ideò dixit Dominus : Nolite possidere aurum atque argentum (Matth. 10.) ne nos auri atque argenti cupiditas avara possideat. Noli ergo inferere colulum tuum diaboli laqueis. (g) Cur , amabo , tanti facis , atque adeò suspicis aurum ? Quis , obsecro , ex istis , qui ornatui nimium student , horam vitæ suæ apponere potest ? Cui percutit mors ob divitias ? Quem morbus ob divitias non afflixit ? (h) Quid deinceps futurum est ? Nonne tres te terræ manent cubiti ? Nonne pauci lapides satis erunt , ad infelicis tui corporis sepulturam ? .. Cur inanes stipulas manibus colligis ? (i) Ecce , dives ,

Y 5

(e) Aug. serm. 15. de 40. novis. (f) Prosper sentent. 197. (g) Ambr. in Ps. 118. serm. 5. (h) Basil. orat. 14. de divitiis. (i) Basil. orat. 15. de avaritiâ.

514 CONSIDERATIO XXVII.

nihil intulisti in hunc mundum; sed nec auferre hinc aliquid potes... Certè quando casu aliquo vetera sepulchra franguntur, ossa divitis agnoscuntur? Ergo, dives, audi Apostolum (1. Tim. 6.) Nihil intulimus in hunc mundum. Agnosce, verum est. Sed nec auferre aliquid possumus. Agnosce, & hoc verum est. Quid ergo sequitur? Victum & tegumentum habentes, his contenti simus. (k) Nudi nati sumus, nudi etiam morituri. Quidquid hic invenitur, hic relinquetur. Non est nostrum, quod non semper nostrum est. Tanquam peregrini ergo sufficiente usu contenti simus: illas divitias acquiramus, quas nobiscum ad coelestem patriam ferre possimus. (l) Vnde alienas esse, non nostras, divitias hujus saeculi, docet Magister noster Christus: Si in alieno, inquit, fideles non fuistis: quod vestrum est, quis dabit vobis? (m) Vbi Augustinus: Alienas appellat facultates, quia nemo eas secum auferat. (n) Et Euthymius:

(k) Aug. de verb. Dom. serm. 5. (l) Hieron. in illud 1. Tim. 6. (m) Luc. 16. (n) Aug. l. 2. Evang. 99. c. 35.

DIVIT. CONTEMPTUS. 515

Christus alienum vocat, terrenas divitias; quippe quæ apud illum non permaneant, qui ipsas est affecutus: nostrum autem, cœlestes, ut quæ apud illum permaneant, qui ipsas accipit. (o) Denique Venerabilis Beda: Alienæ sunt à nobis hujus sæculi facultates, id est, extra naturam sitæ... Nostra autem possessio, regnum cœlorum est. Nostra vita, Christus est. Nostræ opes sunt spiritualium operum fructus. (p) Dei enim servus verè ille est, qui cetera omnia superavit. Nam Deo servire quispiam non potest, nisi omnia quæ in hoc mundo sunt, propter Deum spreverit. (q) Vivere secundum Deum, impossibile est, homini voluptatibus & avaritiæ dedito. (r) Idem pronuntiat Veritas: Omnis ex vobis, qui non renuntiat omnibus quæ possidet, non potest meus esse discipulus. (s) Cur timido animo Christianus es? ... Hæreditatem expectans sæculi, cohæres Christi esse

(o) Euthym. in illud Luc. (p) Beda ibid.

(q) Gregor. Nyssen. de vita Moysi. (r) Pastor Abb. Apoph. 14. apud S. Ephrem.

(s) Luc. 14.

§ 16. CONSIDERATIO XXVII.

non poteris. (1) Dominus pauperem facit, & ditat. (2) *Vbi Gregorius Magnus* : Pauperem Domino facere, est in contemplatione bonorum perennium, electorum mentes ad contemptum rerum omnium excitare. . . Etiam ditat Dominus : quia nimirum dum ab omnipotenti Deo bonorum coelestium cognitionem percipimus, ab ipso etiam virtutem consequimur, ut digno pro eis labore certemus.

II. Beata mens, quæ peregrinationis suæ tempore, castâ sobrietate transcurrit ; & in iis, per quæ necesse est eam ambulare, non remanet, ut hospita magis, quàm domina terrenorum ; nec affectibus sit innexa humanis, nec promissionibus desit divinis. (3) Non potest dominari omnibus, nisi is qui propriis non tenetur. Dejectæ mentis est, qui familiaris rei meminit, cùm vocatur ad regnum : jacens animus plebeius nummulum thesauris regalibus anteponit : pauper sensus parvis incubans, perdit magna;

[1] *Hieron. epist. 1. ad Heliodor.*

[2] 1. Reg. 2.

[3] *Leo de Quadrages. serm. 11.*

DIVIT. CONTEMPTUS. 517.

& inhians temporalibus , perdit sempiterna. . . . O homo , si hinc permanens es , quæ tua sunt , hinc reponere : si illuc iturus es , hinc , quæ tua sunt , cur relinquis ? Qui relinquenda servat , alienorum custos est , non suorum , (b) Non enim permittit Dominus migrantes ea secum auferre , siue domos ædificaverimus , siue coëmerimus agros , siue servos , siue suppellectilia , siue quid aliud ejusmodi . Nec tantum , non permittit abeuntes quidquam asportare , sed neque tibi mercedem computat . Tibi namque prædixit , quod non ædificabis , nec impendes aliena , sed tua . Quid igitur tua dimittens , alienis operaris , & erogas , ut & laborem & mercedem amittas , & extremam subeas ultionem ? Ne , quæso , sic agas ; sed postquam naturâ sumus peregrini , simus & voluntate , ne peregrini fiamus illic ignobiles & abjecti . (c) Numquid visibilibus quidpiam semper manet ? Nihil ; sed anima sola omnium quæ sunt in nobis : & hanc negligimus ; eorum quidem , quæ va-

(b) Chrysost. *serm.* 22.

(c) Chrysost. *hom.* 36. *ad Pop.*

518 CONSIDERATIO XXVII.

riantur, tanquam permanentium; multam gerentes curam: manentis autem semper, tanquam transeuntis, nullam habentes rationem.... Fabula quædam est & somnium, vita. Sicut enim in scena, aulæo sublato, varietates dissolvuntur, & omnia coruscante luce somnia avolant: ita nunc quoque consummatione veniente tam communi, quam uniuscujusque, omnia dissolvuntur & evanescunt. (d) Si attendamus, innumera his inesse pericula, momentaneamque voluptatem, eamque tristibus sæpè permixtam: si divitias illas æternæ vitæ, intentâ cogitatione volvamus: tum demum has contemnere dabitur, si cogitemus nihil nobis prodesse illas, non ad gloriam, non ad sanitatem, non ad aliud quidquam, sed contra nos in interitum mergere, poenamque perpetuam. Hic dives es, plurimosque in tua potestate habes? at illic desertus eris, destitutus, & nudus. Si hæc perpetuâ meditatione versemus, aliosque docentes audiamus, erit & fortassis salubritas quædam, evademusque sempiternos illos crucia-

(d) *Idem hom. 55. ad Pop.*

DIVIT. CONTEMPTUS. 519

tus. Rapiunt auri fulgor & nitore cogitant & terram ac cinerem & fuisse prius, & modò esse. Placet pretiosa & serica vestis ? at vermium ille contextus est ; opinio est & humana præsumptio : nihil habet in se naturalis pulchritudinis. (e) Quid igitur, nobis posthabitis, studium in hæc omne concitamus, quorum sumus post vitæ hujus excessum expertes futuri ; quinimò perpè in humanis agentes, potiri haudquaquam possumus ? (f) Abjice abs te divitiarum onera, abjice vincula voluntaria, abjice anxietates & tædia, quæ te pluribus in annis inquietant. . . . Obliviscere quod es, & attende quid futurus es. Præsens vita fragilis est, & in mortem proclivis. Nemo potest stare, sed omnes cogimur transire. (g) Expedit esse nudos, cum diabolo, qui nudus est, luctaturos. Nudus athleta fortius dimicat : natator exiit, ut fluvium transeat : viator, rejectis sarcinulis, benè cursum faciat. (h) Si calceamenta quis supra

(e) Chrysost. in 1. Tim. hom. 17. (f) Idem ser. de miseric. to. 5. (g) Aug. de verb. Dom. serm. 25. (h) Bern. in cæna Dom. serm. 2.

520 CONSIDERATIO XXVII.

mensuram pedibus adegerit, itinere
 certè prolixiori impedimenta sentiet :
 & vestimentum induens corporis sta-
 turam excedens, pari modo implica-
 bitur. Atque superfluum ubique in co-
 quod satis est, ad opportunitatem in-
 utile est : in pecunia multò fortius
 id evenit. Et, qui supra quod est sa-
 tis, habent, non modò in ipsa suffi-
 cientia, sed & in ipsis quibusdam ne-
 cessariis impediuntur. Nam qui de fo-
 ris in agone currunt, & ipsa exuunt
 vestimenta. Viam verò in coelum fe-
 rentem, & eandem arctam & arduam,
 tot cum impedimentis quomodo pote-
 ris ambulare? quandoquidem & velo-
 ci & expedito cuiquam pænè impos-
 sibile est, desideratum iter optimum
 hujus viæ, sive salutem, consequi.
 Sparge igitur superflua in pauperes;
 &, quod invitus fortasse paulò post
 ipsis inimicis es cessurus, id ipsum vo-
 lens depone : tuaque fac, quæ tua
 nunc non sunt. (i) Domus quippe
 tua coelum est... Ignoras quia etiamsi
 decies mundum, vel centuplum, vel
 decies millies, vel duplo toties ponas,

(i) Chrysol. de pœnit. hom. 7.

DIVIT. CONTEMPTUS. 521

neque minimo bono cœlesti comparandum est ? Qui igitur res sæculi miratur , cœlestes contemnit. Siquidem ista appetenda esse arbitratur , quæ plurimum inferiora illis sunt. (k) Bona illa sunt , quæ sunt spiritalia , divina , cœlestia , quæ nos ad Deum ducant , quæ nobiscum apud Deum perpetuâ possessione permaneant. Cæterum quæcumque terrena sunt in sæculo accepta , & hic cum sæculo remansura , tam contemni debent , quàm mundus ipse contemnitur , cujus pompis & delitiis jam tunc renuntiavimus , cum meliore transgressu ad Deum venimus. (l)

III. Præ omnibus abundare , magisque regios esse eos censeo , qui divitiarum cupiditatem calcarunt ; quibus annumerari omni ope adnitamur : tametsi plerique tyrannidem ejus , velut statuum Babyloniorum , adamaverint. Nos verò trium puerorum robur imitati , etsi tubarum voces , ac fistularum , totiusque musicæ artis , per aëra delatæ ; auribus circumsonent ,

(k) Chrysost. in epist. ad Hebr. hom. 25.

(l) Cyprian. de habitu Virginum.

522 CONSIDERATIO XXVII.

& fornax inopiæ accendatur; ne tympanis attendamus, neque tibiis, ac ne reliquis quidem opum phantasmatibus; (a) sive, ut loquitur Petrus Blefensis, opibus sophisticis... Pauci divites moriuntur, qui in exitu hujus vitæ non desiderent fuisse pauperrimi. Ideoque & plerique providentiæ oculum dirigunt in futurum, spirituales ducentes in divitiis paupertatem. David in regali solio sedens, inquit, Domine, inclina aurem tuam, & exaudi me, quia inops & pauper sum ego (Ps. 85.) Et alibi: Pauper sum ego, & in laboribus à juventute mea. (Ps. 87.) Elegans & præclarum Dei donum est paupertas, si tamen hanc inter Dei dona computare dignetur impatiens & ambitiosa temeritas. Nabuzardan in subversione Jerusalem cunctis pauperibus in pace dimissis, solos divites captivavit. (Jerem. 52.) Christus domum Reguli intrare noluit (Joan. 4.) ne videretur divitias honorare. (b) Nec major ad pecuniæ contemptum exhortatio subjacet,

(a) *Isid. Pelus. l. 5. epist. 36.*

(b) *Petr. Blef. epist. 60.*

quàm quòd ipse Dominus in nullis divitiis invenitur. Semper pauperes justificat, divites prædamnat. (c) Dicit namque Veritas de pauperibus, Beati pauperes spiritu, quoniam ipsorum est regnum cœlorum. (Matth. 5.) Si est regnum cœlorum pauperum, restat ut infernus sit divitum. Hoc quoque declarat nobis Evangelista (Luc. 16.) dicens: Homo quidam erat dives &c. Mortuus est autem dives, & sepultus est in inferno... Quisquis ergo vis regnare cum Christo, elige pauperiem cum ipso, ut requiescas cum Lazaro mendico. Nemo enim potest gaudere cum sæculo, & regnare cum Christo... Qui vult epulari cum divite, præparat se epulas vermibus gehennæ, in qua pro gaudio momentaneo ardebit perpetuè cum capite suo diabolo... Quapropter nos illud Evangelicum ruminantes: Quid prodest homini, si universum mundum lucretur, animæ verò suæ detrimentum patiatur? (Matth. 16.) voluntariè nunc pro Christo ponamus quandoque dimittenda: ne, quod absit,

(c) Tertull. l. de patientia.

524 CONSIDERATIO XXVII.

pro transitoriis amittamus æterna. (d) Incipiamus à terrenis rebus animum avocare. Pecuniam, & omnia quæ mentem demergunt atque opprimunt, contemnamus. Onus abjiciamus, ut navis parumper sublevetur. Tempestate jactati, abjiciamus & magnam supellectilis partem, ut animus tanquam gubernator, undarum impetum queat sustinere, saluti consulere. (e) Ad summum, illud perspicere debemus, quòd etsi nostras velimus retentare divitias, lege mortis ab ipsis divellamur inviti. Cur ergo non facimus de necessitate virtutem? Cur non, ad lucranda cœlestia, ultrò relinquimus, quod lucis istius sine perdendum est? Nihil eorum curæ sit Christianis, quæ secum auferre non possunt. (f) Hoc præclare intellexit, & unice auditoribus undique affluentibus, contentâ voce, singulari exemplo, commendavit magnum illud orbis terrarum miraculum, (g) Simeon Stylites; qui cum audisset in templo legi Evangelicæ Beatitudines, mox relictis ovi-

(d) Aug. de contemptu mundi c. 7. (e) Nilus Abb. lib. ascet. (f) S. Anton. in vita per S. Athanas. c. 5. apud Bollandum. (g) Theodoret. de vitis PP. c. 26.

bus, quas pascebat, monasterium adiit, inde columnam, in qua stetit ipsos 80. & amplius annos. (h) Ex illa, ceu pulpito, bis in die dicebat ad confertissimam turbam, in hac verba: Contemnite terrestria; amate, & ambite cœlestia, quæ sola vos beabunt. Ita præ cœlestibus terrena omnia contempserunt, è recenti memoria, ex Iaponia, Iustus Ucondonus, qui in exilium pulsus, & amissione duorum principatum; atque à possessione annui census aureorum septuaginta millium, in extremam egestatem subito redactus, patre etiam, fratre, conjuge, liberisq; spoliatis, amaro tamen vultu perstitit, quod sibi pro Religione & spoliari & meri gloriosum duceret: (i) Didacus Gonnoia Iapon etiam nobilissimus, & Imperatori in primis gratiosus, qui exilio pro Christiana fide multatus, datis ad P. Hieronymum de Angelis litteris, gratulabatur sibi, quod terrenis spoliato, liceret liberius aspirare ad cœlestia, atque uni seculorum Regi inservire: (k) Ex Anglia, Franciscus Tregianus, nobilissima familia, qui quod Dominum Cur-

(h) Baron. an. 460. (i) Hist. Soc. p. 5. l. 7. v. 217. & seqq. (k) Nic. Trigault. l. 1. de Christian. apud Iapon. triumphis. c. 7.

bertum Mayn, Sacerdotem, & primum è Seminario Duaceno fidei Catholica, pretiosa morte, assertorem, excepisset hospitio, bonis omnibus à iudice spoliatus, generosè sic elocutus est: Pereant opes, quæ si non periissent, possessorem fortè perdidissent. (l) Matrona item Angla ob fidem in Belgium profuga, amissis fortunis benè amplis, castris quatuor, continenter Deo gratias agebat, quòd temporalium bonorum sollicitudine libera, uni deinceps Deo vacare quieta posset. (m) Ex Italia, Scipio Cobellutius, vir longo Principum usu, ac bonarum artium glorià pranobilis, etsi plures jam annos Paulo V. ab epistolis esset, vas tamen argenteum habebat nullum, donatumq; sibi purpurato liberè doleret, quòd illa usurpare ampliùs non posset, Argentum & aurum non est mihi. (n) Albertus Mecinski Polonus è Senatorio Regni ordine, currente etiamnum Novitiatus tempore Româ in Poloniam remissus, demortuo, post matrem, unico, quem habebat, fratre Stanislao, adeoq; omni domus opulenta fortunâ, ad eum devolutâ, cùm propinqui &

(l) D'outreman Pedag. t. 2. p. 2. c. 4. f. 2.

(m) Litt. Ann. Belg. 1582.

(n) Rhod. hist. virt. l. 7. c. 11.

affines omnes unanimiter instarent, ut propaganda illustrissima stirpis, in se unum tandem recumbentis, spem promoturus, Societatem defereret; nihil istis dimotus de proposito Evangelica paupertatis, opulentissimam hereditatem pro amore Christi in ejus pauperes divisit, eâq; de re confectis legitimis tabulis, latus exclamavit: Jam nihil ultrâ habeo, quod Deo meo offeram amplius: Dedi facultates, dabo & sanguinem pro nomine ipsius. Et verò generosè dedit; in Iaponia Nangasachi, post toleratum multis mensibus infusa aqua & violenter expressa crudele tormentum, in scrobem è pedibus suspensus, anno 1643, pro fide, pro Dei gloria triumphavit. (o) Ita nimirum, qui pro Christo divitias contemnit, paratus est & pro Christo sanguinem & vitam profundere. At ex adverso, Quomodo, ait Augustinus, pro Christo suum dabit sanguinem, qui pro eo non vult abjicere mundi vanitatem? (p) Quicumque igitur seriò cupit thesaurum æternæ vitæ comparare, seriò etiam cogitet ac recogitet, an paratus sit omnia alia bona

(o) Matthi. Tanner Soc. 1757 milit.

(p) Aug. de contemptu mundi c. 6.

328 CONSIDERATIO XXVIII.

contemnere : alioqui thesaurum illum sine quo miserrimus & pauperrimus in æternum erit, nunquam neque vivus neque mortuus obtinebit. (q)

(q) *Bellarmin. de æterna felic. l. 5. c. 1.*



CONSIDERATIO XXVIII.

VERÆ DIVITIÆ.

I. **D**UO divitiarum esse genera à Scriptura didicimus : unum quod probetur & exoptetur, alterum quod damnetur & improbetur. Expendendæ quidem atque probandæ virtutum divitiæ sunt : criminationibus autem obnoxia sunt & improbantur materiales pariter atque terrenæ : quoniam illæ quidem animæ opes existunt : hæ verò ad decipiendum sensuum vasa idoneæ sunt. Quamobrem has colligere Dominus vetat, quippe tinearum corruptioni, insidiisque nocturnorum

norum furum expositas. Sublimium autem rerum divitiis, quas vis corruptrix non attingit, studere nos jubet. (a) Nolite thesaurizare vobis thesauros in terra, ubi ærugo & tinea demolitur, & ubi fures effodiunt & furantur. Thesaurizate autem vobis thesauros in cœlo: ubi neque ærugo, neque tinea demolitur; & ubi fures non effodiunt, nec furantur. (b) *Hos veros esse thesauros, solosq; expetendos, scribit Prædicator veritatis, suum instruens Timotheum: Divitibus hujus sæculi præcipe, non sublimè sapere, neque sperare in incerto divitiarum, sed in Deo vivo (qui præstat nobis omnia abundè ad fruendum) benè agere, divites fieri in bonis operibus, facilè tribuere, communicare, thesaurizare sibi fundamentum bonum in futurum, ut apprehendant veram vitam. (c) Igitur si opes inquiris, illas quære, quæ permanent, quæ firmæ perdurant, quæ ex operibus bonis oriuntur. (d) Unde idem Apostolus eidem dilecto filio in fide, præcipit, ut mun-*

Z

(a) Greg. Nyss. de Beatitudinib. orat. 1.

(b) Matth. 6. (c) 1. Tim. 6. (d) Chrysost. ibi.

530 CONSIDERATIO XXVIII.

dana, hoc est, vana & pernitiōsa bona fugiat: solas virtutes, veras hominis opes, sectetur. Tu autem, ò homo Dei, hæc fuge. Vbi Chrysostomus: Magna laus ac dignitas. Omnes quidem sunt homines Dei, ab eo scilicet conditi: sed iusti propriè, qui non modò conditionis, verum familiaritatis quoque jure, illi conjuncti sunt, Dei homines merentur appellari. Si homo, inquit, Dei es, noli superflua quærere, & quæ ad Deum non ducunt: sed fuge. Sectare verò justitiam, pietatem, fidem, charitatem, patientiam, mansuetudinem. Tales homines Dei, à Sira- cide dicuntur, uti revera sunt, homines divites in virtute. (e) Beati filii, quorum tota est in patris charitate substantia! Beati, quibus manet tota in obsequio patris, in patris cultura possessio! (f) Illa verò virtus nostra est. Pecuniæ verò, ne nostræ quidem, nostræ sunt, nedum alienæ. Sed nunc quidem nostrum est, cras verò non jam nostrum. Virtutis autem bona sunt nostra: non enim hæc, sicut illa, jacturam facit; sed omnibus tota præsens adest. Hanc itaque possi-

(e) *Eccli. 44.* (f) *Chrysost. serm. 1.*

deamus ; & contemnamus pecunias ,
ut vera consequi bona possimus. (g)
His dives redditibus non quærit tem-
poralia ; quia æterna possidet. (h)
Eæ sunt salutis divitiæ , is hominis Deo di-
lecti thesaurus ; de quo Isaias : Divitiæ
salutis sapientia & scientia : timor
Domini ipse est thesaurus ejus. (i)
Timenti Dominum benè erit. (k)
Gloria & divitiæ in domo ejus : (l)
quia ipse Dominus possessio ejus est. (m)
Rectè ergo Propheta David Deo suo
dixit : Tuus sum ; qui semper in Deo
mansit. Et qua ratione dixerit , Tuus
sum , addidit : Justificationes tuas exquisi-
vi : hoc est , nihil aliorum quæsi , sed id
solum , quod tuum est , desideravi.
Alii quærunt monilia pretiosa : ego
solas justificationes tuas quasi quæ-
dam ferta justitiæ. Alii domum ad do-
mum , villam ad villam jungunt , quasi
soli habitare possint in terra hac , &
elementum volunt occupare commu-
ne : alii possessionem aëris ipsius vin-
dicare : mihi in tuis justificationibus

Z 2

(g) Chrysost. hom. 36. ad Pop. (h) Ambr. ep.
24. (i) Isai. 33. (k) Eccli. 1. (l) Ps. 111.
(m) Deuter. 10.

532 CONSIDERATIO XXVIII.

patrimonium est. Nescio possidere, nisi quod tui juris est. In tuis eloquiis spiritualis mihi cura refulsit argenti. Mihi portio Deus est. Tuus sum ego, quia pars mihi hereditatis non in auro, non in argento est, sed in Christo JESU. (n) Avere, ecce habes omnia. Omnia quæ amas, ut non impediaris à Christo, contemne, & ipsum tene, in quo possis omnia possidere. (o) Fur tibi tollit aurum; quis tollit Deum? Quid habet dives, si Deum non habet? Quid non habet pauper, si Deum habet? (p) Vis ditari? Amicum habeas Deum, & eris omnium ditissimus. (q) Deus tibi totum est. Si esurieris, panis tibi est: si sitieris, aqua tibi est: si in tenebris es, lumen tibi est, quia incorruptibilis manet: si nudus es, immortalitatis tibi vestis est. (r) Honor noster, Deus est: divitiæ nostræ, Deus noster. Quæcumque hîc varia quæris, ipse tibi unus omnia erit. (s) Hic est thesaurus noster, hic est vita nostra, hic

(n) *Ambr. in Ps. 118. serm. 12. num. 6.*

(o) *Aug. hom. 34. ex 50. (p) Aug. ser. 205. de Temp. (q) Chrysost. hom. 2. ad Pop. (r) Aug. tr. 13. in E: ang. 10. (s) Idem de verb. Dom. serm. 4.*

est sapientia nostra, justitia nostra, pastor noster, & pastor bonus, hic est vita nostra. Vides quanta bona in uno bono. (t) Et quid potest eo esse felicius, cui efficitur suus Conditor census, & hæreditas ejus dignatur esse ipsa Divinitas? . . . Denique quid ultra quærit, cui omnia suus Conditor fit? aut quid ei sufficit, cui ipse non sufficit? (u) Quidquid aliud habueris sine ipso, latius inanis eris. (x) Ille dives est, qui fuerit hæres Dei, cohæres Christi. (y)

Quid? Heu, quam subtiliter nos ille decipiendi artifex fallit! quantâ cœcitate oculos nostræ mentis obducit! ne discernamus, gaudendi avidi, unde justius gaudeamus: aut ne cupientes augeri divitiis, noverimus, quas quibus incomparabiliter præferamus. Nam gaudere quidem bonum est: sed qui gaudet, si non inde gaudeat unde debet, non potest bonum esse quod gaudet. . . . Ditari quoque divitiis grande est bonum: sed inde ditari

Z 3

(t) *Ambr. ep. 11.* (u) *Prosper l. 2. de vita contempl.* c. 16. (x) *Aug. in Ps. 85.* (y) *Ambr. ep. 82.*

534 CONSIDERATIO XXVIII.

unde non debeas, non est habenda facultas, sed detestanda calamitas. Nihil enim calamitosius, nihilque miserius eo, qui iniquis acquisitionibus crescit, quem locupletem fraudes faciunt ac rapinæ. Illæ nobis sunt ambiendæ divitiæ, quæ nos ornare possint pariter & munire: quæ nos contra hostiles impetus armant, à mundo disternant, Deo commendant, ditant animas nostras atque nobilitant, nobiscum sunt, intra nos sunt. Divitiæ nostræ credendæ sunt pudicitia, quæ nos pudicos, justitia quæ justos, pietas quæ pios humilitas quæ humiles, mansuetudo quæ mansuetos, innocentia quæ innocentes, puritas quæ puros, prudentia quæ prudentes, temperantia quæ temperantes, & charitas quæ nos facit Deo & hominibus charos, virtutum potentes, sæculi contemptores, ac bonorum omnium sectatores. (a) Solæ divitiæ veræ sunt, quæ nos virtutibus divites reddunt. Si ergo, Fratres charissimi, divites esse cupitis, veras divitias amate. (b) Vultis esse divites?

(a) Prosper de vita contempl. l. 2. c. 13.

(b) Greg. hom. 15. in Evang.

estote pauperes. Tunc eritis per omnia divites, si fueritis pauperes spiritu.

(c) Veræ ergo divitiæ non opes sunt, sed virtutes: quas secum conscientia portat, ut in perpetuum dives fiat.

(d) Bona enim sunt propria, honestas, sobrietas, misericordia, castitas: quæ bona omnia auro magis sunt pretiosa. Ut sciatis, quia his ita viliora sunt metalla auri; talenta emi possunt, argenti vasa comparari possunt: honestas sola emi non potest. Honestas enim non emitur, sed acquiritur; quia non constat pretio, sed virtute. Tu igitur qui aurum possides, si placet, bona invicem conferamus. Tu cum peregrè proficisceris, thesauri tui necessariò domi remanent, quibus longè à te positis, semper trepidus, semper incertus es, cum domum redieris non habeas quod habebas. Ita dum semper amissionem eorum metuis, apud conscientiam tuam nudus & pauper es. Ego autem quocumque iero, meæ divitiæ me sequentur, nec separari à me possunt bona, quoniam non terreno spe-

Z 4

[c] *Ambr. epist. 82.*

[d] *Bern. serm. 4. in adventu.*

536 CONSIDERATIO XXVIII.

cu, sed thesauro pectoris retinentur. Tu cum recedis è sæculo, relinquendo tuas divitias perdidisti : ego autem, cum mihi de hoc mundo migrare contingit, divitias meas ad paradisum veho. Tuas divitias post mortem, exemplo illius purpurati, ignis & tenebræ subsequuntur : meas divitias, exemplo Lazari, sinus Abrahamæ & beatitudo excipiet. (e) Nescis, ô homo, struere divitias. Si vis dives esse, esto pauper sæculo, ut sis dives Deo. Dives fidei, dives est Deo. Qui dives est in misericordia, hic est dives in Deo. Dives in simplicitate, dives Deo est. Dives sapientiæ & scientiæ, dives est Deo. (f) Ille verè est dives, qui in Deo dives est ; qui magis misericordiâ opulentus quàm divitiis, facultates suas cum pauperibus dividit ; qui locupletem se, dando magis, quàm habendo, ostendit ; qui ad hoc se meminit habere divitias, ut sceneretur Deo, pascat Christum, vestiat Dominum ; qui patrimonium suum non ingrato hæredi quærat re-

(e) *Maximus hom. de Martyrib.*

(f) *Ambr. de Nabathe c. 14.*

linquere, sed per pauperes illud desideret commodare; qui desiderat potior esse opere, quàm suæ substantiæ facultate; qui thesauros suos ad superna transmittit; qui ad hoc vivit, ut operetur. (g) Nostræ sunt divitiæ cœlestes ac divinæ: illic noster municipatus est, cò quòd homo ad imaginem Dei conditus. Pecuniæ autem & possessiones aliena sunt; divinorum bonorum fruitio & participatio Dei nostra sunt. (h) Hæc bona sunt, thesauri interioris hominis, gemmæ non arcæ tuæ, sed conscientiæ tuæ. His ama dives esse, quas divitias nec naufragio possis amittere: unde si nudus exieris, plenus eris. (i) Qui diligit argentum, non satiabitur argento, nec est finis acquisitionis eorum. Si quæris thesauros, accipe invisibiles & occultos, quos in cœli altissimis, non quos in terrarum venis requiras. (k) Tantùm dilige & quære bonum virtutis; quia quod quæris, intus ha-

VERÆ DIVITIÆ. 537

(g) Chrysost. hom. de miser. & duabus viduis tom. 5. (h) Theophylact. in Luc. 16. (i) Aug. serm. 5. de 40. novis. (k) Ambr. l. 1. de Cain & Abel cap. 5.

538 CONSIDERATIO XXVIII.

bes. Thesaurus namque summæ boni-
tatis non alibi quàm in suis amatori-
bus consistit. (l) Tantæ sunt virtutis
opes atque copiæ, ut qui has habuerint ,
nunquam eas velle possint cum uni-
versa terra commutare, ne si illa qui-
dem aurum fiat cum mari & flumi-
nibus & montibus. (m) Melior est
incomparabiliter justitia quàm pecu-
nia, quòd illa ditet & repleat arcam,
hæc animam. (n) Quid ergo quæris
divitias, quæ oculis humanis & car-
neis blandiuntur? Lucet aurum, sed plus
lucet fides. Elige quid in corde habere de-
beas. Intus plenus esto, ubi divitias
tuas Deus videt, homo non videt.
(o)

III. Cùm hoc genus rerum (*aurum
& argentum*) Dominus in Evangelio
Mammona iniquitatis appellat, signi-
ficat esse alterum mammona, id est;
alias divitias, quas nisi justî & boni
possidere non possunt; ut ideò mam-
mona iniquitatis vocetur, quia iniqui-
tas eas vocat divitias. Justitia verò no-

(l) Cyrill. *Apol. moral.* l. 3. c. 9. (m) Chrysost.
l. 2. *adversus vitup. vite monast.* (n) Bern. ep. 23.
(o) Ang. *Serm.* 212. *de Temp.*

vit esse alias divitias, quibus homo adornatur interior, sicut beatus Petrus dicit, Qui est ante Deum dives. (1. Petr. 3.) Illæ justæ dicuntur divitiæ, quia bonis meritis justisq̃ue tribuuntur. Illæ veræ dicuntur divitiæ, quia quisquis eas habuerit, non egebit. Istæ verò injustæ divitiæ, non quia injustum est aurum & argentum; sed quia injustum est eas putare divitias, quæ non auferant egestatem. (a) Pecunia est, quam nomine divitiarum nominat iniquitas. Si enim veras divitias quæris, aliæ sunt. Talibus Job nudus abundabat, quando in Deum cor plenum habebat, & laudes Deo, perditis omnibus rebus, tanquam gemmas pretiosissimas proferebat. Ipsæ sunt veræ divitiæ; istæ autem ab iniquitate appellantur divitiæ. Habes illas; non reprehendo: hæreditas venit: pater tuus dives fuit, & dimisit tibi. Honestè acquisisti, de justis laboribus plenam domum habes; non reprehendo. Tamen etiam sic noli illas dicere divitias. Nam si dicis illas divitias, amabis illas. Et si amaveris illas, peri-

[a] Aug. hom. 30. ex 50.

540 CONSIDERATIO XXVIII.

bis cum illis. Perde, ne pereas: dona, ut acquiras: semina, ut metas. (b) Nullus enim plus perdit, quàm qui seipsum perdit. Quid enim est quod possides, quando avaritia te absorbet? Ignis nunquam dicit, Sufficit: neque cupiditati satis fuit unquam. (c) Idèd qui salutis suæ studiosi, qui Christi discipuli sunt, falsas fallacesq; mundi divitias generosè spernunt, solis cœlestibus & divinis intenti. Hilarion, notissimus ille ab opum contemptu, vitæ sanctitate, miraculorum frequentia, Candidatum quemdam Constantii Imperatoris gravi nequitia spirita liberarat: Offert hic Thaumaturgo decem auri libras; at vir sanctus, hordeaceum proferens panem, Qui tali cibo aluntur, inquit, non pluris æstimant aurum, quàm lutum. (d) Sancti Martyres Olympiades & Maximus, jussu à Decio tyranno tradere facultates, lubenter, inquirunt: Nostræ enim facultates & aurum, Christus est. Ad hunc accedito, & veris divitiis abundabis. (e) Euphrasia virgo, à Theodosio Imperatore, quem san-

(b) Aug. de verb. Dom. serm. 35. (c) Cyrillus Apol. mor. l. 3. c. 3. (d) Hieron. in vita Hilarion. (e) Lippeloo 15. April.

guine continebat, Ordinis senatorii Principi viro fuerat desponsa jam tum quinquennis : at illa maturior atate, sumpto religionis velo, immortalis sponso fidem obstrinxit ; repetenti, promittentiq^{ue} Imperatori opulentam dotem, si acquiesceret ; Opes, inquit, meæ Christus est : tu tuas aliis dato. (f) Sic, sic decet sanctâ quadam superbiâ, ut cum Paulino loquar, mundum ejusq^{ue} pompas contemnere. En ejus verba scribentis (g) ad Amandum sanctum pariter Episcopum : Est autem & sancta superbia.. Nam & justificatur superbia, quæ huic mundo superbit, & contemnit hoc sæculum, omnibusque magnis ejus & dulcibus ac speciosis abutitur (idest, non utitur, sive, ut vilia & se indigna contemnit) intenta cœlestibus rebus, & præceptis subiecta divinis. Ita sanctè superbiebat humillima Lydwina, cum quibusdam summam, quam forti hilariq^{ue} animo ferebat, penuriam reprehendentibus, responderet : Satis abundat, qui eo quod habet contentus est. Etsi autem mihi cum hominibus communes non sunt divitiæ & delitiæ;

(f) Beyerlink *Apopht. v. divit. cont. SER. I 3.*
 Marc. (g) *Ep. 2.*

542 CONSIDERATIO XXVIII.

sunt tamen cum multis communes paupertas & miseria : quibus ego abundans , Deo gratias ago , & conquiesco ; (h) *quiete utique expetendâ super aurum & lapidem pretiosum multum , (i) ut qua in Deo , summo bono , & bonorum omnium fonte , consistat. Quietem illam , & veras divitias gratulatur , eleganti epistolâ , Nolanus Prasul Alethio juveni genere illustri , qui defunctâ Ruffina conjuge , nobilissima illius Paula Romana filiâ , opibus suis in subsidium pauperum erogatis , contemptum mundi profitebatur. Sic autem inter alia , ditissimus opum contemptor , Paulinus : Beatus es , in quo benedicitur nomen Domini , & qui habes semen in Sion , & domesticos in Jerusalem , qui te vicissim in tabernacula æterna suscipiant. . . . Tibi felix à peccatis egestas , & beatæ in virtutibus opes sunt. Tu & inter illos pauperes jure numeraberis , quorum est regnum cœlorum , & inter illos divites , quorum possessio civitas firma est , quia spiritu Dei dives es , & tuo pauper. Tales enim divites cum pauperibus suis*

(h) *Sur. 14. Apr. vitæ p. 2. c. 1.*

(i) *Pf. 18.*

diligit Deus, & sacris litteris celebrat, paginarumque perennium autoritate nobilitat.... Cum his divitibus tibi fors est, quia eundem Deum divitiarum tuarum causam esse meministi, liber avaritiæ, quia servus justitiæ. Iniquo mammonâ justè uteris; nec captivus, sed verè dominus es pecuniæ tuæ, quia possideris à Christo, cui captiva est ipsa captivitas.... Perge quò curris, ut apprehendas, in quo apprehensus es: enitere per angustam viam, ut pervenias in amplam possessionem hæreditatis æternæ. *Hæc Alethio Paulinus, qui & Severo Sulpitio scribens, (k) Nihil, inquit, habemus nisi Christum; & vide si nihil habeamus, qui omnia habentem habemus. Vnde & theodidactus Thomas: Cùm Christum habueris, dives es, & sufficit tibi. Ipse erit provisor tuus, & fidelis procurator in omnibus, ut non sit opus sperare in hominibus. (l) Beatus populus, cujus Dominus Deus ejus. (m) O Domine Deus meus, & Domine Deus noster, ut veniamus ad te, fac nos beatos de*

(k) Ep. 5. (l) De imit. Christi l. 2. c. 3.

(m) Ps. 143.

544 CONSIDERATIO XXVIII.

te. Nolumus de auro , neque de argento , nec de fundis : nolumus de terrenis istis vanissimis , & de caducæ vitæ transitoriis. Non loquatur os nostrum vanitatem. Cùm tenuerimus te, nec te perdimus , nec nos perimus. Fac nos beatos de te , quia beatus populus , cujus est Dominus Deus ip-
sius. (n)

(n) *Aug. de verb. Dom. serm. 35.*





CONCLUSIO.

NOlite diligere mundum, neque
 ea quæ in mundo sunt. (a) Quia
 omnia hæc conspectui nostro insidiosis
 coloribus lenocinantur. Vis illa oculo-
 rum attributa lumini, non applice-
 tur errori; & cum vitæ usibus pateat,
 non admittat causas mortis. (b) Le-
 gisti, mi Christiane, & attentè, uti qui-
 dem existimo, perpendisti, quæ Considera-
 tionibus hisce complexi sumus ex divinorum
 Codicum, Patrum, aliorumq; Scriptorum
 effatis atque historiis; adversus Concupis-
 centiam oculorum, malorum omnium
 radicem; deprehendisti divitiarum terrena-
 rum vanitatem, instabilitatem, cupiditatem
 insatiabilem, tyrannicam servitutem, peri-
 cula, abusum exitialem; contrà verò, ob-
 servasti quaestuosam illarum profusionem,

(a) 1. Ioann. 2.

(b) Eucher. parænet.

contemptum fructuosum, paupertatis thesaurum, veras denique uniceq³ sectandas divitias. Nec dubito, quin & juxta cum sacris illis oraculis, ut hominem, ut Christianum addecet, sentias, eas quas male mundus nuncupat divitias, efflictim concupiscit, insanè prosequitur, omni aggerat servatq³ studio, re ipsâ divitias non esse; nec incerta illa, quæ fortunæ vocant bona, bona esse, ut quæ animum non satient, possessorem bonum non efficiant, non comitentur custodem: nihilq³ ab illis utilitatis dimanare, nisi humano Christianoq³ consilio, in rectum, ob quem à bonorum omnium largitore Deo commodata sunt, convertantur usum; expendantur in ejusdem naturæ, legis, atque divinæ promissionis ac spei participes: quorum inopiam cum sublevamus, Deo ipsi sua bona reddimus, multiplici fœnore recepturi etiam æternum, vel Christo ipso proficiente sibi fieri, quæ suis fratribus (hoc nomine egenos dignatur) ex charitate collata fuerint. Verùm qui Servatoris, propter nos egeni facti, intuitu & imitatione, bonis illis omnibus sese generosè abdicant, præferuntq³ voluntariam rerum terrenarum inopiam mundanæ affluentia, na ii beati atque adeò bonorum omnium

ditissimi ab incarnata Sapiencia pradican-
tur, & ex vero sunt; quia inundo vacui,
Deum possident, continentem & disponentem
omnia, quiq; curat ut nihil desit timentibus
eum. O felices inopes, quasi nihil
habentes, & omnia possidentes! quo-
rum Deus portio est, & hæreditas:
qui summam Christi paupertatem sectantes,
recipient multò plura in hoc tempore,
& in sæculo venturo vitam æternam.
(c) At enim ad veram illam actu ipso
sectandam paupertatem non sentis te move-
ri; nec, ut forte cuperes, liceret, istis re-
rum conditionibus, felixem istam sortem
amplecti: exue saltem noxium omnem atque
solicitem erga divitas affectum; iis utere,
non frui. Temporalibus (inquit mag-
nus Augustinus) (d) magis utendum est,
quàm fruendum, ut frui mereamur
æternis. Non sicut perversi, qui frui
volunt nummo, uti autem Deo: quo-
niam non nummum propter Deum
impendunt, sed Deum propter num-
mum colunt. Fœnerare Domino;
misertus pauperis; debitorem se tibi præ-
stabit, qui, quæ tibi donavit, à te per ma-
nus pauperum recipiet Deus, misericor-

(c) Luc. 18. (d) L. 11. de Civit. c. 25.

diam volens, & non sacrificium. (e) Neque enim ullus omnino cultus Deo perinde gratus est, ut misericordia (quandoquidem nec aliud quidquam est, quod Deo magis conveniat, utpote quem misericordia & veritas præcedant, & cui misericordia ante iudicium offerenda sit) nec ulli alii rei potius, quam benignitati benignitas à Deo rependitur; qui iustè remittitur, atque in pondere & mensurâ misericordiam ponit. (f) Conclude igitur eleëmōsynam in sinu pauperis; & hæc pro te exorabit ab omni malo. (g) Fac tibi amicos de mammona iniquitatis. (h) Nam si hæc bona per inopum manus in cœlum transtuleris, apparebunt sanè in tuum fuisse animum traducta, ita ut te vel morte præventum nemo his opibus fraudet: quin vitâ functus, abscedes, cœlo opulentus futurus & dives. (i) Enimverò duorum alterum faciendum est: ut vel omnia propter Christum deponamus, quo verè atque sincerè ip-

(e) Osee 6. (f) Greg. Nazianz. orat. 16.

(g) Eccli. 29. (h) Luc. 16. (i) Chrysost. serm. de misericordia tom. 5.

sum, sublata humeris cruce, sequamur; ac leves & expediti, nec ab ulla re in diversum tracti, ad superum mundum convolemus, Christumque loco omnium rerum elucemur, propter humilitatem elati, & propter egestatem locupletati; vel certe cum Christo opes nostras partiamur, ut ipsæ honestè possessæ, & cum iis, qui paupertate constricti sunt, communicatæ, sanctitate quadam imbuantur. (k)

Sed, inquis, ego quidem bonis, dum vixero, frui volo: post mortem verò in testamento hæredes facultatum mearum ac dominos, pauperes adscribam. Heu miser! tunc benignus ac liberalis hominibus eris, cum ampliùs inter homines non ages? cum te cadaver aspiciam, tunc fratris amantem appellabo? Scilicet magnâ dignus eris liberalitatis laude, magnus tibi honor debetûr aut gratia, si in sepulchro jacens & in terram conversus, magnificus ac sumptuosus apparebis. Dic, cujus mercedem temporis potissimùm exposces? vitæne an mor-

tis ? Nam si tempore , quod ad promerendum datur , in voluptatibus ac delitiis absumpto , pauperes nequaquam respexisti , mortuus cujusnam actionis aut operis mercedem petiturus es ? Ostende opera , & tum primum mercedem repete. Nullus enim post mercatum solutum negotiatur : neque demum post certamen accedens coronatur : nec post bellum fortia gerit : nec item post vitam , pietatis laudem præmiûmve capiet. . . . Quid igitur miser , teipsum decipis ? nunc opibus in luxu vivendo abutens , ac tibi ea promittens , quorum postea dominus non eris. Præsumptum hoc est consilium , quod capis. Vivens , ais , bonis fruar : decedens , quæ animo constitui ordinaviqûe , faciam. Erras , homo. Tunc Abraham tibi quoque dicet : Recepisti bona in vita tua. Si arcta est via quæ ducit ad vitam , non te divitiis oneratum ac opum sarcinam ferentem excipiet. Gestans divitias tuas hinc egredieris. Non enim illas abjecisti , ut jussus es. Cum viveres , vitæ æternæ te prætulisti : post mortem facies , quod hostes so-

CONCLUSIO. 531

lent. Etenim ne ille vel ille quem nolis, accipiat facultatem tuam, accipiet illam, inquires, Dominus. Morti ergo, non tibi, sit gratia. Si enim immortalis esses, nunquam mandatorum recordatus esses. Nolite errare : non decipitur, non deridetur Deus. Mortuum ad rem sacram non offertur. Viventem offer hostiam. Qui ex eis quæ supersunt, offert, ingratus est. Tu verò post mortem quæ supersunt, Deo omnium præbitori tribuis ? Si tu nobilem hospitem domi exciperes, eîne mensæ reliquias apponeres ? Quomodo ergo existimas, ex repotiis Deum placari ? Igitur vos alloquor, divites ac locupletes, respicite finem, à cupiditate desistite. Si possidetis, non amate. Quantò amantior fueris, tantò plus eorum, quæ ad te nihil pertinent, nihilque profutura sunt, relinques. Volo, tecum feras omnia, ne alienis relinquas. . . Bonum sepulchrum est pietas. Omnibus tuis ornatus hinc discede ; fac, ornent te tuæ divitiæ. Habe illas penes te. Crede optimè consulenti, teque amanti JESU Christo, qui ob

nostram salutem egere voluit, ut ex ejus paupertate nos divites essemus: qui etiam sese pro nobis redimendis pretium obtulit. *Hactenus magnus Basilii: (l.) cui consonat Chrysostomus, atque inter alia, Non est, inquit, istud pecunias contemnere, quòd jam moriturus, nec dominus cujuscumque rei existens, vel isti vel illi aliquid largiris. Non ex bonis tuis jam das, sed ipsâ necessitate coactus illa relinquis. Mortis hæc est gratia, non tua: istud non est benevolentiae, sed violentiae imputandum. Verumtamen vel sic liberalis esto; vel sic avaritiæ passionem excutito. (m) Non pavisti Christum, dum viveres? Saltem abiturus hinc, quando jam non amplius eorum, quæ possidebas, usum ac potestatem habes, tua illi contribue; non erit, quemadmodum benignus est, curiosus aut difficilis erga te. Majoris quidem amoris signum fuerit, majoreque dignum mercede, si Christum, dum vivis, paveris: si verò istud non fecisti, vel, quod secundo loco licet, aggredere; nimirum,*

(l) *Basil. hom. 7. in divit. avar. (m) Chrysost. in ep. Ephes. 60, 18.*

nimirum, relinque illum filiis tuis co-
hæredem. (n)

*Eundem Servatorem audiamus, graviter
mortales omnes monentem :: Nolite the-
saurizare vobis thesauros in terra. (o)*
*In qua verba pulchrè Origenes: Nihil in
terra firmum, nihil stabile, nihil tutum;
omnia infirma, omnia caduca, omnia
temporalia & transitoria. Vita pertransit,
juventus senescit, honor auferitur,
divitiæ fugiunt velut aliquis fugitivus,
divertentes ab alio in alium transeunt,
meretricio more amorem fingentes,
& nulli fidem servantes... Quid ad-
juverunt Pharaonem illi plures the-
sauri Ægyptii? Nónne repentè in ma-
ris profundo absorptus est? Quid ad-
juverunt Nabuchodonosor Rëgem to-
tius pariter orbis divitiæ congregatæ,
& in Babyloniam translatae? Nónne
elusus est de throno gloriæ suæ, &
de medio hominum subito separatus
est? .. Quid adjuvit Balthasar filium
ejus, quòd ipse post patrem suum in-
numerabiles terrenas congregavit di-
vitiæ? Nónne percussus statim in ea-
dem nocte periit? Quid dicemus de*

A a

(n) Chrysost.in ep. Rom. hom. 18. (o) Matth. 6

aliis multis , qui illi simulantur , de quo in Evangelio scriptum est , quòd horrea sua destruens , majora ædificare quærebat , sibi metipsi dicens : Habes multa bona multis thesaurizata annis ? Propterea , ista qui colebat , relictis aliis , ablatum est , & illa quæ remanserant , ad alios sine dubio transierunt. Nolite thesaurizare vobis thesaurum super terram , hoc est , Nolite defodere sensus vestros cum divitiis in terra. Nolite recondere cor vestrum cum pecunia in perditionem ; quia multa pericula in thesauris sunt , multa offendicula in humanis divitiis . . . Thesaurizate vobis thesaurum in cœlo , ubi thesaurizaverunt sibi Beati omnes Deum diligentes. Ibi thesaurizavit sibi Abraham per hospitalitatem ; Job per egenorum miserationem. Illic thesaurizavit sibi Samuel per justa judicia ; ita David , omnesque Sancti : quorum vestigia sequentes , & vos omnes thesaurizate vobis thesauros in cœlo. (*p*) Nimirum inde fit ut nihil reputentur temporalia , si præ oculis habeantur æterna. (*q*) Qua-

(*p*) *Orig. in diversos hom. 4.*

(*q*) *Guaric. De S. Benedicto ser. 4.*

CONCLUSIO. 555

propter si honoribus opibusque capimur, veris opibus, veris honoribus excitemur. Optimus quisque in cœlestes honores, in cœlestes opes, terrenos honores, terrenas opes transfert; illuc utique, ubi bonorum ac malorum summa & inconfusa discretio est; ubi, quod semel adipiscimur, semper tenemus; ubi, si locus obtinendi ullus fuerit, amittendi nullus erit. (r)

In cœlestibus debet esse habitatio tua; & sicut in transitu, cuncta sunt aspicienda. Transeunt omnia, & tu cum eis pariter. Vide ut non inhæreas, ne capiaris, & pereas. (s) Christus thesaurus tuus ascendit in cœlum; ibi sit & cor tuum. Inde ducis originem; ibi habes Patrem & hæreditatem; inde expectas Salvatorem. (t) Hospes es hîc & peregrinus; patriam habes in cœlis. Illuc omnia trans mitte, ut & antequam fruaris, hîc retributionem capias. Qui enim bonâ spe alitur, & de futuris confidit, hîc jam regnum gustavit. Nihil enim tantum animam reparare consuevit, & meliorem fa-

A a 2

(r) *Eucher. par. en.* (s) *Kemp. de imit. l. 2. c. 12*

(t) *Guarric. ser. de Ascens. Dom.*

cere, quàm bona futurorum spes, si eò transmittens divitias, animæ tuæ curam cum otio congruo egeris. (u)

Si vis esse quietus, nihil sæculi appetas. Semper requiem mentis habebis, si à te curam mundi abjicias, semperque quiete æternâ fruëris, si te à strepitu terrenarum rerum abstraxeris.

(x) Sursum cor. Quid ponimus cor in terra, cùm videamus, quia evertitur terra? (y) Cor humanum in desiderio æternitatis non fixum, nunquam stabile esse potest: sed omni volubilitate volubilius, de alio in aliud transit, quærens requiem, ubi non est. In his autem caducis & transitoriis, in quibus ejus affectus captivi tenentur, veram requiem invenire non valet; quoniam tantæ est dignitatis, ut nullum bonum, præter summum bonum, ei sufficere possit. (z) Dico igitur Domino Deo: Deus meus es tu. Et dicit mihi Dominus: Ego Dominus Deus tuus. Homo, cujus Deus est, quid amplius quærit? Si

[u] Chrysost. ho. 2. ad Pop. [x] Isid. Hispal. de norma v. verdi n. 16. [y] Aug. de verb. Dom. ser. 29. [z] Aug. Manuali. c. 25.

sufficis tu Deo, sufficiat tibi Deus. Bonorum tuorum Deus non indiget, nec conferre potes ei quidpiam, nec auferre. . . Quid tu ei quasi indigo conferres? Te solum bonitate non necessitate desiderat. . . Esto tu Dei, & erit tuus Deus tuus. (aa)

Ergo anima nostra, quæ Deo vult appropinquare, eleuet se à corpore; semper illi summo adhæreat, illi bono quod est divinum, quod est semper. . . Et idèò terras fugito, in quibus invidia est, ubi ambitio. . . Boni illius pacem se anima tua præbeat, ut supra nubes volet. . . exuat vetera, abjiciat erroris desideria, abluat oculos suos, ut videat illum fontem veræ sapientiæ, illum fontem vitæ æternæ, qui affluit atque exundat omnibus, nullius indigens. Quis enim dedit illi, cum ex ipso, & per ipsum, & in ipso omnia sint? Vitæ igitur fons est summum illud bonum, ex quo vivendi substantia ministratur omnibus. . . Quis autem peculiatus ad vitam æternam transit, nisi virtutum fultus peculio? quod receptum omnibus, solis divitibus

A a 3

[aa] apud Cyprian. de Ascens. Dom.


impossibile pronuntiatur. Non ergo his (*terrenis*) uti, beatum est; sed illud videre, quo ista despicias, & vana veris refellas, atque inania & cassa judices; illam nudæ veritatis pulchritudinem diligas, quæ has sæculi fucosissimas vanitates redarguat. Erige igitur oculos, anima, tuos: (*bb*) ne respicias in vanitates & insanias falsas. (*cc*) Qui temporalia bona, qui sæculi gaudia peritura sectatur ac diligit, quæ & quanta sit multitudo supernæ dulcedinis, non didicit. Quis enim, cui Deus dignatur esse possessio, aliquid aliud quærit? aut quis non pro amore illius, omnia quæ putantur magna, contemnit? Ergo qui vult Deum possidere, renuntiet mundo, ut sit illi Deus beata possessio. (*dd*) Fit nobis ipse possessio, si sæculum relinquamus, si possessioni terrenæ labili renuntiemus, si hæreditatem caducorum respuamus, si viventes de sæculo exeamus. (*ee*)


(*bb*) *Ambr. ep. 11. ad Irenæum.* (*cc*) *Pf. 39.*

(*dd*) *Prosper de vita contempl. l. 2. c. 16.*


(*ee*) *Hilar. in Pf. 118. litt. Heth.*

FINIS.











8-1

